

四川大學古籍整理研究所編

儒藏

史部
第九十冊

四川大學出版社

B222
30
(90)



儒藏

清华大学图书馆
藏
P06

B222
30
(90)

四川大學古籍整理研究所 編

儒藏·史部

儒林年譜

第四十冊

四川大學出版社 二〇〇七年

國家「211工程」重點學科建設項目

國家「985工程」創新基地規劃項目

中國孔子基金會重大項目

目錄

述庵先生年譜	清·嚴榮編撰	一
王文端公年譜	清·阮元編撰	一〇九
程易疇先生年譜	羅繼祖編撰	一五九
甌北先生年譜	清·佚名編撰	二二九
錢辛楣先生年譜	清·錢大昕自撰 錢慶曾續編	三一七
朱笥河先生年譜	羅繼祖編撰	四一一
弇山畢公年譜	清·史善長編撰	四五一
病榻夢痕錄	清·汪輝祖口授 汪繼培汪繼壕記錄 汪繼坊整理	五八九



儒藏

目錄

述庵先生年譜

清·嚴榮編撰

劉琳校點

郭齊一審

周斌二審

清嘉慶十二年刻本

《述庵先生年譜》二卷，清嚴榮編撰。清嘉慶十二年青浦王氏塾南書舍刻本《春融堂集》附。

王昶（一七二五—一八〇六），字德甫，號述庵，又號蘭泉，江蘇青浦（今上海青浦區）人。乾隆十九年進士。授內閣中書，直軍機房。會征緬甸、大小金川，以統帥幕僚隨軍，在軍中九年。累遷鴻臚寺卿、大理寺卿、都察院副都御史。歷江西、陝西、雲南等省按察使、布政使，官終刑部右侍郎。致仕後主婁東、敷文兩書院，兼修志乘。嘉慶十一年卒，年八十三。工詩詞，為吳中七子之一，在京師與朱筠互主騷壇，有「南王北朱」之稱。著述甚富，主要有《春融堂集》、《金石萃編》、《明詞綜》、《國朝詞綜》；與修《通鑒輯覽》、《平定兩金川方略》、《清一統志》等。

此譜編者嚴榮為王昶婿，吳縣（今江蘇蘇州）人，乾隆間進士，曾任翰林院編修、金華知府。據其自序稱：「乾隆辛巳、癸未、丙戌間，先生門下士景孝廉人龍嘗敘先生籍貫履歷以為譜。越十餘年，先生在蜀，族弟啓焜又續譜之。更十餘年，今泉州太守王君紹蘭又為增撰。然此三本所載間有參差出入，而各人紀載之法亦殊。榮不自量，竊欲合為全譜，以示來茲。乃於公餘之暇，詳悉考覈，釐為二卷，附諸集末。」由於編者與譜主的翁婿關係，見聞親切，故此譜記載翔實，而尤詳於譜主的著述及其與同時代許多學者文人的交遊；對征緬甸、金川也有較詳的記敘，有較高的文獻價值。

序

先生自通籍登仕途、四十餘載、跋歷中外、文事武畧、皆能以功名自顯、而學問文章之業、未嘗一日忘。執掌之餘、更勤著撰、纂緝積至數篋。迨七十歲、乞身歸田、又復兩入京師、還主婁東敷文兩書院、兼修志乘。故前所著撰、久欲詮次而未果。及在敷文、目漸眚、乃亟請同志者考定編纂、而春融堂集亦以次編成。綜計先生編撰、春融堂集而外、若金石萃編、琴書禮詞鈔、青浦詩傳、湖海詩傳、明詞綜、國朝詞綜、俱已剞劂行世。其餘尚有四十餘種、彙藏於家、等身之富、不足多矣。今先生已歸道山、諸同志請將年譜刻於詩文集之末、以資讀者瀏覽、錄譜寄示。榮忝在館甥、已將三紀、先生事蹟固已熟志之。而乾隆辛巳、癸未、丙戌間、先生門下士景孝廉人龍嘗



缺页

述庵先生年譜上

吳縣 嚴 榮 瑞唐編

先生名昶、字德甫、號述庵。又因有蘭泉書屋、琴德居、故時亦以爲號焉。先世居浙江蘭溪縣高祖懋、忠字思岡、始遷江南松江青浦縣西珠街角鎮。曾祖之輔、字幼清、贈資政大夫大理寺卿。晉贈光祿大夫、刑部右侍郎。祖璵、字魯淵、父士毅、字鴻遠、皆敕贈文林郎、內閣中書舍人。再贈奉直大夫、吏部考功司主事。三贈資政大夫、大理寺卿。晉贈光祿大夫、刑部右侍郎。曾祖母雷氏、祖母沈氏、嫡母陸氏、生母錢氏、皆晉封至一品夫人。三代事實詳馬庶常曾魯所撰行狀及盧學士文昭墓志。錢少詹事大昕神道碑中。



雍正二年甲辰先生以十一月二十二日未時生。時光祿公年四十有五尚乏嗣。春游杭州。禱於靈隱寺。夢人授之蘭。明日市蘭以歸。遂兩旬。蘭茁笋二。一才出土。殞其一。長尺五六寸許。葉森森如巨竹狀。及夏沙燕栖於楹。同窠而異穴。人以爲祥。至冬陸太夫人孕男。不育而錢太夫人生先生。

三年乙巳二歲。

四年丙午三歲。

五年丁未四歲。光祿公授以宋周伯弼所選三體詩。兩月而畢。

六年戊申五歲。讀楊用修廿一史彈詞。粗知歷朝事及古今名賢崖畧。

七年己酉六歲。少羸。善病。是年尤劇。

八年庚戌七歲就傅從同邑姜受百秀才周道受業。

九年辛亥八歲。

十年壬子九歲。

十一年癸丑十歲。

十二年甲寅十一歲。

十三年乙卯十二歲。

乾隆元年丙辰十三歲從同邑胡墅東貢生王道受業時初學制舉義矣先是光祿公撰集史記屈原以後迄於明季凡正人君子一百二十人爲百世師錄塾中歸每日授二三十行。

二年丁巳十四歲。

三年戊午十五歲從崑山蔡文舟貢生戴受業。



儒藏

四年己未十六歲。光祿公年六十。

五年庚申十七歲。從同邑陳穎傳貢生詩受業。秋試於府。

爲知府山西劉君堯齋所知拔置第一。

六年辛酉十八歲。二月應院試。學政工部侍郎桐城張公廷

璩以第一名入學。先生先於蔡貢生館中得東野堂韓集歸

震川集張炎山中白雲詞讀而愛之。至是乃始學爲詩詞。

七年壬戌十九歲。秋游神余橫雲諸山汎泖湖作詩多效陶

謝王孟體。同里張行人榮劇獎賞之。

八年癸亥二十歲。先生曾祖阡在吳縣靈巖山後硯山西鄉

峯以春日祭掃遂游支硎光福石湖諸勝。

九年甲子二十一歲。正月娶鄒夫人。夫人爲宋龍圖閣直學

士鄒忠公裔申蕃先生維翰之女居元和縣章練塘其間

世德詳無錫鄒氏家譜。二月、從光祿公游西湖、入雲隱、天竺、
抵韜光寺、得詩十數篇。乃彙前所作、編爲蘭泉、自序集。四月、
光祿公病、八月二十二日逝。時先生侍疾日久、其勞彌甚、瘡、
刺交作。十一月、生子肇春。

十年乙丑、二十二歲。正月、肇春殤。

十一年丙寅、二十三歲。十一月、服除。先生居喪讀禮、不作詩、
文。

十二年丁卯、二十四歲。褚左義秀才

廷璋

見先生詩詞、獨先

生族兄鳳喈秀才

鳴盛

移書相贈。三月、在長洲、謁蔣迪大

業、楊文叔

繩武

兩編修、勸學古人、以宋文憲爲法。八月、應江

寧鄉試、國子監祭酒尹公

會一

爲學政、錄科第三。長洲吳企

晉教諭

素素

來定交、報罷。後往宜興、游西沈、晝畫溪、諸勝、因



摹國山碑以歸。金石之好蓋自此始。

十三年戊辰二十五歲。二月學政兵部侍郎莊公有恭歲試

取第六補增廣生。乃與張策時秀才熙純趙升之秀才文

凌叔子秀才應曾輩十六人爲文酒之會。三月游虞山還訪

陳見復進士祖范五月見惠定宇秀才棟因識沈冠雲貢生

形李客山布衣果定宇博通經術于漢學最深冠雲通三禮

又與客山竝以古文稱自是潛心經術吳下詩人年齒倍于

先生者亦多爲忘年友。

十四年己巳二十六歲。巡撫宗室雅爾哈善課所屬州縣諸

生能文者取入紫陽書院肄業先生試第一。監察御史王公

次山峻爲院長同院中如褚捐升秀才寶亮錢曉徵秀才大

曹來殷秀才仁虎皆以經術詩古文互相砥礪。

十五年庚午二十七歲。四月、學政國子監祭酒蒲坂崔公紀科試取第一、補廩膳生。五月、禮部侍郎沈公歸愚德潛以年八表予告歸、鳳喈、曉徵、來殷及先生皆游其門。

十六年辛未二十八歲。王公次山以病歸、常熟沈公歸愚爲院長。春二月、鑿輅南巡、曉徵、招升獻賦。行在、先生以病未及與試。秋、沈公甄錄先生、鳳喈、企晉、曉徵、升之、來殷及上海黃芳亭孝廉文蓮詩爲吳中七子詩選。企晉別業遂初園、在木瀆、擅花木、水石之勝、清瑤池館、小查山閣、尤幽秀。先生定宇、鳳喈、曉徵、來殷及張古樵剛、沙斗初維村諸公往游、文酒之盛爲吳中數十年來所未有。自庚午至是兩年詩編爲三泖漁莊集。

十七年壬申二十九歲。恭遇



儒藏

述庵先生年譜 上

皇太后六十萬壽以春二月舉鄉試正月偕企晉赴金陵

山朱觀展孝廉和復大會諸名士于秦淮凡二百四十餘人

爲江南友聲二集先生與焉四月銅山周貢生鍾崇以經學

薦抵吳來相見九月莊公復任學政歲試第六試詩賦第一

十八年癸酉三十歲先生館于朱適庭上舍昂疎雨樓其弟

肅徵莅恭子孟容履長仲霖用雨皆受業三月學政通政使

寧化雷公鉉科試第三試詩賦經學皆第一七月赴金陵

陶衡川秀才湘嚴東有秀才長明及程魚門秀才晉芳定交

鄉試中式第十一名正考官內閣學士禮部侍郎蒙古夢公

麟副考官翰林院檢討定興王公太岳同考官如皋縣知縣

海寧陳公琨十一月由鎮江揚州至如皋陳公以公事出傳

族弟南明啓焜留於署者十餘日邑中姜靜宰孝廉恭肅

篤周貢生

增祐

輩皆舊交同游水繪園弔辟疆遺跡爲詩以

紀其事時夢公已任學政十二月還至江陰往謁公出午塘集屬序且詢吳下諸文士先生以企晉升之策時東有告焉江陰翁霽堂徵君照年七十餘夙與先生交好至是訪之盤花旋竹兩日而行是冬刻鄭學齋集

十九年甲戌三十一歲正月北上二月抵京師禮部侍郎無

錫秦公

蕙田

方仿徐氏讀禮通考之例纂五禮通考屬先生

修吉禮三月會試內閣學士鄒公

一桂

知貢舉正考官大學

士海寧陳公

世倌

副考官禮部侍郎滿洲介公

福

內閣學士

武進錢公

維城

榜發先生中二十四名鳳喈曉徵皆中式同

考官爲給事中臨川李公

友棠

時先生名滿輦下秀水諸襄

七贊善

錦

嘉興鄭炳也編修

虎文

保昌胡靜園御史

定

以文



儒藏

述庵先生年譜 上

草風節名皆愛重先生而內閣學士仁和金公德瑛尤數招

往談讌因與秀水錢坤一編修載王受銘舍人又曾鉛山蔣

心餘孝廉士銓友善四月試於太和殿讀卷官爲大學士

滿洲來公保大學士溧陽史公貽直協辦大學士刑部尚書

滿洲阿公克敦協辦大學士戶部尚書常熟蔣公肅刑部尚

書諸城劉公統勳戶部侍郎武進劉公綸兵部侍郎安溪李

公清芬刑部侍郎漳州蔡公新工部侍郎新建裴公日修及

陳介錢三公先生以莊君培第二甲第七名成進士又

朝考於保和殿欽定第三名因驗看揀選入三等不得

用歸本班候銓選仍寓秦氏味經軒月餘山東吳凌雲運使

上功以書幣來請乃赴濟南運使使其子廷韓玉綸及楊星

標懷棟受業署中經史頗具又濟南山水名天下先生益稱



心經術。暇日偕其徒游大明湖、龍華橋、柳絮諸泉之勝。光祿寺卿沈公子大起起元爲灤源書院院長、號善言易者、見先生如夙契也。十月以辭家久、歸省、抵蘇州、而陸太夫人已于是月二十四日逝矣。先生既痛不能侍疾、又不及躬視含殮、終天之恨、慟不欲生云。是年詩編爲履二齋集。

二十年乙亥三十二歲。居憂。夢公約往校文、兩淮盧雅雨運使見會邀往揚州、皆不赴。吳縣汪心揆秀才爲善偕其弟應奎與受業於先生。沈公歸愚所刻七子詩選流傳日本大學、頭點真迦兒而嗜之、附書番舶以上。沈公又每人寄憶一詩、寄先生云：新吟兩卷重麻沙、海雨江風入齒牙。洵有詩書歸典則、偶將烟月鬪芳華。人如句曲陶宏景、詞比新宮蔡少霞。我欲據梧同詠嘯、滄溟何處覓靈槎。

二十一年丙子、三十三歲。冬、將釋服、乃赴揚州運使之招。

二十二年丁丑、三十四歲。運使使其子及孫受業。時程午橋

編修夢星、馬秋玉同知日珩、佩兮日珩、兩兄弟、江賓谷言生

昱于九恂兩兄弟及其家橙里昉、聖言炎、汪對琴秀才棟、臨

潼張榆山貢生四科為地主、酒坐詩場于斯為盛。二月、鑾

輅南巡、召試獻賦諸生。兵部侍郎李公因培任學政、以先

生所獻迎鑾詩賦進呈。三月、召至江寧、試精理亦道

心賦、鴻漸于達①詩經義制事異同論、命乞養在籍、協辦大

學士吏部尚書錢塘梁公詩正、兩江總督滿洲尹公繼善、左

副都御史諸城竇公光薰、閱卷、欽定一等第一、賜內閣

中書舍人即用。同賜官者為曹仁虎、韋謙恆、吳省欽、褚廷

璋、吳寬、徐曰璉、凡七人。四月、歸里。六月、復往江寧、寓袁子才



明府枚隨園見總督尹公。時程綿莊徵士廷祚通易頗不喜
 象數先生與之申鄭虞之說無以難也。訪新建呂青陽布衣
 素得其十學新傳以歸。八月赴錢塘謁梁公於里第。天台齊
 次風侍郎召南方爲敷文院長杭大宗編修世駿亦家居先
 生往見之。佛者讓山象玉居萬峯山房大恆明中居淨慈寺
 以詩畫名。先生過精舍盤旋移日。居二旬至吳下寓蘋花水
 閣。歸九月鄒夫人病瘵日久不離牀蓐扶掖湯藥左右需人
 錢太夫人謀置筵室以供指使於是納許孺人。踰月將爲北
 行計因往江陰辭學政李公遂出大江泝圖山而下過焦山
 鐵機上人留信宿去。抵揚州仍寓運使署中。而紅橋篠園平
 山堂亭榭花木風景益勝。運使屬撰紅橋小志以紀其盛焉。
 是年在揚州度歲。

二十二年戊寅三十五歲。正月無錫顧震滄司業棟高來揚

州以所註尚書屬考定。居數日東還。奉錢太夫人北行。四月

閏座主陳公子告南還。薨于途次。謚文勤。五月抵京師。寓

椿樹衢。八月夢公以兵部侍郎卒于位。梁元穎侍講同書

梁公長君也。工詩善書法。性幽澹。不妄與人往還。而獨與先

生甚密。十一月補授中書。編丁丑戊寅詩爲述庵集。

二十四年己卯三十六歲。先是梁公以工部尚書召入都。

旋改兵部。二月招先生館于邸第。校勘續文獻通考。大學士

溧陽史公常熟蔣公皆以國士相待。是秋回部平奉旨加

一級。都中以經術文章名者。莊方耕閣學存與申拂珊府丞

用盧紹弓中允文治楊二恩編修述曾紀曉嵐編修時朱美

叔編修筠石君珪馮君弼寺丞廷丞祝豫堂舍人維諧吳荀

叔舍人原皆來、數晨夕連茵接軫、聞者慕之。四月考試、差于乾清宮、閣、部、翰、詹、科、道、各衙門進士出身者凡一百五十餘人、

上定先生第一。八月充順天鄉試同考官。正考官錢塘梁公、副考官左都御史滿洲觀公保。先生分校詩經五房、得彭光斗、吳璜、夢吉等十一人。九月協辦內閣侍讀。十一月直軍機房。是月詔修通鑑輯覽、以先生爲纂修官。二十五年庚辰、三十七歲。

皇太后萬壽開科、四月試各衙門諸臣子。圓明園正大光明殿、太倉邵鴻箴編修嗣宗第一、嘉興謝崑城編修塘次之、先生第三。八月復充順天鄉試同考官。正考官戶部尚書武進劉公綸、副考官禮部侍郎介公福。先生分校詩經四房、得



申兆先、白麟等十人。是月初七日，鄒夫人卒，年三十六歲。十月遷，教子衡、衡趙給事。吉上寄園故址，屋內古木八九章，

皆數百年物。先生署其室曰蒲褐山房，曰聞思精舍，境地深

靚，市廛隔絕。先後與趙雲松編修翼翁振三編修方及族

子蓬心京為鄰。蓬心，麓臺侍郎原曾孫，為作圖以贈。良朋

萃止，黃葉盈除，爐香斷續，儼然如在外也。先生作八絕句

以之，後門人烏程張漢宣彤書之，而刻置於壁。十一月，

萬壽恩詔加一級。詔輯同文志，以蒙古、額魯特、回部三種

字合於國語，證以漢字，凡天地山川器物等名，用三合切其

音，又為註釋，而疏通之。先生兼充纂修官。時秀水尚書錢公

陳羣以祝

釐入都，造訪寓齋，輒譚藝竟日。



儒藏

述庵先生年譜 上

二十六年辛巳三十八歲。春三月充會試同考官。正考官諸城劉公統勳副考官戶部侍郎金壇于公敏中及觀公保先生分校詩經三房得孫嘉樂馬曾魯吳興宗黃楷等十一人。是年於會試薦卷中錄其佳者爲中書舍人學正等官得沈世燾等四人而吳廷韓汪心揆亦成進士授庶吉士。五月京察一等奉旨加一級。七月心揆歿於京邸。是年春納陸孺人。

二十七年壬午三十九歲。三月座主介公卒。四月復試各衙門諸臣于乾清宮翁振三編修第一張懷月舍人霽次之先生第三。五月生女粹卿名慧仁。陸孺人出。八月又充順天鄉試同考官。正考官梁公詩正副考官觀公保先生分校尚書三房得景人龍施朝幹達勇等十一人。冬十二月大學士

公傳恆奏請以主事用刑部尚書舒公赫德請爲其屬。時人士造謁者甚衆，而先生閑靜狷介，非文行有志節者謝弗見。以是入其室，研席蕭然，風味不啻書生也。

二十八年癸未四十歲。二月充會試同考官。蓋自己卯庚辰、辛巳、壬午連年五次點充同考，論者謂自來名翰林所未有。可入李文公卓異記也。正考官刑部尚書秦公惠田副考官

戶部侍郎仁和王公

際華

吏部侍郎滿洲德公

保

先生分校

春秋二房得吳靈、楊慰、蔣鳴鹿、甯有誠等十一人。是年廣西、湖南、雲南、貴州文鮮佳者，秦公彙諸房遺卷屬先生合校之。緣是同考者頗不悅。五月二十一日

上啓 蹕幸熱河，先生從。八月十六日隨 輦進木蘭較獵。

八月二十二日還京師。十一月梁公薨于位，謚文莊。晉 贈

太傅。

二十九年甲申、四十一歲。二月、補授刑部山東司主事、兼辦秋審處。隨駕詣

泰陵、往還凡十九日、撰西陵扈從記一卷。四月、京察一等。七

月初八日、又隨往木蘭。陳星齋通政光崙以上書房隨

蹕、途次恆有倡和。九月、還京師。十月、充方畧館收掌官。十一

月、紹興商寶意太守盤授雲南知府。寶意老詩人、先生集同

人餞於畢秋帆修撰沅疎雨樓、以詩送行。寶意稱先生詩爲

最。先是三藏聖教中頗有俚俗猥瑣者、

上命諸城劉公詳加刪定、公以屬先生、與汪康古舍人孟第

取經律論按日排閱、凡六閱月而畢。擬刪唐智昇開元釋教

錄畧出五卷、因開元釋教錄已入藏。元僧祥邁辨偽錄六卷、辨道士邱處機李志



儒藏

述庵先生年譜 上

常等非毀佛法之僞。明永樂製序讚文一卷奏進、

而稱述楊璉真伽。

上從之。先生素通禪理。及是三乘七部窮源溯流。於宗教性相之旨益淹貫融洽矣。自己卯至是六年。詩編爲蒲褐山房集。

三十年乙酉四十二歲。五月京察一等奉 旨加一級。六月

充方畧館提調官。七月復隨往木蘭。是秋彭君光斗爲福建

永定知縣鄉試分校得林崑瓊等七人。

三十一年丙戌四十三歲。二月

上詣

東陵還駐盤山。先生從視河淀。三月還京師。四月西域同文志告成議敘奉 旨加一級。是月陞授刑部浙江司員外郎。戶部員外郎西紳素以譎橫稱與兄西慶有郤會其三月幼



孫死、孫之乳嫗、西慶姜之嫂也、欲藉以誣西慶主謀、故殺刑其乳嫗、并及其夫、酷甚、將誣認。先生不可、大學士諸城劉公暨署刑部尚書李公侍堯乃使諸司十三人覆驗、果無毒狀、於是僅坐乳嫗壓斃罪、餘皆得釋。七月二十九日、陸孺人歿。三十二年丁亥、四十四歲。春、陞授刑部江西司郎中。上幸天津、先生從。七月、復隨往木蘭。陸璞堂秀才伯焜來京、師寓蒲褐山房。璞堂、文定公樹聲七世孫、而再從兄、本蕃之

女夫也。十月、兼校經咒館。

上稽古石文、尤深梵筌、開經咒館、令章嘉國師偕其徒重譯首楞嚴經及諸經秘密咒語、凡漢唐文字、番僧所未通、須講解之、故有是職。是年、納賁孺人。自乙酉至是年、詩爲聞思精舍集。

三十三年戊子、四十五歲。四月、京察一等、奉旨加一級。又奉旨交軍機處、以道府記名。開續三通館、凡纂修條例、屬先生與褚君左義撰定而奏進之。七月、兩淮鹽使提引事發、先生與趙君升之坐言語不密、罷職。時緬甸未靖、詔以伊犁將軍阿公桂爲兵部尚書、定邊右副將軍、總督雲南、貴州。阿公文勤公克敦子也、素知先生學問幹濟、由是請以從、詔許之。十月初十日發京師、十二月二十四日入滇境、二十七日始抵雲南府。先生所歷楚黔諸境、搜奇覓險、詩益富。取韓詩外傳、饑者歌食、勞者歌事之意、名曰勞歌集、迄於凱還而止。蔣舜游檢討鳴鹿序之、以爲屈子之騷問、杜陵之詩史、彙而成此。

三十四年己丑、四十六歲。正月初三日、由雲南府起程、十一



日過下關。十八日抵永昌。阿公已出萬仞關。往止丹山襲擊緬夷村寨。三月初三日往騰越。赴阿公招也。頃之得旨。命大學士忠勇傅公恆爲經畧。四月初八日。傅公由龍陵赴騰越。巡閱沿邊形勢。而阿公赴大理簡視馬匹。先生從。十八日還至永昌。二十一日還至騰越。七月初。猛拱土司遣兵頭目脫猛烏猛來降。請早發。而右副將軍以二十日啓行。二十三日抵蓋達。酷暑。明日出銅壁關。抵野牛壩。時連旬大雨。八月初十日抵蠻暮。九月十八日。水師出江口。賊來逆戰。擊敗之。十月初一日。傅公阿公里衮至江西岸。初十日合擊賊於江中。殲其頭目賓啞得諾。獲軍械器物無算。十一月十九日。緬酋懽駁以書乞降。經畧副將軍乃屬先生偕孫補山侍讀士毅草檄諭懽駁。允其降。而

上先以將帥士卒染瘴病歿者甚衆不宜冒昧進兵下詔班師十二月還永昌。

三十五年庚寅四十七歲先是傅公還至省城得旨令同阿公籌安邊善後事宜乃以正月初四日啓行十二日抵省定議入奏而各省兵之在邊者尚未盡撤阿公復還永昌先生同行至趙州取道詣雞足山謁大迦葉尊者道場止於石淙。遍游悉檀傳衣五大寺由猢猻梯陟金頂望西城雪山杳渺雲際二月初三日至永昌乘暇游金雞村云是呂凱故居也。浴於溫泉又登太保山諸葛忠武侯祠沙河寶山寺及龍泉亭諸勝而

上以撤兵三月緬酋貢表未至令彰總督寶遣守備蘇爾相持檄往責之。緬酋留蘇爾相阿公乃復馳赴邊徼九月緬酋



遣夷人具稟阿公請暫止襲擊之舉分兵駐各關隘十一月如騰越先生暇時過毘盧寺觀壘水河懸瀑又城中有魯家梅甚古城南有金家松屈曲如蟠螭恆攜酒榼吟嘯其下金氏子弟出見者爲指示文章流別是年浙江石門知縣黃楷鄉試分校得莫大邦等七人江西弋陽知縣吳興宗分校得戴心亨等八人自戊子從軍至是年正月凡山川風土行軍調發一一紀載成滇行目錄三卷征緬紀聞三卷

三十六年辛卯四十八歲時大兵久撤幕府清閒乃借性理大全語類或問王文成公集讀之求天人性命修身立行之要六月阿公罷用理藩院尚書溫公福代之八月溫公至永昌復奏畱佐軍事會四川小金川土司澤旺之子僧格桑指沃日咒詛發兵盡佔其地竝侵據明正土司濃等寨而金

川應襲土司索諾木亦併革什咱殺其土司。

上命溫公移師赴四川督辦溫公諱以先生行九月二十五

日與趙君升之暨中書舍人王君丹宸日杏發永昌行次合

江諸生段雲程午夜來送先生惘然占一絕贈之四川鄉試

孫君嘉樂爲副考官得葛良杰等六十人途次來謁者甚衆

十月初九日奉旨賞給主事隨往四川軍營辦事二十日

抵成都二十四日選授吏部考功司主事十一月

萬壽恩詔加一級赴西路進討自過灌縣路皆在山腰峭折

如綫下俯絕澗又連日冰雪凝凍騎馬險滑無比十二月初

二日僧格桑遣人訴沃日誑害狀溫公屬先生作檄斥其罪

十五日師克斑斕山抵達圍破斯密安進攻日耳寨除夕烽

火滿山鎗礮如雷雨聞呼戰聲殷山谷也至此著蜀微紀聞

四卷。是年吳興宗分校得黃壽齡等八人黃楷分校得張敬止等七人。

三十七年壬辰四十九歲。正月在日耳。二月參贊大臣五公岱與溫公評訟。詔罷五公。命阿公往北山木雅斯底代統其衆。先生從阿公督兵緣山而下。築卡斷日耳賊人來往路。三月初九日賊遞退據阿喀木雅。十一日賊復棄寨去。溫公從中路攻木蘭壩。阿公循北山攻美美卡。卡北有東瑪色渠諸喇爲別思滿賊人來路。與美美互援應。亦次第攻之。科爾沁親王色布騰巴爾珠爾及兵部尚書果毅豐公昇額以鞫五公事來于軍。時南路總督桂公林統兵次達烏。賊據險久不能克。乃以兵三千屬參將薛琮從墨壘溝經鄆舟山欲出賊後。既行大雨雪。兵無繼者。金川賊人由格六占來援。絕



後路糧盡，全軍皆沒。

上削桂公職，趣阿公督南路兵。阿公奏以先生從。五月十八日，自阿喀木雅啓行，二十三日抵成都。六月初四日抵卡丁。接到部咨，于進勦小金川，攻克斯底葉安寨內，議敘軍功，加一級，紀錄二次。八月，接到部咨，于攻克東瑪寨內，議敘軍功，加一級，紀錄二次。十月，接到部咨，于攻克資哩寨內，議敘軍功，加一級，紀錄二次。時計達烏久不攻，賊必無備，乃於十一月初四日子刻潛師渡溪，據其砌卡。翁古爾輩之賊亦恆駭，遂破其棚。二十四日，復以皮船渡水，破僧格宗。番人來降，皆釋勿殺，其得戶口六千餘。十二月初五日，克美諾、僧格桑走，占固溫公亦克蒙固寨，屈美諾會師。僧格桑遁入金川，澤旺降，械送京師。十三日，進討金川，議分三路。溫公偕參贊哈

國



興由空喀阿公偕參贊明亮由當噶豐公偕參贊舒常往綽
斯甲由日傍戍坡。先是阿公奏先生獨子母年七十有餘深
明大義。勗以殫心軍事。今從軍已五年矣。請量加拔擢。至是
得旨以吏部員外郎陞用。二十一日哈君病歿于占固。哈
君本回人。勇敢識兵機。善馭邊夷。軍中皆惜之。奉旨以海
蘭察代焉。二十四日還至僧格宗。二十九日進次郎車爾宗。
臘杪聞座主錢公以十一月病卒。是年四月許孺人病歿。
三十八年癸巳五十歲。正月初一日從師由美諾進發。次當
噶山。山脊長幾二十里。賊排十四礮于上。絕險處鎗礮可互
相援也。二十日攻最西山峯克之。二月二十六日三月二十
一日攻中兩大礮又克之。官兵營壘與賊錯處山脊上。兵少
弗能徑下。自春徂夏雨雪甚。賊礮在雲霧中。礮下徑仄而峭。

雨久泥滑如飴故久之未盡克。而將軍溫公自空喀移兵木果木。屢攻不得利。賊煽小金川人各反其地。先侵登達。占固提督董君天弼赴水死。遂分寇登春。八卦碛。海君與總督奪隘出。溫公兵潰。出營數里而歿。吳君黃趙君升之。王君丹宸歿於事。蓋六月初十日也。是月。接到部咨。于攻克翁古爾壘。案內議敘軍功。加一級。紀錄二次。金川既得美諾。乃悉其衆以犯當噶。兵皆力戰。賊不能逞。參將劉輝祖率一百四十餘人拒之。自亥迄寅。殺傷賊二百餘。而領隊大臣奎公林於色木則隘口拒賊。日十餘接。皆有殺傷。賊畏當噶兵堅。遂乞降。阿公知當噶不可守。姑如其請。七月初一日。撤至翁古爾壘。阿公奏。沃日係進討正路。請往視師。十五日。自翁古爾壘行。先生從抵成都署。按察使顧君晴沙光旭先爲死事諸大臣

立祠草堂寺側名慰忠且索先生撰碑文先生往奠哭之二十八日西行接到部咨于攻克僧格宗案內從優議敘軍功加二級時晨夕得警報而詔旨詢問無虛日先生日行三四站夜則具章奏治文書以是得疾八月初七日抵日隆關稍瘳是月接到部咨于攻克美諾案內從優議敘軍功加二級。

上發吉林索倫及京城健銳火器兩營又陝楚兵共一萬六千南路以明公亮為副將軍故侯副都統富公德為參贊大

臣其綽斯甲路副將軍參贊如故十月二十七日分兵進討

烏什哈達等先進襲美美卡據之額君森特由資哩克阿喀

木雅及沃日海君蘭察克北山之碩藏噶阿克爾布里合兵

上據兜烏十一月初八日兵至大板昭僧格桑復竄入金川



蓋八日而小金川地悉平。是月補授吏部稽勲司員外郎。議攻金川以明年正月三路合力進攻。是時得家書具知京城冬暖太夫人聞收復小金川捷爲加餐飯。

三十九年甲午五十一歲。正月朔自美諾啓行初十日抵谷噶駐營。時大雪賊拒喇穆都統海君等督兵進攻克之。九月接到部咨于收復美諾案內加一級紀錄二次。時都統兵又攻遜克爾宗。十月潛以兵旁上穆果爾山遂克日爾巴噶噶抵達爾札克與參贊大臣五公代兵合。十一月克格魯古出滅金嶺後賊人遁乘勢下至江岸。明公亮至宜喜與參贊舒公出賊不意攻破數礮賊堅守。又移兵攻日旁克之距大江不遠與西路兵烟火相望也。刑部侍郎袁公愚谷守制四月中按事來川。詔令便赴軍營察狀。袁君知軍牘皆先生一

手所辦回奏。

上嘉之有。旨垂問。阿公覆奏得。旨擢吏部郎中。是年七

月。戶部郎中孫嘉樂督學雲南。八月鄉試。侍講白麟典試河

南。得劉師柔等七十人。中允夢吉典試山西。得閆安寅等五

十人。浙江蘭溪知縣耿學模鄉試分校。得唐燦等七人。慶元

知縣熊珍分校。得沈景熊等六人。前任分巡廣東肇羅道彭

君樂齋端淑蜀中靈光也。以詩古文稱。教授成都。寓書來與

先生定交。

四十年乙未五十二歲。正月在密喇噶喇木軍營。四月明公
等由宜喜下攻。盡克達爾圖。基木斯丹。噶俄坡。甲索。而西
路官兵亦於十五日克擦庸。羣尼。十九日克木思。工噶克。二
十一日克下巴木通。五月十二日又克遜克爾宗。六月先生



補吏部文選司郎中。七月十二日，進攻勒烏圍。八月十六日，克勒烏圍賊巢。九月初七日，克莫古魯及達烏達圍各寨。閏十月十四日，克西里。十二月，官兵上格隆古山梁科布曲寨，悉下。十七日，克則朗噶克，下壓雍中喇嘛寺，取之。索諾木之母阿倉及姑阿青時在河西甲羅路，斷不能歸。二十日，來降。於是移大營於噶喇依之上。即乾隆十三年金川方畧內所稱刮耳崖。而北路官兵亦進取河西之地，兵至噶喇依對岸。南路官兵取馬邦，曾達進至噶喇依南，移巨礮築長圍，合力攻擊。是年，編勞歌集成。

四十一年丙申，五十三歲。正月，在噶喇依軍營。接到部咨，于攻克勒烏圍案內議敘軍功，加二級。又于攻克噶喇依案內從優議敘軍功，加二級。又於金川蕩平案內奉 恩詔加一

級。時西南北三路官兵會合，四面力攻，橫橋長塹，水陸俱斷。索諾木兄莎羅奔、岡達克、索諾木明楚克等相繼投出。二月，合攻益急。初四日，味爽，索諾木率其兄爽、爾瓦沃雜爾弟斯丹巴、妻巴底土、妹得什安木楚及大頭人丹巴訛維爾拉餘衆二千餘人齎印出降。僧格桑先病死，并以其首獻。是晚用八百里馳奏紅旂告捷。兩金川地悉平。先生在軍營前後九年，和平簡易，自科爾沁親王及副將軍、參贊大臣等無不親而重之。三月初二日，自噶喇依班師，道路皆設戲棚燈彩，以志凱樂。十四日抵省。步冲之學使省欽曹荔帷員外煥顧晴沙臬使排日置酒，楊笠湖刺史湖觀沈太守清任彭樂齋觀察幫展畢至，頗盡譔譙之樂。二十日自成都啓程。四月初四日抵西安。袁侍郎愚谷方從甘肅使回至此，王夢樓太守文



治、嚴東有侍讀皆在巡撫畢公署置酒觀劇、三八遞進、逮更餘始別。初六日寅刻抵臨潼、浴于溫泉。二十三日、至良鄉之寶店。二十六日、

上令王大臣等 賜凱旋諸將佐飯。二十七日、 駕至黃新莊郊勞、先生用戎服行禮、 賜茶。次日、至京師、見太夫人康強如故、喜心翻倒、不覺流涕被面也。二十九日、

上遣皇子獻俘

太廟。五月初一日、

上御午門受俘、訊於瀛臺、刑部以逆曾兄弟久抗顏行、罪不赦、誅死、懸首菜街。是日、

上幸紫光閣、 賜宴、作四裔之樂。宴畢、復破白金、綴匹朝珠、荷包之賜。初五日得 旨、吏部郎中王和久在軍營、著有勞



績著陞授鴻臚寺卿賞戴花翎在軍機處行走。是時由科甲出身。賜花翎者惟大學士金壇于公及先生而已。謝恩召見詢軍營前後八年事甚詳。是月

上命纂金川方略充總修官。月杪濕瘡發臥牀第者三旬餘。上月擢通政使司副使。時

上已幸熱河乃馳往謝恩。召對問蘇松風俗及王鴻緒、張照各家事並九峯三泖形勝若何詳對久之。命隨獵木蘭復蒙召見再詢溫福軍營潰亂南路何以獲全軍而出對以副將劉輝祖劉倬及奎林等力戰之功且奎林能與士卒同甘苦致士心堅定故然。

上笑曰奎林原有成勞但性情怪異耳。獵畢命入大樹園筵宴觀烟火。回至京師先生自庚辰移寓教子衡衡凡十有

七年。至是移寓爛麪衙衙。京洛名流如陸健男學士銓熊金、
輔之殿撰榜、周書昌編修永年、戴東原庶常震、任幼植吏部
大椿、洪素人刑部朴及其弟舍人榜、張商言舍人垣、吳泉之
助教省蘭、吳竹橋上舍蔚光、吳胥石孝廉蘭庭及門人張漢
旨彤、黃仲則景仁、胡元謹量、執經譚執文酒之盛如初。
四十二年丁酉五十四歲。自丙申小除日瘡疾復發呻吟牀
蓐者二旬餘。正月二十三日。

季聖憲皇后仙馭上賓。方疾而起。入直哭臨。

上命同尚書梁公國治、副都統博清額、給事中劉謹之、恭繕

一切典禮。蓋以會典中有

列后大喪儀。排日紀事。仿而志之。四月十四日葬。

秦東陵。先生從二十五日恭奉。

神御還京五月初一日升祔

太廟禮成奉

旨隨往諸臣加一級。先生已於三月擢大理

寺卿又以升祔

覃恩得封三代曾祖祖考皆贈資政大

夫如其官妣皆

封二品夫人十一月初十日奉旨磨勘

各省鄉試中式卷。是秋賓君

有誠

爲江西奉新縣知縣鄉試

分校得陳曰芳等八人楊君

慰

爲福建詔安縣知縣分校得

邱立人等七人凌君

夢曾

爲四川南部縣知縣分校得李傑

牲等八人。先生素甘恬退仕宦非其所尙自蜀歸卽有乞身

之意故是年以後總以杏花春雨書齋名其集蓋取諸虞道

園詞云。是年四月納謝孺人。

四十二年戊戌五十五歲正月十八日

上恭謁



儒藏

述庵先生年譜 上

陵寢先生從。二十二日先謁

泰陵次謁

泰東陵。二十三日祭

泰東陵從臣皆於門外行禮。二十六日回京。先是 大清一統志成於雍正四年。至乾隆二十三年平定準噶爾及回部拓地二萬餘里。且府州縣添置改析者多。

上命重修。迄十餘年。尙有雲南、貴州、四川、江西、江蘇、安徽、浙江諸省及外藩諸部落未成。亦 命先生爲總修。修之。是年。

邵二雲庶常

晉江

孔衆仲庶常

廣森

燕谷主事

麟通

汪劍鐔

季廉

端光

張芑堂貢生

燕昌

王竹所上舍

初樹

而門人金雲

莊主事

德興

徐尙之上舍

書受

汪書年上舍

大經

楊蓉裳上

舍

方燦

及其弟荔裳

撰

常以誼藝過從。侍講白君

麟 會試分

校得蔡廷衡、吳璫等十一人。

四十四年己亥五十六歲。正月初六日，女粹卿歸于_榮。是時先大夫官中書，與先生同在內閣，意氣投合，交親之誼彌篤。十六日、

上以

季聖憲皇后大祥謁

泰東陵先生從。二十六日回京師。先生因光祿公、陸太夫人未葬，屢欲乞歸不果。至是以二十八日具奏陳情，蒙_恩允許，遂於二月十一日奉錢太夫人由水道南旋，而自取陸路先歸部署。三月二十四日抵家，上冢以三次所頒_誥詞焚黃告祭。存問親故，引親族窮乏者任卹之。四月二十六日，太夫人亦至。五月初一日，依遷葬禮服總且乞廬，紹弓學士撰



儒藏

墓志、梁元顥侍講書之、錢曉徵少詹撰神道碑、翁振三學士以分書書之。七月初十日窆。儀節規制具自撰歸葬小志中。屆期遠近會葬者數百人。布衣白首之交及遠方儒生居其半焉。八月十八日赴京。過吳門見彭尺木進士。紹升與譚安養法門甚合。布衣江鱣濤。聲精古文尙書、說文來講學。至無錫顧晴沙觀察周抑亭太守。際清楊永叔上舍。和叔邀遊寄暢園觀王孟端竹鑑觀察命工製一鑑以贈。九月初一日至常州集趙緘齋郎中。繩男味辛書屋而頂秀才。森者病於家遣子以所辨太初三統術來就正。過瓜洲見高旻寺僧照圓。貞照圓爲磬山法嗣扣擊如夙契也。至揚州汪劍鐔江秋史。德量來見江都汪容夫貢生。中以所辨尙書金縢諸篇相質。十六日至王家營。先是戊戌秋河決儀封十六堡久未

塞

上命英舅阿公莅工、公聞葬、遣使來聘、因往謝之。遂登陸、過

邳州、門人睢南同知孫

步雲

來見、談訖至夜分乃去。二十六

日、至儀封、見阿公及總河袁公愚谷、河南巡撫陳公

輝祖

遂

閱南北壩及引河情狀。十月初二日、由延津北上、十七日抵

京。十八日、趨赴

官門請

安、

召見、詢江南預備南巡事

宜、高郵寶應水勢、一一陳奏、且言河南河工大概。翌日、遂

命明春隨

蹕。時先生僦居東華門外西堂子衡、衡、新知若

貢生洪稚存

亮吉、

趙億生

懷玉、

弟子若楊荔裳、徐尙之、張漢

宣、黃仲則等、數過從談讌如曩時。十二月十九日、補授都察

院左副都御史。二十一日、又有

旨授河南布政使、戶部尙

書梁公

國治

言、在軍機房久、多聞舊事、請畱、遂以太僕寺卿



儒藏

述庵先生年譜 上

江君蘭代之。

四十五年庚子五十七歲元旦

上御太和殿受朝先生以副都御史上殿侍班午刻筵宴。京師去冬少雪是日子刻同雲四合從卯至午積雪四寸有餘官民歡呼稱瑞。十二日隨侍南巡啓蹕十四日次紫泉。賜直隸大吏食且觀劇先生與焉并命和御製詩。至夕召觀燈火入宴。元夕次趙北口行宮復命觀燈聯句。同作者額駙忠勇公兵部尙書福公隆安吏部尙書協辦大學士嵇公璜戶部尙書梁公國治直隸總督袁公守侗戶部侍郎和公璉董公誥禮部侍郎達公椿內閣學士兼禮部侍郎嵩公貴翰林院侍講學士國公柱左春坊左庶子劉公躍雲陳編修崇本凡十二人得庚字七言排律五十韻。是

夕層冰皓月、積素皎然、華版參差、魚龍曼衍、獲與賡歌之盛、其異數也。時以

萬壽恩、詔加一級。十九日、次絳河、山東巡撫暨布政、按察兩使來迎、賜食和詩如前。三十日、次泉林、賜食、復頒示御製七言律、令和之。二月初九日、次桂家莊、同江南總督、巡撫鹽政、織造暨兩使、賜食、又、敕和、御製詩。初十日、聖駕渡河、禱於神、卽事賦詩。次直隸、敕令恭和。是日、儀封十六堡決口、台龍、僉謂

至聖積誠所感也。十四日、至揚州、奉命祭宋宗忠簡公

明史忠正公可法、本朝張文貞公王書于京口。二十三日、

至蘇州、奉命祭吳泰伯、范文正公仲淹、湯文正公斌、陳格

勤公鵬年、張清恪公伯行、祠復命。又同浙閩總督、巡撫兩



使諸臣入宴和詩。三月初二日、次杭州、命祭陸宣公、錢武肅王、岳忠武王、于忠肅公祠。又賜御製全韻詩、擬白居易新樂府、又敕和御製杭州卽事、瑤瑤寺、葛嶺諸詩。十五日、回鑾、次嘉興、奉命授江西按察使。十六日、山東壽光縣民魏萬年控縣令勞敦樟派累有旨、令同刑部侍郎阿公揚阿會鞫。謝恩請訓行。清江浦漕運總督鄂公寶來晤。英勇阿公、兩江總督薩公載、布政使吳公壇皆以相度雲梯關海口形勢駐此、先生往見之。渡河、取王家營陸路、由宿遷、郊城、沂水、蘭山、臨朐、以二十九日抵青州。四月、阿侍郎自京師至、同讞事。十九日、讞事畢、發摺行。聞璞堂成、進士尋改庶吉士。抵濟南、見蒿庵書院院長王惺庵進士。元啓嘉興人、工推步、所校史記、天官書、漢書律歷志尤爲精核。行抵博平、

珠官屯復命召見命赴江西且垂詢母尚健否

予五日假回籍迎養。五月抵里，遂奉太夫人啓行。六月十一日抵南昌，接印任事。十三日具摺謝恩，并陳到任日期與經過地方晴雨狀。十八日，太夫人從水路至。江西環山帶水，多竊盜，如臨川一縣報竊而未獲者，自四十一年起至四百餘案。先生以爲盜者亂之漸，竊者盜之漸，人少則竊，稍多則盜，再多則亂，其勢相因而皆起於貧，民之游手無藉者，于是檄府州縣力行保甲，先書無業惰民好賭生事者，遇有竊發，先詰之。次責保甲，毋得容畱外縣人，有則詰所從來及其所業，與本籍姓名書于冊，無業者逐回本縣，可疑者執而訊之，以杜姦宄之原。江西人聚族以居，有所爭，各選族之狡悍不畏死者，什百爲羣，互相格殺，謂之羣毆，亦謂械鬪。先生曉以



若輩之爭大率山頭地角所植穀物所產竹木爲數無多而彼此殺傷甚有至四五命者實爲大惑大愚遇事宜各三思毋輕性命毋蹈前轍。又有建家祠于府城省會中者遇訟則出祠堂公產之資招請訟師反覆告訐不休。先生曉以祠堂本爲敬宗收族而作所以教季弟敦嫻睦。今盤踞爲構訟地變詐機巧無所不至豈前人立祠本意。嗣後有似此者當依前巡撫輔德所奏毀其家祠。州縣審命盜之案逾限者累繫先生謂承審各案豈皆難辦。必須往返咨查從容訪詢者大抵州縣中或好聲色或飲酒逸樂流連光景因以致此。各宜振厲奮發刮洗舊習依限完結違者必揭參示儆。因飭胥吏每囚至三日內必讞讞畢卽發回率先以振起之。時靖安縣張起鳳毆死其八歲甥傷痕微渺縣以爲顛墜死府以爲毆



死、犯者游移其詞。先生集府州縣之在省者三十餘人、親往檢驗、與衆共著之、供詞乃定。凡讞事坐堂皇、不坐燕室。計六十餘日中、讞決者百有餘案。而錢太夫人自三月來、飲食漸減、由錢塘換船赴任、冒暑雨、病益劇、既而氣逆上、以八月二十四日酉時卒。先生哀毀盡禮。蓋太夫人以是年十二月十六日年八十、宗人鳳階、光祿、錢曉微、少詹皆已先期作文介壽、而不及稍待、以是增慟焉。九月二十二日、扶柩由彭蠡出大江、順流而下、以十月十七日回籍。是年紀隨蹕至赴任、爲屬車雜志二卷、豫章行程記一卷。

四十六年辛丑、五十八歲。居憂。先是所居蘭泉書屋年久頽圯、因稍葺之。光祿公常以思岡公來未立宗祠爲憾、又慕范文正公義莊、易子孫有力當勉爲之。先生併欲置家塾、以教

族人子弟。已亥秋下地於所居橋南起祠屋三進共二十間。置田五百畝以供其用。又藏經史子集四萬餘卷金石文字法帖二千餘通。詳見自撰祠塾規條及塾南書目。八月初十日奉錢太夫人柩合葬于雪葭灣。是時先生尙無嗣因議以從弟曦長子肇和爲子。是年六月四川進士楊君卓莅青浦任請先生修縣志。

四十七年壬寅五十九歲住萬壽道院志局遠方賓客門弟子雜遝過從。四月浙閩總督陳公輝祖書來以西湖志雍正

初年所輯迄今幾五十年翠華五屆宸章奎藻俱未恭載而名士藝文及祠廟寺觀重葺者皆當蒐討續載請先生爲總修謝不赴。十月禮陳公再以書來促乃往寓西河陳氏就莊。先生發凡起例粗具稿復以病歸家月餘稍愈時陳公

以事落職河南巡撫富公

勅渾

晉總督甘肅布政使福公

崧

晉巡撫先後抵任皆先生舊好也乃復往西湖志局歲暮歸葬鄒夫人及許陸兩孺人於雪葭灣新阡而自爲生墳焉。

四十八年癸卯六十歲正月十四日復由蘇州至西湖志局值上元後尙寒湖上游人晚閒稀少先生數理小舟乘月游歷諸勝同局諸子呼伶人數輩箏笛隨之遙望湖心亭及沿湖樓閣燈火微茫閒出林際而遠鐘星星與箏板相聞覺此游如在方壺瀛島間族子嶰谷宜爲之圖諸子多作詩以紀之開化門人戴金溪秀才敦元亦來湖上而寶公東臯爲學使金韻言助教學詩沈芝生秀才清瑞在幕中時出爲文酒之會二月十六日福巡撫傳旨補授直隸按察使時志已修十之七八乃以稿封交撫署而歸二十二日抵家二十六



日辭家廟行回首故園殊戀戀也。二十八日抵蘇州見閔巡撫鶚元發摺謝恩。初一日自蘇州行抵泰安孫補山方伯遣人來候始知改調西安按察使蓋秦公承恩已陞任湖南布政使故也。二十三日抵圓明園。二十五、二十七兩日皆召見命速赴新任遂陛辭。四月初四日出都取道山西二十三日抵西安著適秦日錄一卷見巡撫畢公慰勞殊歡幸也。是秋鄉試吳君興宗爲商州鎮安知縣分校得王榜榮等八人黃君楷爲儀徵知縣分校得薛體洪等九人。十月具奏命盜凶犯脫逃通緝宜行於定案之時不應行於半年之後使姦宄得以從容竄匿。又陝西所屬南如興安漢中北如榆林延安綏德皆距省一二千里秋讞時囚徒解省恐致脫逃請令各道就近覆錄皆得。俞旨允行。時吳企晉舍人



爲關中書院院長、嚴東有侍讀、錢獻之州判、拈莊似撰明府
所徐友竹上舍、堅洪雅存孝廉、孫淵如上舍、星衍及王敦初
上舍、復皆在長安、公務稍閒、輒以詩詞倡和爲樂。惟聞黃仲
則歿於山西運使署中、爲之輟歎竟日。先是先生集朋好工
詞者爲琴畫樓詞鈔、企晉請梓之、兩月而成、計二十五家共
二十五卷。是年娶媳錢氏。

校記

①達：當作「陸」。

②明楚克：《平定兩金川方略》作「朋楚克」，又作「彭楚克」，此「明」字當爲「朋」之誤。

③爽：《平定兩金川方略》作「甲」。

述庵先生年譜下

吳縣 嚴 榮 瑞唐編

四十九年甲辰六十一歲。上年十月二十五日榮婦王恭人粹卿歿。至是得家報先生哭之慟。四月聞甘肅固原屬鹽茶廳回人田五阿渾倡復新教糾衆攻破西安州土堡海城小山回賊附之。回人最尊者曰罕其次阿渾蓋通經典主教之稱也。總督李公傳堯提督剛君塔由八百里具奏。十九日奉旨以西安州距陝西長武六站恐回人竄入陝境命往禦之。二十日秋讞畢遂行。二十二日至長武。長武有都司一員兵一百三十名爲提督調去存三十名。又益以宜君兵五十名合參將孫受兵四十二名共一百二十名而長武之通甘肅者有七路各以兵役數人守之。李公已赴鹽茶游擊高



人傑督兵截殺田五自戕死。二十三日提督與賊餘黨張文慶等戰於浪山賊走會寧。時孫受所領兵與宜君兵復被提督調往長武勢益單。又聞賊由打喇池狼山口走安定之宜川其地爲前回人馬明心所居新教回人最多處也賊由此而東南勢張甚先生以爲甘陝相通路徑長武最要鳳翔隴州次之。總兵三君德從興安率兵至鳳翔巡撫屬其在隴州駐守而長武至隴州當由邠乾東折而南計七站。若由長武而南逕靈臺縣之獨店麟游之天堂鎮寶峪山逕鳳翔至隴州計程三百里一日可達乃令各縣量設驛馬於是隴州之信朝夕相通矣。長武兵除分守隘路外四城門及監獄倉庫皆需撥兵防守。又運送軍須兵無可用乃借兵於三君得兵二百令二通判黃秉哲率領以來殺牛享之分撥城內外聲勢



稍壯民心乃安。五月初五日、賊從官川徑瓦岔、擄車黃寨。初六日、搶西鞏驛馬、初七日、搶義岡川、初八日、擄魏岔、又自馬家堡翻山走安定、典史費元登遇賊死。於是石峯堡賊附之、破通渭、典史溫模白縊死、在籍知縣李南暉率子弟巷戰、皆遇害。初九日、掠蔡家堡。十一日、明副都統善孫參將以滿漢兵一千七百人住高廟山、擊賊。賊佯退、伺官兵稍懈、四面緣山而上、明孫戰歿、亡者數百人。賊烽距長武不及三百里。事亟、先生乃試炮巡城、爲防禦計。數堞以分人、因人以料物。籍城外民強壯者、識其名、如有急、入城協守。凡刀矛銅鐵炮石燈燭油米之類、悉具。民恃以無恐。邠、乾、永壽皆鑿塹填門、而長武民出入往來自若也。聞石峯賊欲由秦安之蓮花城進、擄隴州、提督與將軍傅公玉分駐鹿鹿、黑風兩山。十七日、賊

一走秦州掠官子鎮、一走伏羌縣十九日圍縣城、知縣楊君蓉裳悉力固守。先是李公追賊輒尾賊行、至是屢得嚴旨、乃以二十二日會三君兵擊賊於北山梁、三君力戰破之、伏羌圍解。二十四日賊上鎖子峽、走蓮花城、分竄靜寧、水落城及底店、石峯堡而

上已命大學士阿公、戶部尚書福公

康安

領侍衛內大臣都

統海侯

蘭察

領京兵從山西來、工部尚書信勇復公

興領兵

從河南來。福公以六月初五日過長武、馳抵隆德、以李公械

送京、將軍莽

古賚

統寧夏兵一千、阿拉善王

旺親班巴爾

統

蒙古兵一千五百、皆會隆德。十一日先剿底店之賊、自辰至

酉、殺賊三百餘人、賊首馬文熹率衆降。十五日四川將軍義

烈公保

寧

統屯練亦至。大軍進逼石峯堡、考石峯堡卽唐書



吐蕃之石城明成化四年滿俊據此作亂項襄毅忠列兵圍之其將出沒被擒俊乃降先生詢西安人曹光芳等亦云此堡離通渭城五十里登鹿鹿山望之一切了了可見其地四面峭壁一綫螺旋上多土窖石洞賊匿其間云十七日阿公過長武二十一日臨石峯堡督諸軍攻剿又相山址要處築卡斷其水道七月初四日堡內投出婦女一千五百餘名至夜賊欲突圍走海侯覺之率兵邀截射殪者無算初五日破其堡阿渾張文慶李可魁馬四娃等皆就擒餘黨逃逸者悉搜捕誅之時聞敷君倫泰將踵三君赴甘肅調太原總兵富君敏泰代之先生恐其未習地利遂由靈臺赴鳳翔過汧陽乘便鞫事從隴州出長寧驛與敷君相見且閱各要隘形勢復歸長武李公械至刑部論斬下獄提督革職發伊犁阿渾

等皆磔於市。是役也，自陝省綠營駐防五千名之外，調晉省兵二千名、京兵二千名，絡繹過長武，需車輛馬騾約以萬計。又銀錢火藥鎗炮軍裝駝載者又以千計，危如碁累，紛如螻集。而先生不攜胥吏，不藉賓僚，飛書草檄，咄嗟立辦，暨乎班師竣事，無一舛錯遺誤者。奏上，輒奉 旨嘉許，並議敘加二級。程魚門編修自都來訪，六月抵西安，先生未及見，以詩迎之。未幾卒於巡撫署。方事之殷也，尚與蓉裳遙相倡和，所過邠、岐、汧、隴，以詩紀其風土。又以長武學廢，兩廡圯，栗主久失，乃出俸錢，率署邠州知州張曾、長武縣知縣樊士鋒修之。子衿奮踊輸助，閱兩月而成，斲石以記其顛末。

五十年乙巳六十二歲。在西安時，畢公被 旨，陞見以正。月初十日起程，布政使圖公薩布署巡撫事。先生署布政使。



事。二月十七日得旨畢公調河南巡撫何公裕成調撫陝

西。三月何公至西安先生仍回本任。先是城南興善寺隋時

古刹也前有轉輪殿庑藏經歷久傾圯先生集衆願修之并

勒文以紀其略。又畢公修西郊大崇仁寺並起五百羅漢堂

屬文爲記令嘉定汪貢生照以隸書書之而勒諸石。十月得

旨何公調撫江西以貴州巡撫永公保代之。圖君奉旨

陛見先生仍署布政使。迄十二月謝事。嘉興張孝廉誠來

謁孝廉喜爲五岳游蓋徐霞客之流亞云。十二月十九日祀

蘇文忠公于廉讓堂陪祀者十餘人作詩記之以公曾仕鳳

翔通判也。是年八月黃孺人病歿。

五十一年丙午六十三歲。先是壬寅歲先生修青浦縣志彙

存篋中攜之西安。至是二月志成屬吳江史君誦芬善長賁

送巡撫門公使縣令刻之。又因各省刑名皆有省例，益舉部發之案及條例之異常者，纂輯成帙，以備稽考。西安獨無，遂飭吏胥盡發數十年舊案，編成五十卷，刻藏于署。四月，國公授湖北巡撫，湖南布政使秦君承恩調補陝西，先生復署事。六月，秦君至西安。七月，河南伊陽縣民秦國棟等三十餘人，戕知縣孫岳瀨而逸，畢公搜捕不獲，因奏言：「伊陽壤接湖陝，恐由熊耳諸山逃入商洛、鄖西諸處。」得旨派往督緝。於是先赴商州，以商州龍駒寨下接河南浙川，爲商民販買水陸要路，檄州同李景蓮派兵役邏之。八月初二日，奉旨授雲南布政使，仍令督捕事竣入都。陛見，乃遍歷雒南、山陽、由曼川關下漢江，過湖北鄖西，抵白河、洵陽，還至鎮安，責令各府州縣及參將、游擊、都司等分路搜捕，設兵役於關隘，以稽



出入詰保甲於村落、以杜隱匿。時直隸大名府民段文經、徐克展等亦聚衆爲八卦教、戕其巡道熊恩綏。

上並命督率搜捕。乃還至潼關、沿河而北、歷朝邑、郃陽、韓城、

審視各渡口、亦分派丞弁督兵役稽之。九月、景蓮及商州游

擊張濯、山陽縣知縣孫烈先後獲秦國棟及其子弟餘黨解

京師、屢得優旨。命卽入。陛見、因撰商洛行程記一卷。

十月、啟行。過華陰、游玉泉院、雲臺觀。欲登蓮華峯、至青柯坪、

微雪、罡風大作、不果行。至蒲州、景君安方爲山西河東道、出

深省堂詩集、屬爲序。蓋兵部郎中富君森布子、富君與先生

善、故執禮甚恭。十一月十七日、詣闕、召見、詢問歷來軍

機密事、及前于文襄公當國狀、又奏因肝氣不和、精神疲憊、

請改京職。

上垂問所服何藥。一一奏對。溫旨不許。乃陛辭。是時翁振三宮詹。曹來殷學士。陸健男大理皆奉使督學。都門無復有詩酒之會矣。二十五日出京。經汴梁。謁畢公。置酒觀劇。遇洪君稚存。徐君友竹。款語移時而別。除夕抵荆門。州建陽驛。連日大雪。西北風呼湧。途中寒甚。

五十二年丁未。六十四歲。正月朔。抵荊州。初七日。過常德。提

督俞君

金鼇

舊識也。門人沈

世壽

以雲南迤南道俸滿入都

至此。遂同飲於俞君署。乃別。三十日。過貴陽。巡撫李公慶棠

率司道迎餞於雪厓洞。明日行。二月初七日。入平彝境。十三

日至省城。總督富公

綱

巡撫譚公

尚忠

同司道來迎。遂抵任。

著重游滇詔紀程一卷。滇省銅政最繁。爲厰大小四十有八。每歲須京銅六百三十三萬斤有奇。九省採買銅一百四十



二萬斤有奇、寶雲、東川二局鑄錢銅七十六萬斤有奇、而其
他補運者又須數十萬斤。以是案牘最繁、皆當鈎摘稽考。先
生昧爽而興、至篝燈批飭、猶未竟也。又以滇省產銅、雍正年
間鑄錢以運京、運至湖北之漢口鎮、再運京師。後乃由各廠
分兩路水陸以達四川瀘州、復由瀘州下江入運河、以抵通
州。規條數改、參差錯互、其各省採買漸次加增之、故案牘亦
缺失。自運用滇銅來、其停減採買、洋銅價值、及鑄錢餘息、其
計增帑至千餘萬兩。且開採既久、硎老山空、鑛質多麤、雜以
砂石、陶冶有須十數番者。加以入山深、則米販遠、煅煉久、則
取柴難。自滇及蜀、步步皆蠶叢鳥道、夏暑雨、冬積雪、及瘴癘
起、皆不可行。農忙、少牛馬、亦不可行。運價日貴、司事頗憂不
繼、而莫能推其顛末。先生盡發故籍、作銅政全書五十卷、然

後補抹之方暨調劑之術可考而知矣。時寧洱合揚州蕭霖

工詩太和令江西杜

鈞

工篆書嗜碑版因得段氏平定南詔

碑文又得安寧唐王仁求墓碑遂屬知州董

傑

封其墓爲文

記之又屬保山令王

彝象

修楊文憲公

慎

祠於永昌特牒

處西陲士人弇陋四方知名之士罕有來游者惟鍾祥余君

元亨

慶長

頗知亭林之學尤達于尚書主五華書院及其弟

璟度

慶遠

俱爲文字交而昆明諸生陸

藝

陸弟兄能詩畫

安徽潁上縣知縣陳綱齋

文燦

楚雄縣人故門生也能詩常

以所作請正焉布政使署中舊貯

御纂七經乃陳文勤公

宏謀

爲使時所刻又有朱子全書近思錄藏版既久多缺爛

先生補刊印行之分置各府州縣使諸生時習之滇省號佛

地而釋教衰微罔知戒律屬歸化寺戒僧本立以十月開戒



遠近至者三百四十五人刻爲大悲壇同戒錄。是年門人孫君淵如以第二人及第。而曹學士來殷卒于廣東學政任。嚴東有侍讀卒于廬江書院。先生爲詩弔之。

五十二年戊申六十五歲。先是省城五華書院爲弊。文端公爾泰所創公歿。祀其中。至是久廢。先生乃新栗主。祔以林文定公名時、尹文端公繼善、陳文勤公宏謀、李恭毅公湖、明公

瑞五公皆雲南總督。巡撫清名厚德。譽望最隆。明公清廉英銳。殉節緬中。而國子監司業王公太岳前任布政使。於銅政

有功。並祀之以從士民之望。二月次丁。率府縣及書院諸生致祭。作七賢祠碑文。使安寧州學生劉璠分書以置于壁。時騰越州城工修竣年餘。乃奏往勘驗。以三月初二日行。沿途望雨禁屠宰。先生亦齋戒。儼從皆不得食魚肉。每過州縣。晨

起步禱龍神、城隍諸祠。至廣通得微雨，自是霖霖不絕。初八日得旨授江西布政使，與李君承郭對調。以年老多病，且距江蘇本籍較遠，恐水土不宜，故有是命。聖恩體恤之至意也。及抵下關，聞緬甸因耿馬土司來請入貢，遂往大理，偕提督烏君大經、迤西道楊君以漢詢狀，使具言。緬酋孟隕輸誠屬實，乃奏記于總督，請入奏。明日赴騰越，閱城畢，總兵劉君之仁置酒于大樹園。園屋無多，前後有竹數萬挺，大樹數百株，濃陰清樾，爲州縣公譙之地。明日還至下關，雨益甚。以四月十四日回省。六月初一日，李君至，十二日啟行。父老香花杯酒走送者，自城關至鷓鴣哨，興福寺二十餘里不絕。十九日出雲南境至貴州。七月初九日出貴州境，十七日抵常德。提督俞君云：初十日江水潰荊州萬城堤。



澧州以下浩漫不可行。宜由龍陽出長沙。過岳州。取道武昌。乃如其言。二十一日至長沙。鴻臚寺少卿羅君徽五與方主嶽麓書院來見。請往游焉。少卿出所註詩。易頗有新意。二十七日過岳州府。上岳陽樓。樓久不修。岸將圯。張文敏公所書范文正公樓記在屏上。重刻亦失真。振衣盼望。舉杯獨酌。蒼茫數萬頃。君山。扁山。如在几案。北望湖水。清黃各半。蓋江水侵溢之故。已而岳常澧道臧君榮青及府縣皆至。招飲。示近日所產白鳥。朱眸雪羽。瑞徵也。八月初四日。抵武昌。總督巡撫及兩司以勘災故。俱不在。學使吳泉之來迎。城中水深三四尺許。而漢口亦被淹。寓江漢書院。院長門人楊西和倫也。史誦芬亦至。明日同登黃鶴樓。樓傑麗深靚。聖仙人乘鶴吹笛像。翛然出塵。勝岳陽遠甚。住兩日。雇驛行。九月十一日。至

熱河、召見、詢荊州水決情形。奏言、據連次所問、今年各省暑雨過多、江既盛漲、而漢口及洞庭、彭蠡兩湖水皆入江、以截江流、下壅而上潰、故至此。

上領之。既而奏請京職如前時。

上以十二日回鑾、遂命隨行。十六日至遙亭、復召見、

上諭以人材難得、速赴新任。十九日、回京。二十一日、出彰義

門。十月初五日、渡運河、抵徐州、見族子叔華教授元勳、以李

愿石幢搨本相示。十二日、渡江、見總督書公麟。是夕、寓秦淮、

嘉興王若農尚珏及江寧教授錢溉亭塘來。若農蓋惺庵子

也。遂畱飲。二十三日、入江西境。二十四日、過東林寺、顏廢殆

盡。唯三笑堂存。白蓮池亦淤爲田。殘僧三四、問以遠公及蓮

社高賢、不知爲誰某。問以淨土、不知是何法門也。二十八日、



至省城任事。著雪鴻再錄二卷。會是秋江湖水溢。近江十五縣頗被淹。前署布政使額君

勅春

先已查核被災分數及貧

戶等差入報奉

旨賑恤。先生由水路覆勘之。所過堤堰衝

塌及田畝爲沙所壓積者。皆親自履驗。由南昌新建歷餘干。萬年。都昌。建昌。德安等縣。召災民詢以所得銀米若干。務與冊符。又見老弱孤寡。輒撫慰之。十二月十四日。過星子。登開先寺。上黃巖。殘冬寒沍。無瀑布。還宿棲賢。十五日。入白鹿洞書院。祭文公祠。招生徒而勸勉以正學。晚至歸宗寺。觀右軍墨池。摸廊間董文敏各石刻。十七日回署。

五十四年己酉。六十六歲。在南昌。有友教書院。屋滲漏不可居。先生新之。又修宋蘇雲卿祠于東湖上。二月二十四日。得旨授刑部右侍郎。先是高安朱文端公

軾

萃二十一史中

名臣儒林循吏爲三錄刊成未及頒行先生因其可以勵世
出俸金屬高安知縣小門生張古餘敦仁印數百部及是
命下乃與以贈總督書公屬其分給州縣冀稍有裨於吏治
先生頻歲馳驅南北旅費旣多署布政使額君助之始得辦
裝乃以初五日啟程二十八日抵京師詣宮門謝恩召
見奏對稱旨時京城買宅甚貴糧道陳嵩山肅森爲大學
士桂林陳文勤公孫云有故第在內城勾闌衒衒可居遂寓
焉閏五月初五日

上幸熱河先生從八月

上丁祭聖廟命祀啟聖殿又屢命和詩賜紗緞果
蓀甚夥又賜詩經樂譜御題春鳩墨刻御題五福五
代同堂記二十一日旋京同大學士九卿詹事科道秋讞十



月、命同磨勘各省鄉試中式卷。十一月初五日、直隸新安縣民劉巨川控總甲等於被災賑濟及借常平倉穀均有勒索、命偕倉場侍郎蘇公凌阿往按之。二十三日勘畢還按察使富宜善來新安、以其父傅勤公顯行狀求爲神道碑。時同里沈惟吉明經廷枚、張書堂秀才拱先後入都來下榻。五十五年庚戌六十七歲。是年

聖壽八旬、正月元日筵宴於保和殿、恩詔頒布天下、將謁闕里告成於岱宗。二月初八日啟、蹕先生從先謁東陵、次謁

西陵、禮成、遂由秋瀾行。至德州、同直隸山東諸大吏賜宴、觀雜劇角觝如常儀。三月望日、上臨曲阜、親詣聖廟行禮、命分獻孟子又命祭少

吳陵顏子墓、仲子任子祠。過濟寧，見黃小松司馬，易暨布衣李鐵橋，東兩人皆深於金石，盡發其所藏碑版摩挲之。途中賜和御製詩三十餘首。同扈蹕者爲翁振三閣學、禮部侍郎鐵冶亭，保酬唱殆無虛日。還至青縣，司馬莊曾高郵州典史陳倚道密揭是州書吏假印重徵，詳報布政及巡撫，不辦狀。

上遣兵部尚書慶公桂同先生往鞫。乃偕刑部員外郎許君秋巖，北椿行。三月十六日至高郵，會總督書公同鞫。而書公先已獨訊，且奏所揭屬誣。

上以不俟欽差，明有專擅祖庇，疏其翎頂。已而慶公等勘得重徵實情，下知州吳煥于獄，並劾揚州府知府罷之。尋得旨，令逮閔巡撫鷗元。行至紅花埠，復奉旨勅訊康布政基

田并築逮治。慶公偕巡撫北行。先生獨往江寧訊罪。其祖底情形一一如

上所指。時姚右姬傳

聯

來晤。方主鍾山書院。嚴東有子

觀

亦

來謁。觀字子進。殫心地理。所補元和郡縣志簡而能該。先是趙君雲松從揚州安定書院來訪。古懽重見。皆可喜也。四月初六日。遵旨帶同康君取道江浦以行。五月二十八日抵熱河。召見於避暑山莊。詢問江南吏治。對以各督撫皆務爲安靜。而州縣貪戾不法。輒相容隱。因以致此。

上頷之下。其事于刑部分別治罪。而總督亦罷職來京。七月二十八日。

聖駕自熱河還迎。蹕於密雲。適湖南湘鄉縣民童高門控書吏收漕折色各款。



上命同兵部侍郎吉公有堂

慶

馳驛鞠之遂率兵部員外郎

丁琴泉

雲錫

及許君秋巖啟行時

萬壽屆期萬方送喜自內外四十八旗喀爾喀蒙古之外西藏大喇嘛哲卜尊丹巴呼圖克圖葛爾丹錫將呼圖克圖安南國王朝鮮南掌緬甸陪臣哈薩克使臣金川甘肅諸土司臺灣生番巴勒布番人咸來祝釐獻畫先生將出都梁元穎侍講錢曉徵少詹亦以慶典赴京相晤絮語移時八月十三日宿新鄉晨起望闕行禮月杪抵長沙九月由水路赴湘鄉初七日奉旨令審湖北應城縣武生李杜控倉書科派買穀又斂錢買馬折收草費各款遂發摺起行與吉公渡湘水十五日至武昌十六日得旨以江陵縣民趙學三控書吏何良弼等包攬方家洲堤工偷減土方復命鞠之



赴荊州、乃拜摺具言、先往德安、再赴江陵、閱江堤。大江自宜、都西來、入荊州境、其上兩山束之。堤自萬城始。乾隆五十三年夏秋多雨、如漢沔、洞庭、彭蠡皆漲、爭入江、以截江趨海之勢。於是江水騰溢、齧江陵堤、決二十二處、衝西門入、從北門出、漂軍民、壞房署無算。

上移畢、公爲湖廣總督、發帑五十萬兩修之。又命大學士阿公督辦。公相度形勢、江岸南高北下、而近南岸有窖金洲、長七八里、寬二三里、江至此不得展拓、故涌而潰。遂於北岸楊林洲、黑窖廠、觀音寺築三石磯、挑水循南岸行、以刷窖金洲、且悉犁其蘆荻、去其根結。今洲勢日削、已著成效。若數年後、洲汕盡、則水不北侵、府城可永固矣。然聞居民言、五十四年夏間、江漲距堤而止二三尺許。或謂四川、陝西、湖北山木

叢密處多墾爲種包穀地。遇雨浮沙隨水下於江。江雖深。日久漸淤。是以水勢年增。別無上策。惟高築堤以資扞衛耳。閘三磯寬又三十里至方家洲。按故冊又量無減少。其殘損處應賠補者。屬知府張方聖任之。民始悅。十五日。閱郝穴堤。江自萬城至此。凡兩曲。其間如祁家洲堤爲水所刷。土時時墮水中。亦不可不亟修也。觀音寺後有陀羅尼經幢。元至正六年。都水使者賽音不花造以畏吾兒字書。因江形至此如象鼻。仗大雄力以爲控制。二十八日。荆州堤工訊畢。發糧渡江。又命訊湖南永明縣民蒲太圻控告賄買武童等事。又得旨。長沙民王澤遠告知縣勒買常平倉穀。命往鞠之。雨雪連旬。小除始微霽。除夕同吉公及丁許兩君小集。皆有詩。是年以恩詔晉封三代皆光祿大夫。妣皆晉一品夫人。先

缺页

勘方家洲堤工尚未修補乃以知府張方理草率捏飾具奏落其職。二月初二日過南陽臥龍岡謁諸葛忠武侯草廬有三顧堂故蹟前巨碑二刻前後出師表字頗雄渾其旁楓柏亦數百年物。初八日抵衛輝復讞蒲太圻所控一款上之。十九日至海澱。二十日召見奉旨詢問所讞諸案是否無冤奏各處皆有奸民然有司啟之胥吏釀成之亦不能薄其罪也。

上以爲然又以出使頗久令回休息蓋蒙

聖慈體恤如此著使楚叢譚一卷先是庚戌歲恭遇

聖壽八旬停止勾決至辛亥以一年辦兩年案牘入秋審者一千七百餘人爰書繁重每日自進署外歸則勾稽比擬輒至夜分凡百餘日始畢。八月十八日至二十四日會大學士



九卿詹事及各科道會劫于天安門外金水橋南朝房乃進
 本自八月二十一日始迄九月十二日進畢乃候 勾到在
 行在勾六次在 朝勾八次十一月十二日始竣事焉時
 鐵治亭侍郎玉闥風閣學 保李鳧塘編修 驥元阮伯元詹事
 元王懷祖侍御 念孫及子伯申 引之咸在京師文酒之會不
 減曩昔冬至得寒疾歲暮而痊。

五十七年壬子六十九歲。

上幸山西五臺以三月初八日啟 鑾先生從十二日由良

格莊詣泰寧山謁

泰陵禮畢又謁

泰西陵如前儀十七日至王快路漸高四圍山勢益峻層巒
 疊嶂尚有積雪二十日過龍泉關上長城嶺雉堞參差先生

跋馬而上石徑詰曲俯臨絕壑凡十五里上嶺而下是爲山西境矣。二十一日駐白雲寺。二十二日駐菩薩頂五臺。梵經謂文殊師利法王子道場。一名曼殊舍利。唐清涼國師澄觀著華嚴疏鈔於此。元時番僧始來居之故山中喇嘛最多。近日章嘉胡圖克圖寂後亦昇其龕塔于鎮海寺喇嘛傳宗喀巴教以衣黃者爲正山中寺院崇麗者率爲所居其餘則謂之青衣僧。然孤巖斷磴負遠幽絕未必非阿羅漢所棲止也。二十九日還過長城嶺。四月初六日駐蹕真定。知府邱君學勛舊相識也。出百十二家古墨見示皆明中葉及國初名人所製者。十六日回京師著臺懷隨筆一卷。八月順天鄉試上命吏部尚書諸城劉公壩充主考先生偕甥和菴詹事圖禮副之得聶亮采等二百三十三人。

五十八年癸丑七十歲時

上將幸盤山、派扈蹕。三月啟鑾至十三日

上幸天成殊像萬松、東西甘澗諸名勝畢。十五日、各省奏刑名事五件奉旨均令速議。大學士等以爲明日始能奏上、先生一日皆具摺奏進、

上深嘉之、賜食明日召見、因奏松江近海地卑、離家十年餘墳墓間有坍塌、乞照例歸省修葺、

上允之。四月初一日、由陸路行。二十七日、過揚州、薄暮抵瓜步、出大江、先上金山、宿望江樓。午夜起視江、昏月晦、隱約漁舟數點而已。晨起飯畢、放櫂過焦山。甫至廊下、清風飕飕、叢竹戛擊有聲。已而住持慧超達瑛出迎、以詩見示、頗清俊。飯罷、往三詔洞、有焦先坐像、烏紗金紫、不復作山人裝、可一笑



爾還至松寥閣上。長江東瀉，與海歎歎。夕陽照之，碎金萬點。亦先生前此所未見也。宿閣上，三更雲霧，一無所見，惟聞枯槎老鶻，時拍拍有聲，蓋不至此者三十七年矣。明晨回京口，見教諭劉君端臨台拱。過常州，上檣舟亭，拜蘇文忠公像。下舟，適總督書公從蘇州秋審歸，過船款語。五月初二日，抵蘇州。巡撫奇公豐額帥屬來請。

聖安遂徧拜之。是夕雨甚，土人云：自二月中至此，未嘗晴也。翌日雨中赴硯山，祭曾祖光祿公墓。松楸蔥鬱，雲煙窈冥，徘徊久之。回珠街里祭祠，詣雪葭灣祭祖考墓，以封一品光祿大夫焚黃致告。墓生芝一本，色微黃，其大逾于掌。時江浙諸郡名士以詩就正，舟航錯互，屢滿戶外。八月間，瘡作，兩閱月始已。適錢曉徵少詹過訪，留宿蒲褐山房。明晨招圓津禪院。



僧慧照覺銘放舟至佘山并招汪書年及張晦堂與載遠春
典鏞飯於知止山莊又往千山登周氏來雨樓爲門人周仲
育秀才厚埭藏賜書處而仲育歿已七年爲之悄然次日
還過慧照清華閣始別先生輯青浦詩傳自機雲以下至於
近時女士方外悉爲甄錄共三十六卷先生以體尚委頓欲
遲明春北上而

上從熱河還召見大臣垂詢王昶何以未來輦下諸公飛
札具告謂當尅日就道而司寇胡公季堂促之尤力遂以冬
至日行二十二日過無錫正值七十壽辰蓉湖浩蕩垂垂欲
雪買惠泉酒對山獨酌慶者絕蹟自以爲得未曾有自念年
已七十宜懸車然

聖壽八十有三天行之健自強不息且九列中年七十以上

者凡十餘人咸恪恭震動陳力趨事不宜循古禮爲辭惟是耳聾日甚動履盤跚十步九息心思如墮雲霧又不可以戀棧誤公事十二月初二日抵王家營日五更衝寒早起比至京疲憊益甚赴宮門召見遂以精神日減不能供職具奏。

上鑒其老病允之謂在侍郎中頗爲出力遂以原品休致且謂歲暮苦寒宜俟明歲春融回籍蓋自大學士漳浦蔡公以年近八旬乞身後迄今十餘年未有蒙體恤如此者九卿動色誇爲異數。

上詣瀛臺因進摺謝恩且言明春俟巡幸天津送駕後啟程南下得旨報聞是年春殿試門生陳遠雯雲以一甲第二名及第授編修英煦齋和魏升之元煜授庶吉士

蔣問樵第、王曉香紹蘭成進士、以知縣用、戴金溪敦元補
殿試、亦改庶吉士。自丙申至是十八年、詩編爲杏花春雨書
齋集。

五十九年甲寅七十一歲。元旦入朝行禮。時京城春暝、大
學士、九卿、至翰林、科道及部曹諸君皆以先生將遂初、自上
元後置酒設餞、並以詩文投贈無虛日。三月二十二日、巡
幸天津、啟鑾。先生先赴黃新莊、二十三日清晨送駕、
上領之。四月初一日、赴通州下船。時北省少雨、潞河淺澀、天
津以漕艘將來、沿河官吏及總兵等咸雇民夫開挖、舟行逆
水而上、又東南風多、候開闢、候漕船、日不及行二三十里、六
月始至濟寧。而各省俱已得雨、水漸長、漕艘亦過訖、遂放溜
而南。七月二十三日抵家、乃以春融顏其堂。九月病瘧、臥榻



者月餘。先生留心理學、取薛河津、王陽明、魏莊渠、崔子鐘、顧端文、高忠憲、黃漳浦、馮恭定、劉戢山、孫蘇門、李二曲、黃梨洲諸家著述、刪發聖賢要指。

六十年乙卯七十二歲三月赴蘇州謁曾祖光祿公墓。墓右丙舍荒圯、因其舊而修之。前爲硯山丙舍、舍三間、少宗伯鐵冶亭書額。西三間題梵香齋、諸城劉豕宰石庵書。以前曾令僧居此故也。階前地二畝許、有小池、池中植荷、餘地植梅、桃各十餘株、雜以玉蘭、辛夷及松、竹、蒲、荷之屬。南有樓、題棲雲閣、爲門人秦易堂司業承業書。翁振三閣學撰丙舍記、刻置于壁。修築竣、艤舟闔門、諸名流來謁者如李尚之、秀才銳、顧千里、秀才廣圻、徐澹如、秀才葵、袁又愷、上舍廷樞、輩。朋簪雜、還樽酒飛騰、而與王光祿錢少詹同學、同年、同歸老、得數晨



久尤快事也。五月榮成進士、殿試二甲第七名、與先生同
 尋蒙恩點庶吉士。先生得報尤為喜慰。九月、至錢塘、許積
 卿宗彥來見。入雲棲、禮大悲懺。七日而歸。十一月、
 上以明年歸政、八月先正東宮、又舉行千叟宴、詔中外
 臣工逾七十者皆入宴。遂以十八日起程、挈金、青、儕、秀才學
 連、由陸路行。十二月二十一日抵京。二十二日詣闕請
 安、召見、詢問歷官前後及江浙年歲豐稔狀、奏對稱旨。
 歸寓青厰、與吳沖之少司空鄰、而那繹堂閣學彥成、吳穀人
 編修錫麒、桂未谷訓導復、辛進士敬業、門人戴金溪、英煦齋、
 伊墨卿秉綬、徐中書折、沈戢山樂善、鄧菽原傳安朝夕往還、
 殘年旅舍不覺岑寂也。是秋、太常寺卿施鐵如充山東鄉試
 主考官、得李方獅等六十九人未還。朝、即授湖北學政。王

君紹薦充福建同考官得鄭瑞麟等八人。

嘉慶元年丙辰七十三歲元旦、

太上皇帝 御太和殿王公大臣百官稱賀行禮。頃之行歸政禮成、

太上皇帝還宮。

皇帝隨至乾清門乃出更袞服升 御太和殿行登極禮。王

公大臣百官朝賀奏樂如初。是日風日恬和雲彩絢麗咸謂重光復旦之徵。初四日行千叟宴禮于 寧壽宮皇極殿王

公及一品大臣 賜坐殿中兩列二三四品官及外藩使臣

坐殿門廊外五品以下衆耆老坐階下。入宴者三千餘人。辰

刻、

太上皇帝陞座、



皇帝侍立，羣臣依班在殿外行禮。禮畢，各就位。大學士阿桂奉樽跪獻，羣臣皆跪。又行叩首禮，乃坐。設酒饌，樂作演劇。太上皇帝命諸皇孫舉玉卮，賜殿上羣臣各叩首而飲。酒三行，樂畢，謝恩出。酒半，微雪霑綵服，作花六出。頃之，晴霽雲日皎然，上下無不懽呼稱慶。頒賞有差，先生受賜玉如意、楠木壽杖、紬緞裝錦大氅、筆墨等十六件。是日冊封皇后。午刻，復詣太和殿前。

皇上陞座，再行賀禮，退。蓋

太上皇帝聖壽八十有六，文謨武烈，旁沛宇宙，鴻朗昭融，純熙悠久，超越千古。而以

聖禪

聖尤生民以來所未有。先生作詩六章，用志盛軌進呈，得

旨刻入燕集中。元夕

兩聖幸 圓明園往侍直。二十一日 陛辭。那繹堂閣學彭

雲相司空元瑞沈雲椒少宰初吳冲之少司空英煦齋編修

偕同人分日祖餞。二月初一日、餞車啟行、及門人又餞於普

濟堂而別。行至瓜洲、費筠圃巡撫淳以讞事赴興化相見、言

總督蘇公凌阿已聘主婁東書院。三月初五日、歸家。四月初

一日、赴書院、知州于君鼇圖直隸總督成龍曾孫中戌同年御

史宗瑛之子、以太倉州志自張受先以來已一百五十年、欲

續修之、請主其事。時汪敬箴編修學金乞假家居、築靜厓小

園、香燈禪版、專心淨土。先生重聽久、至是夏秋酷暑、兩目眇

迄秋、右目稍瘥、已不能發墨、揮翰矣。而江浙士人請謁無虛

日、校文暇、悉以應文字之求。歲暮還三泖漁莊。浙江巡撫王

達齋德阮伯元學政秦小峴觀察灞皆舊好同蘇鹽政榜額

聘爲崇文院長因熊布政枚先期力請仍主婁東且志書未

畢辭不往。

二年丁巳七十四歲正月浙中當事皆折簡相招因赴浙由

楓涇至嘉善見同年周穉圭觀察升桓嘉興晤馮養吾侍御

浩抵杭州項金門璠請爲東道主王撫軍蘇麟使置酒邀伯

元學使同汎西湖明日學使邀集瑪瑙寺越二日秦小峴觀

祭招游龍井二月朔赴雲棲再禮蓮池大師一宿至理安次

日游韜光靈隱楊梅諸勝門人孫臬使嘉樂張西曹時風孫

侍御志祖暨沈觀察榮勳龔太守敬身皆攜酒至寓同邑門

人陳州判花南韶復約諸名士請游梅莊歸過桐鄉李大令

廷欽江西舊屬請見門人李大令書田廣芸爲平湖令亦來



請紆道往晤之。仍赴太倉。八月、聞秋帆制府卒於辰州官舍。十二月鳳喈光祿亦歿於蘇州。兩君皆籍隸太倉、因爲作傳。是時先生老病益甚、遂辭講席歸。聞大學士誠謀英勇阿公薨於位、

上親臨其喪、賜諡文成。而顧晴沙袁子才王蓬心及王敦初_復亦皆以秋冬繼逝。自甲寅至是年詩編爲存養齋集。

三年戊午、七十五歲。二月、赴硯山丙舍上冢歸、撰顧晴沙墓銘、畢秋帆神道碑。是秋、編湖海詩傳畢、將梓、而江寧將軍慶公_霖爲尹文端公第五子、甫抵任、以書來約。九月、買舟至秣陵、遍游寶華、棲霞諸山、天界、雞鳴、報恩諸寺。會江寧許秋巖太守、秦易堂司業諸君聞曾賓谷運使_煥以俸滿入都、送之至揚州、寓同年沈旣堂運使_{業富}家。賓谷屢集名流招飲、賦

詩聯句五日而歸。是秋戶部主事張君大維爲貴州主考，得黃燮等六十一人。

四年己未七十六歲正月

太上皇帝升遐，見費撫軍告以入都，遂買舟行。二月初一日過無錫，鄒曉屏閣學炳泰來始聞京師近事。大學士和珅以

言官劾貪墨狂悖不法狀凡二十餘款，

上賜令自盡。又下詔開言路，肅吏治，絕貢獻，禁奢侈。溫

旨絡繹，士庶鼓舞相慶於途。二十九日至京，寓榮邸舍。三月

初一日召見，詢問歷官始末及外省吏治民情與川楚寇

盜未平之故。一一奏對。又諭云：凡有欲言可繕寫密封以

進，乃退。明日詣觀德殿前敬謁。

梓宮行禮，遂條數事進之。



上命畱覽。時百寮持服公事之餘無私謁。惟法時帆祭酒式善、何蘭士御史道生、張船山編修問陶偶相過從譚藝而已。

清明 大祭上

尊諡并四月十三日百日期滿俱詣行禮。十六日具奏回籍。二十日遂從水路南下。七月抵家。是時吳縣知縣因爲富商追欠于國忌日違禁杖責生員四學諸生不服適平學使忽來蘇羣往呈訴而按察使同知等收捕諸生平君瑟縮不能禁止先生移書切讓之。十一月阮公伯元由戶部侍郎補浙江巡撫過吳具書請主杭州敷文書院。是年會試鮑覺生桂星等十二人成進士分別以庶吉士主事用有差。英煦齋詹事充會試同考得蔡鑾揚等十一人。

五年庚申七十七歲。正月下旬至書院。院舊名萬松明王文



成公守仁作文記之碑今不存。生童來課者二三百人。先生以辛酉年補博士弟子。至是已六十年。學使錢公樾松江知府趙君宜喜請重游泮宮。乃以四月中歸里。率新進子弟謁文廟禮畢。宴於曲水園。九月復至書院。是年英煦齋閣學爲順天主考。得張葆等二百三十人。沈戢山編修爲福建主考。得張光浩等八十五人。魏升之銓部爲四川主考。得陳兆鵬等六十人。陳遠雯銓部爲貴州主考。得尹作霖等四十一人。而內閣中書張君桂齡亦充順天同考官。夏秋閒。目疾甚。屢辭院。阮公堅留乃止。至歲杪歸里。六年辛酉。七十八歲。正月。阮公差縣丞顧某邀請大雪中過鴛湖。城郭樓臺。人烟樹木。皆在玉壺天地中。爲先生前此屢過所未見。扣舷叫絕。杭州書院有三。自敷文外。崇文則馮玉

國給事

培

紫陽則御史孫君

志祖

又戢山則孫淵如觀察諸

暨則禮部郎中孫君

嘉樂

皆先生門下士浙人以爲美談夏

初適課諸生西湖柳枝詞阮公閱之歎其工謂自楊鐵崖後

五百年無更作者選而刊之共得三百餘首先生與當代名

流往還書札最多而諸城劉文清公及梁侍講元穎墨蹟尤

爲繁富陳花南恐久而漸失請合兩家書鐫之名劉梁合璧

江浙士林亦以爲墨寶八月英煦齋少司農典江南鄉試得

崔錫華等正副榜一百三十六人時目疾益甚遂辭講席而

歸

七年壬戌七十九歲目疾愈甚以生平所撰金石萃編詩文

兩集及湖海詩傳續詞綜天下書院志諸書卷帙浩繁尙待

編排校勘不能審視因延請朱映澗秀才

文藻

彭甘亭上舍

兆蘇及門人陳烈承秀才

興宗

錢同人秀才

但

陶鳧香秀才

梁

各分任之、校其舛誤及去取之未當者、刻日排纂。是春會

試小門生呂

兆麟

顧

純

程

邦憲

等皆授庶常。

八年癸亥八十歲。元日望

闕行禮畢、賦七律二章、傳和者

頗衆。時

詔令雲南清查各屬銅鹽虧空

國帑之項、計虧

至二百餘萬、無可著追。雲省督撫請於二十年來各督撫司

道分賠之、先生應賠出一萬二千餘兩、貧無所措、乃至蘇州

見署巡撫總督費公及布政使汪公

日章

請以所有田宅盡

數入官變賣以償、凡六千餘兩、不足、請咨部豁免、兩公皆許

之。時那繹堂少宰以讞鹽案至浙、寄書邀於中途相見、因至

吳江會之、翌日又送出潯野關、連夜挑燈話舊、蓋不勝悵惘

也。將歸于太守

鰲圖

館先生于虎阜白公祠、卽明季顧處士



儒藏

述庵先生年譜 下

苓之塔影園。吳中諸名士載酒來訪，因作絕句十餘首記之。
乃歸。陳黃門子龍詩文零落，先生前與王教諭希伊輯之，得
若干卷，又考其墓，載於縣志。而是時適奉詔錄明季殉難
諸臣，賜諡忠裕，並翰林撰文入祀忠義祠，并考其前官，曾
授兵部侍郎、翰林院侍讀學士，詳於殉節錄。因與陳桂堂太
守廷慶於墓上建碑亭，栽松柏。又於墳西半里福成庵側建
祠，兼祀夏忠節公允彝及忠節子節愍公完淳。王君勝時澤
蓋忠節與公同社同難，節愍爲公高等弟子，勝時亦公弟子。
難後收葬，故一併祀之。并約同人，此後每歲春秋致祭，以垂
不朽。又屬何書田秀才其偉與趙惠蒼汝霖、莊純川師洛兩
貢生重爲搜採，詩文刻之。同時嘉興朱孝廉宅亦刻公集，乞
先生敘之。又於金山徐氏得所藏安雅堂文集若干卷，於是



公之祠墓詩文燦然顯於世矣。十一月，八十生辰，吳穀人祭酒爲先生撰啓徵詩，吳越士大夫桴舟來祝者數日不絕，得詩百餘首，而京城及遠方寄詩來祝者亦衆。四川布政使楊君荔裳知先生病，目寄空青石，先生笑曰：「日本陽光，陽盡則暗，此豈可以藥物挽回者？」試之卒不效。先是，先生以六十年來師友所贈詩文，手自甄錄，名湖海詩傳，共六百餘家，至冬刻就。又嘗讀宋元人詞集，有竹垞太史詞綜所未採者，撰續補人二卷。竹垞曾選明詞未竟，踵成十二卷。又選國朝詞綜四十八卷，至是皆刻竣。先生自中歲窮經，凡讀諸家注釋疏義，有所得輒書而藏之，題爲羣經揭橥，共十數冊。自戊午至是六年，雖往來杭州太倉，常居於臥游軒，故終以名其集焉。

九年甲子八十一歲。神氣更衰。因思今古詩文中惟陸放翁、朱竹垞兩先生年逾八十、尙能吟咏、其餘則否。因遂輟筆、不爲。蓋欲幾於心齋而坐忘也。遠方來訪者、迎送不能出廳。是年、鮑覺生中允典試河南、得董益廣等七十一人。錢曉敬少詹、汪敬箴庶子、史誦芬、沈安成靖先後逝。實有山陽之慟焉。而荔裳方伯卒於成都、尤爲惋惜。五月間、雨水泛溢、禾苗漂沒者十之三四。幸蒙 蠲賑兼施、窮黎稍濟。然猶有食糠粃者。

十年乙丑八十二歲。二月、英煦齋侍郎與同年二十餘人郵寄八十壽文、極爲宏麗。先生杜門已久、而忠裕公祠落成、仰其節義文章、不敢以衰眊自解。乃於清明前親往致祭。曉徵少詹卜兆有期、同人偕其兄東壁、求撰墓志。先生以六十年



舊好作二千言存歿之感溢於楮墨時鐵公治亭由山東巡撫總督兩江巡洋閱兵貽書問訊伊墨卿太守由惠州罷復起用隨鐵公來亦承其勤拳記憶也伯元中丞丁憂歸儀徵秦公小峴自廣東調浙江布政使許公秋巖由江西按察調浙江曾運使英侍郎鮑中允常以書素見貽而席編修煜趙司馬懷玉陳徵士鱣吳秀才騫姚上舍椿及桂堂遠春時時過訪吳江潘明經負錢塘吳秀才引年與映滄同人皆在書舍老病中不憂寂寞也是年英侍郎充會試總裁官得胡敬等二百三十三人孫平叔爾準鄧菽原傳安孫子瀟原湘徐直卿題皆中式直卿以第二人及第授編修平叔子瀟選庶吉士菽原以知縣用十一月金石萃編一百六十卷刊成十一年丙寅八十三歲元旦得鄧太守夢琴書寄示麗澤講

習一冊、并以甲子鄉試重赴鹿鳴賦詩見寄。三月、許周生來、乞其尊人春巖方伯墓志。四月、徐直卿編修亦以求撰其尊人詩集序來訪、何夢華相繼至、劇談終日。五月十二日、微瘧、三日而愈。二十一日、寒熱復發、由是飲食漸減。至六月初三日、朱潘二君偕來問疾、猶與論易、隨卦嚮晦、冥息義極精微。初六日、病愈甚、先生知不能起、因言、吾通籍以來四十餘年、受恩深重、未酬萬一、遂口授謝恩表、令肇和繕寫副本、呈請當事審定轉奏。次及喪事、悉遵朱子家禮、無務世俗浮華之費。至墓志、神道、須阮伯元、秦小峴兩君撰之。又曰、汝庶母侍吾垂三十年、會典質其所有簪珥、以充刻書之資。今侍湯藥浹旬、不稍懈。我歿後、汝宜以禮事之。頃之溘然而逝、時初七日丑時也。

王文端公年譜

清·阮元編撰

劉琳校點

郭齊一審

周斌二審

清嘉慶二十年刻本

《王文端公年譜》一卷，清阮元編撰。清嘉慶二十年刻本《葆淳閣集》卷首。

王杰（一七二五—一八〇五），字偉人，號惺園，又號葆淳，陝西韓城人。乾隆二十六年狀元，授翰林院修撰，提督福建學政，陞內閣學士，督學浙江，歷禮部、吏部侍郎，充四庫館、三通館總裁，兵部尚書，上書房總師傅，直軍機處。乾隆五十二年，拜東閣大學士。嘉慶七年，加太子太傅，致仕。十年卒，年八十一，謚文端。杰自少嗜學，老而益篤，在官勤慎廉介。督學福建、浙江，多次擔任會試總裁，熱心獎拔人才。著有《惺園易說》、《葆淳閣集》。

此譜編者阮元（一七六四—一八四九），爲譜主門人，字伯元，號芸臺，卒謚文達，揚州儀徵（今屬江蘇）人，乾隆五十四年進士，曾任浙江、江西等省巡撫，湖廣、兩廣、雲貴總督，官至體仁閣大學士。又是著名學者，嘗校刊《十三經注疏》、《學海堂叢刻》，編有《石渠隨筆》、《山左金石志》、《經籍纂詁》、《廣東通志》、《雲南通志》、《揚州圖經》等，著有《擘經室集》五十七卷。

此譜編於嘉慶二十年，簡要記述譜主生平仕歷、家事及兩朝皇帝的知遇恩禮，其他方面則很少涉及。

王文端公年譜

雍正三年乙巳 一歲

十月二十七日寅時公生。公諱杰字偉人，號惺園，別號畏堂。後又以葆淳二字刻私印。先世居山西洪洞縣，遷陝西韓城縣。始祖諱進順，五傳至公考濂濱公。

誥贈光祿大夫、東閣大學士、原任浙江石門縣主簿諱廷詔，取公妣吳太夫人生子三人，長諱濬，中式乾隆癸酉科第六名武舉人。次諱澈，附貢生。公其季也。



雍正四年丙午 二歲

雍正五年丁未 三歲

雍正六年戊申 四歲

隨贈公赴浙江石門縣主簿任。是年始讀書。

雍正七年己酉 五歲

雍正八年庚戌 六歲

雍正九年辛亥 七歲

雍正十年壬子 八歲

能書扁額大字。讀書穎悟。贈公性方嚴不苟。



言笑見之輒愛喜謂吳太夫人曰此兒其大
吾門乎。觀其作字與爲人端正能自立者益
勤教公不少寬假。迨去官歸鄉里囊空漸不
給而公自刻苦讀書學與年進。

雍正十一年癸丑 九歲

雍正十二年甲寅 十歲

雍正十三年乙卯 十一歲

乾隆元年丙辰 十二歲

乾隆二年丁巳 十三歲

乾隆三年戊午 十四歲

乾隆四年己未 十五歲

乾隆五年庚申 十六歲

乾隆六年辛酉 十七歲

乾隆七年壬戌 十八歲

補韓城縣學生員。

乾隆八年癸亥 十九歲

取同縣程夫人監生諱普女。

乾隆九年甲子 二十歲

試高等補廩膳生。

乾隆十年乙丑 二十一歲

乾隆十一年丙寅二十二歲

子堦時生。

乾隆十二年丁卯二十三歲

奉贈公命負笈西安肄業關中書院。是時武功孫酉峰先生主關中書院講程朱之學，勵實行兼治古文辭以訓士。公本以文受知及受業，乃在文字外，先生深器重焉。自後公常相間家居，於事親從兄勉勉勿懈。

乾隆十三年戊辰二十四歲

肄業書院。



乾隆十四年己巳 二十五歲

肄業書院。

乾隆十五年庚午 二十六歲

肄業書院。

乾隆十六年辛未 二十七歲

子埈時生。

乾隆十七年壬申 二十八歲

肄業書院。

乾隆十八年癸酉 二十九歲

以優等選拔貢生。

乾隆十九年甲戌 三十歲

朝考一等第一名引

見以教職用。選授藍田縣教諭。未赴任。贈公棄養。公哀踊哭泣不絕聲。侍吳太夫人益依戀弗忍離。與兩兄竭蹶營喪葬。盡禮。眾議析處。兩兄勤生計。俯仰足自給。公專力讀書。不善治家人產。日窘蹙。顧不以口食累兄。時當屢空極困。不向人乞憐。公文名日著。爲飢驅謀養。奔走四方。知交日廣。往來多知名士。與眾處熙熙然。不立崖岸。設城府。羣飲以和。故或謂公少



壯時喜交遊、性踈曠、類倜儻不羈者之所爲、
而其實稜稜持守、立足堅定、不一毫左右移。
此其意志在當年一二同志稔知之能道之。
乾隆二十年乙亥三十一歲
居喪。

乾隆二十一年丙子三十二歲

時陝甘總督尹文端公以記室聘居幕府。公
初本以書法見知、久乃悉公品誼、深重之。文
端內遷、薦公於巡撫桂林陳文恭公。文恭理
學大儒、精鑒別於士類、不輕許可。公在署落



落不附就、顧特深引重、謂人曰、王生負氣槩、其志意矯然、非常人也。公益自力、且時觀文、恭言行政事、敬慕心誌。常自謂、生平行已居官、獲益多在此。又常謂人、吾自見榕門、益篤信西峰、蓋終身於二先生、未嘗忘云。公在幕府時、筆札既多、又因幕中友往來晉接、不得謝燭燼、扃戶篝燈、發書莊誦、或尋究經書義理、發爲文章、往往達曙不寐。後嘗爲知己道之曰、此吾昔年潦倒時真工夫也。

乾隆二十二年丁丑三十三歲

在撫幕。子埳時生。

乾隆二十三年戊寅 三十四歲

在撫幕。

乾隆二十四年己卯 三十五歲

鄉試中式副榜。

乾隆二十五年庚辰 三十六歲

鄉試中式第六名舉人。

乾隆二十六年辛巳 三十七歲

會試中式第十名進士。

殿試進

呈十本公卷擬第三。

上閱至第三卷、熟視之、若素識者、以昔在尹文端公奏摺內見字體、曾蒙

嘉獎、且詢知人品。卽顧左右、謂此卷甚佳、親拔第一。頃之引見、

上喜動顏色、授翰林院修撰。

御製辛巳御殿傳臚紀事詩有云、西人魁榜西平後、可識天心偃武時。是時西域底平、開疆歲績、而公適應運掄元、



詩特及之。數十年遇合。

恩禮加隆。自策名日始矣。迎養吳太夫人於京師。

乾隆二十七年壬午三十八歲

欽命湖南副考官。吳太夫人訓之曰。汝去年尚作舉人。

今

皇上命汝爲考官。汝勉之矣。公謹受教。入闈閱卷勤慎。搜剔不倦。曰。離此一二年耳。敢自昧以負當世士乎。得士丁正己等四十九人。

乾隆二十八年癸未三十九歲

散館一等三名。

乾隆二十九年甲申 四十歲

欽命督學福建。

乾隆三十年乙酉 四十一歲

督學福建、選拔得士林光興等七十人。陝省在

國朝未有鼎元、而館選後卽疊司文衡、尤所罕觀、故鄉之人咸歎異。公律身益恪謹、校閱務盡心力。拳拳以士風爲念、謂士習者風俗之倡、學臣尤當以此爲急也。在閩四年、與諸教職講所以端士習、維民風者、不徒以甄別甲乙



爲稱職。

上稔知之。

恩眷愈篤。迎養吳太夫人於學署。

乾隆三十一年丙戌 四十二歲

督學福建。

乾隆三十二年丁亥 四十三歲

陞翰林院侍讀仍督學福建。

乾隆三十三年戊子 四十四歲

陞右春坊右庶子。十月陞翰林院侍讀學士。
仍督學福建。

乾隆三十四年己丑 四十五歲

自福建回京陞詹事府少詹事。充武會試總裁。

乾隆三十五年庚寅 四十六歲

在京供職。

乾隆三十六年辛卯 四十七歲

充

日講起居注官、

南書房行走。京察一等陞內閣學士兼禮部侍郎。典試江西得士陳元澄等九十四人。旋奉



命督學浙江。

乾隆三十七年壬辰 四十八歲

督學浙江。迎養吳太夫人於學署。省署校閱之暇，卽與程夫人侍太夫人，或披經史，課諸子業。此外無宴賞玩遊之事。署故有園林亭榭，在任三年，未嘗屬意園爲之蕪焉。

乾隆三十八年癸巳 四十九歲

督學浙江。

乾隆三十九年甲午 五十歲

督學浙江。冬奉

命署工部右侍郎回京。十二月轉刑部右侍郎。

乾隆四十年乙未 五十一歲

充會試副總裁得士嚴福等一百六十一人。

五月主試八旗教習。

乾隆四十一年丙申 五十二歲

再任浙江學政。

乾隆四十二年丁酉 五十三歲

督學浙江、選拔得士汪應紹等九十九人。

八月任滿奉

旨到京後、卽署禮部侍郎。十月轉吏部右侍郎、仍兼



署禮部右侍郎充四庫館三通館

國史館副總裁。

乾隆四十三年戊戌五十四歲

充會試副總裁得士繆祖培等一百五十六人。

乾隆四十四年己亥五十五歲

二月轉吏部左侍郎。六月奉

旨添派閱看

大清一統志。典試浙江得士蔣師煥等九十四人。八月塋時生子駒。十二月充

武英殿總裁同辦明史。

乾隆四十五年庚子 五十六歲

三月奉

命督學浙江。於是督浙學三任矣。浙故人文地。公歷任來校士。惟明惟慎。尤盡心以律身。持已相砥礪。試士日。必面諭諸生。勸勉殷切。如家人父子。浙中人士官大僚知名者。盡言及多感歎。悅服。謂所以成就之者在德器。不徒以文字知己。感慕不忘也。迎養吳太夫人於學署。

乾隆四十六年辛丑 五十七歲



儒藏

王文端公年譜

督學浙江。

乾隆四十七年壬寅 五十八歲

四月奉

旨授都察院左都御史回京供職。八月充四庫館總

裁趨

命

召對蒙

恩詢太夫人年歲、

御書南陔承慶匾額賜公。十一月子埏時生。

乾隆四十八年癸卯 五十九歲



五月吳太夫人終於京邸。八月埵時生子
駒。九月公奉吳太夫人喪回籍守制、謹謝
客而親知一二時往來相慰問。常謂人曰、吾
官總憲且一年、賴

主上聖明、海內乂安、

朝廷無事、無所建白。然終自愧居言官、無補於
國家。

乾隆四十九年甲辰六十歲

在制。三月授兵部尚書時。

聖駕南巡、公趨赴

行在謝

恩

名見公不解憂戚之色。

上曰、汝來甚好、君臣之情當如是。然汝儒者、朕不欲奪汝情、歸終制可也。公感泣陛辭。時大興朱文正公方扈從、遇於行帳、歎謂公曰、上之待公厚矣、曷哉。

乾隆五十年乙巳 六十一歲

在籍守制。八月、服闕、進京供職。十月、充三通館總裁。十一月、充

經筵講官。

乾隆五十一年丙午 六十二歲

正月奉

旨。在紫金城騎馬。四月直

尚書房總師傅。十二月直軍機處。

乾隆五十二年丁未 六十三歲

正月、拜東閣大學士兼管禮部事務。充會

試正總裁、得士顧鉅等一百三十七人。

賜花紅住房各一所。

乾隆五十三年戊申 六十四歲



儒藏

王文端公年譜

平定臺灣、

賜圖像紫光閣。

御製贊曰、典學七閩、肅正士風、臺灣民俗、頗悉心中、山海險夷、參畫具通、有佐樽俎、圖貌紀功。

乾隆五十四年己酉 六十五歲

充會試正總裁、得士錢楷等九十六人。

平廓爾喀、再

賜圖像紫光閣。

御製贊曰、司學閩疆、臺灣事曉、海洋進退、頗亦了了、短詩長記、晝夜謄章、無暇贊策、人各用長。十一月因

師傅七日未到免

尚書房行走。

乾隆五十五年庚戌

六十六歲

二月、塋時生子鵬。

充會試正總裁得士朱

文翰等一百二人。

十一月加太子太保。

乾隆五十六年辛亥

六十七歲

奉

命仍直

尚書房總師傅。

九月塋時生子驕。

十月塋時

生子篤。



儒藏

王文端公年譜

乾隆五十七年壬子 六十八歲

乾隆五十八年癸丑 六十九歲

六月、塋時生子盼。

乾隆五十九年甲寅 七十歲

十月、公壽辰、

恩賜

御書贊元錫嘏匾額、臚名芸館魁多士耆福台階引大年對聯、梵錫無量壽佛、鑲玉如意、珊瑚朝珠、

上用紅絨結頂冠、皮裏褂、蟒袍、鑲寶石黃文帶、大小荷包、小刀、飯菜、果酒十六件、

欽差御前侍衛賁

賜以爲公壽。

乾隆六十年乙卯七十一歲

嘉慶元年丙辰七十二歲

二月埤時生子騫。以足疾辭免軍機處、

南書房、

尚書房兼管禮部諸務。

嘉慶二年丁巳七十三歲

嘉慶三年戊午七十四歲

二月奉



旨仍在軍機處行走。

嘉慶四年己未 七十五歲

正月、

高宗純皇帝升遐。

上親政、

命總理喪儀殯心竭誠自

梓宮在殯及祇送

園陵朝夕寤寐悲傷哀慕未嘗頃刻忘。充

實錄館總裁。八月、埏時卒。

嘉慶五年庚申 七十六歲

二月、堦時生子駒。三月、孫駒生子祖賚。

四月、公患痢疾、蒙

恩賜人參調治。當疾劇、常一夕十數起。旋草奏乞休、奏就將上者屢矣、而輒轉念

先帝

今上恩、不忍去、旋止不上。九月、疾雖愈、而氣體漸弱、不得已乞休、奉

旨慰留、並

命扶杖入

內右門。十一月、堦時生子駒。



嘉慶六年辛酉 七十七歲

充順天鄉試正考官得士胡開益等二百三十二人。

嘉慶七年壬戌 七十八歲

復以疾固辭蒙

恩予告在家食俸加太子太傅。

嘉慶八年癸亥 七十九歲

三月回籍蒙

恩賜

高宗純皇帝鳩杖內庫人篋一劬。

御製詩二首、名冠朝班四十年、清標直節永貞堅。樞
庭久值宣

綸綽講幄昔從授簡編。歸里先叅

天上佛、杖鄉共仰地行仙。期頤福壽增康健、紫禁重來
赴叟筵。屢蒙

恩旨秉文衡、藝苑羣瞻桃李榮。直道一身立廊廟、清風
兩袖返韓城。

先皇手澤常承福、東國靈蓂永衛生。西望渭川雲渺渺、
鱗鴻時達慰離情。對聯詔宣恩禮崇耆宿、詩賁林
泉養大年。回籍後早夜愔戀



關廷屢奏請

聖安皆蒙

恩旨欽慰。五月初三日奉

硃批覽奏俱悉。一切平安實深欣慰。京中現望雨澤未能霑足。川楚軍務畧有頭緒。亦未全靖。特諭卿知。欽此。又恭賚到

恩賜扇套一件、香袋六枚、各色藥錠六十包、又六十
五枚。六月二十七日奉

硃批覽奏俱悉。卿在家頤養努力加餐。益增康健矣。京中自四月半得雨。陸續霑足。麥收不過五六分。



天恩

晚禾日見芃茂。至川楚軍情甚好。大約六月內可全靖矣。特諭欽此。八月初十日奉

硃批。卿在家頤養。想益康健。京中今夏雨暘時若。百穀繁茂。中元日經畧奏報。邪匪全靖。朕承

考佐實深欽感。特諭卿知。同殷忻慰。二十日啓程。幸山莊。現駐兩間房行宮。遙望西秦。彌增想念。欽此。十月二十五日。接奉九月十一日奏謝

恩摺內

硃批。卿在家安善。覽奏欣慰。今賜卿

神糕併如意、願永茂遐齡、長延福壽。欽此。十二月初六日、接奉謝

恩摺內

硃批、嚴寒沍凍、諸惟珍攝、用迓春祺、益綿福履。欽此。

嘉慶九年甲子 八十歲

正月十四日、接奉八年十二月初九日謝

恩摺內

硃批、新春企祉、福履益綿、遙望關雲、曷勝想念。親書福字、併荷包等物、付使帶去、賜卿以迓鴻禧、並增純嘏。欽此。公雖在里居、而眷慕

天顏繫心

朝政未嘗一日去懷。且以川匪未淨。時有陳奏。蒙
卽於摺內

降旨慰諭。是歲公與程夫人八表齊眉。
上命巡撫方公維甸親齎

御製詩章。輝騰紫極。耀韓城。海屋籌添。鶴算羸。地近
西池。增福祿。星明南斗。燦晶瑩。

兩朝調鼎。文思被八表。齊眉壽域宏。德業久敷。俾戢穀。
期頤雙慶。衍長庚。

御筆福綬燕喜匾額。並梵銅無量壽佛。鑲玉如意。寶



儒藏

王文端公年譜

蠟朝珠、珊瑚頂冠、皮裏繡蟒袍、補褂、紬緞、以爲公壽。十一月、脂車進京謝。

恩先是、

上有廷寄、著自行酌量、緩至來春到京、蓋恐嚴冬遠道風霜致疾也。而公眷戀

天顏、急促就道、以臘初到京。

恩賜肩輿進東華門、扶掖入

內右門。

召見後、隨遣人到寓視問、並

賜鹿尾、野雞等物。問曰

名見歎語流連復

御製誌喜詩西來紫氣滿都城八表仙翁數倍羸趨
禁仍隨鵷侶列杖朝爭覩鳳墀瑩願卿永享修齡
慶勗我當思治業宏眉壽無涯益康健千春旋轉
樂同庚以賜公。

嘉慶十年乙丑 八十一歲

正月初七日

召見謂明日出城爾不必到園子去待二十後進城
再相見也。初八日夜公體微不快。次日稍愈仍對
客坐語如常。初十日子時無疾薨於京邸。



儒藏

王文端公年譜

上命榮郡王領侍衛十員奠醑茶酒賞陀羅經被廣儲司庫銀二千兩治辦喪事奉

上諭予告大學士王杰

先朝耆舊久直內廷宣力有年忠清直勁老成端謹前年以老病乞休經朕再三慰畱因累次陳懇肫切勉從所請朕曾親製詩章優加錫賚以寵其行歸里以後屢有批章著加恩晉贈太子太師入祀賢良祠所有應得卹典該部察例具奏欽此尋

賜諡文端

諭賜祭葬



制曰、朕惟望隆柱石、勲猷不愧夫科名、身退林泉、眷禮倍深、於耆宿戀闕而重趨紫闥、遽悲大雅之亡、飾終而載誌青瑤、彌念小心之素、爾予告大學士王杰、材成楨幹、學有本原、忠清與古爲期、直勁乃天所賦、自中年通籍、荷

先皇特達之知、泊藝苑升華、裕經國大猷之用、早依殿值、洊長官僚、俾奉綸言、遂躋卿秩、疊膺閭浙育才之任、屢掌春秋校士之司、歷試諸曹、聽履班崇、特進聿求一德、卜甌位躋叅知、密勿親承、入黃閣而功垂紫閣、觀摩攸賴、侍講筵而職撝冑筵、凡茲

簡畀之殷。允副具瞻之重。逮朕躬纘承自廩。眷老成毗倚。方隆每當造膝以論思。時藉決心而勵翼。當三省慶。敕寧之會。適元臣陳引退之章。慰畱而未忍重違。惜別而載申誠款。賜之祖餞。賁以詩章。驂駢俾適。夫郵程廩祿。仍優於家食。里名通德。詎航風志於田園。賦擬遂初。彌矢純心於魏闕。昨以年齡八秩。佩紱雙榮。頒翰什以宣恩。命疆臣而錫賚。衝寒載道。攄藿悃以重來。接奏陳辭。喜梨顏之如昔。嘉茲矍鑠。志以歌賡。乃加餐方祝鳩杖。而遺疏俄驚鶴化。特加賜綈。卽遣奠帷。內帑優頒。用佐治瑩。



之事、官銜晉錫、更畱題旒之榮。崇入祀以錄賢、示
易名而壹惠。綜其始末、諡曰文端。嗚呼、台座星沉、
褒錄加隆於碩輔、靈輻日遠、恩施飭護夫歸途。爰
當封鬣之期、式煥蟠螭之碣。昭茲來許、勿替引之。
大興朱文正公爲公誌墓、其畧曰、公可謂忠
清上達矣。其少壯備常^①辛苦、學品似王魯齋、
甲第似康對山。三十七成名、游歷魁台。四十
年受

兩朝知遇、始終無間。衡文柄者十二次、人不敢干以私。
在軍機相位、和而不同、耿直清介、正色讜言。

可謂有守矣。銘曰：龍門之陽，黃河之西，寔生偉人。魁枕參觜，金華文憲。武功對山，品第兼之。三達孰班，蹇蹇色言。介介進退，不磷不緇。寡尤寡悔。

兩朝知遇，八袞去來。篤實光輝，生榮死哀。夏陽北京，豐碑屹屹。何以表之，如綸如綍。公子埭時等述公行曰：先公立朝，恪謹持大體，而事有可否，未嘗不委曲陳奏。

上以耆德、

恩禮有加焉。在官歷中外，以至居



禁近數十年。不苟訐。以爲直。協恭之雅。與物無競。相
與稱德。度無異辭。而孤立無黨。人亦無私附
焉者。交際問餽。不苟絕。人歡而分。辨極明。纖
毫無苟取。所得士。自外任歸。有餽金爲壽者。
先公曰。曩吾與若言何如。今受若餽。如所言
何。服官四十年。貧如爲諸生時。少嗜學。迨老
益篤。官卿貳。及在台省。日勤勞。機務早朝。宴
歸。接賓僚。酬應外。退息小齋。靜坐一二刻。卽
展卷披閱。吟誦。嘗手點全史一過。晚年服習
性四書五經。循環翫索。更耽讀易。學務有裨。

身心政事。不以詞章記誦爲能。然遇博學能
文之士。愛之不啻自口出。嘗訓及門云。爲政
之道。當開誠布公。最不可有意除弊。此弊除
他弊興矣。性寬厚。屬吏有賢者。力薦達之。不
能者戒飭之。未嘗輕劾一人。然於世之漫無
否。以姑息爲寬大者。可極不然之。曰。縱惡以
取名。如

國家何。生平於浮屠老子法。未嘗一言及詩文中
不涉一語。亦不事排斥。有道及者。輒不對。曰。
吾未嘗習此也。性不自是。後生末子一言偶



中舍已從之。所守至堅。權勢威武不爲少奪。議論有不合者。不能少傳會。待門下士。誼最篤。然無門戶。不稍涉私。亦無敢以私干。人有過。必告之。無疾言遽色。而肫切誠懇。溢於詞氣之表。所著有讀易劄記。讀論語孟子鈔。謂俟退閒。更行叅訂。故未及刊。居恒慎筆墨。不喜作酬應文。故所畱惟恭和。

御製詩若干卷。此外雖尋常吟咏亦少。起居食息動履。日有常度。時刻不踰。至耄耄退休。體漸羸弱。而神志不衰。家居翼翼。衣冠儼然。嚴寒盛暑。

不少變。賓客見者，樂先公之和易可親，而未嘗不肅然生敬。又性簡淡，奉身有制，家人衣食具有成規。嘗爲所親誦先贈公家規曰：吾先人嚴謹節約如此，今幸霑

國恩，予伊等以不飢足矣。且吾亦無長物貽子孫，若不自檢制，吾不能斤斤爲參養計，亦非吾所能庇也。門內悉凜繩尺，而御子尤嚴，不少假顏色待親族，任卹無不至。於其能自愛嗜讀書，敦行者，尤格外栽培之。得告家居，接人無少長，務以禮，不爲欵曲，而中心肫然。公配

程夫人、

誥封一品夫人。側室姚氏、黃氏子四。堦時、員外郎職銜。埽時、監生。埽時、

恩蔭兵部武選司員外郎、擢御史、今任福建建寧府知府。堦時、廩生、選授寶雞教諭。女二、長、適舉人批驗所大使同縣劉棟、次、適朱文正公子。恩蔭刑部廣西司員外郎、大僕寺少卿、大興朱錫經。孫九、駟、駟、隲、驕、篤、駟、駟、駟、曾孫一、祖賚。嘉慶二十年、受業揚州阮元謹編。



校記

①常：據文意，當作「嘗」。

②據文意，此「可」字當在上句「漫無」下。

程易疇先生年譜

羅繼祖編撰

劉琳校點

郭齊一審

周斌二審

民國二十年石印本

《程易疇先生年譜》一卷，羅繼祖編撰。民國二十年石印《朱程段三先生年譜》本。

程瑤田（一七二五——一八一四），字易疇，又字伯易，號葺荷、葺翁、讓堂，清安徽歙縣（今屬安徽）人。少與戴震、金榜從學於江永，又師何焯高弟方粹然等人，與王念孫、汪中等爲友。乾隆三十五年四十六歲乃中舉，九應禮部試不售。六十餘乃得補江蘇嘉定縣教諭。嘉慶十九年卒，年九十。瑤田爲清代著名漢學家，博學而又嚴謹，精於考證，實事求是，不盲從於前人。所著論學及考據諸作四十餘卷，總名《通藝錄》，義理、訓詁、制度、名物、地理、聲律、象數之學殆無不備，多精確不可易，爲世推服，其中《九穀考》四卷尤爲有名。又精藝事，詩歌、書法、篆刻無不工妙。

此譜編者羅繼祖，浙江上虞人，羅振玉長孫，著名學者。年譜根據譜主所著《修辭餘鈔》及其他有關文獻編成，所記事詳於學術活動及師友交遊。

程易疇先生年譜

上虞 羅繼祖

雍正三年乙巳八月 先生生。

先生諱瑤田、字易田、後改易疇、一字伯易、號葺荷、以世居縣城之荷花池、用屈原賦葺之兮荷蓋語。又號葺翁、葺郎、亦稱讓泉、過客。晚年以讓名堂、因稱讓堂老人、又稱壽丈人。世為安徽歙縣人。明初聚族居縣城之荷花池。曾祖□□、字子衡。祖正印、字仲章。父兆龍、皆席履豐厚、而好施與、有儉德、鄉里稱之。母汪太安人、貴州石阡府知府之壽女孫、陝西柳溝衛守備喬林第四女也。以寬御下、以勤教子孫、閭閻德備焉。修



解餘抄、書先考世素行示後人、昔先考之居室也、兢
兢焉、慎乃儉德、削衣敗食、自比於窶人子。當是時、席
履豐厚者比屋而是、三三兩兩、務爲紛華、見先考若
是、此則反唇稽之、不以己之縱口體欲爲非、乃曰、若
人何人、自苦。嗚呼、彼亦未聞數十年前吾徽風俗之
美、其富家巨室有不削敗其衣食如吾先考者哉。聞
之康熙年、吾徽城盛時、人人挾多資、而衣羊裘者三
人耳、然且二人長衣、其一人則半衣也。當是時、先祖
在三人中、而先考爲之子、不亦侈然膏粱文繡之子
弟哉、然而先考薰其儉德、不與諸年少蔑視其家法
者同羣。由今思之、其志赳赳乎流俗、其作法可示後



生。今日吾人為之子孫、尚不至於蕩檢踰閑、而等諸落拓者之無以自存、則固不可不知其來有由也。先祖沒於康熙六十一年、而余之生也在雍正三年、故不逮事先祖。而先考則嘗述先祖之為人、以教余兄弟、言先祖之富、積而能散、世所謂好行其德者、靡不有之。故死之日、無論識與不識、咸稱道不置云。先考富不及先祖、然好施與、於所當用不吝情。逢蒲節、製善藥、無虛歲以與人、於其封曰、惟願人人壽命長。其事皆非積而不散者之所為、而奉身之儉、則規模先祖、而能繼述之者也。先妣系出名門、自其在室、以及于歸、凡夫女行婦德、所為泯非儀、宜室家、人不間言。

者三黨咸稱之矣。而以寬召和入其室、煖然似春。又恐兒婦輩不能深知其處心積慮之所在、且將有以遺忘之也。於是諄諄言之、日日語人曰：寬待奴婢、勤教子孫、此雖里諺、實格言也。待其側者、人人皆耳熟焉。今一念及、覺先妣之厚德、真有得乎坤元之順承而默契乎資生萬物之旨者。生子七、先生居長次光瑩、光焜、光烈、光執、光煥、光熠。先生生有文在手曰：田。故先生父以田名之。

四年丙午、二歲。

先生遠祖、當明初有名永和者、始建祠堂。嘉靖間、重建。至是、歷年逾百、朽敝致不蔽風雨。先生祖將重新

之會卒不果。雍正改元，先生世父兆元及先生父仰承先志，因舊址而恢拓之，是年始成。

五年丁未，三歲。

六年戊申，四歲。

七年己酉，五歲。

八年庚戌，六歲。

九年辛亥，七歲。

十年壬子，八歲。

季弟觀文光烈生。按先生諸弟惟觀文知生年。

十一年癸丑，九歲。

十二年甲寅，十歲。



十三年乙卯、十一歲。

乾隆元年丙辰、十二歲。

二年丁巳、十三歲。

三年戊午、十四歲。

四年己未、十五歲。

五年庚申、十六歲。

六年辛酉、十七歲。

始應童子試、不售。

七年壬戌、十八歲。

從汪雲岫廷龍受制藝。雲岫字集池、歙之瞻淇人、先生父受業師也。以明經老。修辭餘抄、雲岫先生墓誌。



銘、瑤田之執事於吾師也。師年五十有四矣。先乎吾而學成者、往往授藝科以去、其能文章、為諸生者比肩立。又其先則吾父、吾伯父皆師之、而受知於學使者皆在成童之年。吾父延吾師以訓瑤田兄弟也、呼瑤田語之曰、昔吾學於先生時、府學教授黃君諱師瓊者、蘇州人、於經生藝最為老師、一時府名士咸謁而請焉。黃君少許可、獨稱方先生粹括、金先生復堂、及余兩業師。兩業師者、其一則休甯陳卜惟先生。蓋其時、而祖延兩先生以訓、而伯與而父也。歟。後方、金兩先生皆成進士、陳師亦舉孝廉、惟先生以明經老。然而先生固長者、豈惟文章足法耶、惟其不偶於時、

故爾等得從之遊也。吾師為文、至老不倦、瑤田從遊時年近七十矣、生徒課文不中程式、輒援筆示之、歲且數十藝。有時文稿及詩古文辭若干卷藏于家。是年得滯下病、每如廁、所傳導處輒沈沈下、數年而劇下、必扶之而後納。然日習為常、弗苦也。按先生撰異脈記、謂在十八十九歲時、故列是年。

八年癸亥、十九歲。

九年甲子、二十歲。

十年乙丑、二十一歲。

是年與洪杭原性鈞訂交。修辭餘抄、五友記、洪性鈞字執原、歙之桂林人。家世業醫、與余同為博士弟子。



員。少日為舉子業、每攷試、曹伍莫敢倫比。又好賦詩、格調高遠、步趨韋孟、一時文采風流、有陵轡古今之樂。冬至杭州應商籍試、與江岳南衡訂交。五友記、江衡字岳南、歙之豐瑞里人、而僑居錢塘。博聞強識、能詩、善屬文。杭君大索於人、少許可、獨稱岳南。登面登賢書、淹留京師、南北益闊絕、不復相見。居兩月、復歸歙。

十一年丙寅、二十二歲。

是年、又至杭應試、主江岳南家。岳南每對客、輒目先生以語、客曰、此吾畏友也。試不售、遂與汪謹度隨徒步歸歙。五友記、汪隨字謹度、後更名某、錢塘諸生。其

先亦歛之郭友人、性僻而篤於友朋、為人謀而忠。余之主於岳南、以應商籍試也。商籍必由鹽運司錄送督學使者、乃得就試。余至稍遲運司錄中無名、意將止矣。謹度私計曰、商民互考舊矣。今某不欲商、則於民。遂為余謀、攷民籍得補錄。縣府試牒皆有名、乃始告余、初不令余知也。其於朋友、他事皆類此。謹度刻

其途中所為詩曰重趼集、岳南為之叙。先生之歸也、岳南作詩送之、有上下千百年、人物歷可數、如君那復有心、傾意專注之句、其推挹如此。是年又與汪稚川、肇澄訂交。五友記、汪肇澄字稚川、壬午中副榜、與余同居城中、稚川居府城、余居縣城。蓋歛雖耐郭別

為一城也。乾隆丙寅、余與稚川交、幾無一日不見。稚川少孤廢學、及冠、發憤刻苦。事節母、依依然孺子慕也。母沒、水漿不入口者三日、泣血不露齒、食不御甘旨者三年。讀喪祭之禮、遂精三禮學。顧年僅五十九而卒。

十二年丁卯、二十三歲。

補博士弟子員。與洪杭原、汪二為名侯考。同入學。復與洪又存、名侯考同讀書飛布山。

十三年戊辰、二十四歲。

十四年己巳、二十五歲。

是年識戴東原。震時東原方躋於小試、而學已成出。



所校太傅禮示先生。太傅禮人多不治，故多錯互，譌脫。學者恆苦其難讀，東原悉一一是正之。先生讀而驚異，遂與訂交。東原復為言準望之法，因從學焉。是為先生學算之始。

十五年庚午，二十六歲。

與弟光瑩同受業於方心醇。粹然。心醇為何義門、惲高第、修辭餘、抄河西、高公叙、畧吾師、雪瓢先生、淳安朴山先生第二子也。少日隨朴先生居京師，主於何

義門先生，遂從之游。稱義門高第弟子。時居徽城外之河西，自號河西廬公。已而心醇父朴山娶如，亦應郡守何公達善之聘，來主紫陽講席。先生復從游焉。



是年與汪稚川及姊婿汪松岑同硯席。

十六年辛未、二十七歲。

是年仍與稚川、松岑同硯席。

十七年壬申、二十八歲。

春至揚州、遇金徵士農許與葉孔章、天賜訂交。修辭

餘抄葉節母汪安人傳、孔章卓然有以自見、耽好文

學、為詩清華和婉、議論風發、泉湧、娓娓動人。業于揚

揚為醯務都會、而孔章通材也、精鹽法、造門納屨者

無虛日。夏過安慶、登大觀亭、謁元余忠宣公、閱墓。是

年方朴山與先生師心、醴皆去歟。汪松岑從祖弟在

湘、梧、周述學、故貢生汪君墓誌銘、君諱梧、周字在湘、

其先與中同出唐越國公後。乾隆初紀處士江慎修崛起於婺源、休寧戴東原繼之、經籍之道復明始此。兩人自奮於末流、常為鄉俗所怪、又孤介少所合、而地僻陋、無從得書、君獨禮而致諸其家。其後江君沒、大興朱學士來視學、遂盡取其書上於朝、又使配食於朱子。戴君遊京師、當世始為儒家。後數歲、天子脩四庫之書、徵領局事。是時天下之士彬彬向學、蓋自二人始也。抑左右而成之者、君信有力焉。延戴東原授其子、先生因得與東原共遊處、交誼益深。十八年癸酉、二十九歲。十九年甲戌、三十歲。

二十年乙亥、三十一歲。

是年仲弟光焜行貨瀋陽、航海歸卒於山東。

二十一年丙子、三十二歲。

二十二年丁丑、三十三歲。

館汪在湘家。推求準望、重測用較、為法之理、疏記之、為三圖、在湘奇之、戴東原見亦嘆服。先生師方心齋自杭以書來言、湖山遊覽之暇、所著有十三經注疏類抄一百卷、禮服古制二十卷、并脫稿、可繕寫。

二十三年戊寅、三十四歲。

自京師歸至揚州。

二十四年己卯、三十五歲。



儒藏

程易疇先生年譜

有汪生錫勇者從先生學書。是年冬病歿。

二十五年庚辰、三十六歲。

二十六年辛巳、三十七歲。

是年先生父及汪太安人相繼棄養。

二十七年壬午、三十八歲。

客揚州主洪杭原家。杭原欲為梓準望園記而未果。是年三月十三日先生師江慎修卒于家。按夏氏所撰別傳言先生與休甯戴震同邑金榜俱學於婺源慎修江氏然通藝錄中引江先生說僅一二見他無稱述故不知受學在何年。

二十八年癸未、三十九歲。



春重過滁州醉翁亭。時先生自以同歐陽文忠號醉翁之年，又慕其行誼與所為文詞，因自號葺翁，並刻章曰名雖為翁，實少年，用文忠贈沈博士歌詩句也。已而傷心夢我，復署葺郎，以漢二千石得自擢子弟為郎，沿襲遂呼人子為郎君。葺郎云者，蓋欲終身於子道之意。是年又客漢皋。

二十九年甲申，四十歲。

奉兩親，築于邑東，去城三里許，校射塲之右，李家山。修辭餘抄，季弟事略，弟少日，好察山川形勢，喜與形家者遊，遂稍稍通青囊術。先考先妣卒，已歲，相繼棄養，乃覓地於邑東，去城三里許，校射塲之右，曰李家

山。余偕往觀之、弟指謂余曰、賴君合作不啻也。余曰、自侯然得安先人足矣、他又何論焉。越三歲、遂奉先考妣葬焉。

三十年乙酉、四十一歲。

秋應鄉試不售。

三十一年丙戌、四十二歲。

三十二年丁亥、四十三歲。

先生師方心醇來徽、以所持雪瓢示先生、命先生作歌、冬復歸杭。是年先生錄所為時文、而未有名。適有以蓮飲飲先生者、其色澄碧、而味香甚、以為瓊漿、澀露、無以踰之。客遂請以為名、從之。作蓮飲集自序。

三十三年戊子、四十四歲。

三十四年己丑、四十五歲。

作琴音記成桐城劉海峯大樞為之序。第七弟光熠卒。是年先生夫人徐孺人大母饒氏年百歲守節凡七十三年。先生為額請表其閭。

三十五年庚寅、四十六歲。

集所為詩顏曰濠上吟。劉海峯先生見而歎賞勸梓行並為作序。先生師方心醇復來徽主西河巴氏。七月某日為心醇七十五生辰先生偕諸同門及心醇所交游稱觴上壽。八月、

萬壽恩科先生舉於鄉受知於座師仁和汪芑陂中丞新。



芍陂乳陰二十二年進士、官至湖北巡撫、加總督銜、謚勤僊、著有芍陂詩稿。計偕上京。是年滯下、病復發、甚劇。五十日中復發瘧、最後發癰、右胯下。醫治半月乃瘳。

三十六年辛卯、四十七歲。

是年、乞鑿海峰為作宗祠碑記。按碑記云、乾隆己卯、逆數建祠之日、四十有七年云云。己卯殆辛卯之誤。

應在是年。過揚州、與洪杭原別。至京師、應禮部試、不售。桐城張總憲若淮、聞先生名、延課諸子、遂留京師。杜先生館張氏、集中未嘗自言。據汪啓洲印人傳謂、次年應禮部試入都、桐城張總憲聞其名云云、知應

在此時。然越歲已適武邑矣。第六弟光煥於是年商於其外家業盧葦之海州。及海州人來言未見其至。蓋中途他適。已而轉徙至揚州。諸兄弟謀致之歸。則又逸去。後遂不知其死生存亡。先生甚傷之。

三十七年壬辰、四十八歲。

居京師。六月洪杭原卒於揚州。赴至哭之。是年武邑縣令靈石何聖容思溫延先生至武邑課其子。修辭餘抄、何主事逸事記、聖容初令浙江之武康、後攝官永康、既又調繁定海、繼復宰武邑、豐潤、所在有惠政。官至戶部主事。按聖容宰武邑在是年九月、逸事記云、余與聖容居三年、蓋自是年冬至乙未秋也。



三十八年癸巳、四十九歲。

客武邑。是年秋、先生師方心醇卒于杭州。戴東原奉召入都、充四庫館纂脩官。

三十九年甲午、五十歲。

是年、又字伯易。六月、武邑新脩文廟成、聖容屬先生代作碑記、採許氏說文中言九穀者類聚錄之、次其先後、有異名者並存之、於泰稷梁三事辨之尤析、成九穀考四卷。武邑地廣衍、無名山可登眺、物產藜藿、草木之花可觀者亦少。先生因圖其地之所出、藜、菜、荊、水仙、蒺藜之屬、復一一繫之以詩、朱竹君爲之跋。

四十年乙未、五十一歲。

正月、病齒久、且弗瘳。及日南至之前一日、忽有骨刺出、大如粟。又一月而骨脫痛止、而齲牙漸落矣。秋、何聖容調宰豐潤、先生隨往。手拓文廟所藏牛鼎、證為劉宋孝建時物。返京師、主何氏寓、作豐潤縣牛鼎記、以駁汪氏師韓趙宋之說。質之朱竹君、翁覃溪、方綱、應禮部試不售。李弟光烈遊京師、居半載、援川運例捐九品職銜。是年、王懷祖念孫入都應試、先生因與訂忘年交、晨夕過從、以古學相勵。

四十一年丙申、五十二歲。

是年、在京師、聞戴東原、金輔之榜論水地、以為有未



合偶有所見輒錄之、不以示人。為先生究心水地之始、後乃整比付梓、即禹貢三江攷也。冬、自京師南歸、道過揚州。葉乳章以母汪安人行狀示先生、先生為作傳。徽州城外太平十寺之長慶寺、傍舊有七級浮圖、是年九月遇暴風雨、瓦飛木拔、浮圖之銅頂遂折墮水中、為緯戕人盜去、遺其頂末。先生友胡授穀見而取歸、視其上有大宋重和二年正月字、先生因作太平十寺始建浮圖年月記。按記無年月、以塔頂折在是年九月、故繫此。

四十二年丁酉、五十三歲。

五月、戴東原卒、年五十五。先生自京師歸歎。按此據



紀覲、然據葉節母傳言、明年冬、余自京師歸、道過揚州、孔章以母行狀示余云云。周靜用矩述自序亦言丙申之冬、余別東原南歸。葉傳作於丙申、則先生已於去歲南歸、尚未匝歲、不應又有南歸之事。先生自撰刻章小傳乃庚子七月作、云居京師六年一歸、而後至今又居三年、是先生南歸祇是年一次。葉傳云云、殆僅至揚州、欲歸歟而未果歟。先生師方心醇子豈君來徽過訪、從先生求心醇所著書不可得、得文數篇而已、蓋先生所手錄也。是年述所藏覲并所製覲銘、作紀覲一首。何聖容卒於京師。

四十三年戊戌、五十四歲。

春黥牙更生完然與他齒比。計偕上京。按紀硯稱余
卜十月朔偕計吏上京。殆去冬欲行而未果。何主事
逸事記作在是年。當不誤。夏日訪表弟潘仿泉應椿
於豐潤。時仿泉為豐潤宰。先生游縣北之披霞山。於
山陽真武院得古經幢一滌而拓之。字多漫漶不可
辨。剝滌再三始隱約見有天慶八年字。蓋適時物也。
為文以記之。又作何主事逸事記。張擇端清明上河
圖記。考諸文。是年又自京師歸至揚州。與汪容甫中
訂交。按汪喜孫容甫先生年譜謂訂交在乙未。丙申
之間。此據容甫與劉端臨書。當得實。容甫才學冠大
江南北。傲晚少所許可。獨心折於先生。與劉端臨台

共書謂程君有體有用、不可不納交之。又嘗叙次當代通儒名氏、以先生為首。

四十四年己亥、五十五歲。

是年、潘仿泉復招先生至豐潤、課其二子燁、奕甲、先生作周髀用矩述、成、因以勾股之學授兩生。四月、仿泉父默庵卒於家、年八十四。仿泉將致官奔喪、以廟主為問、且曰、在禮、卒、哭、乃諱、書之主、將稱字乎、抑猶稱其所諱乎。先生主稱字、作廟主稱字、議與之。五月、返京師、滯下、病復發、兩月、乃愈。愈後、髮較平時長五寸。先是、左手病痺、累服藥、不愈。至是、髮長、而痺亦愈矣。六月、作豐潤牛鼎說、於石丈居、以示門人潘燁、奕



甲兄弟。十月作同年友豐潤魏元宗禮焯母劉孺人傳。

四十五年庚子、五十六歲。

在京師。元旦為程東治作說文引經異同序。夏四月丁酉。雅^杰命其弟子大興金櫟山^若來謁。櫟山性孝友好學。金櫟山墓誌。櫟山性明敏。律已甚嚴。不能苟合於人。事父母能得其歡心。昆弟同處。怡怡如也。好書。購買得三千餘卷。時或窘乏。則斥衣物以資其所需。國家開四庫全書館。有校讐善本。則務求必得之。手自抄錄。輒廢寢食。不自恤其體之羸弱也。遇漢唐舊碑帖及名人墨蹟。尤所珍愛。心慕手追。未嘗



厭倦。見先生所著書勢五事請而錄之。七月朔自作
刻章小傳以詒汪訥。訥命啓洲以訥命將有飛鴻堂印
譜之輯也。是時先生著書刻者已有琴音記、濠上吟、
蓮飲集數種。其他說經之文以草創未定不欲遽付
梓。在京以書寄長子培謂心境豁達全不以功名富
貴繫懷。明年大挑或可得一官然亦以淡泊處之。九
月將南歸忽疾作同年友汪午庭為介醫者吉安裴
鶴峰。鶴峰良醫也。適過王懷祖許遂往就診。裴醫察
脈而異之曰先生之脈異脈也貴且壽者也。間日令
再診之作而言曰余察脈多矣然如先生脈殆非常
倫比可勿藥也。無已則請處為丸方。十月朔遂買舟

南下。十一月至揚州，居數日，病齒甚劇，醫者投以清胃飲，又繼之以甘露飲，皆不得愈。十月初九日，長孫錫露生。是年，編歷年所為時文得百首，用李昌谷白藤交穿織書箋句，署曰藤箋編序而藏之。作吳仰唐刻章叙劉海峯先生卒，年八十三。

四十六年辛丑，五十七歲。

在揚州，飲藥數十劑，齒猶不愈，然精神步履如常。汪容甫為介醫者桐城張一峰，投以治風藥，又與製大黃龍膽草諸藥飲之，膿始盡。先生自去歲冬至病齒，至是歲夏至始愈，蓋歷百八十日矣。六月朔，作異脈記以記之。羅兩峯聘自京師至，言來時見張鶴峰，聞



說先生脈異事、而都人或樂相傳述、以為談諧之助。其未見先生者、又以先生南歸、不得一識為憾也。六月、得古劍一於揚州、汪容甫復以所藏劍為贈。是年、里人謀重建長慶寺塔頂、凡五閱月而工竣、屬先生為文以記之。

四十七年壬寅、五十八歲。

正月、家居。汪容甫自揚州又寄古劍至。三月、已予藉慰祖、贈劍亦至。先生藏劍至是凡四矣、因攷其制、作為桃氏為劍、攷一卷、並圖其形於後。是年、座師汪芗陂中丞為湖北按察使、招先生授諸子讀。過淮安、遇汪容甫。

四十八年癸卯、五十九歲。

在武昌臬署。正月、作趙子昂碑刻紀年碎錄。七月訪王蓮心太守宸。時蓮心將之永州任、見先生所作桃氏為劍考、因出所藏劍示先生、相與論說。先生歸、佗吉劍歌贈之。蓮心亦作說劍圖、並題詩為酬。復次韵答之、并圖其所藏劍。各繫以說。汪容甫書至、言某病中百慮縈懷、深恐不起、而足下則時時夢見之、晤語如平生、以尔心思專一之驗也。因索先生所著通藝錄。按容甫於通藝錄最所推服、每於相知前稱嘆之。見江喜孫撰容甫先生年譜。書中又云、海內篇刻成、并望寄我。儀禮堂阿等制文、乞抄一本見付、又新法



列宿度數亦已見示云云。據此知是時通藝錄已付刻而淇洹疆理小記、數度小記、釋宮小記亦均成書將刊行矣。是年為陂中丞陞山西布政使去鄂先生將從行。友人方晞原矩安徽通志矩歙縣人貢生從江永游自漢唐洎宋五子書皆博涉精究所著有遺古堂初刻。語先生曰子年近六十矣鄉舉後屢上公車、苟當售即不報罷。繼自今間容人矮屋中何復太自苦。先生納其言不果行。著楚游草。

四十九年甲辰六十歲。

是年仍北返應試。至是凡九赴禮闈矣。二月既望至京師謁翁覃溪於詩境軒。覃溪出示所藏古劍。閏三

月往遊荊州盤山千像寺宿一夕而返與汪於陂中
丞同居蓮華寺於陂以程青溪江山卧遊圖為贈時
先生試不售將南歸謁辭座師曹文恪公秀先公贈
以書款誤書為易疇遂又字易疇是月八日昧爽金
櫛山病篤欲一見先生先生往已不能言又二日遂
卒年僅二十四。先生傷之為作墓誌。夏至杭州訪汪
元宗於松石間。元宗於陂中丞猶子也。為作松石間
記。中秋復北返再遊天像寺作釋人叙。第五弟光執
卒。

五十年乙巳、六十一歲。

是年居杭館於汪氏學松師竹之齋。求汪謹度消息

不得已而得其死耗且知其無後甚傷之。五月洪統
原次子受嘉來從先生受學。著武林草。

五十一年丙午、六十二歲。

居杭州。晤吳槎客、騫槎客出示所藏商鳥篆戈墨本。
春上京。佗留別洪生受嘉贈言。閏七月十日作東漢
射陽石門畫象跋。按文見劉賓補賓應圖經又張賓
德射陽石門畫象彙考。不載通藝錄。九月廿八日偕

門人潘氏照輝、三辰、亦甲遊盤山、徧歷諸名勝。十月
十三日始返薊城。作遊記。又作唐田盤山上方院二
大師遺行碑書後、鄭公釣臺圖書後。

五十二年丁未、六十三歲。



儒藏

程易疇先生年譜

居京師。七月、李弟光烈卒於歙年五十六。李弟觀文
事君、弟性剛、稱急無所容。有料事之明、德則輒中、而
至於治家、自為謀計、輒左、與其居恆嘗所持論者、往
往不相應。以故終其身、屯遭窘迫、無順適之境。時先
生諸弟多已先亡、存者惟仲弟光瑩及光烈耳。光瑩
喪明、按先生諸弟卒年皆見李弟事畧中、惟光瑩卒
年不可知。讓堂亦政錄中寄挽汪慎川詩、有何當別
後仲弟死、歸來我亦顛、雙眸句、注、吾家字、凝目、盲不
能見我、今字、敬死、亦不能見之矣、云云。則光瑩之卒
當在先生官嘉定時、字、凝殆其字也。至是光烈又卒、
先生悲慟甚、作李弟事畧。中秋同年友喬思潘穀堂

有英邀先生及陽城張古餘、義仁、安邑宋芝山、蘇福觀所藏印拓為看篆樓印譜，各得其一。先生為之序。重陽日，作程青溪江山卧遊圖，書後及舊拓原石夏承碑跋，著都門草。

五十三年戊申，六十四歲。

居京師。暮春，大挑二等，得部選江蘇嘉定縣教諭。七月，將自都之官。程也園吏部振甲屬滄州張桂巖、明寧畫桑乾別思圖，并邀諸朋好作詩贈行。九月，赴皖孜驗領憑。登安慶大觀亭，重謁余忠宣公墓，記之以詩。十月，至嘉定莅任，作出山吟以示已志。錢竹汀大所為題，與孫錫用行書手卷。先生次韵答謝，并賀其



得孫。

五十四年己酉、六十五歲。

在嘉定任。正月為諸生訂月課並示以欽定卧碑及

聖諭廣訓謂明訓煌煌、寄諸生日用行習之準皆宜熟

讀精思終身由之。因頒布諸生俾恭誦三復兼以傳

示鄉鄰。二月廿五日、往遊明黃忠節公祠溫州盡節處

曰西林庵者求所署放帑庵額不可得歸為之記。先

生自司諭嘉定惴惴焉以不能令諸生明乎人倫是

懼以為人倫之不明由於人心之不知讓於是大書

讓堂二字扁諸廳事。又謂教以人倫之法莫善於朱



子白鹿洞規復書而刻諸屏以身率教諸生來謁輒舉以告語蓋不欲以文藝之末期之已而大風作明倫堂東西榮壞乃請於上官謀發帑重修之是年鎮洋畢尚書沅開府湖北重修黃鶴樓屬汪容甫作樓銘先生書石錢獻之帖篆額時人謂之三絕方晞原卒作詩挽之。

五十五年庚戌六十六歲。

在嘉定任。正月得檄撥款脩明倫堂。三月學使者胡公高望諭蘇太兩屬近來士習不醇其最劣者至有破靴白頸之名。惡不可長責在教官。先生曉諭諄切俾知勸懲。諸生之不馴謹者必面加斥責久之士風

不變。五月、明倫堂成。六月、颶風夜作、西廡亦圯。先生復請撥款重建。於是邑紳相與言於邑宰王屏於君。一芳請並新其東廡於君題之。倡率勸蠲。衆皆樂輸。恐後。遂於季冬經始。洪又存卒於歛。作詩挽之。

五十六年辛亥、六十七歲。

正月、以試事至太倉。五月、東西廡成。先生作碑記。而於今已於前兩月調署震澤矣。於今宰嘉凡五載、以清恕稱。既去而民思之。邑士夫復發為詩歌以寵其行。先生為之序。繼之者為鉅野姚君、寧甲、前曾宰嘉、有惠政。茲再至此、戶相慶焉。七月、乞假還歛。先生在嘉凡三載、廉潔自持、不通于謁。旌褒節烈、百廢具舉。



於其歸也。錢竹汀贈詩曰：本是經人師，原無溫飽志。
王西莊鳴盛贈詩曰：官惟當湖陸，師則新安程。一百
五十載，卓然兩先生。其景慕如此。邑人嚴有堂翼錢
可廬大昭等及弟子數十人皆爭作詩文送之。又寓
練川祖道讓堂話別兩園，以記其事。復購邑中忠烈
手蹟為贈。先生曰：鄉先生手蹟宜藏於鄉也。對曰：先
生不取一錢，豈破紙亦不受耶？乃受之。胡公及姚令
皆挽留，欲以紫陽監院妻之。又欲聘脩邑志，皆以病
謝焉。十月七日，始成行。賦詩留別。每過新陽，晤邑令
諸城王春溪，應奎，以力學相勉。賦詩以贈。比抵歙，所
載書畫誤為酒浸濕，獨侯忠烈公峒曾、黃忠節公墨

蹟無恙、作詩記之、謂將貶之樓顏曰止酒。是年方晞
原子起泰、起謙來從游、以晞原詩一卷乞論定、遂為
作序。著礪城草。

五十七年壬子、六十八歲。

夏授徒靈山、著靈金草。又携諸門人假館於河西塢
山中之僧寮、著山居草。按此據非能編自序、然先生
授徒靈山、自壬子迄乙卯凡四年、假館僧寮未必即
此一年中事、以無可繫、姑依原文蟬聯書之。同邑項
君任田、溫者、先生世父壻也。安徽通志、項溫字芷堂
乾隆辛巳進士、授主事、歷銓曹員外郎、有教。移疾歸
家、授徒三十年、年、門人思之、立項先生祠於其地。著



一編集十二卷、續編十二卷。庚午舉人、辛巳進士、歷任部郎有教。在官九年、歸而與門弟子講學於其鄉之青士居、從游甚衆。是年七月歿、門人輩乃以青士居爲之祠、屬先生作碑記。又作豐潤牛鼎非宋器說、百歲俞母汪太君家傳。

五十八年癸丑、六十九歲。

是年、仍授徒靈山。

五十九年甲寅、七十歲。

元旦、諸子營小築成、先生仍顏之曰讓堂、作新成讓堂記。仲秋、先生七十生日、諸子欲延賓稱壽、先生却之、并作辭壽生日啓、以謝友朋。門人洪受嘉、慕陶靖

節之為人而與仰止之思菊花開時羅列滿室召客賦詩先生依韻和之并為之序仲冬汪容甫卒於杭州以詩挽之有校才君宜得八斗之句。

六十年乙卯七十一歲。

是年門人洪受嘉請編歷年所為文付梓先生許之總得若干首名曰非能編自為之序。

嘉慶元年丙辰七十二歲。

是年。

制科舉孝廉方正。五月廿二日先生夫人徐孺人卒年七十有六。孺人名順字惠卿歙之北徐村人父增恂業醴和州有善人之目。孺人能嗣音汪太安人善事



舅姑安貧好施與。備辭餘秒。亡室行畧。孺人逮事舅姑廿有二年。吾不能遽數其所以事之者。然凡所君嘗曰。吾口之於味也。忌婦能知之。偶有所嗜。孺人調治以進。則嘗之而喜。食輒為之盡。先安人間。呼余語之曰。自婦之初來。以迄於今。汝無所加損於昔時。蓋信孺人無多言於余前也。孺人性急。余性緩。靜躁其無深心一也。孺人御女奴。時時呼取來前。余僅備數耳。或已終日。不一見其面。亦靜躁不同。其不苟求一也。魏天之詩曰。宜其家室。孺人有焉。余不知治生。府君遺金餅不多。然非無僮石者比。余亦嘗省嗇用之。然持籌不畧。漫以散去。又遺郭外田數十畝。幾

不足用、勢將及之。孺人曰：無若是量入以出、損之又損、安在其不能供億也。故有時檢司中衣、無可以付質庫者、卒不向余言。偶及無致來鹽資、余語塞不能應。則曰：聞諸。余曰：聞。然卒無以應之也。則緩頰承之、徐及他事。由今思之、則其心亦苦矣。性不慕榮利。余舉于鄉、人皆為孺人喜甚。孺人視之澹如。語余曰：固亦自可喜耳。趙官嘉定、知吾無過飽志、令僮灌園、以供饗殮。有無、適勉無異其治家時。年五十後、兒子治家、冬日請為製一裘、止之曰：視吾篋中、無質券乃可。其後雖製裘帛、往往藏之笥中。不持齋、不數佛號。鄰婦告之、必量與之。或有以急來貸、余者、孺人苟知之、



儒藏

程易疇先生年譜

必勸速應、無令久待。後漢書載曹大家女誡七篇、婦人不習其書、多所昭合。事余終其身、未嘗出一戲言、情欲無介、室私不形、所性然也。今婦人能葉子戲者多矣、孺人不知焉。於乾隆五十五年恭遇 萬壽 覃恩、誥封孺人、請准 貤贈先安人。生子男四人、次子早殤。生女子二人、孫男五人、女孫七人。既卒、先生哀甚、作止室行畧。女夫衛望署金華、別駕作書勉之。年來所著通藝錄增刻約二百餘葉。

二年丁巳、七十三歲。

是年春、先生至蘇州。黃美園王烈將以學耕堂扁其新廬、擬乞先生書之。二月十日、請錢竹汀為之介、偕

顧千里廣所來謁求書已而先生往各拜更以白製墨二挺贈之菟園以吳都文粹四冊為報。按先生至蘇事據黃菟園吳都文粹跋不見集中。又之浙冬歸過味夫淳安胡左元名倬教別業因勸左元刻所為時文為作序。終辭餘抄胡左元時文序左元妹婿少讀書於六經三史靡不貫穿旁及騷選百氏作為文章元元本本為諸生尤以制義擅場。乙酉入學受知於錢稼軒朱石君兩先生。壬子舉于鄉後受知於金曉濤嘗僦室為三考。

三年戊午、七十四歲。

作序倫堂約七月至杭州遇宋芝山。

四年己未、七十五歲。

十月、所著解字小說^④付刊。門人洪印綬跋其後。按論學記及論學外篇在通藝錄中刻最晚。跋者門人洪黻、此作印綬、不知是否一人、亦不知孰為洪執原之子受嘉、或受嘉初名印綬、後易名黻、或與昆季、均不可知。附記俟攷。中有果臝轉語四卷、最精、以草創未定、不果刊。按王石瞿先生遺文中、有果臝轉語跋云、歲在庚寅、先生同族姪問源中丞携囑余校而序之云云。今稿本藏建德周氏、已列入安徽叢書第二集。問源名祖洛、嘉慶己未進士、由主事擢湖南布政使、官至閩浙總督。道光二十八年卒、贈太子太保銜。



誼簡哉。

五年庚申、七十六歲。

四月、吳槎客携所藏商銅戈來訪、適先生客泉口、不值。七夕、先生甥楊松林歿、往弔之、見張桂歲為畫海波險客圖、因作跋尾以代誄。

六年辛酉、七十七歲。

六月、金輔之卒。十月、先生刻杜門程生小名千兒二章、兩為之記。千兒、先生小名也。是年、長孫錫霑入學為弟子員。

七年壬戌、七十八歲。

夏至杭州、以所著儀禮喪服足徵記示撫部阮文達



公元阮公為之序。按文達序文實焦里堂代作。七月阮公將增鑄杭州府文廟鐘。聘先生監鑄。時先生目不明三年矣。然猶能見物。及鐘成。目益昏。日以甚。至七月晦。左目遂瞽。作鑄鐘紀畧以記之。又為阮公作阮氏作寶和鐘律中夾鐘記。復成樂器三事能言一卷。九月歸歛。先生家自明初以來。聚族居荷花池。在縣泮宮之西南。初時先生曾祖定居於族中之巷內。延及群從昆季。至是凡四世矣。巷內屋四所。累世居之。巷內有井。原泉也。不捨晝夜。是年冬。歛早甚。兩城井皆涸。惟此井如故。鄰近數十家朝起環汲。先生不病其涸。亦不以奪泉相督責。顧而樂之。曰。有是我。

斯泉之能讓也。因名之曰讓泉。作讓泉記。所為文又有程青溪江山卧遊圖書後江山卧遊圖已酉卷書後。

八年癸亥、七十九歲。

是年通藝錄將刻成。元日自為之叙。按以時通藝錄雖刻完。然如琴音記續編及脩辭錄抄中長孫錫露

啓攢文、八十生日預示兒子文、家新可孝廉家傳、後讓泉記、玉隱記諸文、皆七十九歲後作。當是以後增刻。元宵為燈冠。讓泉井上題讓泉以勞之。三月長孫錫露卒。年二十四。錫露好學能文章。先生甚悼惜之。四月將厝於桃源塢裏塘園之原。作奠文以誌痛。脩



辭餘抄、長孫錫露啓拙文、汝十三歲作學案書曰蘭
花坡、勾欄不容改作、余喜其有骨法、作詩曰右軍有
筆誰能掣、到溉斯才老弗如、蓋張之而因以勉之。厥
後從余讀書靈山及千佛巷、余令汪生惺堂教汝為
時文、汝不屑循序由漸、輒作全篇以進。學詩及為詞
賦、駢四儷六、斐然成章。一日、金輔之殿撰至、汝出燕
文請閱、殿撰曰、此三五名前作、而錄在後、吾不平也。
然汝固命中技。越兩月、又見汝文、曰、益進矣、數光不
可逼視。若與鄉校、直拾芥耳、幸自愛毋怠。二十一歲
鄉試、師葉古溥先生主紫陽講席、見汝文、曰、殿撰見
耶。余曰、不。五月殿撰當來。先生曰、蓋令先覩為快耶。

及嚴孫見此文篇、評之、且以札見示、曰：「老兄昔困於
場屋、此子必唾手得之。此循環理耳、不足怪也。一時
主壇坫者同然一辭。梁、沈兩公先後主紫陽講席、咸
喜出其門下、曰：「此子將搏扶搖上、非以諸生老者。明
年再赴鄉試、同考官^⑤湖南張司馬力薦其文、以額滿
置之。應童子試、江右楊大令拔之冠一軍。所命皆曲
制題、謂此文如鏤金錯采、非童子中所有。汝資近高
明、然手一編、窮年屹屹、莫沈潛若也。喜作蠅頭細書、
十言不落一字、望之如微塵生紙上、濃淡若一翳如
也。偶爲墨戲、延及丹青、寫生擅沒骨法、人以臥香館
擬之。爲詩、文屬對工、展雖經生藝、亦不作粗頭亂服

狀。若是皆宜年、而年不永、何也。秋、作八十生日預示
兒子文、以世俗酬應、玩時貴財、且疲筋力、擬一切罷
之行、所無事。

九年甲子、八十歲。

秋、作家獻可孝廉家傳。孝廉名杞、一字森厓、休寧人。
庚寅與先生同舉于鄉。又作丞隱記、贈張桂巖。時桂
巖年八十、為江都縣丞、隱於吏、以詩畫自娛。是年冬、
歎又早、井皆涸、惟讓泉仍如故。十月、錢竹汀先生卒、
年七十七。

十年乙丑、八十一歲。

作後讓泉記。是年、當塗夏朗齋鑒官徽州府訓導、携



儒藏

程易疇先生年譜

其子所來謁。安徽通志、夏鑒字德音、當塗人。少孤、母李氏守節教養。由優貢教習知縣、改選徽州府訓導。迎養數年、告歸、暇閱再選原缺、先後在徽十有四年。專務篤行、著程朱之書。訓士極嚴、有屈辱則必為直之。嘗謂士習宜整頓、士氣亦宜培養也。府有兩紫陽書院、久廢弛、鑒為清積弊、裕膏火、又每歲與同官捐施棉衣給貧者、士民皆德之。在家倡置義田、義倉、積有貲資、變通古法、以籌久遠。年七十、解官歸、卒、祀徽州府名官祠、當塗縣鄉賢祠。

十一年丙寅、八十二歲。

焦里堂植以書乞先生為撰其父太學君墓誌文、文

成命姪嗣茂書之。

十二年丁卯、八十三歲。

十三年戊辰、八十四歲。

是年先生右目亦瞽、日親枕席、然猶以著述為事、口授孫等成琴音記續編、以示門人、方巖夫軫、因請刊行。先生許之、命巖夫書序言并其端。

十四年己巳、八十五歲。

十五年庚午、八十六歲。

十六年辛未、八十七歲。

十七年壬申、八十八歲。

十八年癸酉、八十九歲。



儒藏

程易疇先生年譜

是年長子培卒。

十九年甲戌、九十歲。

九十生日、以長子卒、心喪未除、不受賀。是年先生卒。
先生生子四、培、理、懿、絳。三子名、據、遂、約、知、之、然、八十
預示兒子文、又作書示兒子培、藍玉、芝、瑞、知之。藍玉、

芝、瑞、殆、理、懿、小字耶。次子明、哇、早殤。孫錫、露、錫、用、錫、
官、錫、讓。女子子二人、適江元、贅、衛、璽。

先生少入塾、師謂孺子、盡言爾志。曰、無志。窮達由天、
命窮為匹夫、不得曰、非吾志而却之也。達為卿相、不
得曰、吾志不及此而逃之也。坐者起曰、是聖賢之學
也。先生曰、讀書不當師聖賢耶。及為博士弟子員、鄭

贊善

虎文

時掌教紫陽甚重之與馮按察廷丞書謂
易田之才足以兄事東原弟畜容甫云云

先生司教嘉定時俸祿雖薄而廉潔好施有年家子
馬槃家貧不能自存為謀廩餼以養之諸生貧而才
者亦皆周卹之有過必嚴懲而矜全之感激者或有
所遺責以大義而却之曰汝能讀書改過立身揚名
即所以報我矣

先生性和緩終身不解詬言質魯讀書百遍或不能
成誦然好深沈之思平居雞鳴而起然燈達旦夜分
就寢數十年如一日其學長于涵泳經文得其真解
不屑依傍傳注著有論學小記三卷論學外編二卷



儒藏

程易疇先生年譜

宗法小記一卷、儀禮喪服足徵記十卷、釋宮小記一卷、考工創物小記八卷、磬折古義一卷、溝洫疆理小記一卷、禹貢三江攷三卷、水地小記一卷、解字小記一卷、聲律小記一卷、琴音記、琴音記續編均在內。九穀攷四卷、釋草小記二卷、讀書求解一卷、數度小記一卷、九勢碎事一卷、釋蟲小記一卷、脩辭餘抄一卷、讓堂亦政錄一卷、珣錄一卷、樂器三事能言一卷、統名曰通藝錄行世。他若蓮飲集、藤笈編、濠上吟、非能編、雖曾刻行，然已佚不傳。尚有讓堂詩鈔十八卷、未刊、橐草藏於家。屬草未成者，則有儀禮經注疑直說、文解字會極兩種。



先生雖以漢學名家而所著通藝錄義理訓詁制度名物聲律象數之學殆無不備。論學小記一書說理湛深切實精詳根據孔孟不為偏激足挽晚近重漢輕宋之失。他如儀禮喪服總麻章末長殤中殤降四句鄭氏以為傳文不杖期章惟子不報傳文公妾以及士妻為其父母傳文鄭氏以為失誤大功章大夫之妾為君之庶子女子子嫁者未嫁者為世父母妯父母姑姊妹舊讀以大夫之妾為建首下二為字貴之鄭氏謂女子別起首下斥傳文為不辭。先生皆一一援據經傳疏通證明以規鄭氏之失。攷工記諸言磬句磬折鄭君度直矩解之致與前後經文不合先

生謂磬折不明。由于倨句不明。欲明矩^⑨句。先辨矩字。矩有直者。有曲者。倨句之云。折其直矩而為曲矩。今木石工所用之曲尺。是其遺製。又曰。車人為耒曰倨句。磬折。韓人為皋陶曰倨句。磬折。匠人行真水曰磬折。以參伍。此三磬折。不見倨句之度者。同乎磬氏之倨句。一矩有半。為磬折也。所以車人之事。為倨句起。例于半矩。數至一矩。有半。謂之磬折。下即接車人為耒一條。弦其折體之六尺六寸。以定其弦之中。步為六尺。以為凡命曰磬折者之定衡。二經相連。義取互足。自耒^⑩言九穀者。梁稷不分。鄭氏注三禮。及為詩箋。獨不詳稷之形狀。漢人言稷者。多冒粟之名。先生則



據說文禾嘉穀也粟嘉穀實也米粟實也梁米名也
稷齊也五穀之長證梁即今之小米連粟者曰禾實
曰粟粟實曰米米曰梁穀古人貴之故謂之嘉穀稷
即今之高梁其種最先故曰五穀之長禹貢揚州三
江只一江班固地理志三見揚州川者是志職方之
川三江非說禹貢先生因主鄭康成注正鄭道元水
經注之譌皆前人所未言也餘若考溝洫疆理宗法
攷工創物亦皆能據經文推闡復取證實物悉精確
不可易又精藝事詩歌書法篆刻無不工妙少時作
詩嘗為劉海峯方朴山所激賞海峰為近體詩頗似
宋人七絕逼真山谷所著書勢五事梁山舟侍講同

書謂皆發前人所未發。

先生每燈牕獨坐、感念世風、曉懷後生、惴然驚懼。平生尤惡博奕、嘗爲一聯揭之坐榻曰、松栢其偃蹇、獨後凋乎、直到嚴冬、未聞落葉、禮樂有斯、須不容去者、儘堪遣日、何必圍棋。又作一聯曰、舉世浪用精神、宜省嗇焉可也、盡人解圖安樂、惟勤儉者得之。其論博奕弊害諸文具載論學外篇、針砭頹俗、不憚辭費、可以鑒先生憂世之苦心矣。

先生子姓無考、家世寢落、讀夏心伯所與葛鐵生其仁書可見一斑。且知鐵生曾議祀先生于鄉賢、屬邑人傑事實、白當事。心伯病其疎失、爲別撰若干條上



之。先生為心伯父執心伯又曾親炙于先生所記自必詳審。第景繁堂集既擯而不載他書亦罕有記述及之者致名賢行誼閣而不彰遠祀遺馨不禁興嘆。惟夏氏書中于先生身後及請祀事尚粗見梗概姑附錄於後以資參攷。

歟程易疇先生學術醇正品行端方不僅攷據精確為一時所推服。閣下因其司諭貴邑著有賢毅特謀諸歛之縉紳舉報鄉賢誠盛德之舉也。蒙示邑人所撰事實似於先生平生品學未嘗道著痛癢不意先生去世不及四十年而碩德湮沒後生聞見若是之疎也可為浩嘆。先生與先名官公為兩辰制科同

年所十七八歲侍先名官公於新安曾捧手授教迄
今憶之罄歎儀容宛然如昨。承命改作事實何敢以
不文辭謹就昔日親炙之所及故老之所傳與夫通
藝錄亦政編之所載共撰若干條呈覽庶幾於先生
之學術品行粗具梗概不敢為一溢美之詞。以此上
邀祀典侑食藝宗洵為不愧。閣下其與紳士共酌之。
又先生後嗣式微已極閣下雖主持公道而衙門書
吏不能不稍給紙筆之費。梓庭制府出洋二十元頗
足助閣下之美舉。益以閣下十元恐尚未能濟事所
亦勉盡綿力寄助五元。蘇詩所謂我欲致薄少也。衆
擎易舉庶幾其有成乎。右景崇堂集卷十二與嘉定

廣文彙編生書。

程譜



儒藏

程易疇先生年譜

校記

①「朴」下當脫「山」字。

②撫：當作「撫」，同「模」，謂模拓。

③「靜躁」下當脫「不同」二字。

④說：當作「記」。

⑤安：疑作「官」。

⑥官：當作「宦」。

⑦此處「知之」二字疑承上文衍。

⑧罄句：據《考工記》，當作「倨句」。

⑨矩：當作「倨」。

⑩末：據文意，當作「來」。

⑪齋：據《說文》，當作「齊」。

甌北先生年譜

清·佚名編撰

劉琳校點

郭齊一審

周斌二審

清光緒三年重刻本

《甌北先生年譜》一卷，清佚名編撰。清光緒三年重刻本《趙甌北全集》卷首。

趙翼（一七二七—一八一四），字雲崧（一作耘松），號甌北，江蘇陽湖（今江蘇常州）人。少好詩古文詞，家貧，每以授徒自給。乾隆十五年中舉，考取內閣中書，入直軍機處。乾隆二十六年以探花賜進士及第，授翰林院編修，出為廣西鎮安府、廣東廣州府知府，陞貴州貴西兵備道。遂息意仕途，辭官歸里，從事著述。曾主講揚州安定書院。嘉慶十九年卒，年八十八。工於詩，精於史，所著《廿二史劄記》淹貫群史，考據精核，與王鳴盛《十七史商榷》、錢大昕《廿二史考異》同為清代史學名著。其他主要著作有《陔餘叢考》、《簪曝雜記》、《皇朝武功紀盛》、《甌北詩集》、《甌北詩話》等。

此譜未署編者，最早附於嘉慶間湛貽堂刻本《趙甌北全集》後，則應是嘉慶晚期編成；末署「不孝男廷俊、廷英、廷彥校字」，則此譜或即諸子刻集時所為。譜中記述譜主一生履歷，於其參與征緬、征臺之事尤詳，但對其治學事蹟與學術活動則記載甚少，是為一大缺陷。

趙甌北全集序

書有刻板自五代馮道始。歷宋元明以迄於今。學者便焉。然往往有散亡之恨。歷考載志所登著作家數。類多購其書而不得。蓋已付之劫灰矣。我



國家值粵匪之亂、毒流寰宇、竄及四
川、烽烟猱躪、又典籍之一劫也。澤
坡軍門素嫻韜畧、陷陣登先、擒其
渠帥、蕩平餘孽。既已助成

中興之功、而遂終軍弱冠之志矣、遂乃
懸車息影、肆志藝林、癖嗜古書、過



於趙璧。夫自左氏屈子以文章自爲一家、而實附經而立。自時厥後、漢魏六朝、作者如林、支分派別。雖其學各有淵源、要皆變化馳騁、銜華佩實、洵乎學者之山淵矣。至於麟經而後、厯代史書汗牛充棟、卷

帙浩繁、讀者幾難徧識。劄記一書
貫串史乘、薈萃成編、俾上下數千
年瞭如指掌。他如叢考、雜記、詩鈔
等類、皆足廣見聞、而資諷詠。至
皇朝武功紀盛一編、其中

廟謨將畧、以及地方形勢、頗爲詳盡、實



足爲行軍考鏡之資、而補史傳所
不足。則甌北之有功來學、豈淺鮮
哉。澤坡憫其板之燬也、乃募其全
集、而與漢魏六朝百三名家先後
付之手民、以公諸世。嗚呼、以周勃、
霍光之賢、雖有勛伐、而不好儒術。

今澤坡軍門獨於

承平之暇、投戈講藝、與其弟心舫刺史

搜尋殘簡、朝夕研求、訓課子侄、且

公梨棗、嘉惠士林、豈不彬彬乎古

儒將風哉。板旣成、囑序於余。余不

敏、何敢妄贅簡端、然又恐吾友之

美弗彰，因不揣鄙陋而爲之序。

光緒三年歲次丁丑十月旣望，詒

亭恆訓書於成都軍署。



儒藏

甌北先生年譜 序

歐北先生年譜

始祖體坤公。名孟堙。本宋室後。元末爲高郵州錄事。始居常州。五傳至竹

崖公。名致明。景泰甲戌進士。官御史。出巡按江

處。不設巡撫。湯潛庵十二傳爲曾祖禹九公。諱

明史傳稿中有傳。

祖駢五公。諱福臻。又名斗塏。自城中遷居西父

子容公。諱惟寬。誥贈中憲大夫。母丁氏。誥

貴州分巡貴西兵備道。封太

恭人。

雍正五年丁未

先生姓趙氏。名翼。字雲崧。號歐北。常州府陽湖

縣人。生於是年十月二十二日寅時。

六年戊申

七年己酉

先生三歲時，贈公客授於外，叔父子重公教之識字，每日能記二十餘字。

八年庚戌

九年辛亥

十年壬子

先生年六歲，贈公客授於西黃埭張氏，攜先生就塾。是歲讀名物蒙求、性理字訓及孝經、易經。



等書。

十一年癸丑

先生年七歲。隨贈公就塾於華渡橋。管氏以下四年皆隨贈公於華渡橋、蔣莊橋等處讀書。

十二年甲寅

十三年乙卯

乾隆元年丙辰

二年丁巳

三年戊午

先生年十二。隨贈公在塘門橋談氏讀書。贈公



命作時文。一日成七藝。贈公閱之。笑曰。他日不患不文。但諸經尚未全讀。宜以讀經爲急。遂不令作文。然同學五六十人。皆私乞捉刀。每課期五六藝。皆先生筆也。

四年己未

先生年十三。仍在塘門橋談氏館讀書。

五年庚申

先生年十四。隨贈公移館於東千埭杭氏。是歲始課舉業。落筆往往出人意外。然先生性好詩古文詞。時令甲不以詩試士。贈公恐以兼營妨

舉業、每禁之、而先生輒私爲之、襯書布下、雜稿常數十紙也。

六年辛酉

先生年十五。贈公歿於是年七月十二日。家貧甚、僅老屋七間、田一畝八分。上有三姊、其一尚未嫁、弟汝明、汝霖、亭玉俱幼、家食無資。杭氏諸父老以先生學已優、卽請接贈公講席、所課徒皆同學友也。

七年壬戌

先生年十六。館於東齊黃氏。家益貧、賣老屋三



間、僅存四間蔽風雨。館餼歲不過六金、除買紙筆外、悉以養家、不敢用一錢。然食指嗷嗷、饘粥常不給、太恭人佐以織紉、猶至斷炊。

八年癸亥

先生年十七。仍館於黃氏。

九年甲子

先生年十八。館於東千埭杭氏。先生素不喜作時文、自贈公歿、莫爲督課、遂泛濫於漢魏唐宋詩古文詞家、兼習爲詞曲。兩年中所著不下五六寸、皆無師之學也。父執杭應龍先生憫之、謂

寒士進身惟恃舉業舍本務而他涉將何以救
貧遂延先生至家塾課其幼子念吧而令長子
金鑑次子士良偕先生課時文先生已輟業數
年強而爲之轉不如舊時之入律矣是冬有明
經莊位乾先生亦館於杭相與講貫始就繩墨。

十年乙丑

先生年十九應童子試學政祭酒崔公紀取八
常州府學補弟子員向例學政取覆試卽入泮
無復去取也府學例取二十五人是年取覆試
者乃八十六名須再覆以定去取先生覆試文

不加點、遂獲雋。

十一年丙寅

先生年二十。館於城中史翼宸明經家。

十二年丁卯

先生年二十一。館於北門顧氏。攜幼弟亭玉課之。夏六月、亭玉以痘殤。秋試鄉闈報罷。冬娶劉恭人。先生爲童子時、貧甚、莫有議婚者。既入泮、有才名、會薦舉宏博、廩生劉臯聞公鶴鳴托府教授趙公永孝擇壻、教授公遂以先生應。是冬完姻。



儒藏

甌北先生年譜

十三年戊辰

十四年己巳

先生年二十三。失館。無以自給。乃襍被入都。才名一日動輦下。劉文正公統勲時爲總憲。卽延先生於家。纂修宮史。

十五年庚午

先生年二十四。以南籍生員不能試北闈。會有族人在天津業鹺。招往試商籍。運使葉公昱得先生卷。歎爲奇才。拔置第一。學使呂公熾按試。取入泮。秋。應順天鄉試。以五經卷獲雋。時頭場。



四書文三篇、經文四篇、其兼試五經者則經各四篇、合四書文共二十三篇。先生與酣落筆、一日夜了之。有同號舍之周某亦試五經、而病不能完卷、先生又代草經文五篇、出闈日未午也。座師爲休甯汪文端公由敦、少宗伯嵩公壽、房師爲刑部員外梁公濟。試五經者、二場例增詔誥各一道、先生業古學已久、詔誥獨冠場。文端公知爲才士、欲以爲解首、因頭場文跣跣、乃改置二十一名。是秋、家中有玫瑰一樹、九月中忽發花二十一朶、太恭人異之。及報至、京闈名

次適如其數。既出榜，文端公知先生所修宮史已告成，卽延先生於家代筆札，凡應

制詩文皆先生屬草。是冬又考取禮部義學教習。

十六年辛未

先生年二十五。會試報罷，文端公命兩子

承霽

承霽

從先生受業。秋又補義學教習。學館中無

生徒，從學者每月恒朔望日一至，遂仍客授於文端第。

十七年壬申

先生年二十六。秋應

恩科會試、仍被落。

十八年癸酉

十九年甲戌

先生年二十八。在文端第已三年有餘。文端老於文學、當世奉爲韓歐、顧極愛先生才、插架書萬卷、恣先生翻閱、因是見聞日擴、益得肆力於古。初爲文端屬草、好以奇警見才、文端輒刪去。先生心竊以爲不然。及一年餘、浮艷矜氣日漸刊落、乃始服文端之深於此也。二年以後、凡所代擬、文端不復易一字、師弟間每相對忘言。先



生嘗自謂生平古學多得力于文端公。是年春先生會試取明通榜。連年皆在文端公第而義學教習期將滿欲於引

見後歸省遂辭文端公出寓教習館。會考選內閣中書先生就試取第九名引

見畱用遂具呈禮部罷教習。秋七月附舟南回省太叅人稍贖回舊屋兼買田十餘畝作饘粥資。是冬爲弟汝明娶婦周氏。

二十年乙亥

先生年二十九入京補官文端師仍延於家。六



月補授內閣中書。每三日一入直。與同年邵耐
 亭、齊熊、賀舫、五瑞、李寶幢、汪度諸公同直。頗
 極友朋酬唱之樂。

二十一年丙子

先生年三十。是年夏。選入軍機處行走。時西陲
 用兵。軍報旁午。凡漢字

諭旨及議奏軍需事件。悉先生具草。頃刻千百言。無不
 中窾會。秋扈從木蘭。戎帳中無几案。則伏地起
 艸。文不加點。大學士傅文忠公深倚之。先生治
 事之暇。出其餘力。又沾溉數人。文端公應奉文

字旣以屬先生、其他隨

駕諸大臣和

御製詩、亦多乞先生代草、頗藉潤筆資以給。

二十二年丁丑

先生年三十一。會試落第、仍直軍機處。秋、又扈

從塞外。弟汝明病歿於家。先生節縮俸金、寄歸、

爲弟汝霖娶婦杭氏。

二十三年戊寅

先生年三十二。是春、文端公歿、先生始另僦邸舍以居、迎太恭人及劉恭人至京、弟婦周亦偕



來。是秋又扈從出塞。弟婦及劉恭人相繼歿於京邸。先生歸之日、劉恭人已屬纊矣。傅文忠公以先生積勞久、欲擢爲部曹、先生志在入詞垣、乃力辭。已而爲同事中諸忌者造蜚語中傷、遂出軍機、仍直內閣。

二十四年己卯

先生年三十三。在內閣。是年、繼娶程恭人。本大學士程文恭公景伊甥女、姓高氏、文恭公撫爲已女出嫁。

二十五年庚辰

先生年三十四。春，會試又報罷。前歲之出軍機也，本非傳文忠之意，而去秋諸同人扈從出塞，時事多誤，文忠益念先生。至是會試榜出，知先生落第，卽日傳先生仍直軍機。秋，又扈從木蘭。是年，汪文端長子承沆服闋入京補官，病歿於途。弟承需、承霽以書來告哀。先生念師門，遂無登仕籍者，而

聖主待文端素厚，倘得以此事上聞，當可邀

恩，乃囑

需、霽

以文端蒙

賜祭葬事畢，赴闕陳謝。

上以承沆所得廕官賜需而賜霽舉人人咸以先生善畫策能報師門也。

二十六年辛巳

先生年三十五。是年、

恩科會試中式。座師爲劉文正公統勳于文襄公敏

中總憲觀文恭公保房師爲工部郎中趙公援

出榜後京師人以先生才望羣以大魁目之。會

是科會試前有軍機行走之御史睦朝棟奏請

復迴避卷、

上意其子弟有會試者慮已分校當迴避故預爲此奏、



乃特點

朝棟

爲同考官。而命於八閩時各自書

應避親族列單進呈。則睦別無子弟。而總裁劉于二公應迴避者甚多。是年

上南巡。啓蹕時曾密語二公。畱京主會試。疑語泄。而睦

爲二公地也。遂下

朝棟

於獄。於是軍機大臣及

司員爲一時所指摘。且隔歲庚辰科狀元舉

沅

榜眼諸

重光

皆軍機中書也。故蜚語上聞。輒有

歷科鼎甲皆爲軍機所占之說。而先生適以軍機中書中會試。傳文忠公傳語先生。不必更望大魁矣。先生以平生所志在此。私心終不能已。



會劉文正公及劉文定公綸又以軍機大臣派
殿試讀卷官先生慮其以嫌擯也乃變易書法
作歐陽率更體兩劉公初不知已列之高等及
將進呈十卷文定慮先生卷八一甲又或啓形
迹之疑且得禍乃遍檢諸卷擬以先生置十名
外彼此俱無累矣及檢得一卷獨九圈當以第
一進呈九圈者卷面另粘紙條讀卷大臣各以
圈點別優劣於其上是歲閱卷者九人九人皆
圈者惟此一卷文定疑是先生以語文正文正
覆閱大笑曰趙雲松字迹雖燒灰亦可認此必

非也。蓋先生昔館於文正第，修宮史時，愛其公子石庵書法，每倣之。及直軍機，先生多起草，不楷書，偶楷書卽用石庵體，而不知先生另有率更體一種也。文定終以爲疑，恐又成軍機結交之局。時兆將軍惠方奏凱歸，亦派八閱卷，自陳不習漢文。

上諭以諸臣各有圈點，但圈多者卽佳。至是兆公果用數圈法，則惟此卷獨九圈，餘或八或五，遂以九圈者定第一進呈。先是歷科進呈卷皆彌封，俟上親定甲乙，然後拆封。是科因御史奏改先拆封，傳集

引見。

上是日閱十卷、幾二十刻、見第一卷係趙翼、江南人、第

二卷胡高望、浙江人、且皆中書、而第三卷王杰

則陝西籍也、因

特召讀卷大臣、先問本朝陝西曾有狀元否、皆對未有。
上因以王卷互易、先生遂以一甲第三人及第。傳臚之
日、三人者例出班跪、而先生獨掛數珠。

上陞座遙見之、後以問傅文忠、文忠以軍機中書例帶

數珠對、且言昔汪山敦應奉文字、皆其所擬、

上心識之。明日、



儒藏

甌北先生年譜

諭諸大臣謂趙翼文自佳然江浙多狀元無足異陝

西則本朝尚未有。今王杰卷已至第三卽與一

狀元亦不爲過。次日又屢言之。於是雖不得大魁而先生之名由是蒙

聖主記憶矣。旣入翰林授職編修卽辭出軍機尋充方略館纂修官修平定準噶爾方略。是年子耆瑞

生。秋太恭人以先生旣入翰林無可顧慮而少

子汝霖在家頗爲繫念乃南回。

二十七年壬午

先生年三十六。在翰林。是年京察列一等引見。

御筆記名。會考各省主試官。先生取一等第九名。是秋。欽點分校順天鄉試。得江辰等十餘人。

二十八年癸未

先生年三十七。春。

欽點會試同考官。得士十一人。館選者五人。董潮、祝德

麟、虞、驂、文、李、鐸。分部者一人。費清。分校得

士之盛。爲歷科所未有。是年散館。先生考列一等第二名。會大考翰林。先生方待試於

圓明園。有

旨。纔散館者。免考。遂棄筆歸。未幾患傷寒症。甚劇。幾不



儒藏

甌北先生年譜

起有醫士王又甯治之得愈。

二十九年甲申

先生年三十八。在翰林。奉掌院派撰文。四月。子廷英生。秋。改纂修通鑑輯覽。

三十年乙酉

先生年三十九。在翰林。考各省主試官。先生仍列一等。秋。

欽點順天武鄉試主考官。

三十一年丙戌

先生年四十。是年春。



欽點會試同考官、得士蔣兆奎等十一人、選館者一人、
沈世燁、又鮑煜、陳理次科分部。是年六月、子者
 瑞殤。冬十一月、

特授廣西鎮安府知府。先生以不習吏事、乞傅文忠公
 奏辭、文忠力止之、而乘間以先生學問優長奏
 及先生請

訓於養心殿、凡舊時履歷、在軍機處行走、及代汪文端
 撰擬詩文等事、

上已知之甚悉、一一諭及。先生冀可仍留翰林、奏對時
 微露吏治未嫻之意。

上諭之曰、讀書人原有不能辦事者、汝在軍機處久、頗能事。廣西乃政簡民淳之地、汝初任、畱心練習、自可成好官。乃叩頭出、以十二月十九日挈家出都。

三十二年丁亥

先生年四十一。正月抵家、奉太恭人游蘇州、杭州、住西湖十餘日。太恭人以粵西路遠、不欲偕往、乃令汝霖侍養於家。先生由浙江歷江西、湖南、境、以五月初抵桂林。謁巡撫宋公邦綏及藩司淑寶、臬司圖桑阿。諸公畢、自灘江舟行。七月



初抵鎮安任。地在粵西省之極西，其南與安南連界，西接雲南。所屬一縣、二州、一通判、四土司。廣袤八百餘里，層巒疊峰，摩雲插天，多瘴癘。然民俗甚淳，訟事稀簡，先生欣然樂之。初莅任，夜聞城外擊鼓聲，問門吏曰：「小民因旱求雨也。」先生曰：「民既愁旱，官當祈雨。」遂命詰朝出祈。有府僚馬^偉稟曰：「火日當雨，向來官祈雨必預擇是日，否則恐徒勞也。」先生笑曰：「度是日有雨而後祈，此心已不可對神明，遑冀得雨乎？」詰朝步行至城南之馬鞍山，行禮畢，歸途卽大雨如注，民

皆神之。八月有緝犯安南之事。前守韋駸保因鎮民糾結安南民至雲南土富州滋擾。事發後捕獲百餘人。尚有首犯農付奉逸去。韋守因此被劾。畱於郡緝犯。至是募人入安南訪知農付奉已死。有子阿細爲人奴。乃緝獲之。令阿細同往其父埋屍處。以屍棺偕來。先生以屍真僞未可憑。而阿細係活口。可鞠也。傳集其親鄰數人來認。果不謬。阿細旣真。問其父死及埋。阿細皆在旁。起屍又阿細偕往。則事已確實。遂具文申報各上司。而總督李公侍堯祇許以阿細照罪。



人家屬例問擬、農付奉已死、其屍究未可憑、不得并詳。蓋恐實其屍、爲韋守復官地也。先生以死父與活子偕來、蹤迹旣確、如謂其屍假、則又當跟究何人之屍、及緝犯者買從何處、此案將無結期、遂又具文申辯。李公大怒、批行臬司、有趙守袒護同官、恐嚇上司之語。先生不爲動。是冬、照例巡邊、凡與安南連界處、深山窮谷、無不親歷、恐有姦匪竄伏也。

三十三年戊子

先生年四十二。以農付奉案未結、乃親自赴省。

時滇省有征緬之役、廣西協濟馬萬匹、總督李公來駐梧州督辦。先生卽赴梧、反覆辯論農案、觸其怒、遂被劾。適有

旨令先生赴滇參軍事、李公乃追劾疏還。先生回鎮安、以從軍吉凶未可知、囑眷屬俟秋涼歸江南。而先生於五月九日束裝赴滇。至土富州、江水暴漲、笮橋三十餘丈悉衝斷、督土官續成之。橋長笮軟、輿馬俱難度、僕從皆匍匐、先生獨徒步過、兩岸觀者咸歎咤。先生笑曰、余非不欲手足並行、以觀瞻所係、恐爲人所笑也。有地名老鬼墳、



下臨絕澗、水湍悍、無橋可渡、雇土民三十挾先
生泅而渡、幾殆。行二十餘日、至滇城、城中無一
相識者。是年春、將軍明公瑞以征緬殉難於小
猛育、大學士果毅公阿里衮來爲將軍兼總督、
駐永昌、本軍機大臣也。巡撫明德亦在永昌辦
軍需、乃自滇城又赴永昌。以途中夫役艱於雇、
舍輿而騎。過博南、渡瀾滄江、凡行十八日至永
昌。果毅公已竚望久、卽令在幕下。巡撫明公又
令兼辦軍需局事。時同在將軍幕者、爲臬司諾
穆親、員外郎明詩、薩里同、皆軍機故人也。霜降

後、隨果毅公出邊、渡怒江、逾高黎貢山、歷龍陵、騰越、遍巡南甸、干崖、蓋達、芒市、遮放、各土司、及虎踞、萬仞、鐵壁等關、周覽形勝、詢悉夷情、爲進兵計。冬、阿文成公桂以總督兼將軍來、與果毅公同駐一營、先生乃兼值二公之間。是年、大兵暫停進征、有

旨以偏師勦怵緬人。於是勦南坎、勦頓拐、勦戛鳩。凡兩將軍出行、命先生守大營、護將印、一切緩急應援、皆得便宜行事。是年十月、子廷偉生於鎮安官舍、程恭人卽買舟歸。

三十四年己丑

先生年四十三。春，隨兩將軍駐騰越州。已而大學士傅文忠公來滇，經略軍事。先生隨兩將軍以四月朔日迎於永昌。文忠素重先生，命八直幕下。時方議進兵道路，前歲明將軍由錫箔進，不得志。文忠在京時，有滇省送京之熟於緬地者數人，問知騰越州之西有戛鳩江，渡而西卽緬屬之猛拱、猛養兩土司地。由猛養可直搗緬酋之木疏老巢，由木疏可直擣緬酋所居之阿瓦城。於是定議，大兵渡戛鳩，進勦，別令提督五



福以偏師五千從普洱進遙爲牽掣。其奏摺由軍機定稿攜至永昌。初六日將發矣。會壁間有地圖。先生指謂文忠曰。圖中戛鳩普洱相距不過三寸。其實有四千餘里。兩軍旣進東西遠隔。聲息不相聞。進退俱難遙度。去歲明將軍之返由不得猛密路消息也。文忠始瞿然問計安出。先生謂大兵旣渡戛鳩之西。則偏師宜由江東之蠻暮。老官屯進取猛密。則夾江而下。造船以通往來。庶兩軍可互應。文忠是之。乃罷普洱之兵。改偏師循東岸以進。文忠命先生以進兵。



路另爲一摺入奏。其後渡戛鳩之兵遭瘴氣多疾病而阿文成公所統江東一軍獨完。遂具舟迎公於猛養渡而歸。又以此兵敗賊於蠻暮老官屯得以歲事。先生嘗自愧從軍年餘無所贊畫。惟此一策不無小補云。是月又隨文忠至騰越。先生以戛鳩渡江究非萬全策。倘渡江後不能掃犁而撤兵歸。恐賊綴於後。江阻於前。此危道也。力言於文忠。勸改進兵路。文忠以已奏定。遂不從。時又議冒暑進師。不必避瘴。謂春夏之交瘴初發。或不可當。至夏秋當漸減也。先生在

滇一年、知南中氣候、七八月中瘴益甚、力言於文忠、謂夜之冷、不冷於黃昏、而冷於五更、日之熱、不熱於清晨、而熱於午後。蓋氣以積而愈盛、故秋瘴愈不可支。至霜降則瘴自消、且無雨、其行始便利。文忠謂若是、則須坐守數月、徒糜餉、非計也。會有

旨、隣省官在滇者、仍各歸本任。先生乃以五月九日辭經略、將軍等、自騰越起行、六月三十日抵鎮安。鎮安士民喜先生旋任、無不歡迎。恐後有天保縣令姜某與攝府事金某商、謀按民田給以照、



俾息訟端、其實欲藉給照以斂錢也。已令土目向各邨造田冊矣。先生歸、廉知之、乃出示寢其事。姜大失望、然民間免出此橫錢矣。冬、收倉穀、又嚴禁各屬浮濫之弊。常平穀春借秋還、鎮安俗、登穀皆連穗、故不斗量而盛於竹筐、以秤權其輕重。向例出借時連筐五十斤、筐重五斤、則小民得穀僅四十五斤耳。及還倉、則五十斤之外、加筐五斤、息穀五斤、又折耗五斤、爲一稱、民已加十五斤矣。相沿日久、亦視爲固然、不敢怨而去歲以購馬濟滇軍、有司不無所累、遂於收

穀時別製大筐可盛百二十斤者收之。先生在滇不知也。及是年已無購馬費，而各屬意欲以購馬年所收爲額。先生預聞之。會總督至南甯，閱兵例往迎，而府倉亦有社穀當收。乃於秤之六十斤處鑿一孔，貫錘繩於其中，不可動移。聽民自權筐五斤，又息穀五斤，變價交司庫。故以六十斤爲一秤。於是民之以兩筐來者，剩一筐去。城內外酒肆食棚各醉飽，幾不能容。甫三日，秤穀悉收畢。先生至南甯，而歸順州民陳恂等赴甯來控收穀橫斂狀。先生立遣役縛其監倉。



奴及書吏、痛懲之、而各屬之收穀皆不敢逾檢矣。鎮郡民由此感先生甚、每出行、各邨民輒來舁輿、至其邨巡歷而過、又送一邨、其邨民亦如之。父老婦稚夾道膜拜、日不過行三十里。至宿處、土銚瓦盆、雞豚酒醴、各有所獻、不煩縣令供頓也。是冬、先生娶妾蔣氏。

三十五年庚寅

先生年四十四。三月、以事赴省、途次得

旨、調守廣東之廣州府。先是、總督李公之至南甯也、語左江道宋

淇源

曰、廣州府缺出、廣東知府內無

可調者。欲向廣西選調，而廣西各府亦少能事者。惟鎮安趙守可勝任，使宋公道意。宋出語先生曰：「李公意已欲調君，但須君進見一面懇耳。」先生曰：「鎮安、

天子所授也。廣州雖善地，而由制府奏調，則出制府之力。吾輩作吏，受上司特奏恩，將何以自行其志乎。李公以其無私請也，另奏調梧州守吳九齡會吳已陞糧道，而李公之奏至、

上乃以先生特調廣州。是時先生赴桂林，適宋公亦在省。歎曰：「君命中合守廣州，然求而得與不求而



得何啻霄壤。乃益服先生之自立爲不可及也。先生卽由桂林赴廣州任。遣人往鎮安接取眷屬。蔣氏妾肩輿出城。街民千百家無不設香案於門跪送。以不得再見先生爲恨。有泣下者。畱族孫鶴冲交代倉庫畢。出鎮安。街民跪送亦如之。是年九月。歸順州陳恂等不遠四千里。又送萬民衣傘至廣。亦可以見此邦民情之厚云。先生每數平日宦途。輒念鎮安不置也。旣至廣州。李公以先生奉

特旨調守。特重之。巡撫德公保故京師熟識。亦傾心委

任。而省會事繁、酬應冗沓、先生日必坐堂訊獄、以八案爲率、雖夜深弗輟也。會有海盜拒官兵而竄、盡捕獲之、其一百八人按律、江洋大盜不分首從皆斬、先生念諸盜無殺人案、情尚稍輕、乃條別其輕重、殺三十八人、餘皆遣戍。其他平情折獄、無枉無濫、多類此。是歲以廣州距家稍近、乃迎太恭人就養官舍、程恭人并弟汝霖及其婦杭俱至。九月、子廷俊生、蔣氏所出也。

三十六年辛卯

先生年四十五。四月、奉



旨陞貴州分巡貴西兵備道。以五月卸廣州事。七月交代事畢、挾書士吳澐游羅浮、歷梅花邨、華首臺、黃龍洞、冲虛觀諸勝、凡三日。先生以太恭人年高、不能赴黔、欲解官歸養、乞李公代奏。李公不許。乃命汝霖夫婦奉太恭人歸。先生是時已有歸志、以家中老屋七間不能容眷屬、檢歷年宦橐稍有餘貲、付汝霖歸、買邨後地、築室以待。八月、先生由廣西溯流至貴州之古州、陸行赴省。十月、抵貴陽。時蜀省方有進勦金川之役、

上命將軍溫公

福

故將軍阿文成公自滇赴蜀、路經貴

西之威甯、畢節等處皆先生所轄也。先生謁巡撫李公瑚出，卽星夜馳赴威甯，辦集夫馬，過兵得無誤。

三十七年壬辰

先生年四十六。威甯水程兩鉛廠向由糧道經理，大小官吏漁利其中。州牧劉標虧空事發，正法者巡撫二人、臬司一人、糧道二人、州牧一人。至是改歸貴西道就近管理。先生以立法方始，凡給發廠丁工價、馬戶運腳，舊時尅扣短發諸弊盡剔除之。劉標案尚有在途未運鉛八百餘



萬斤巡撫圖公思德奏限半年運清。先生督州牧崇士錦等沿途勾稽催趨。以是年十月全運四川之永甯水次。圖公方以是為先生功。而先生以廣州獄獄舊案。部議降一級調用。奉旨送部引見。圖公欲奏留於貴州。囑學使孫公士毅藩司韋公謙恆糧道國公棟咸來道意。圖公又親至省寓勸留。先生以太恭人年高。乘此解任。正可便道歸省。遂力辭歸。除夕至常德府。

三十八年癸巳

先生年四十七。以正月朔日自常德啓行。經洞

庭湖、岳陽樓、黃鶴樓諸勝，皆生平所未到也。二月二十日抵里。太恭人年已七十有六，精力日衰，先生念再入仕途，恐抱終天之恨，乃遣人赴部具呈，乞暫留養。視膳之暇，手一卷，披閱不輟。今所刻陔餘叢考諸書，皆此數年中所輯也。初歸里，以所營新居未就，暫僦屋於城中。子廷彥生，亦蔣氏出。十月，始至鄉，入新居，與弟汝霖仍同爨奉母，昕夕無閒。自是里居不出者數年。

三十九年甲午

四十年乙未

四十一年丙申

四十二年丁酉

先生年五十一。是年六月太恭人以疾卒。先生守制。

四十三年戊戌

四十四年己亥

先生年五十三。是年九月服闋。將赴補。先卜葬太恭人。以時日不利。暫厝於馬蹟山之新塋。

四十五年庚子

先生年五十四。恭逢



藏

甌北先生年譜

皇上南巡，乃渡河迎

駕於宿遷。五月，起文赴部。行至臺庄，忽兩臂中風，不能舉，療治不愈，乃回舟。計自癸巳歸里侍養者五年，丁艱及營葬又四年，今赴補又病廢，知命有所限也。乃息意榮進，專以著述自娛。自此皆里居之日矣。是年，葬太恭人。冬，爲長兒廷英娶婦方氏。

四十六年辛丑

四十七年壬寅

先生年五十六。是冬，長孫公桂生。

四十八年癸卯

先生年五十七。以兒女漸長、鄉間所營新居不能容婚娶、適城中有八官房一所、在顧塘橋、郡守金雲提故同年也、勸先生以官價得之。先生乃移居入城、鄉間田宅聽弟汝霖居守。

四十九年甲辰

先生年五十八。恭逢

皇上南巡、迎

駕於揚州。是冬、兩淮鹽使全公德請主安定書院講席。先生以揚州距家不遠、可作近游、乃就之。時揚



儒藏

甌北先生年譜

州在籍鄉官多京華故人謝少司寇洛生秦觀
察贊張翰編坦吳翰編以鎮沈運使業富皆翰
林前輩晨夕過從頗極詩酒之樂。自是兩年皆
在揚州。

五十年乙巳

先生年五十九。是年大旱、運河日涸、六月初自
常州至蘇州已不得行船、蘇州米價日貴、撫藩
大吏出示有米之家減價平糶、攝常州守夏某
亦徬行之。而不知自鎮江至常州尚可行舟、正
當高價以來米船、使地方買以儲備、則價雖增、



而米尚不缺。此趙清獻救荒法也。會先生自揚州歸、見途次米船反出常州往鎮江、問之、因常州有平糶之令、故不敢泊而卻回耳。先生亟告於夏守、夏守使人探市河、果無一船停泊、乃自知其誤、亟弛其禁。於是市價驟增、每升賣至二十六七文。小民無知、謂先生一言、使我輩食貴米、遂相聚數百人至先生家肆掠。先生姑避之。律以城市聚衆劫搶罪、當置重辟。先生憫其無知、轉語地方官薄懲之。而弛禁後河已涸、雖高價以招米船、不能至矣。未幾、市價每升至五十

缺页



公赴閩辦軍需、路過常州、邀先生仗助。先生以李公故、上司有舊誼、且便道可游武夷諸處也、遂與偕行。時賊初起、閩省提督黃仕簡、任承恩已先後率兵過海、

上又命前督常青爲將軍往統師、咸謂不日可平。先生以二月十七日偕李公至閩之泉州、詢察情形、與道路之言迥異、乃以實情入奏、又囑李公預致書廣督孫公、密備兵四千待用。閱十餘日、軍報狎至、總兵郝壯猷往收復鳳山、途次爲賊所阻、已五十餘日不得進、乃一面奏聞、一面飛調

粵兵至廈門渡海。三月初，壯猷克復鳳山，甫三日，又爲賊所陷，游擊鄭嵩被戕，壯猷遁歸臺府。是月之初十日也。臺府人心方驚懼，而粵兵前隊八百人以十八日至，知尚有後隊兵三千餘人繼發，人心始定。李公以是服先生預籌之精。軍需一切雖有則例，而亦有則例所無者，先生謂必先具奏，方免日後駁減。李公數嚴刻，先生諸事獨持大體，及奏入，悉報可。蓋

至明閱歷兵事久，知惜費，則成功遲而費轉多，不惜費，則成功速而費轉少。李公夙以綜覈爲政，不能



見及此也。於是軍需悉聽先生擘畫。海運則奏請照內地下水之例給雇價。於是海舟咸集。渡兵運餉無誤矣。閩省皆山路。無驟馬可雇。惟恃丁夫挽運。而閩民刁悍。非如滇蜀之可以按田給價雇夫也。則奏請照出口之例。每夫雇直外。再給回空口糧。而州縣雇夫稍免賠累矣。閩驛無馬。文書例以人夫賁送。謂之跑夫。每名日給十四文。先生謂若是安可。速羽檄也。則奏請增設跑夫。每站數十人。人各照軍需例給雇值。而軍報得迅速矣。李公約計在臺兵將之數。按月

撥運糧餉、蓋恐軍營多費也。先生謂糧餉至而軍營多費、自有任其咎者。若糧餉不至、則誤在主運之總督。臺府遠隔重洋、風水難以刻期、而可作此鯁鯁計乎。李公悟、於是撥解亦充裕。其軍營所需食用、常將軍既不敢奏、李公又以身不統兵、非已責也、而諸將訴各兵之苦甚切。先生則請以各兵鹽菜銀、照出口例增加。帳房爲風雨所敝、過夏悉破爛、則請預製以給。臺地雖多暑、而夜宿甚寒、則又請製各兵棉衣運往。一皆繕摺趣李公上之。李公以先生所奏無不

當

上意遂一一具奏果皆得

俞旨於是軍營皆挾纊矣。李公倚先生如左右手。屢欲奏起先生在閩省補官。先生以家居已十四五年。年六十餘。再入仕途。則無退休日。今暫在戎幕。事畢即可乞歸。且佐軍事。即所以報

國恩。亦不必服官而後宣力也。再四辭之。李公初意欲奏起先生。可長供臂指使。而先生不受也。是歲漳州有草賊竊發者。再先生皆隨李公往定變。冬十月將軍福郡王康安渡海解諸羅圍。乘勝



儒藏

甌北先生年譜

攻破賊巢林爽文遁。

五十三年戊申

先生年六十二。春正月、林爽文就獲、福將軍移兵南剿。二月、鳳山賊莊大田亦就擒。先生以軍事已畢、乃辭李公歸。以三月十一日起行、由浙江之温州、處州、金華、泛舟錢塘江、游覽山水、歸而醴使全公再莅兩淮、聞先生歸、卽遣使請再主安定講席。先生以全公交好有素、又應其聘、自是常往來常、揚二郡。是年、廷英捐職府同知、廷俊補弟子員。

五十四年巳酉

先生年六十三。孫忠弼生。廷偉出也。

五十五年庚戌

先生年六十四。是年爲廷俊娶婦湯氏。廷彥補弟子員。

五十六年辛亥

先生年六十五。初夏游廬山。歷東林。開先。萬杉。棲賢諸寺。及白鹿洞書院。乃歸。廷彥婦徐氏童養於家。是年完婚。

五十七年壬子



先生年六十六。孫慶齡生。廷俊出也。是年冬辭講席歸。自此不復應人聘矣。

五十八年癸丑

先生年六十七。夏四月訪老友邵松阿於虞山。又游杭州十日始歸。

五十九年甲寅

先生年六十八。孫申嘉生、廷俊出。又鳴盛生、廷偉出。

六十年乙卯

先生年六十九。是年中丞芸浦費公涪來撫江



蘇先生癸未禮闈分校所取士也、騶騎造訪、諮
詢甚殷。先生以通省利弊詳語之、至官吏賢否、
但舉其善者、餘不置一詞、蓋其慎也。

嘉慶元年丙辰

先生年七十。夏四月、閩省虧空大案、咨追各省。
先生內弟原任甌甯令劉芳、友壻原任尤溪令
金拱間、皆坐重罪。先生力爲營救、皆得免罪。金
令無力、先生并助以六百金繳官。十月二十二
日、先生初度之辰、門下士江蘇巡撫費淳、山西
巡撫蔣兆奎、及副憲汪承霈、侍御祝德麟、各製

錦遣使稱祝、大江南北諸名士亦無不以詩爲壽、凡二百餘首。冬杪、先生所著廿二史劄記告成。

二年丁巳

先生年七十一。次子廩膳生廷偉自上年四月

患病、纏綿不愈、本年三月先生挈往蘇州就醫、

稍痊復劇。七月十四日、買船歸、次日抵家、十六

日巳時遂不起、先生痛之甚。是歲孫公樾生、廷

英出。廷俊續娶黃氏。

三年戊午



先生年七十二。有蔣立崖郡丞業晉游虎邱用
蘇東坡游虎邱韻作詩索和、將刻於仰蘇樓下。
先生閱杜少陵壯游詩有東下姑蘇臺、闔廬邱
墓荒、劔池石壁仄等句、是少陵亦嘗游此而世
莫有知者、囑立崖建一懷杜閣以表遺蹟。藩司
陳奉茲蘇守任兆炯江甯守李堯棟聞之咸快
此舉。適山塘有蔣氏塔影園出售、遂共捐貲買
之。入門恰有一閣、卽榜爲懷杜。其右有堂三楹、
任守以白香山曾守蘇、闔山塘路、因并祀香山
於其中。最右又有一樓、乃移仰蘇榜額於此。總

名曰三賢祠、遂成一勝地、游虎邱者無不游焉、
實先生一言倡之也。

四年己未

先生年七十三。恭聞

高宗純皇帝升遐。先生以入仕時擢一甲、授翰林、京察
兩次記名、及出守鎮安、廣州、遷貴西道、皆荷
特簡、歸田後又蒙

垂詢者再、哀感無地、恭製輓詩、有每叨除授皆親筆、歸
免飢寒尚俸錢、搏醵有哀頻搶地、攀髯無路但
號天之句、讀者咸知其出於至誠。時費中丞擢



任兩江總督、又蔣中丞擢任漕運總督、二公同在江南、人以為門牆之榮、然先生惟以地方利弊為二公告、未嘗干以私、故二公德望峻潔、皜然不滓。先生嘗有詩云、門前兩督增光處、不在官高在品高、亦可見道義之交矣。是歲、廿二史劄記刻成。

五年庚申

先生年七十四。長夏消暑、編成陸放翁年譜一卷。

六年辛酉

先生年七十五。春仲游茅山歸，與同鄉劉瀛坡

總戎

烜

劉檀橋中允

種之

莊迂甫贊善

通敏

洪

稚存編修

亮吉

蔣立庵太守

熊昌

瑩溪別駕

騏

昌

陳春山明府，而家緘齋比部

繩男

爲看花之

會。自山茶至牡丹，更番治具，婆婆娑諸老，杖屨過

從里中，傳爲佳話。時稚存自塞外歸，與先生唱

和尤數。七月中，先生游金陵，以向未到牛首，遂

偕孫

星衍

汪

爲霖

兩觀察往游，越宿而返。秋冬

間，又游鎮江城南之招隱寺、八公洞諸勝。是歲，

作唐宋以來十家詩話共十卷。

七年壬戌

先生年七十六。廷英、廷俊各舉一子、先生遂有

八孫。

八年癸亥

先生年七十七。春間、偕王仲瞿、孝廉、蔣于野秀、才游洞庭、東西兩山歸、又遊焦山、往揚州看芍

藥。秋間、以費制府內召爲大司馬、赴清江浦敘

別。是歲、廷彥署崇明教諭。長孫公桂舉一子、先

生遂有曾孫、因名之曰曾慶。

九年甲子



儒藏

甌北先生年譜

先生年七十八。

十年乙丑

先生年七十九。春初，食指中指稍患風痺，有時竟不能把筆舉箸，然尚不至大害。先是乾隆十年，先生補府學弟子員，今相距恰六十年矣。適學使者歲試之期，新進諸生爭請重遊泮宮，先生欣然赴之，有詩紀事。是冬，廷俊又舉一子。

十一年丙寅

先生年八十。有自壽詩八首。京華故人宗室公裕瑞、大學士費筠浦及大江南北諸名流無不



寄詩文稱祝。錦軸牙籤、兩聽事屏幃皆滿。先生彙而付梓，真大觀也。十月二十二日，爲先生壽辰，廷英兄弟等爲先生稱觴，大合樂三日。先生顧愀然責其染紕綺習，方課僮僕醃白菜以禦冬。雖似矯情鎮物，而家教有素可知矣。是歲廷彥續娶蔣氏，而長孫媳查氏以病歿。

十二年丁卯

先生年八十有一。程恭人病膈噎，初不能飯，繼不能粥，最後并穀氣亦斷。金氏女歸省母疾，又病歿於家。是歲先生心緒甚惡。長孫公桂續娶

湯氏冬大饑先生首捐銀千兩以爲輸捐者倡。
十三年戊辰

先生年八十二。程恭人以正月十九日病歿。先生有悼亡詩。悲痛甚。七終後卽往江陰之楊舍。遣悶。寓齋前有池。長十餘丈。跨以石橋。橋東西故有紅白荷花。池上隙地半畝。雜植草花。藉以永日。九月初始歸。凡得詩七十餘首。長孫公桂進京候選縣丞。是歲爲子孫析爨。廷英、廷偉、廷俊、廷彥凡四房。廷偉已故。其子忠弼、鳴盛亦已成立。先生共有十孫。廷英出者三。廷偉出者二。



廷俊出者五。曾孫一人。公桂山。家既分產。凡少賤時有德於先生者。既屢酬之。嘗曰。財債當償。心債尤不可負也。至是親弗又各有贈遺。而於杭應龍先生子孫尤篤。

十四年己巳

先生年八十三。老境漸侵。目半明半昧。耳半聰半聾。喉音亦半響半啞。因自號三半老人。笑比桑維翰尚多兩半也。然猶督課諸孫。每塾藝必令呈閱。指疵改定。故忠弼、慶齡、申嘉、鳴盛、公樾等讀書日有進益。

十五年庚午

先生年八十四。是年恭屆庚午科鄉試。距乾隆
庚午科恰六十年。先生與安徽省原任刑部郎
中姚鼐皆係乾隆庚午科舉人。循例懇重赴鹿
鳴筵宴。奉

上諭廣厚奏本年庚午科鄉試有江蘇省原任貴州貴
西道趙翼現年八十四歲安徽省原任刑部郎
中姚鼐現年八十歲均係乾隆庚午科舉人循
例懇請重赴鹿鳴筵宴等語。趙翼姚鼐早年科
第。耄齒康強。賓興際周甲之期。壽考叶吉。庚之

歲允宜加賜恩施以光盛典。趙翼着賞給三品頂戴、姚鼐着賞給四品頂戴、准其重赴鹿鳴筵宴以示朕嘉惠耆儒至意。欽此。

原任貴州貴西道臣趙翼、原任刑部郎中臣姚鼐、

爲恭懇代爲奏謝

聖恩事。奉

上諭、本年庚午科鄉試、據廣厚奏、江蘇省原任貴州貴西道趙翼、現年八十四歲、安徽省原任刑部郎中姚鼐、現年八十歲、均係乾隆庚午科舉人、循



儒藏

例懇請重赴鹿鳴宴等語。趙翼、姚鼐早年科第、耄齒康強、賓與際周甲之期、壽考叶吉庚之歲、允宜加錫恩施以光盛典。趙翼著賞給三品頂戴、姚鼐著賞給四品頂戴、俱准重赴鹿鳴筵宴、以示朕加惠耆儒至意。欽此。臣翼、臣鼐竊自思、樗櫟菲才、草茅陋質。昔年入仕、曾無補於涓埃、中歲歸田、益優游於作息。猥以林居晚景、適逢鄉舉初程、蒙

皇上寵加舊秩以賞銜、准隨新班而赴宴。禮筵有座、聽廣樂於笙簧、章服增榮、耀欄衫於黼黻。與作人

之化、彌知

聖壽之無疆、遊化日之舒、又及引年之
優賜。

恩施非望、感切難名。惟有咏歌太平、虔祝

純嘏、教兒孫經書奮跡、世篤忠貞、率鄉里孝弟力田、各
勤耕鑿、以期仰報

高厚洪慈於萬一。所有感激下忱、伏乞代爲陳奏、恭謝
天恩。奉

旨、知道了。欽此。

十六年辛未



藏

甌北先生年譜

先生年八十五。猶兀坐作蠅頭小楷。點畫光勁。不減少壯時。盛夏消暑。書二十餘冊。分給孫曾及親知輩。慶佑之方伯聞而索書。乃書十數頁寄之。是歲。曾孫增榮生。公桂出。冬十二月。孫申嘉娶婦蔣氏。

十七年壬申

先生年八十六。二月。曾孫增祿生。忠弼出。六月。赴江陰之楊舍別墅避暑。月餘乃歸。是年四月。孫鳴盛娶婦葉氏。

十八年癸酉



先生年八十七。二月、赴吳門、寓孫子祠。肩輿至
元墓探梅、偕范芝岩編修、潘榕皋農部、張船山
太守作詩酒會、船山因繪虎阜雅集圖。旬餘始
返。六月、故相尹文端公會制兩江人、念遺愛、爲
立專祠。是時出文端門下者、止存先生一人。赴
蘇恭送入祀。冬十月、過太湖、登馬蹟山、謁太恭
人墓、猶能徒行里許。歸後月餘、精神漸減、步履
遂艱。近歲作詩、雖不能長篇、猶時吟短章、以爲
樂。

十九年甲戌

先生年八十八。二月、孫增善生、廷俊出。公桂又舉一子增祥、于是曾孫四人矣。先是先生每患脾泄、至三月間、食飲漸衰、廼示微疾、然猶起坐觀書、未嘗竟日臥也。四月既望、益憊。十七日晨起、沐浴更衣、端坐床上、以西刻卒。

廷俊
不孝男廷英校字
廷彥

錢辛楣先生年譜

清·錢大昕 自撰

清·錢慶曾 續編

劉琳 校點

郭齊 一審

周斌 二審

清咸豐十年刻本

《錢辛楣先生年譜》一卷、《續編》一卷，清錢大昕自撰，錢慶曾校注並續編。清咸豐十年錢氏家刻本。

錢大昕（一七二八—一八〇四），字曉徵，又字及之，號辛楣，又號竹汀居士、潛研老人，江蘇嘉定（今上海嘉定區）人。乾隆十六年帝南巡召試，特賜舉人，授內閣中書學習行走。十九年，進士及第，改翰林院庶吉士，陞編修。累遷侍讀、侍講學士，官終詹事府少詹事。四十八歲丁憂返里，不復出仕，從事著述與教育，歷主鍾山、婁東、紫陽三書院，門下士二千餘人。嘉慶九年卒，年七十七。大昕為清代樸學大師，乾嘉學派鉅子。其學兼綜衆藝，博大精微。阮元說：「國初以來，諸儒或言道德，或言經術，或言史學，或言天學，或言地理，或言文字音韻，或言金石詩文，專精者固多，兼擅者尚少，唯嘉定錢辛楣先生能兼其成。」（阮元《十駕齋養心錄序》）在史學、古音韻學上的貢獻尤為卓越，其史學成就在王鳴盛、趙翼之上，其對古聲紐的創見獨步千古。著述宏富，主要有《廿二史考異》、《元史氏族表》、《元史·藝文志》、《宋遼金元四史朔閏考》、《通鑒注辨正》、《潛研堂金石跋尾》、《十駕齋養心錄》、《潛研堂文集》、《潛研堂詩集》等。

此譜前編為譜主自撰，題名為《竹汀居士年譜》，記述平生治學、著述、仕歷、交遊、家事等，止於乾隆五十七年。至道光十一年，其曾孫慶曾為之添注，凡本譜涉及的人物均一一注明其名字、簡歷，本譜記載簡略者則詳加說明，本譜未載的重要事蹟則為之補記，並續編乾隆五十八年至嘉慶九年譜主去世十二年間之事蹟，題為《竹汀居士年譜續編》，刊刻時與前編總名為《錢辛楣先生年譜》。雖然記載仍較簡略，但要瞭解及研究錢大昕的生平，固當以此為首要文獻。

序

唐宋以來名公巨卿皆有年譜。然必爵位功業道德文章炳曜一世而又克享大年則及身自爲之而無忝後學代爲之而足徵與國之史傳家之世系可互相參攷者也。唐香山居士白文公自編長慶前後各集并以年譜。今集中所刻出於陳伯玉李德劭之手則公自編之譜久已散佚。然公之年齒官階時事出處一一見諸詩集讀其詩而年譜卽在其中矣。嘉定錢竹汀宮詹甫晬能言母沈太恭人指玉而二字教之試以他書指認不誤。與香山之生七八月乳母抱立屏下指之無二字百試不差者正同豈非文人偉業異世相符者乎。



先生鍾光岳氣完之運立

堯舜賡歌之廷。年甫及艾、養疴里門、雖位止九卿、功業未顯、而道德文章、中外仰之如泰山北斗。著述之富、網羅百家、沾溉藝苑。高麗使臣在都、購其詩文集、鬻諸國中、與香山之日本、新羅鈔寫其本者亦復相似。故翼謂先生卽我朝之白傳也。歲在庚申、獲交先生從孫直卿學博、以先生年譜見示。壬子以前、先生自撰、後十二年、其曾孫又沂學博補編、受而讀之、知先生少壯時所親炙者先達名流、而後之同年儕輩、門生新進、皆鴻博之碩儒、詞章之宗匠。尙論者可想見當時國運之隆、人才之盛。而先生令名壽考、全受全歸、此又名公



藏 儒

錢辛楣先生年譜 序

卿年譜中所罕觀也。憶嘉慶壬戌先生重游泮水、翼年十四歲、不獲親瞻道範。及與令孫竹孫學博同歲游泮、禮宜晉謁門下、而哲人已萎、徒深歎慕。迄今天假之年、龍鍾未死、猶得腆顏泚筆、附名於一代大儒之譜末、是則厚幸也夫。咸豐十年陽月既望、寶山袁翼謹撰於豫章郡寓齋、時年七十有二。

錢辛楣先生年譜

曾孫慶曾校注

竹汀居士年譜

手編自題

謹案公諱大所字曉徵一字及之號辛楣又號竹汀居士姓錢氏先世鳳里公諱鉉明正德間自常熟雙鳳里贅嘉定之盛涇管氏遂世居嘉定先世譜系所自遷嘉時已失不可攷鳳里公生北郊公諱浦北郊公生順郊公諱炳順郊公生侍郊公諱珠侍郊公生公瞻公諱岐是爲公曾祖。

雍正六年戊申正月七日戊午戌時居士生於嘉定望仙

橋河東宅。

謹案吾家自鳳里公始居盛涇再傳而析二支一居外岡一居望仙橋望仙橋鎮在縣城西十八里先大夫年逾三十尙未得子姑夫沈組佩先生言房門

不利、當閉之、而別啟戶焉。如其言、期年而居士生。

謹案、高祖中憲公諱桂發、字芳五、號小山、縣學附生。以公貴、封奉政大夫、翰林院侍讀、晉贈中憲大夫、詹事府少詹事。著有方壺吟、藁三卷。享壽七十有九。生於康熙三十六年、至是年三十二矣。沈諱張坊、新陽縣庠生、居嘉定、以子魁官、贈奉政大夫、貴州威甯州知州。

七年己酉 年二歲。

居士甫周歲、能言、母沈太恭人指玉而二字教之、更以他書覆試、卽指認不誤。晬日、家人陳百物於盤、居士諦視良久、惟取一筆。

謹案、公集奉政公家傳云、甫晬卽教以識字。

八年庚戌 年三歲。



儒藏

錢辛楣先生年譜

沈太恭人歸甯、攜居士至外祖宅。外祖喜其慧了，引詣諸戚友家，見堂上扁聯，皆能成誦。

謹案：公外祖沈處士諱時俊，居青浦之黃渡鎮。

九年辛亥 年四歲。

十年壬子 年五歲。

始從塾師曾獻若先生問字。

謹案：奉政公家傳云：此五歲授以經書，稍暇卽與講論前代故事，詳悉指示，俾記憶勿忘，乃止。如是者殆十年。曾公諱佳，縣庠生，中憲公業師。

十一年癸丑 年六歲。

十二年甲寅 年七歲。

先大夫移居河西宅。

十三年乙卯 年八歲。

乾隆元年丙辰 年九歲。

謹案是年中憲公入學。公集中憲公行述云年幾強仕始受知於學使禮部侍郎桐城張公廷璐。三上秋闈不遇杜門課徒自給。

二年丁巳 年十歲。

大父奉政公館望仙橋楊氏卽從大父受業初學爲八股。

謹案奉政公諱王炯字青文號陳人縣學生鄉飲大賓壽九十有二著有字學海珠三卷星命瑣言一卷以公貴贈奉政大夫翰林院侍讀奉政公夙精小學教以訓詁音韻公能貫通大意奉政公嘗謂此子



儒藏

錢辛楣先生年譜

入許鄭之室無難也。

自夏至冬病疥廢學。

三年戊午年十一歲。

始應童子試。

謹案是年邑令爲咸甯黃公建中。

四年己未年十二歲。

先大夫館外岡族父元禮齋從先大夫學。

謹案外岡鎮在縣城西十二里元禮先生諱楷國學生與公同出北郊公。

五年庚申年十三歲。

仍從先大夫在外岡書齋其夏復應童子試邑尊永嘉



林公諱上梓面試大加獎賞揭案名在第六先大夫攜居士謁謝公曰令子遠大之器不必欲其速售也。

六年辛酉 年十四歲。

先大夫館族兄彥輝齋仍從先大夫學。

謹案彥輝先生諱燿國學生與公同出順郊公又案中憲公行述初館元禮先生齋後館彥輝先生齋皆攜公自隨晨夕督課當是時舉業家皆不習詩生徒或私作韻語則父師相詬病以爲妨於制義也中憲公獨喜教公爲詩示以唐人安章宅句之法則公之始學爲詩當在此三四年間是秋中憲公赴江甯鄉試公卽攝館。

七年壬戌 年十五歲。

是歲負笈入城從曹丹五先生學同筆硯者陸昌雅李

斗祥、韓萬原、徐毓洲諸君及先生之子習庵也。

謹案曹封翁諱桂芳號檀淵歲貢生習庵學士名仁虎字來殷辛巳進士陸名授詩與公同入泮少年有才早世韓名本徐名瀛秀皆縣學生公詩集有徐毓洲讀書僧舍集杜詩相寄之作又嘗爲記芥舟山房見文集。

其夏復應童子試受知於學使內閣學士劉公諱藻覆試日見居士方髫齡別置筆硯於它所試之較原卷更佳次日復特招覆試以焉知來者之不如今也爲題試畢獎勵甚至贈以筆墨數事公嘗語人曰吾視學一載所得惟王生鳴盛錢生大昕兩人耳是時始與禮堂定交外舅虛亭先生見居士文亦以爲不凡明年始有昏

姻之約。

謹案劉制軍原名王麟字素存山東荷澤人丙辰博學宏詞王封翁諱爾達字非聞歲貢生子光祿諱鳴盛字鳳階號禮堂又號西莊公同年進士及第官內閣學士兼禮部侍郎左遷光祿寺卿早年與公齊名人稱錢王。

八年癸亥年十六歲。

仍假館曹氏。

謹案曹封翁自外岡徙居城東顏其堂曰蓉鏡公乞假歸里時曾爲作記見文集。

九年甲子年十七歲。

學使開公泰科試取一等第七名。

謹案開制軍字兆新號敬庵滿洲正黃旗人甲辰進士時官兵部侍郎。



儒藏

錢辛楣先生年譜

是秋鄉試始與王蘭泉定交。

謹案王少司寇名和字琴德號蘭泉又號述庵公同年進士居青浦縣之朱家角里又案是年十月公弟可廬先生生。

十年乙丑 年十八歲。

始授徒塢城顧氏其家頗藏書案頭有資治通鑑及不全二十一史晨夕披覽始有尙論千古之志讀東坡戲作賈梁道詩輒援晉書以糾其失中年見浙中新刊查注蘇詩已先我言之然居士年未弱冠攷據已有與前輩闇合者矣。

謹案塢城在縣城東南四十里諸生顧公我澍公亞壻也是年延館其家公辨正蘇詩誤以司馬懿爲司

馬師、見養新錄卷十六。

十一年丙寅 年十九歲。

仍授徒顧氏。

讀李延壽南北史鈔撮故事爲南北史傳一冊。

謹案家藏公手書冊子十餘幅皆節錄南北史語并記云舟中攜有此書錄出數則以備兒輩遺忘蓋公少年篤好此書大半能成誦故取以爲傳家之學。

十二年丁卯 年二十歲。

是秋應江甯鄉試同考官廣德州知州厯城曾公尙增得居士卷奇之薦主司不見售。

謹案公壽邵松阿舍人七十詩云同出南豐一辦真。自注君鄉試出長清曾公房予出曾公薦爲試官所



儒藏

錢辛楣先生年譜

黜。

十三年戊辰 年二十一歲。

四月學使尹公會一歲試取一等第六名。

謹案尹公字元孚直隸博野人甲辰進士時官工部侍郎。

八月祖母朱宜人歿。

謹案朱宜人處士德臻公女年八十有二中憲公恪遵家法不作佛事。

十四年己巳 年二十二歲。

巡撫覺羅樛軒公雅爾哈善聞予名檄本縣具文送紫陽書院肄業。時侍御王艮齋先生爲院長閱居士課義詩賦論策歎賞不置曰此天下才也。自是課試常居第



一。青浦王蘭泉、長洲褚鶴侶、左莪及禮堂、習庵皆在同舍、以古學相策勵。吳中老宿李客山、趙飲谷、惠松厓、沈冠雲、許子遜、顧祿百亦引爲忘年交。

謹案、公作習庵先生墓志、檇軒作檇亭。侍御諱峻、字次山、常熟人。甲辰進士。鶴侶舍人名寅亮、公同年。召試、賜舉人。左莪學士名廷璋、癸未進士。李布衣名果、趙徵士名虹、惠徵士名棟、沈徵士名彤、許大令名廷鏐、顧上舍名詒祿、惠長於公三十餘年。沈長於公四十年。又案、先是王少司寇肄業紫陽書院、與王光祿同舍、始知公幼慧善讀書、有神童之目。及院長詢以今日人才、則以公對。院長轉告巡撫、巡撫喜甚、招公至院、試以周禮、文獻通攷兩論。公下筆千言、於是驚異院中諸名宿、莫不斂手敬之。

十五年庚午 年二十三歲。

學使崔公紀科試一等。時松江士子亦赴崑山科試，因得與黃芳亭、趙損之、張少華、吳白華、凌祖錫諸君交。

謹案：崔副憲字君玉，號南有，蒲州人。戊戌進士，時官祭酒。黃司論名文蓮，趙光祿名文哲，壬午試賜舉人，以主事死。金川難，贈光祿寺少卿，入祀昭忠祠。張舍人名熙純，皆上海人。吳侍郎名省欽，癸未進士，南匯人。凌上舍名應曾，亦上海人，與公同應召試。

秋應江甯鄉試報罷。

江甯翁朗夫到吳門，特來訂交。

謹案：翁徵士名照，號霽堂。

其冬娶先妻王恭人，贅居外舅宅。

謹案：王恭人爲虛亭先生幼女，事詳公文集卷五十。



藏 儒

錢辛楣先生年譜

院長良齋先生以疾辭去、代之者長洲沈歸愚先生也。
謹案、公詩集有用昌黎會合聯句韻送王良齋先生
 歸海虞之作。沈文愨公諱德潛、己未進士官至禮部
 尚書。在院錄刊江左七子詩選、七子者、公及王光祿
 王少司寇、吳竹塹、舍人趙損之、光祿曹習庵、學士黃
 芳亭、司諭也。書成、風行於世、賈舶有攜至日本者。其
 國相高棟讀而善之、爲七律、人贈一章、寄估以達、人
 豔稱之、以爲雞林之比。

十六年辛未 年二十四歲。

是歲、

大駕始南巡、江浙吳中士子各進獻賦詩。大昕進賦一篇、學
 使番禺莊公滋圃選入一等有。

詔召試江甯

行在、

欽命題蠶月條桑賦、指佞草詩、理學眞僞論、閱卷官大學士滿洲高文定公、兵部侍郎休甯汪文端公、刑部侍郎嘉興錢文端公擬定一等二名、

特賜舉人授內閣中書學習行走。四月二日、於揚州香草寺行宮謝

恩、特賜

御製生秋詩石刻。其秋、高文定公招至清江浦公署、館於荷芳書院西偏。翁朗夫、周讓谷、莊培封皆在幕府、意甚相得。



謹案莊協揆諱有恭己未進士及第高公諱斌汪相國諱由敦甲辰進士錢尚書諱陳羣辛丑進士是年與公同應召試入中書者懷甯蔣公雍植全椒吳公煊長洲褚公寅亮休甯吳公志鴻常熟孫公夢達凡六人周刺史名天度王申進士仁和人莊公名櫛陽湖人又案試作刻入南巡盛典詩見詩集卷三家藏公手書試作賦詩沈文愨公評云灼灼狀桃花之鮮依依盡楊柳之態尋條赴節情韻環周唐人律賦中亦稱高手詩格並見大方時未揭曉也公入中書有紀恩詩。

十七年壬申 年二十五歲。

三月束裝入都過清江浦文定公復留住公署兩月乃買舟送居士與讓谷北行到都僦舍繩匠衚衕與褚鶴侶同年同廬始入內閣票籤房辦事每三日一入直十

日一直宿。

謹案公清江浦懷舊詩王申之夏渡清口岡哉亭前賦折柳自注云是歲相國高文定公具舟送予北上同舟者仁和周君天度陽湖莊君構及予三人。

其秋會試不第移寓潘家河沿仍與鶴侶同居。

十八年癸酉年二十六歲。

在中書任。暇與吳杉亭褚鶴侶兩同年講習算術得宣城梅氏書讀之寢食幾廢。因讀歷代史志從容布算得古今推步之理。

謹案梅氏文鼎有歷算全書大統書志勿庵厯算書記中西經星同異攷等書。其秋移寓椿樹頭條衢。

冬初王恭人自南來、禮堂亦至。恭人於途間遘疾幾殆、到都調治兩月得痊。

謹案王恭人行近有舟至楊村、扶入肩輿、昇至寄舍云云。又案公著元氏族表於是年編始。

十九年甲戌 年二十七歲。

正月始補中書額缺。

三月會試中式第十九名。總裁大學士海甯陳文勤公、禮部侍郎野園介公、內閣學士武進錢文敏公同考官編修甯都鈍庵廬公。是科文敏公自撰策問條目、閣中徧搜三場所得、如王禮堂、王蘭泉、紀曉嵐、朱竹均、姜石



貞翟大川輩皆稱汲古之彥。揭曉之次日、

午門謝

恩。文敏公謂諸公曰、此科元魁十八人、俱以八股取中、錢生乃古學第一人。

殿試第二甲四十名、

保和殿

御試、欽取一名。

圓明園引

見、特改翰林院庶吉士。

謹案、陳公諱世倌、癸未進士。介公諱介福、滿洲鑲黃旗人。癸丑進士。錢公諱維城、乙丑進士及第。盧詹事



諱明楷辛未進士時充第十四房考官。紀文達公名
時獻縣人官至大學士。朱學士名筠大興人。姜大令
名炳章象山。山人翟
教授名灝杭州人。

是歲移寓橫街。讀漢書。撰次三統厯術四卷。無錫秦文
恭公邀予商訂五禮通攷。休甯戴東原初入都。造居士
寓。談竟日。歎其學精博。明日言於文恭公。公即欣然與
居士同車出親訪之。因為延譽。自是知名海內。

謹案秦尚書名蕙田丙辰進士及第。公嘗為序味經
窩類彙見文集。文恭五禮通攷之作。以徐氏乾學讀
禮通攷惟詳凶禮。而周官大宗伯所列五禮之目。鮮
能尋端竟委。乃因其體例。蒐羅眾說。以成一書。戴吉
士名震壬午舉人。充四庫館纂修官。書成。授翰
林院庶吉士。公集戴先生傳云。以敝袍入京師。一見
奇之。即與之定交。

又案公集與戴東原書跋史
彌寧友林乙稟作於是年。

二十年乙亥 年二十八歲。

在庶常任。是歲平定準噶爾凱旋恭進五言長律一百
五十韻頗爲朝士傳誦。

謹案見詩集卷

三刪存百韻。

又案是年有三統
術衍序不載集中。

二十一年丙子 年二十九歲。

在庶常任。尙書休甯汪文端公侍郎新建裘文達公富
春董文恪公被

旨修熱河志屬居士與紀曉嵐任編纂之役其秋、

大駕幸木蘭、汪裘二公奏二人名、即令扈從熱河、就近採訪

排纂途中恭和

御製詩進呈、

天語嘉獎、由是館中有南錢北紀之目。

謹案、熱河即古武列水、聖祖建避暑山莊以

狩苗朝觀、鑾輅歲臨、永垂為法、前朝絕域遂為文

物聲明之地、志成八十卷、分天章、巡典徠遠、

行宮圍場、疆域建置沿革、晷度山水、學校藩衛、寺廟、

文秩、兵防、職官、官蹟、人物、食貨、物產、古蹟、故事、外紀、

藝文、二十四門、實通志、承德府一州四縣、而以熱河

名者、地重體尊、不得冠以府縣之目也、裘尚書名曰

修己、未進士、董尚書名邦達、癸丑進士、恭和

御製詩見

詩集卷四。

是歲京察教習、介錢兩公移吏部、以居士名列一等、考



功司員以新例格之改入二等。

二十二年丁丑 年三十歲。

五月散館、

御試正大光明殿試題石韞玉賦夏雲多奇峰詩。

欽取等一名授翰林院編修。公事之暇入琉璃廠書市購得漢唐石刻二三百種晨夕校勘證以史事輒爲跋尾。收藏金石文字自此始。

謹案賦見文集卷

一詩見詞垣集。

又案公集中書舍人吳君墓志銘作於是年。

二十三年戊寅 年三十一歲。

三月、

御試翰詹諸臣於

正大光明殿試題瑾瑜匿瑕賦野舍時雨潤詩。

欽取二等一名擢右春坊右贊善。自受職後未盈一年遽膺優擢非意計所及也。是年奏充

武英殿纂修官又充功臣館纂修官。

謹案賦見文集卷一詩見詞垣集。是時禮部尚書大興何公國宗領欽天監精於推步每與公論宣城梅氏之學及明季利瑪竇湯若望羅雅谷日離月離五星諸表公洞若觀火於是有協同何公潤色地球圖之旨。

又案是冬縣令介公王濤舉鄉飲酒禮敦請奉政公爲大賓黃髮卽席觀者聳然起敬。



儒藏

錢辛楣先生年譜

又案公集一等公終公傳、
一等伯傳公傳作於是年。

二十四年己卯 年三十二歲。

在贊善任。是春平定回部、獻馘凱旋、恭進七言長律一
百韻。

謹案見詩
集卷五。

七月奉

命充山東鄉試正考官、戶部郎中葉公宏爲副。揭曉得任銳
錫等六十九人、益都李文藻對策最優、擢爲第二。按察
沈椒園先生於鹿鳴宴上首賀得人、樂源書院院長宋
蒙泉先生賦詩一篇、稱此科得人之盛還。

朝復

命

召對養心殿西煖閣奏對良久

天語甚溫。

謹案葉公字涵川浮梁人戊辰進士任公聊城人李公以進士令廣東遷司馬前公卒事詳公集李南澗墓志銘公疊掌文衡厯主書院講席門下士殆幾千人皆以經史金石詩古文辭相祖述其升堂入室者尤推李司馬邵學士晉涵及先外祖工部陳稽亭先生鶴也沈公名廷芳仁和人丙辰博學宏詞宋廉訪名弼德州人乙丑進士其詩有伊子久伏處憑軾觀羣閥決勝卜其長億占每幸中蓋其時書院生中式者十有八人。

是冬先大父奉政公終於里第年九十二。



儒藏

錢辛楣先生年譜

謹案奉政公事詳公集家傳記事、
及太倉州志程氏晉芳撰墓表。
又案公集山東鄉
試錄序作於是年。

二十五年庚辰 年三十三歲。

在贊善任。三月充會試同考官分閱書經卷得進士十
一人館選四人知縣即用五人尋充續文獻通攷館纂
修官分修田賦戶口王禮三攷協修

起居注其秋遷翰林院侍讀冬奉

旨署日講起居注官以磨勘鄉試卷議敘紀錄二次。

謹案本房十一人戴公望嶧李公臺沈公咸熙陳公
本敬尤知名是科朱文正公同事禮闈文正好談星
學詢公八字公辭曰頃新安友言現行已運爲祿堂
又犯三刑來年辛巳必無幸矣文正曰八字當論大



局、刑衝未足為病。足下不久當遷官，斷無
 意外慮也。已而果有侍讀之命。
 謹又案宋馬端臨文獻通攷因杜佑通典而廣之，析
 分二十四門，所述事蹟上溯黃虞，下迄南宋嘉定。明
 王圻先有續書體例，採宋遼金元明及皇朝制度彙纂成
 之。嗣以古今同述，例難盡一，奏請各自為書，故
 又有皇朝文獻通攷，實一時所成。後續通典、通志
 皆然。書中分門五朝，依馬氏之舊，皇朝增羣廟攷
 一門，子目則各有增損，如公所纂田賦、戶口、增入旗
 田制、壯丁，以今制所有而增也。

二十六年辛巳 年三十四歲。

在侍讀任三月。

大駕恭謁

泰陵，即幸五臺山，以記注官

特派扈從。途中恭和

御製詩稱

旨。

上自五臺迴蹕出

御製游千佛洞五言古詩、

特命賡和、餘莫及焉。

謹案諸詩見
詩集卷五。

以磨勘會試卷議敘紀錄一次。其冬以

皇太后聖壽七旬、覃恩中外京官例加一級。循例得

貤贈大父爲奉政大夫翰林院侍讀加一級大母爲宜人。

封父爲奉政大夫翰林院侍讀加一級母爲宜人。

謹案公集有聖母皇太后七十萬壽頌序文及頌皆集經語爲之。

是歲以心血耗煩始得不寐之疾。

二十七年壬午年三十五歲。

在侍讀任京察引

見記名一等五月奉

命充湖南鄉試正考官修撰王公杰爲副得丁甡等四十六人。先是湖南士子以闡義謁學使吳雲巖先生凡數百人。雲巖決其必售者五人丁甡丁正心張德安石鴻猷陳聖清也。及撤棘甡果領解正心第二德安第四鴻猷



儒藏

錢辛楣先生年譜

第五、聖清第十六。雲巖大喜，作詩紀其事，和者數十人。楚人至今傳爲佳話。姓與正心從舅弟也。雲巖因稱爲雙丁榜。回京復

命，仍

召見養心殿西煖閣，奏對久之。

謹案：王相國韓城人，辛巳進士及第。吳公名鴻仁，和
人，辛未進士及第。吳公首唱一詩，感主司操鑒之明，
助諸生續學之實。公和詩見詩集卷七。副主司王公
獄麓書院院長湘潭劉公元變，長寶觀察遼海張公
法及分校諸公皆有和作，刻行爲壬午楚南唱和集。
又案：公集湖南鄉試錄序作於是年。

二十八年癸未 年三十六歲。

在侍讀任，以磨勘會試卷議敘紀錄一次。五月，

御試翰詹諸臣於

正大光明殿題江漢朝宗賦結網求魚詩。

欽取一等三名擢侍講學士尋充

日講起居注官。

謹案賦見文集卷一詩見詞垣集是年起居注告成詣乾清門入奏有恭紀詩。

錫山秦文恭公奉

詔修音韻述微屬居士任編校所進條例皆居士具橐。

謹案音韻述微與欽定音韻闡微相表裏闡微重字音而述微兼詳字義字數亦較闡微爲多。凡今義今音亦皆纂入以補向來字書所未備云。

是歲先大夫與弟晦之入都父子兄弟聚首一堂極家



儒藏

錢辛楣先生年譜

庭之樂。

謹案公弟諱大昭號可廬國學生嘉慶丙辰薦舉孝廉方正賜六品頂戴以子亦軒先生諱東垣官封文林郎浙江松陽縣知縣著述十種先刊敘例行世。

二十九年甲申 年三十七歲。

在學士任是歲先大夫還里弟晦之留都門。

謹案王荈人行述云我父於甲申歲來京師我母未修一日之養公官京師屢請堂上就養沈太荈人以水土不習不果行中憲公入都僅一年亦以水土不習南旋又案公集郭有構墓志銘作於是年。

三十年乙酉 年三十八歲。

在學士任京察引

見記名一等。

謹案是年正月陪祀祈年殿四月與錢蔣石曹慕堂積粹齋三先生赴涿州恭迎大駕還宿良鄉入清涼寺識清涼寺題名見文集。

六月奉

命充浙江鄉試副考官正考官則祭酒曹公秀先也。既具摺

謝

恩卽奏請於使旋日乞假十日順道省親得

旨俞允。行過泰安登泰山絕頂盡覽日觀天門之勝。到浙入闈後曹公忽病。店臥床一月。校閱之事皆一人任之。揭曉得陸飛等九十四人。而邵晉涵潘庭筠翟均廉嚴城



儒藏

錢辛楣先生年譜

皆一時之傑出者也。撤棘後，徧游西湖諸名勝，各繫以詩。還至吳門，兼程抵家。父母年近七旬，聰明矍鑠。陳氏妹亦歸寧，親朋酌酒稱慶。假滿，星馳入都，復命。

召見勤政殿東煖閣。

天顏和霽，垂問。臣父母年紀甚悉。

謹案曹文恭公字冰持，號地山，新建人，丙辰進士，官至尚書。陸公字筱飲，仁和人，性高逸，舉賢書第一，不赴南宮試。營自度航於西湖，浮家泛宅，有元真子風。邵學士字與桐，一字二雲，餘姚人，辛卯進士，潘侍御字蘭垞，錢唐人，翟舍人字春趾，仁和人。嚴公字力闇，杭州人。又案公使浙日記，揭曉後訪杭堇浦先生於萬松嶺，謁座上錢文端公於嘉興里第。九月二十五日抵家。



設香案、望闕叩謝。天恩。堂上俱康健無恙。舉家歡喜。親友稱羨。以爲盛事。二十七日、入城謁王虛亭、曹檀潛兩先生。十月一日祀先、二日掃墓。六日、以假期已滿、自家起行。中憲公亦同往、順道游錫山、金山、抵淮上而還。公胞妹一配同縣躍雲陳公曦。又案游浙諸詩爲使浙集、今見詩集卷八。文集泰山道里記序、浙江鄉試錄後序、秦文恭公墓志銘作於是年。

三十一年丙戌 年三十九歲。

在學士任。三月、充會試同考官、得進士十人、館選三人、分部一人。

謹案、會試分閱書經第三房。館選尹閎學壯圖、莊侍讀承鑒、韓觀察朝衡。分部黃觀察符綵也。

九月、子東壁生。

謹案先祖字星伯號飲石又號夢漁天姿聰穎狀貌
俊逸多鬚髯爲人豁達大度銳於學問年十七補博
士弟子試輒高等鄉闈屢薦不售乃納粟入國學游
京師倉場侍郎劉公竹軒一見傾倒邀入幕中佐理
文翰凡有撰述多出所擬下筆千言略不加點於是
都中有小錢之日未幾南歸就儀徵阮公芸臺之聘
於浙西阮公與公有文宇之契復愛先祖才加器重
焉讀書一過卽通大義經史百家無所不覽而於詞
章尤所篤好中年以後淡於進取家居以典籍自娛
偶有所得纂爲筆記喜東坡詩嘗欲輯諸家注釋斷
以己意詳加刪潤彙爲一編未成而桐鄉馮氏本出
乃止爲文不日珍惜隨作隨棄慶曾每思搜集散亡
爲家藏本而迄不多得書法精真行晚年專書蘭亭
日必一本寒暑無間在京師時與朝鮮貢使朴貞奎
齊家相識是時貞奎三入燕京矣中朝人物並爲所
知歸國後有懷人數十章其贈先祖一篇云飲石名
家子妙年懷利器聊將練裘書暫當梅花寄我雖未
相人斯人當早貴與日本高標贈江左七子詩後先
相映教子弟一以規矩無世俗愛憎之見聞讀書聲
則喜形於色慶曾十歲時卽取以自課策以敦品力

學。恨未數月、而遽見背。

又案、公集答李南潤書、州判李君墓表、邢孺人墓志銘、舅氏沈君墓志銘、孝廉胡君墓志銘作於是年。

三十二年丁亥 年四十歲。

在學士任。三月、得傷寒疾、幾殆。吳生蔣源明醫理、晨夕來診視、得愈。

謹案、吳大令字朗陵、秀水人、公乙酉浙闈所得士。

六月、妻王恭人歿於京邸。居士幼多疾、不任勞劇、病後精力覺不支、重以伉儷之戚、益有歸田之志。其秋、遂以病乞假、掌院劉文正勉留之、固辭。十月、始得准假之旨、乃買舟南下、冬至後始抵家。時晦之已娶、舊宅不能容、權



儒藏

錢辛楣先生年譜

借族兄葵園屋東偏居住。

謹案王恭人年四十歲李司馬文藻爲纂墓志銘。先是王恭人以公年近四旬尙無子勸公置進爰納生曾祖母浦太孺人太孺人婉順曲從事堂上維謹治家事有法王恭人歿後大小事悉以畀之公數十年無內顧憂沈太恭人嘗謂公曰汝婦無出因納浦氏生一子而汝婦去世我側觀其言行動作頗知大體甚合我意且目前子女皆其所生汝當以嫡禮待之公因不更娶云劉文正公諱統勳諸城人甲辰進士官至大學士葵園大令諱裕國世系所自未詳宅在縣城東隅集仙宮之東。

是歲始撰二十二史攷異。

謹案本書自序云丁亥歲乞假歸里稍編次之歲有增益卷帙滋多。又案公集聖駕巡幸天津頌黃岷圃先生文集序集仙宮訪碑記王恭人行述祭王恭人文作於是年。

三十三年戊子 年四十一歲。

始買城中孩兒橋衙宅名其堂曰潛研乞新建曹地山先生書扁。其春與妹婿陳葑耘偕爲西湖之游。僦寓湖上留連旬有五日。

謹案陳公諱曦以附貢生考充四庫館騰錄官議敘州同知。乙酉年稱陳氏妹亦歸寧卽公配也。詩集卷九有與陳公唱和湖上諸作。

八月子東塾生。

謹案叔祖字學仲一字子臬號石橋又號膠田廩貢生試用訓導署吳縣訓導以子竹孫先生諱師康官教諭善隸草工山水著有月波樓詩彙。

是歲編次宋洪文惠公年譜及陸放翁年譜成。



謹案公集跋元大一統志殘本、蓉鏡堂記、邵先生墓志銘、祭虛亭先生文作於是年。

三十四年己丑 年四十二歲。

居士素慕邴曼容之爲人，謂官至四品可休。且二親逾七旬，當在里門侍養。而先大夫促之出，謂來歲逢

國大慶，備員侍從，宜隨班朝賀。乃於是秋再入都，仍寓官

菜園上街。

謹案：是年五月，公與王光祿、吳竹嶺、岑渚、周松承諸先生游虎阜，登千人石，酌第三泉，徘徊久之。微雨作，避石觀音殿，識石觀音殿題名，見文集。又集中記湯烈士事，跋石刻鋪敘跋藝圃搜奇跋鳳墅法帖作於是年。

三十五年庚寅 年四十三歲。



在都門。與曹慕堂、朱竹均、陳伯思、史文量游西山。

謹案：西山在順天府西，為京師八景之一。是年正月，公與曹習庵、張繡堂、趙實君諸先生游白雲觀。二月，有西山之游。三月，同人入法源寺觀花，訪得遼大安十年舍利函記。十月，訪菊城西極一時友朋之樂。各有詩紀事，見詩集卷十。曹中丞名學閔，公同年進士，汾陽人。陳公時官戶部。

是歲始讀說文，研究聲音文字訓詁之原，閒作篆隸書。

謹案：公專論說文諸說，見文集卷十一。養新錄卷四。

謹又案：是年八月進萬壽頌，見文集。又集中記琉璃殿李公墓志銘，與段若膺書按察宋公神道碑、儒林郎曹公墓表作於此年。又潛研堂詩序不載文集中。公詩凡二十卷，此初集十卷所手定也。

三十六年辛卯 年四十四歲。

在都門充一統志纂修官。

謹案、大清一統志於康熙間敕修乾隆八年始纂輯成書二十年、皇師平定伊犁、拓地二萬餘里、而府州縣之分併改隸、與職官之增減移駐、亦多與舊制有異同、乃特詔重修、後西域諸回部、滇南諸土目相繼內附、又平定兩金川、幅員益廣、亦並載焉。

是歲撰次金石文跋尾六卷成、益都李南澗爲刊板、與族子玷校正白虎通、廣雅。

謹案、族祖字獻之、號十蘭、甲午副貢生、陝西乾州通判、著作甚富、又精小篆書、與公同出順郊公。
又案、公集與一統志館同事書、贈邵台南序、王太宜人墓志銘、徐良輔墓志銘、作於是年。又有與趙損之書、見趙所著嫺隅集。

三十七年壬辰 年四十五歲。

是春、補翰林院侍讀學士、會試充磨勘官、

殿試充執事官、尋充三通館纂修官。

謹案乾隆三十二年
皇朝通典、通志、其時續文獻通考已成、公手定通志
凡例、分別子目、增刪皆
臻盡善、總纂深以為然。
又案、公集擬續通志列傳凡例、續通志
列傳總序、祭錢文敏公文、作於是年。

三十八年癸巳 年四十六歲。

在學士任。正月奉

旨入直上書房、授 皇十二子書。寓澄懷

賜園、與汪閣學持齋同宅。皇四子贈詩有穿徑偶同開府
宅、得朋還勝子雲居之句。皇六子亦贈對聯云、曉漏
連趨青瑣闥、晴窗遞草綠蕉書。是歲端午、



備藏

錢辛楣先生年譜

賜羽扇、蒲扇、貢葛、鄭宅茶、香袋等物。十一月、擢詹事府少詹事。十二月二十三日、立春、進帖子、有湖筆、銀硃、彩牋之賜。二十七日、

召入乾清宮西煖閣、

賜御書大福字。除夕、

賜貂皮、鹿尾、全鹿、黃羊、雉、魚等物。

謹案汪少司空諱廷璵、戊辰進士及第、鎮洋人、爲先祖外舅。其時儀親王亦贈書聯云、品格方於玉界尺、文章華似錦屏風。并云、此雖舊語、惟先生品學方足當之。成親王又時出所作詩文相質、兼問小學篆隸源流。

又案、是春、詔儒臣校永樂大典、擇世所未見之書、將刊布、以嘉惠學者。公手鈔易稽覽圖、寶刻類



儒藏

錢辛楣先生年譜

編序而藏之。序皆見文集。又中興學士院題名序。總兵許公神道碑。盛涇先塋之碣。作於是年。十一月。總督倉場倪侍郎承寬招同年友集寓邸。劉宋元人畫二十餘種。公爲記。趙居廣畫亦見集中。

三十九年甲午 年四十七歲。

正月八日、

上幸重華宮。賜宴內廷。諸臣以四庫全書爲題聯句。二十八人。居士與焉。四月。京察引

見奉

旨准其一等。七月。奉

命充河南鄉試正考官。侍讀白公麟爲副。得劉師柔等七十一人。撤棘後。束裝將北行。復奉提督廣東學政之

命、

諭以卽赴新任不必來京請訓。隨取道江北江右入粵。於十一月到任。嶺南氣候和煖。嚴冬無冰雪。花木豐茂。不異春時。學署有南漢九曜石。宋人題殆徧。公務之暇。屏儼從婆娑石閒。拂拭題刻。蕭然如寒士也。

謹案白公守應雍。滿洲正白旗人。癸未進士。九曜石有熙寧六年金君卿等七年陳師孟等金君卿等元豐元年曾布等紹興十三年詹文舉等。迨熙十六年鄒飛熊等。嘉熙三年陳疇等四年黃朴等題名。又案公集河南鄉試錄序。炙硯集序。紀王廟碑跋。新唐書糾謬作於是年。公校錄新唐書糾謬間爲疏證。刻入鮑氏廷博知不足齋叢書中。

四十年乙未 年四十八歲。



在廣東學政任。申嚴月課之令、每季親出題、委教職申解課卷至院、親閱而甲乙之、士子無敢托故不與課者。按試肇慶、羅定、韶州三屬生童卷、盈千累萬、皆由親閱。又以士子多不冝讀經、每考試經題、務避熟擬、四書藝雖可觀、而經義違失者、痛斥之、仍榜示某某卷、以荒經遺落之故。自是諸郡聞風、童子皆知讀全經矣。前政歲科試優等太少、各學廩增多不足額、閱其試藝、優劣亦無大懸殊、乃稍寬優等名數、以鼓勵之。五月、試韶州畢、將抵南雄、途中忽得先大夫之訃、以四月二十四日下世、悲慟欲絕、卽委屬齋印信、交巡撫德公保代奏、而星

夜北歸。六月杪抵家。

謹案公在粵中、念中憲公精力尚健、夙有登臨之興、嶺南山水奇秀、寓書迎養、中憲公欣然規往、乃命公弟可廬先生偕王鶚起、鳴韶、周墨厓、楠兩先生先赴粵、佐校閱、而自率諸孫於仲夏起行。公試畢韶州、私計中憲公南行有日、遣人前詣迂伺、不料中憲公於四月月中旬、旬偶感熱疾、荏苒旬餘、遽至大故、年七十有九、凶聞至、公號慟欲絕、兼程北歸、三旬始抵廬次、寢苦茹素、一如古禮、每一展視、手澤憬然、慨慕居憂、未幾、髭鬚盡白、蓋悲動於中、不自知其哀毀也。德文莊公字懷玉、滿洲正白旗人、丁巳進士。又案公集太子少保莊公墓志銘、優貢生楊君墓志銘、中憲公行述、作於是年。

四十一年丙申 年四十九歲。

在家讀禮、髭鬚盡白。

謹案公集復倪敬堂書、李南澗墓志銘、作於是年。

四十二年丁酉 年五十歲。

八月服闋。以沈太恭人年屆八旬不復入都供職。秋杪游洞庭東西山。

謹案洞庭山在蘇州府西太湖中。訪得宋范至能題名越二十年丁巳始推拓著錄之。

是歲以

孝聖憲皇后升祔覃恩、

贈先大夫中憲大夫詹事府少詹事、先母自宜人進

封太恭人。居士亦例

授中憲大夫、妻王氏

贈恭人。



藏

錢辛楣先生年譜

謹案是秋、妻東張君秉忠爲繪小像、王鶴谿先生爲補花木竹石、取陶公吾亦愛吾廬及此中有真意之句、名曰吾廬真意圖、乞同里諸君子詩之。公歿後、是卷失去、越二十餘年、姚守庭丈廷鏞以重價得之、以遺慶曾。慶曾喜舊物之復還、感守庭之好事、又請近時之工詩者續爲題詠、以紀其事、題不踰鄉里、猶前志也。

又案是冬至、妻東舟中讀抱朴子內篇、著納音說、見文集。又錢氏祠堂記、郭允伯金石史序、答盧學士書、跋陳文貞公詩卷、同知彭君墓志銘、作於是年。

四十三年戊戌 年五十一歲。

是春紹興秦石公太守招游南鎮及蘭亭。

謹案秦公名廷莖、北平人。南鎮卽會稽山、在紹興府東南、古防山也。上有陽明洞、卽道書第十一洞天、唐封爲南鎮蘭亭在紹興府西南蘭渚山。



夏初總督高文端公延請爲鍾山書院院長。居士雅不喜爲人師，而家居貧約，不無藉束修以供甘旨。江甯去家不遠，歲時便於定省，乃勉應之。五月到院，與諸生講論古學，以通經讀史爲先。課試之暇，與袁簡齋、嚴冬友諸公爲文酒之會，城內外諸名勝屢齒幾徧。

謹案高相國名晉，袁大令名枚，錢塘人。己未進士，時居倉山之隨園。嚴侍讀名長明，江甯人。以試入中書。公詩集有與兩公唱和之作。

又案廿二史攷異自序，戊戌設教鍾山，講肄之暇，復加討論。閒與前人閤合者削而去之，或得於同學啟示，亦必標其姓名。

又案公集後漢書年表後序，跋僧明淨書心經及法華經序，跋義門讀書記，答袁簡齋書，雙節門銘，菩提

寺碑記、汪南有傳作於是年。又有答汪進士輝祖書、見汪所著雙節堂贈言集錄、槎溪程氏支譜序、皆不載集中。

四十四年己亥 年五十二歲。

在江甯訪求金石刻、手拓吳天璽紀功碑、及梁始興安成吳平三碑、所得南唐宋元石刻甚多。

謹案、吳天璽元年巖山紀功碑在江甯縣學尊經閣下、梁始興忠武王碑在上元縣黃城村、安成康王碑、吳平忠侯蕭公碑亦並在上元。安成碑文已磨滅、獨其額存、故公跋尾中不及。

上元談泰善算術、來從居士游、授以古今推步異同疏密之旨。

謹案、談孝廉字階平。

其冬與孫季仇秀才游茅山。

謹案孫觀察名星衍陽湖人丁未進士及第始以詞章知名後精研攷據未幾亦受業於公是冬同游茅山訪碑尋陶隱居舊館壇碑不得公集有游茅山記又金陵石刻記序贈談階平序答盧學士書施節婦傳資政大夫王公神道碑虛亭先生墓志銘皆作於是年。

四十五年庚午年五十三歲。

是春

聖駕南巡與在籍諸臣至淮上迎

駕進

南巡頌一冊

賜緞二端復還江甯春夏之交兩目漸眩引疾辭歸而總督



儒藏

錢辛楣先生年譜

薩公載固留之。時方設局續修

南巡盛典、因請居士總其事。

謹案、

南巡盛典先經大學士兩江總督高公

晉撰次

奏進、

賜製序文刊行。書成於庚寅

之冬、述辛未至乙酉

聖駕四次巡幸江浙諸

鉅典。是年、

聖駕五巡江浙、因有續修之舉。

又案元氏族表於是年編成。公集廿二史攷異序、淮

南子天文訓補注序、張太夫人祠堂記作於是年。又

有王太夫人八十

壽序、不載集中。

四十六年辛丑 年五十四歲。

居士在鍾山四載、士子經指授成名者甚眾、而江浦韓

明府廷秀、上元董方伯教增、鮑文學璉、宣城孫州牧元

珪尤所獎賞者也。



謹案韓孝廉字紹真。董制軍字觀橋。丁未進士及第。鮑文學字文石。

夏末歸省太恭人。雖起居如常而飲食漸少居士心憂之遂不赴館。侍太恭人湯藥兩月餘竟不起時九月十四日也。其冬合葬先大夫及太恭人於練祁祖塋之右。
謹案沈太恭人年八十有二袁大令枚爲撰墓志銘族祖澥亭教授塘爲撰行略練祁祖塋公曾祖公瞻公主穴奉政公居左。

是歲鉅野姚學甲爲續刊金石文跋尾七卷。

謹案公金石文跋尾凡四集此第二集也。後刊三集四集首葉標利貞二字別之。姚明府號半塘公丙戌本房所得士時令嘉定。
又案公集關中金石記序凌竹軒墓志銘作於是年。

四十七年壬寅 年五十五歲。

居憂足跡不出戶。撰次廿二史攷異成凡百卷。又撰次

家藏金石刻目錄以時爲次凡八卷名曰金石後錄。

謹案廿二史攷異於是年編定後有所得爲攷史拾遺凡三史五卷諸史五卷金石後錄後更名金石文
字目錄因前
人已
有之也。

子東壁入縣學。

謹案是年學使南

昌彭文勤公科試。

又案公集周氏族譜序詹事盧
公神道碑墓志銘作於是年。

四十八年癸卯 年五十六歲。

是夏大興黃符綵知台州府招游天台山。



儒藏

錢辛楣先生年譜

謹案黃公宇蘭陔公丙戌本房所得士。天台山在台州府。公登天台。由高明取道佛隴入大慈寺。訪得元
和智者大師
修禪道場碑。
又案是秋公親挈先祖至江甯應鄉試。

臘月服除有司敦勸入都供職而衰疾日臻兩目昏眊遂無出山之志矣。

謹案公集記建炎官印張先生墓志銘作於是年。張先生元配公族姑也。丁酉冬乞假里居與先生往來最密。嘗謂公僕老矣身後之文願以屬吾子。及公再入都奉諱南回則先生即世再易寒暑矣。是年先生之孫璉述事狀乞公銘。

四十九年甲辰 年五十七歲。

春二月將往淮上途間忽得風痺之疾兩足不能行動

大小便幾不禁到家自謂必不起矣。族弟希文善醫診居士脈曰可治。投以東垣補中益氣湯數劑之後始有起色。調治百餘日乃得扶杖而行。病中自編年譜一卷。又記生平所見碑刻家中未有者三百餘種附於金石後錄之末凡二卷。秋後腰腳稍健而目力益衰入夜不能見物。

謹案是年

聖駕六巡江浙公將與在籍諸公

迎

駕淮上未達

行在邁疾而還希文

先生諱肇

嘉興號敬亭縣學生與公同

出北郊公醫學詳公所撰墓志銘

又案公稱年譜編於是年今家藏本實訖於壬

子。是後或每年增入或壬子歲續編未敢知也。

子東塾入縣學。

謹案、是年學使謝

金圃侍郎歲試。

又案、公集跋能改齋漫錄、補瓢韓先生墓志銘、通議大夫陸公墓志銘、侍郎汪公墓志銘、作於是年。

五十年乙巳 年五十八歲。

是年、巡道章公延主婁東書院。

謹案、章公名攀桂。

五月、竹初先生招至甯波府、游天童、育王二寺。

謹案、竹初先生姓錢氏、名維喬、武進人、文敏公之弟、時令鄞、天童寺在鄞縣東六十里、育王寺在鄞縣東五十里、育王山下。

八月、長男東壁娶婦汪氏。

謹案、先祖母、工部侍郎持齋先生諱廷璵、季女、通文翰、楷法甚工、常爲公抄錄著述。



儒藏

錢辛楣先生年譜

又案公集跋黃山谷書范滂傳跋太倉文略春星草堂詩集序記生朝作於是年。又有質直談耳序不載中。集

五十一年丙午 年五十九歲。

在婁東讀王元美四部稟續稟因爲撰年譜一卷歲暮

撰通鑑注辨正二卷。

謹案是秋江甯鄉試公挈先祖輩同往。始因學使謝侍郎識儀徵阮宮保元。是時宮保方以諸生應舉公引爲忘年交。先是同縣李方伯廣芸受業於門公每以古學相勵。是科主試爲朱文正公以鄉黨命題公許阮李兩公必售榜發果然。又案公著洪文敏王伯厚年譜不載手編譜中當係壬子以後所編公集跋文壽承休承書跋弇州四部稟跋弇州山人續稟作於是年。又有資善禪寺飯僧田記不載集中。

五十二年丁未 年六十歲。

正月次兒東塾娶婦朱氏。

謹案叔祖母爲國學生寶山寄園朱公名淮長女以子官 贈封八品孺人。

三月往甯波府撰鄞縣志三十卷五閱月而告成。范上舍懋敏招登天一閣觀所藏金石刻因爲撰天一閣碑

目二卷。

謹案是時竹初先生猶宰鄞縣修志延公爲總纂。范上舍卽天一閣主人碑日與其書目並刊行。

秋復到婁東歲暮歸里撰次古今文人生卒年壽可攷者始鄭康成訖戴東原凡四卷。取左氏有與疑年使之年語名之曰疑年錄。



藏

謹案今海鹽吳氏刊本疑年錄東原先生後有蔣心餘至邵二雲六人則是後所續錄也是編大抵取古今文人之有功經史者錄之故功名節義才技奇能雖盛有名或亦不登此攷史之餘事所以志景行也。吳氏修付梓時曾編續錄四卷依傍門戶去取猶嚴近人有取全史之人不問賢愚悉皆著錄名曰廣疑年錄自矜該備議是編爲漏略可謂不知妄作矣。又案公集跋薛氏義瑞堂帖跋東坡書醉翁亭記跋竹園壽集卷跋石鼓文宋拓本漢瓦當硯銘抱經樓記天一閣碑目序左氏傳古注輯存序史記志疑序歸震川先生年譜序鄞縣志辨證鄞縣志局與同事書曹公神道碑學士曹君墓志銘瞿封翁墓志銘作於是年。

五十三年戊申 年六十一歲。

在婁東十一月巡撫閔公延請明年主蘇州紫陽書院。

謹案公主講婁東三載所賞一時之彥有陸公元吉學欽楊公雲璈雲煜李公錫恭王公洲汪公學銘胡



公金誥、蕭公掄、沈公端靖、閔中丞名鶚、元嘉善人、己丑進士。

十二月九日、東壁舉一子、居士第一孫也。大父生於康熙戊申、居士生於雍正戊申、今舉長孫、亦以戊申、因命之曰阿同、取康成小同之意。

謹案先君諱師慎、字許庭、早慧入塾、塾師吳明經、雲極賞之。作文援筆立就、不假思索。小試不利、援例入成均。體素羸弱、幼多疾病。嘉慶戊寅、遭先祖之喪、哀毀逾常、鬱鬱不自釋、不逾年而歿、年僅三十有二。遺孤一、即不肖慶曾也。

是歲、撰次金石文跋尾、復得六卷。

謹案公集跋陶淵明集跋咸淳毘陵志、習庵先生詩集序、知府張公墓志銘、鶴谿子墓志銘、作於是年。又有贈清溪三子序、不載集中。

五十四年己酉 年六十二歲。

正月到紫陽書院。

謹案紫陽書院舊院長爲蔣侍郎元益於去冬謝世。中丞閔公博訪輿論惟公克稱斯席遂以公品粹學淳居鄉端謹入奏公追憶四十年前賴名師益友得闕古人堂奧乃奮然以振興文教爲己任。諭諸生以無慕虛名勤修實學由是吳中士習爲之一變。

是春校勘應邵風俗通義并刺取他書所引逸文補之。

謹案是書刻入盧學士文弢羣書拾補中。

十月七日東塾舉一子居士第二孫也名之曰阿詒。是冬重訂金石錄前後收藏共得二千通與趙明誠著錄之數恰同。但趙所錄訖於五代居士所藏訖元而止明



碑雖有名者亦不著錄較趙氏似稍過之。

謹案公自丁丑歲收采金石文字以攷正經史凡知交厯官居鄉之地莫不徧託搜羅至身所經厯山陲水畔黌宮梵宇有斷碑殘刻必剔蘚拂塵摩挲審讀或手自推拓積三十餘年遂成巨富著跋尾入百餘篇每積二百餘篇輒爲門弟子轉寫付梓故先後共成四集其目錄八卷隨時增補至公歿後祖姑夫瞿公中溶許公希沖校刊時又不止二千通云又案公集放生池古泉記東晉蠡域志序東晉南北朝輿地表序作於是年又跋霜哺遺音不載集中

五十五年庚戌年六十三歲。

在紫陽書院是秋恭遇

聖壽八旬大慶於六月中由水道入都七月廿九日到京寓謝金圃先生邸又移寓邵二雲編修邸八月十三日

上升殿受賀、隨班行禮。前三日進呈頌冊、留

覽。廿二日出都門、由清苑至定州、游曲陽嶽廟。自真定至隆

平縣、取道廣平、大名、至濟甯登舟。十月抵家。

謹案、是年三月、校錄五代會要。六月初北上、遇梁山舟學士於淮上、連舟抵都、迎

頌冊特蒙宸覽、載入萬壽盛典、稽文

恭公來訪寓邸、談竟日。還過定州、游天寧寺、訪得蘇

過題名舟次手錄安南志略十五

孫卷餘卷先大父飲石公所足。

又案公集羣書拾補序、杜詩雙聲疊韻譜序、甌北集

序、跋翰苑羣書、荆宜施道陳公墓志銘作於是年。又

跋清華齋趙

帖不載集中。

五十六年辛亥 年六十四歲。

在紫陽書院。三月、次孫阿詒殤。又第三女及長孫女相



繼殤東塾亦患病甚劇幸醫治無恙。

謹案公女子子三長適同縣附貢生湖南布政使司理問木夫瞿公中溶次適青浦附監生默癡許公希沖三殤於是年得年十有一。長孫女先祖長女也。

讀洪氏翰苑羣書因爲補唐學士年表乾符以後五代學士

年表宋學士年表治平至靖康各一卷淳熙至德裕各一卷。

謹案三表李許齋方伯校刊於嘉興。

撰元氏族表四卷補元藝文志四卷。

謹案公少讀諸史見元史陋略謬盭欲重纂一書又以元人氏族最難攷索創爲一表而後人所撰三史藝文亦多未盡更搜輯補綴之其餘紀傳志表多已脫棄惜未編定是年精力少差先以氏族藝文二彙繕成清本又有元詩紀事若干卷以彙屬從祖同人及陶鳬香兩先生編次成書。

又案、是年讀孫逢吉彥同職官分紀、改正三十八卷中錯簡、集中跋文及御史王先生墓志銘作於是年。又有虎阜志序、不載集中。

五十七年壬子 年六十五歲。

在紫陽書院。閏四月八日、東塾舉一子、名之曰阿閏。

謹案、從父諱師康、字鄭鄉、號竹孫、癸酉拔貢生、充武英殿校錄官、選授安徽祁門縣教諭、終於官舍。

又案、是年元和戈上舍甫襄為刊通鑑注辨正。

又案、公集世緯序、古文尚書攷序、西魏書序、跋徐夔鈞譏文集、跋楊忠愍公獄中與鄭端簡手簡、何桐蓀墓志銘作

於是年。

公手定年譜止於是年、以後十二年慶曾所敬述也。

竹汀居士年譜續編

曾孫慶曾敬述

乾隆五十八年癸丑 年六十六歲。

主講紫陽書院。公在紫陽最久，自己酉至甲子，凡十有六年，一時賢士受業於門下者不下二千人，悉皆精研古學，實事求是。如李茂才銳之算術、夏廣文文燾之輿地、鈕布衣樹玉之說文、費孝廉士璣之經術、張徵君燕昌之金石、陳工部稽亭先生之史學，幾千年之絕學萃於諸公，而一折衷於講席。餘如顧學士莼、茂才廣圻、李孝廉福、陳觀察鍾麟、陶觀察樑、徐閣學頌、潘尙書世恩、



儒藏

錢辛楣先生年譜

戶部世璜、蔡明經雲、董觀察國華輩，不專名一家，皆當時之傑出者也。公集經義雜記序、跋鳳墅法帖三夏烈女傳、張太孺人墓志銘、述庵先生七十壽序，作於是年。

五十九年甲寅 年六十七歲。

春，校刊廿二史，攷異至新舊五代史。六月，與段茂堂、袁又愷、戈小蓮、瞿鏡濤諸公，閱道藏於元妙觀。羽士袁月渚導觀宋孝宗御書通神庵石刻，并拓本見詒。校長春真人西游記。十月，至朱家角訪王少司寇。時少司寇



予告回籍養病謝客。公至登其臥樓談竟日。公與王光祿王少司寇爲總角之交。又甲戌同年進士。公歸田時光祿先以居憂在家。服闋不出。又二十年而少司寇在籍。青浦相距不百里。興至輒扁舟互訪。聚首之歡。不啻同官京華時也。吳中文酒宴會。延公及兩王公爲領袖。時有江南三老之目。公集黃陶庵先生像贊跋范忠宣公除右僕射告跋長春真人西遊記吳興閔氏家乘序作於是年。又有黃忠節公年譜序李書田詩集序織雲樓詩合刻序問字堂集序明金元忠詩集序賈太夫人壽序張太夫人夏氏傳王芍坡墓志銘不載集中。

六十年乙卯 年六十八歲。

自春至夏覆校宋史攷異付刊。秋始患兩耳失聰。

公集棠樾鮑氏宣忠堂支譜序跋元統元年進士題名錄跋四書纂疏跋潛虛跋宋拓鐘鼎款識黃松石先生墓志銘孝廉蔣君墓志銘陸松園墓志銘知府馮公墓志銘作於是年。又有重修寶山縣學宮記網師園記熊氏家譜序熊封翁家傳不載集中。

嘉慶元年丙辰 年六十九歲。

是歲恭逢

朝廷

授寶歸政有

詔舉山林隱逸、孝廉方正之士、江南諸大吏以公弟可廬先生應徵。先生少於公者二十年、事兄如嚴師、得公指授、著作等身、時有兩蘇之比。夏、手校元史、攷異付刊。冬、十月朔、邑令舉鄉飲酒禮、延公爲大賓、首唱四詩、一時和者甚眾。我家自奉政公以後三世、並與鄉飲、戚友咸相稱頌。公謝之曰、我德薄、懼不足以繼先世耳。十二月、訪長沙劉相國於江陰、遂游惠山。公集山左金石志序、半樹齋文彙序、跋黃陶庵札、顧桐井墓志銘、孝廉范君墓志銘、作於是年。



二年丁巳 年七十歲。

正月、至嘉興弔閔中丞喪。二月、讀洪武實錄、因補校四史朔閏攷。手校金史攷異付刊。七月七日、集袁又愷、上舍五硯樓、觀其所藏碑刻。八月、瞿涉齋廣文招爲洞庭西山之游、遂游支硎、天平、靈巖、徧歷諸刹、訪碑。十一月、復游洞庭、憩宿靈祐觀、諸同游秉燭入林屋洞、得石鐘石鼓題名。是年、爲兩湖制軍畢公沅校刊續資治通鑑。自溫公編輯通鑑後、宋元兩朝雖有薛氏、王氏之續、而記載疏漏、月日顛倒、又略於遼金之事。近世徐氏重修、雖優於兩家、所引書籍猶病漏略。自

四庫館開海內進獻之書與

天府儲藏奇祕圖籍永樂大典所載事涉宋元者前人都未
寓目畢公悉鈔得之以爲此書參攷之助先經邵學士
晉涵嚴侍讀長明孫觀察星衍洪編修亮吉及族祖十
蘭先生佐畢公分纂成書閱數年又屬公覆勘增補攷
異未蕝事而畢公卒以其本歸公子公集十國宮詞
序跋楊諱崑山郡志跋太室石闕銘跋北山小集作於
是年。

三年戊午年七十一歲。

三月袁上舍廷檇招同王述庵潘榕皋段懋堂蔣立厓



藏 儒

錢辛楣先生年譜

諸先生集漁隱小圃看花戈上舍襄又招集范邨別墅、各有唱和詩。七月尹閣學壯圖自京還滇迂道踵門乞其先人墓志留數日而去。公集五硯樓記與梁曜北論史記書小學攷序、感應篇箋注序、三國志辨疑序、太子太保畢公墓志銘、冀甯道沈公墓志銘及榮祿大夫尹公墓志銘作於是年。又有鶴書堂集序、抱經堂集序、鮑君墓志銘不載集中。

四年己未 年七十二歲。

正月、

高宗純皇帝龍馭上賓、

遺詔到縣、設幕舉哀。公感念

先帝眷注、猥以筋力衰積、涓埃未報、伏地哀號、感動行路。

仁宗睿皇帝親政、詢公在家狀、朝臣寓書勸駕、公輒以老病婉

言謝之。校定臧氏經義雜記。七月、校刊金石文跋

尾三集成。公弱冠時、卽有述作意、讀書有得、輒爲札

記、仿顧氏日知錄條例、後著各書、卽於其中挹注、又去

其涉於詞華者、尙哀然成集。是年重加編定、題曰十駕

齋養新錄。公集太康輒硯銘、海鹽縣瑞麥記、經籍纂

詁序、說文新附攷序、學士邵君墓志銘、作於是年。又有

石梁詩草序、衣德堂詩集序、養新錄序、一潛居制義序、



黃忠節公墓田記、侍郎吳公墓志銘、不載集中。

五年庚申 年七十三歲。

二月、游西湖、與中丞阮公、臬使秦公、暨梁山舟、曜北、陳曼生諸先生唱詠、流連旬日而去。八月、至吳江之盛澤鎮、應其地沈氏之招、舟次爲王旭樓、鯤跋徐虹亭、太史山水卷。先是制府汪公志伊撫吳、與公尤交好、時相過從、討論宋儒名理、格致誠正之功、每相對兀坐、蕭然忘暑。汪公好談星學、術者有言其頃在申運、恐有不利、汪公深以爲慮、見諸吟詠、郵筒遠寄。公爲作星命說、遺之道子平之妄、見文集卷三。又集中嚴半庵墓志銘、



嵇靜園墓志銘作於是年。又有重刊國語序、元史藝文志序、旌孝集序、施小鐵詩集序、廿二史劄記序、小蓬萊閣金石文字序、徐尚之詩序、顧南雅時文序、與顧千里論平宋錄書、海甯馮氏兩世墓碣、不載集中。

六年辛酉 年七十四歲。

三月、黃部曹丕烈爲刊元史藝文志成、作後序。四月、游虞山。是年、長興令邢公澍、延公及可廬先生、總修縣志、可廬先生留館邢署。公於課士之暇、泛舟苕谿、商榷條例、聯牀笑語、至夜分不寐。老年兄弟、妻被重溫、爲天倫樂事、乃取眉山故事、繪對牀風雨圖。阮宮保爲

刊三統術衍。公集跋胡氏詩傳附錄纂疏、唐六如像贊、熊太夫人墓志銘、儒林郎董君墓表作於是年。又有邵西樵懷舊集序、王氏世譜序、儀禮蒙求序、陸豫齋家傳、不載集中。

七年壬戌 年七十五歲。

是年、學使歲試新進童生、例送入學、公以六十年前博士弟子、偕新生輩重謁

先聖先師、禮成賦詩一章、以紀其事。九月、至長興、旋至南潯鎮、觀劉氏桐藏書。是年、有與王石臞論廣雅書、元史本證序、拜經樓詩集序、杜詩注釋序、王冶山墓志銘、

沈宿昭墓志銘、汪對琴墓表、皆不載集中。

八年癸亥 年七十六歲。

正月、至青浦之北簪山訪何澹安先生、就醫、閏月復往。是時公感寒疾、時作時止、兩目益衰眊。屢以老病不支、力辭講席、中丞鄂濟公岳起固留之。未幾汪公復來撫吳、素與公交厚、下車日未及接見僚屬、卽顧講舍、歡然道故。攷定西遼傳世歲數。夏秋之間疾屢作。金石文跋尾四集刊成。冬、長興縣志成。十二月始刊養新錄手定本、凡二十卷、後所得爲養新餘錄三卷。李許齋方伯爲刊洪文惠、文敏、陸放翁年譜。公集西



泚先生墓志銘、敬亭弟墓志銘作於是年。又有慕陵詩
豪序、三松堂詩序、吳柳門詩序、寒碧莊宴集序、重刊戰
國策序、跋析里橋鄘閣頌、跋鄒南皋書、趙文毅公傳、跋
史通、王寶庵傳、不載集中。

九年甲子 年七十七歲。

春到書院後仍患寒熱，卽歸醫治，閱二旬始得痊。可病
中汪公常寓書慰問，情甚殷拳。公以中丞厚誼，不忍再
言辭館，病起卽赴吳門，久之始得霍然。是歲江甯鄉
試，向例停課，公乃歸家。時萊陽趙北嵐明府曾權知嘉
定縣事，明府雅好金石，執簡相招。公久不赴親朋宴會，



以欲縱觀明府所藏、遂鼓興往。展玩竟日、并爲題記數行、樂而忘倦。榜後復至書院。十月二十日、晨起盥洗、展閱一編、飯後更衣薙髮、校養新錄刊本數葉。案頭有中丞新詩、屬公評定者、公循誦再三、謂所作有關名教、非僅詩人能事、手書小箋報之。俄覺勞倦、命侍者扶掖登牀。適有門人孫公延晤談、見公神色異於平時、往告監院、監院遽達中丞。中丞曰、無妨也、頃接手書、精神不減、豈墨濡未乾、而遽有變耶。卽命駕詣公榻前、見公閉目危坐、急命左右灌以熱湯、竟不復蘇、時爲申正也。先祖輩適於數日前回家、中丞卽令屬差役迅報。先祖輩

聞訃、匍匐奔喪、卽於是冬扶柩歸里。十年乙丑十二月、合葬王恭人於外岡鎮李十五圖火圩。青浦王少司寇爲撰墓志銘、寧化伊太守秉綬分書、勒石納於穿中。十二年丁卯四月、奉

旨入祀鄉賢祠、纂入

國史儒林列傳。卒年有馮補亭詩序、石鼓文讀序、九容廣注序、楊氏家譜序、與張古餘書、見嚴氏觀所著江寧金石記、汪崇陽墓志銘、皆不載集中。



先曾祖少詹事公所著廿二史攷異、金石文跋尾、十駕齋養新錄、三統術衍、元史藝文志等書久已刊行傳世。公歿後、先祖等與在院諸公校刊潛研堂文集、養新錄、而祖姑夫瞿公中溶、許公希冲初名蔭堂又以金石文字目錄、公門人同邑李公廣芸以攷史拾遺、王伯厚王元美年譜、補唐五代宋學士年表、黃公鐘以元氏族表、潛研堂詩集先後付梓。錢塘何公元錫又於日記中摘取所見古書金石及書院策文彙爲一帙、刻之、題曰錢氏日記鈔。近年儀徵阮氏、江寧汪氏、海鹽吳氏復有恆言錄、四史朔閏攷、聲類疑年錄之刻。海內之願讀公書者

亦幾備矣。而名公卿學士之訪求遺藁，至於今猶未已也。慶曾之生不及聞公謦欬，又十齡而孤，於先世著錄，揆述茫然，不知所自。比長，稍有知識，偶得手澤，謹謹寶藏。恭繕潛研堂全書，以史傳擬稿，及公之遺像、像贊、墓銘，並冠諸卷首。而公之年譜闕如，不無遺憾。因案先世行述傳銘，及所聞於族黨長老者，輯爲一稿。旣成，而叔祖石橋先生檢出公自編年譜一卷，受而讀之，乃改削前稿。其壬子以前恭錄原文，而凡散見於詩文集及他書之可以互證者，分記其下。蓋公所不暇詳者，皆後人所不敢略者也。原文所稱人物、書籍、碑刻之屬，又略加

詮注、不知者闕之。文集各篇作於何時、有可攷者亦分
記每年之末。其癸丑以後、謹爲續編以附焉。道光辛卯
冬日、曾孫慶曾謹識。

後學

嘉興陳其榮謹校
平湖徐惟鋌



儒藏

錢辛楣先生年譜跋

校記

①生：疑作「先」。

②十五五：疑衍一「五」字。按，《安南志略》共二十卷。

③盤：當作「盪」。

朱笥河先生年譜

羅繼祖 編撰

劉琳 校點

郭齊 一審

周斌 二審

民國二十年鉛印本

《朱笥河先生年譜》一卷，羅繼祖編撰。民國二十年鉛印《朱程段三先生年譜》本。

朱筠（一七二九—一七八一），字竹君，又字美叔，號笥河，順天府大興（今北京）人。乾隆十九年進士，改庶吉士，授職編修。累遷翰林院侍讀學士、日講起居注官，提督安徽、福建學政。乾隆四十六年卒，年五十三。朱筠提倡古學，認為欲通經必先通文字音韻訓詁，所至以此誨士。愛才若渴，獎拔士類不遺餘力，績學之士莫不與之遊。招致門下幕中者多當代知名學者，如邵晉涵、章學誠、黃景仁、王念孫、汪中等，不可勝數，時人稱為「當世龍門」，實為乾嘉樸學之元勳與領袖。乾隆二十八年任安徽學政日，奏請搜求遺書金石，輯《永樂大典》中佚書，為乾隆帝採納，尋開四庫館，實自朱筠啓之。著作有《十三經同異》、《笥河文鈔》等。

此譜敘次譜主主要經歷，於學術、教育與交遊活動記述較多，間及家人事蹟，譜末撮錄譜主佚事。譜前有羅振玉序。此譜有助於瞭解譜主生平，但仍失之簡略。稍後尚有王蘭蔭編《朱笥河先生年譜》、姚名達編《朱筠年譜》。姚譜較詳，可資相互參考。

粵若我

聖清白

世祖章皇帝入關戡亂、即首崇儒術、開文館、訪遺書。厥後

聖

聖相承、以道德齊禮宰治天下、至乾隆六十年間而極盛。其間儒臣秉節視學各省者、若朱竹君先生之任安徽、謝金圃先生之在江蘇、阮文達公之在兩浙、並以經術倡導後進、漸成一代文明之治、而竹君先生哀然爲之稱首。^①蓋先生視學之旨、首在扶翼倫紀、表章潛德、不獨倡導藝術已也。即其屈已下士、獎掖孤寒、亦非他人所能頡頏。^②先生集中有編修林君墓誌、載林君奉命爲浙江副



儒藏

考官、瀕行請教、先生戒之曰、此行非徒校文、乃校士也。善夫先生之言、三百年間有校士之責者、知此蓋亦寡矣。予往在海東、嘗欲輯筭河先生及程易疇、段茂堂兩先生年譜、程段二家略已具艸、惟於先生年譜尙未著手。比者長孫繼祖年已十八、能讀書、尤喜考本朝史事、歲闌無事、命以編輯。屬艸浹旬、粗有條理、比成書則已開歲二日矣。爲書其端、知人論世者倘有取焉。辛未正月、貞松老人書於遼東廨居之六經堪。

朱笥河先生年譜

上虞 羅繼祖

雍正七年己酉 六月六日丑時生於陝西盤屋縣署^③。

先生諱筠、字竹君、一字美叔、號笥河、順天大興人。其先世宋南渡時自中州遷於浙東之蕭山、十一傳至先生曾祖必名、字顯

之當。國初北游京師、

此據先生所撰先府君行述。又先生撰族祖兩溪先生以下三世象讚、則稱曾

祖顯之府君以崇禎五年北還、與行述不同、茲姑據行述。所交皆一時賢豪長者、數致千金、

力散之、其卒貧無以斂。配白夫人生登俊^④、康熙三十六年始筮

仕、令湖北之長陽。在官十二年、以母憂去官、有循聲、其事實載

長陽縣志名宦傳。服除、補四川珙縣知縣、數月內遷中書科中



儒藏

朱笥河先生年譜

書舍人。卒於官。遂家京師。配何夫人。繼配馮夫人。生先生考文炳。字豹采。試順天大興。補府學生。從高安朱文瑞公及宜興儲公。大文受學。以庠膳生貢國子監。試八旗教習。期滿得知縣。就吏部揀選。發陝西。署咸甯。改知螯屋^⑤。凡七年。有治勸。以守正爲長官劾罷。配徐夫人。順天甲午舉人。覺民女。生四子。長堂字冠山。陝西大荔縣縣丞。次垣。字維豐。一字仲君。晚號冬泉居士。乾隆辛未進士。山東濟陽長清知縣。次先生。次體仁閣大學士文正公珪。

雍正八年庚戌 二歲。

雍正九年辛亥 三歲。

雍正十年壬子 四歲。

雍正十一年癸丑 五歲。

雍正十二年甲寅 六歲。

雍正十三年乙卯 七歲。

贈公被劾去官、出居社學。

先生撰先兄仲君行狀、作雍正甲寅

先府君行述。案先府君行述稱贈公以雍正九年到陝、在官七年、則罷官當在乙卯、非甲寅。

乾隆元年丙辰 八歲。

乾隆二年丁巳 九歲。

侍贈公歸京師、過臨潼、浴於驪山溫泉。

乾隆三年戊午 十歲。

乾隆四年己未 十一歲。



儒藏

朱笥河先生年譜

乾隆五年庚申 十二歲。

乾隆六年辛酉 十三歲。

先生是年通五經、始學爲文、兄堂入府學爲諸生。

乾隆七年壬戌 十四歲。

乾隆八年癸亥 十五歲。

先生是年學業大進、贈公覽先生文、賞之、賜以硯。七月、妣徐夫人卒、先生遂與弟珪同臥起、夜讀古文、手鈔默誦、雞鳴不休。

乾隆九年甲子 十六歲。

冬、奇寒、長江凍、先生作詩記其事。

乾隆十年乙丑 十七歲。



孟冬服除、與弟珪同應郡試、府丞石首鄭公其儲擢珪第一、先生稍次。乃偕謁鄭公、公笑曰、是皆美才、弟可先兄耶。告之學使少司農臨桂呂公燾。十二月院試、乃擢先生第一。試鵬翼搏風歌、大奇之、徧爲延譽。嘉興錢文端公陳羣聞之、訪先生、徑入坐堂中、勗勵備至。是歲有上蔣京兆尹七古一章、上鄭少京兆尹五古五百言。與張鴻翼方鎬訂交、以詩贈之。

乾隆十一年丙寅 十八歲。

正月、順天府尹常州蔣公炳邀其同鄉劉文定公綸、程文恭公

景伊、錢文敏公維城、侍郎莊公存與及其弟培因、設筵召先生

兄弟面試。劉公授題崑田雙玉歌、詩成、諸公驚喜、翌日皆造訪

先生。

乾隆十二年丁卯 十九歲。

先生家居教授、從游甚衆。秋、與弟同應鄉試、先生報罷、弟珪中式。

乾隆十三年戊辰 二十歲。

先生弟珪成進士、改庶吉士。是年先生王妣馮夫人卒。

乾隆十四年己巳 二十一歲。

先生娶於王、奉天府經歷寶坻王詢女也。是年、兄堂以綱目三編告成、用膳錄官議叙、揀發江西、補新建丞。

乾隆十五年庚午 二十二歲。

先生與兄垣同應鄉舉、垣中式。同考官嘉興鄭編脩虎文薦先生卷不售、而文名丕震。諸城劉文正公以先生博綜羣書、精核典故、乃延先生於家脩盛京志。

乾隆十六年辛未 二十三歲。

先生兄垣成進士、分發山東、試令濟陽。弟珪散館授職。

乾隆十七年壬申 二十四歲。

乾隆十八年癸酉 二十五歲。

先生秋試中式。同考官編脩建昌饒公學曙、座師協辦大學士

吏部上書興縣孫文定公嘉淦、禮部侍郎滿洲嵩公壽。冬、文定

薨、先生爲文祭之。是年七月、先生以事至順天府署、視元明諸



碑、作視順天府署諸碑記。

乾隆十九年甲戌 二十六歲。

會試中式。同考官贊善漂陽史公非、贊、座師大學士海甯陳文

勤公世信、禮部侍郎滿洲介公福、內閣學士錢文敏公維城。

殿試、賜莊培因榜進士出身、改庶吉士。初、先生主劉文正公家、公每參決大政、多諮訪先生、從容諷公以古大臣之事、公頷之。至是先生入翰林、公喜謂曰、君無復以古大臣責我、老夫無能爲、望君努力耳。

乾隆二十年乙亥 二十七歲。

乾隆二十一年丙子 二十八歲。

先生兄垣調知長清縣。

乾隆二十二年丁丑二十九歲。

散館授職編修、充武英殿纂修官、平定準噶爾方略館纂修官。
是年、弟珪晉日講起居注官。

乾隆二十三年戊寅三十歲。

先生弟珪、御試遷侍讀學士。

乾隆二十四年己卯三十一歲。

是年、先生兄垣移疾返里侍親、弟珪充河南副考官、冬告祭南
獄。

乾隆二十五年庚辰三十二歲。



儒藏

朱笥河先生年譜

先生弟珪充會試同考官，是年授福建糧驛分巡道。

乾隆二十六年辛巳 三十三歲。

充會試同考官。是年遇 慈壽七旬，贈公與祝釐，予復知縣原銜。先生兄堂前以事落職，蒙復錄用，補陝西大荔縣丞。

乾隆二十七年壬午 三十四歲。

乾隆二十八年癸未 三十五歲。

先生同年友錢唐江岳南衡游魯，至京，以孔廟居攝墳壇一刻

贈先生，先生加以考證，爲書後。是歲，先生弟珪擢授福建按察司使。

乾隆二十九年甲申 三十六歲。

九月二十四日、贈公棄養、年六十九、葬西山二老莊。

乾隆三十年乙酉 三十七歲。

九月、先生從京師爲三盤之行、迂道過林亭、訪友人張翊辰。翊辰出其師昌平陳未齋先生臨李北海書、先生爲跋尾。

乾隆三十一年丙戌 三十八歲。

服闋仲冬。四月、程中書魚門晉芳、馮評事均弼廷丞過先生椒

花吟舫、因設酒、與及門蔣編修嘉樹、章君實齋、蔡君子嘉偕飲、中夕縱談。越日、評事爲序、序其事、先生亦爲椒花吟舫小集序。

乾隆三十二年丁亥 三十九歲。

先生澹於榮利、自爲諸生、即教授弟子、至是從游者數十人。服



闕後不欲更出、而爲名山大川之遊、已告假矣。正月、先生弟珪因服除詣 宮門請安、召見、詢及先生。出至翰林院、將先生假呈取出、並以勸先生、先生以弟故勉從之。冬、授右贊善。是歲二月、先生弟珪授湖北按察司使。

乾隆三十三年戊子 四十歲。

五月、御試二等、擢翰林院侍讀學士、旋充日講起居注官、順天鄉試同考官。先生門生史文量舉於鄉、先生以其先人客垣、先生舊藏聖教序爲之賀、跋其後。

乾隆三十四年己丑 四十一歲。

充會試同考官、欽派協辦內閣學士批本事。先生門生元和

馬輦斟紹基以雅宜山人王寵借券乞題、先生爲作跋尾。

乾隆三十五年庚寅 四十二歲。

奉命爲福建鄉試主考官。先是庚寅、先生典試福建、閩士聞先生來、舉手相慶。是科取中鍾大受等八十五人、多老生、自八十以下至五十者太半。撤棘日、督學阿雨齋先生曰、吾積歲所拔異等之士盡歸珊瑚網矣。先生在闈中得瘡疾劇甚、猶索觀試卷不輟、副典試范樸亭歎曰、至誠君子也。移坐近先生前、謂曰、吾爲君朗誦、而君倚枕聽之、其可爾。先生悅、相與反覆詳隲。又十數日而竣事。冬、歸舟駐揚州郭外、錢文端公登舟來訪、問訊春明故人、良久乃去。



乾隆三十六年 四十三歲。

充會試同考官。振興古學。得士稱盛。總裁劉文正公得一卷五策淵奧。以示先生。先生曰。此餘姚邵晉涵也。故知名士。力贊公拔居第一。及拆卷。果邵名。公問何以知之。先生曰。今士之績學者。某莫不與之游。讀其文。如覲其面。寧或失之耶。當時莫不推其精鑒。先生待從有年。上極賞其才學。是年先生考試。差不入選。上詢掌院大學士等曰。今試乃遺朱筠乎。特旨命不入選者一體引見。天語垂詢。先生奏言。試日偶得腹疾。文字不能盡合程度。上霽顏領之。然是年冬。乃奉視學安徽命。蓋異數也。先生以十一月甲子到官。十一月二十六日。與上虞張方

海鳳翔、餘姚邵二雲晉通及門會稽章實齋學咸宛平徐文圃

瀚、武進洪稚存禮吉黃仲則景仁宛平莫遜之與儻爲采石之

遊。泛舟姑溪、登太白樓、拜坐師孫文定以木主。過翠螺書院、拜

宋虞公允文祠、觀采石古碑刻。越日爲之記。案先生廣延知名士居幕下、從游采

石諸人皆幕賓也。又考高郵王懷祖、江都汪容甫、儀徵汪劍潭諸先生亦在幕中、此記中不載其名、殆壬辰始入幕也。

乾隆三十七年壬辰 四十四歲。

先生校士、以識字通經誨士、歲餘、士多通六書及注疏家言。先

生爲刊舊藏宋槧許氏說文廣布學宮、語諸生曰、古學權輿專

在是矣。每試竣給賞日、傳呼一生至前、必諄誨再三、視其意有

入、然後遣去。手挾經義一編、質疑論難、先生欣然輒爲講解、常



儒藏

至夜分、甚且越日乃罷。是年三月五日、與張方海、邵二雲、章實齋、洪稚存、黃仲則同遊太平青山。越日返郡城、先生作記記其事。閏三月十四日、先生兄垣卒、年五十一。四月九日得凶問、先生傷慟甚、作仲兄行狀。

乾隆二十八年癸巳 四十五歲。

先生在學政日、以扶翼世教、表章耆宿、提倡實學爲己任。試穎州時、在壬辰十月。亳州歲貢生張慶之女偶姐許字同州吳維禧、婚

有期、而維禧病廢、越數年終不起、偶姐自經以殉。先生爲請旌於朝、爲製哀詞、親往祠之。又穎上王貞烈女許字陳士文、未嫁而婿死、亦以身殉。先生爲製墓表。試和州、在是年春。以康熙間和州



備薛文與弟禮化孝行、當時知州事何公偉曾以書旌其廬、先生慮其久而湮、以何公與石公參有惠政、州台祀之、曰雙清祠、乃爲二孝主、木主祔祀祠中、作和州二薛孝子祔祠碑記、以

朝廷訪求遺書、到官次年即進呈安徽耆舊江永、戴震等十餘

家所著書、八月、試徽州、婺源廩膳生余元遴以耆儒汪雙池先

生烜遺書獻、先生爲之進呈、並爲文述其學行、以表其墓、爲立

木主、附祀於紫陽書院、是年正月、王蘭泉先生所撰墓表誤作乾隆三十六年、茲據東華錄。

奏請搜緝遺書、條陳四事、一、請搜求舊本、鈔本、一、編中秘書目、

緝永樂大典中佚書、一、請仿七略、集賢書目、崇文總目、校其得

失、撮其大旨、叙於書首、一、請搜集金石刻及圖譜、並奏請定正

經文勒石太學。上命軍機議其事。時劉文正公在軍機、謂非政之要、議寢之、而金壇于文襄公敏中與文正固爭、卒用先生說、乃復奏。二月乙丑奉旨允采輯大典佚書、尋開四庫全書館。以寫定石經非急務、擬緩。及五十六年、詔彭元瑞校定蔣衡所書十三經、刻石置國子監、成一代之盛典、實啓之自先生也。九月、試安慶畢、因某生欠考、造冊錯誤、部議醵三級得旨、朱筠學問尙優、加恩授編修、命總纂日下舊聞、在四庫全書館行走。是年、試歙、遊黃浴硃砂泉。二月、試和州畢、與知州事同年慈利劉君長城爲天門之遊。至杜村觀宋梅、舊有亭址、劉君復之、先生顏之曰梅豪。劉君又重築州北湯泉亭、先生顏之曰

進襪并各爲之記。

乾隆三十九年甲午 四十六歲。

三月三日、舉祓禊故事於草橋、與會者三十七人、先生爲序記其事。先生自罷學政歸、燕閑無事、旦日出坐椒花吟舫、朋友門生及四方問字之士踵接於門、閤者不能盡通、聽其自入、賓位不足、常有循欄坐者。先生笑語酬酢、盡日無倦容。入夜客去、猶呼一二學徒入侍、間出果蔬佐酒、并召二子錫卣、錫庚列坐歡飲、以爲樂。是年、先生所爲文有彭浣墓誌跋、董文敏公御書樓記跋、程葺翁畫冊跋。

乾隆四十年丙申 四十七歲。



儒藏

朱笥河先生年譜

五月、先生弟珪內用翰林院侍講學士、充明紀綱目纂修官、文淵閣直閣事、先生以詩賀之。是年、先生所爲文有禮部主事史先生墓誌、徐鄰哉書跋、莫氏詒穀堂記、黃進士蓼莪圖說。

乾隆四十一年丙申 四十八歲。

七月、錢唐黃小松_易以漢三公山立壇刊石文贈、先生爲跋尾。

乾隆四十二年丁酉 四十九歲。

乾隆四十三年戊戌 五十歲。

先生初度之辰、諸弟子捧觴上壽。是歲、先生所爲文有書吳節婦事、徐薛君百歲畫象記、容園記、送蔡生必昌之官屯留序、送陳秋士歸武進序、書陳仲思所贈書後、外舅王舜夫先生墓誌。

乾隆四十四年己亥 五十一歲。

五月、先生弟珪奉 命爲福建鄉試主考官。八月、先生奉 命督學福建。

乾隆四十五年庚子 五十二歲。

春、試延平士畢、邑令李廷彩請先生游玉華洞。於時行試汀州、取道往。二月二十八日抵將樂、翌日出北城謁楊龜山先生祠。入城、再出南門、偕及門太倉蘇加玉、餐霞、繁昌謝泳、錦江、當塗趙萬隆、霽羨、武進陳宋、賦秋士、婺源王晉錫、蕃、嘉興俞汝璆、頤生、天長唐佩蘅、孟秦、青陽徐鈺章之悉與以往、盡興而歸、爲之記。夏、試福、延平、汀、邵武、建甯五府畢、返福州試院。於院西偏構



小山顏之曰筇仙山。諸生聞之爭來，人致一石，刻名其上。凡九府二州五十八縣及於海外咸具。刻名者三百餘人，因名其山上之亭曰三百三十有三士亭。先生爲之記。八月，朝命以先生弟珪代先生視學，乃以十二日北旋。是歲，先生所爲文有張氏廣韻刊本跋、日下舊聞書後、朱刻水經注跋、戴校水經注跋、遊玉華洞記、三百三十有三士亭記、石銘、釐正詩話、樓祀位碑記、朱梅崖先生墓誌、移唐林夫人元鄭居士二誌石於福州鄉賢祠記。

乾隆四十六年辛丑 五十三歲。

春，先生返京復命，居日南坊里第。六月廿一日夜，忽遘痰疾，翼



日漸瘳。廿六日疾復作。夜四鼓遂卒。明年三月。卜葬先生於宛平二老莊之先塋。子二。長錫卣。福建鹽場大使。次錫庚。山西候補直隸州知州。女子子五。孫五人。

先生論學。謂經學不明。良由訓詁不通。通經必先識字。庶幾兩漢諸儒所講之經。可以明。而後世望文生義之弊。絕。欲倣揚雄訓纂而撰纂詁。又謂學者不通古音。無以遠稽古訓。故劉熙釋名。因聲求詁。揚子方言。徧歷輶軒。可以異域之言。而證近正之訓。亦可以殊方之聲。以推往古之音。庶幾周秦漢魏音聲遞變之故。可以通。欲倣方言而撰方音。禮起於未然。制莫精於喪禮。撰禮意。禮莫古於儀禮。苦節文之難讀。撰釋例。嘗倣裴松之注。

三國志之例、撰五代史補注若干卷、既成、爲人誤燬。其著作之已刊行者、筭河文集十六卷。所著十三經文字同異若干卷、詩集若干卷、未刊行。往歲王父得先生乙丑集手藁一卷、刊入殷禮在斯堂叢書中。

先生任安徽學政日、訪求遺書、購書八十二種、並鈔寫。行篋所携唐開元禮等十餘種、彙入所購書內進呈。又將家藏四部善本四十餘種、開單令門生程晉芳、史積容進呈。

先生在潁州、旣祠張烈女、四方來觀者數千人、有二婦人植禾而歎曰、甚哉、烈女生無所異於人、今死此及下二則皆錄汪容甫所撰朱先生學政記。

此間原有且數十年四字、案先生所作貞烈張偶姐哀辭稱、烈女以乾隆三十七年五月殉節、先生即以當年十月爲之請旌、

非數十年、容甫先生記。而光榮。若是女即不以烈死、其身終亦事失實、故刪去此四字。

必死死則曷以有今日耶。夫人不幸而遇此者、其將何以自處哉。先生聞其語、因招之使前、爲之反覆陳說、示以女子外成婦人不二天之義。且曰、若固知死之爲賢乎。即幸而家室無故、則孝於舅姑、而敬承事其夫、其亦可矣。即不幸而夫死子幼、助養孤以須其成焉、其亦可矣。其不必要於死而後爲賢也。先生辭氣溫厚、又頗通以方音、俾歸以教諭其鄉里。於是諸婦人鼓舞贊歎、或有泣者、皆叩頭而去。而江、汪二君之從祀於紫陽也、其鄉有二人方以童生就攷、旣與觀禮、乃幡然出其篋而棄之曰、是不可以言學、吾乃今知所以學矣。徑以其行賸易書數束而



去學官追之不得。

先生既謝事、布政司楊公來曰、往者士恒喜構訟、自公來而日少、及今殆絕、若是者何也。安徽土陋而人瘠、士無以自瞻、而其人又生而聰明有才辨者也、則不得不倚於訟以求食。今公之教一約之於注疏說文、以竭其才、又量其才而揚之於人、使往學焉、以食其業。是安徽多數十百學古之人、又少數十百構訟之人也。即案牘日省、而吾之受公賜者多。先生曰、是民俗之淳也、於吾何有哉。

合肥包孝肅祠四周環水、田口百畝、雜植芙蓉菱芡、望之如錦、歲以租入供祀事。其末孫質諸人、久不歸。先生至祠下、一童子



言之。先生戒勿洩。而所質者爲兩武生。乃於其謁也。謂之曰。爾曹皆健男子。行且爲天子侍衛臣。好自愛。然爾亦知包公之能治鬼乎。吾疇昔之夜。夢王服者。深目而黝色。語我以祭田。曰。自某區至於某歸汝者若干年。春秋無所血食。明將釋憾於汝。汝生即無所畏。一旦不諱。而鬼卒桎梏。曳以造於孝肅之前。其何以禦之。皆相視而驚曰。誠如公言。然此皆某祖父事。今即歸之。先生曰。果如是。亦何憂。因命有司醵金以酬其直。於是田遂歸於祠。楚人信鬼。而俗言孝肅爲冥司。故以是譎之。然先生前見孝肅像。美鬚髯。長身白晢。非如俗所傳者也。署廬州府知府鄭君復於先生曰。是田也。訟於官者五十年。自公一言而定。豈非

下觀而化者耶。

先生每試一府畢、必進多士教之。值發放日、辨色即坐堂皇、日不足、或然巨燭畢事。蓋先生本口吃、諸生自一等至三等十名以上、加以歲科兩試、新進者不下數百人、必一一呼至案前、舉卷中得失利鈍、詳悉告語、又視其質之所近、復教以讀何經、習何義訓。其初坐堂皇也、轅門奏樂畢、重門洞開、學校各官、巡捕官、以及唱名抱案書吏、各色雜役、無不依次入、肅立左右。久之倦、又久之飢、遂稍稍散去。日昃後、惟學使及唱名者一人、諸生執卷以聽者三四人、餘則窺學使仁、且不較細故、去已無可蹤跡矣。一日始過午、學使與諸生方講藝、忽有戴笠策杖、據案旁



箕踞聽者。學使回顧愕眙曰：汝何人，何自至此？曰：余貿易者，過署外，值重門洞開，無一人，故聊入散步耳。語竟，復曳杖去。聞者無不傳以爲笑。課士日，亦必終日坐堂皇，令一童子饋食，食竟童子即飛步去。所與談者惟監試校官耳。一日，語校官曰：昨作一詩，饒有古意，諸君幸正之。因頻呼童子不應，笑曰：童僕不可恃如此，余獨不能入取之耶？其簡率皆此類。其降調入都也，亦爲門下士大興徐瀚所誤。瀚即司刊說文者，蓄厚資，後以飲博蕩盡。先生仍錄入門下衣食之卒，不念前事云。

先生於金石文字尤極留意。嘗論今人讀古人書，魯魚帝虎之譌，不可勝詰。獨金石文字歷久如新，一可寶也。篆隸變革之源

流瞭然可見、二可寶也。名物雜陳、詞義典貴、可以翼經傳、註疏家言、三可寶也。軼事無傳、史篇多誤、斷碣殘碑、恒資攷證、四可寶也。自歐趙著錄、下逮諸家採輯論說之書、靡不瀏覽。遇親故宦游四方而來見者、必屬曰某地有吉金、某地有貞石、子行必爲我求之。或請紀其目、輒走筆疾書、能詳舉其款識陰額、歲月尺度、無一爽者。在安徽時、檄所部得金石遺文、得三百餘通、別爲安徽金石志三卷。拾遺刊謬、俾古事昭哲。①於真文忠公講學丹陽、及元張羽奉事不屈、事尤覈。其闡揚正學、隨處致力如此。先生愛士如渴、振拔孤寒。武進黃仲則先生、景仁夙負才名、落拓來京師、從先生遊。常以老母在藉、貧不能養爲憂。先生乃爲



儒藏

朱笥河先生年譜

區畫舉家入都。既至，於所居之西，賃屋數椽以處之。告諸名士，愛才者，醵金若干，月餽薪米，歲暮則爲母製寒衣。於是景仁得從容翺翔日下，名益起。及先生再出視學，景仁復飄泊遠遊，老母南歸，家徒四壁如故。高郵王石臞先生念孫避禍天長，聞先生能爲人排難解紛，跋涉往見。先生敬禮之，時從問字質疑，未嘗以前輩體貌自居，爲飛書當路，護持其家。江都汪容甫先生，中才學冠大江南北，傲睨少所許可，獨負笈從先生游。先生亦禮遇之有加，歉然常若弗及。先生視學安徽，薦之於馮兵備廷丞，言汪生通經義，達史事，又善古文詞。筠在江南，尙或爲之所，筠去，恐遂以窮死，其才當爲世愛惜之。先生門人龍溪李畏吾

威從先生游、先生知其貧、館之椒花吟舫、南偏曰梧月松風之室。椒花吟舫中插架數萬卷、威得稍涉獵一二。先生喜威用力精勤、教誨不倦。當燕閑獨處時、必呼入侍坐於旁、論學談心、常至夜分不輟。遇遊宴之所、未嘗不携與偕也。威侍先生左右四年、戊戌成進士、官刑曹、請假歸省、始辭去。先生任福建學政日、聞清某生爲攝令某鍛鍊殺人、先生發其覆、大吏雪之。士以文爲贄來見先生者、先生輒以奇才異能許之、爲介紹於先達、稱譽不絕口。咸笑之曰、朱先生所稱奇才異能之士、亦指不勝屈矣。先生門人李畏吾威病其言、嘗於夜分侍坐時請曰、先生當世龍門、人皆欲求士於先生、而使之聽聞不信、可乎。先生微歎。



曰、子亦有疑於此歟。夫士懷才未遇、或家貧親老、跋涉數千里而來、若其名不獲顯著、羈旅孤寒、未見其能有合也。且彼實有所長、吾言稍假之耳、雖致非議、庸何傷。

先生受知於劉文正公、然文正秉軸十餘年、先生歲時修賀一至其門、外此絕不通謁。文正一日遇先生於朝、呼曰、獨不念老夫耶。先生正容對曰、今某服官、非公事不敢輒見貴人、懼人議其後也。文正歎息稱善不已。及先生總纂日下舊聞時、金壇于文襄公掌院爲總裁、文襄直軍機、凡館書稿本披覈辨析、苦往復之煩、意欲先生就見面質、而先生執翰林故事、總裁纂修相見於館所、無往見禮、訖不肯往。愛先生者強拉先生至直廬相

見先生持論侃侃不稍下。文襄間爲上言，朱筠辦書頗遲。上曰：命蔣賜棨趣之。時蔣公以舊侍郎直武英殿，真特恩也。

先生於名節風義之闡揚清激濁、分別邪正、斷斷不稍假易，而於人一事之過，輒爲之掩覆。遇諸弟子，不責以禮數，及門章實齋每議論鋒起，姍笑無弟子禮，見者愕然。先生轉爲破顏。李畏吾酒酣，每進言於先生，或力爭不已，繼之以哭，舉坐爲之不安。先生了不以爲迂，其雅量又如此。

先生內友於兄弟，外好交友，室中自晨至夕未嘗無客。與客飲窮日夜，而博聞強識不衰。時於其間屬文，好山水遊幽險，皆至。

所到之處輒題名鑲石以去。



儒藏

朱笥河先生年譜

校記

①裒：當作「褻」。

②頑：當作「頑」。

③屋：當作「屋」。

④俊：當作「俊」。

⑤屋：當作「屋」。

⑥上：當作「尚」。

⑦漂：當作「漂」。

⑧待：當作「侍」。

⑨「黃」下當脫「山」字。硃砂泉在黃山。

⑩瞻：當作「瞻」。

⑪哲：當作「哲」。

⑫藉：當作「籍」。

弇山畢公年譜

清·史善長編撰

劉琳校點

郭齊一審

周斌二審

清同治十一年重刻本

《弇山畢公年譜》一卷，清史善長編撰。清同治十一年重刻本《靈巖山人詩集》附。

畢沅（一七三〇—一七九七），字繡蘅，一字秋帆，號靈巖山人，又號弇山，江蘇鎮洋（今江蘇太倉）人。乾隆十八年中舉，授內閣中書，入直軍機處。二十五年成進士，授翰林院修撰，陞侍講。歷陝西按察使、布政使、巡撫，署理陝甘總督，移河南巡撫，湖廣總督兼署湖北巡撫。嘉慶二年卒於湖廣總督任，年六十八。任封疆大吏二十餘年，以老成幹練稱。好延攬才俊，振拔孤寒，所引薦屬吏其後多任大臣；士人走其門者如鶩，海內稱為登龍，著名學者邵晉涵、洪亮吉、孫星衍、錢坫等皆入其幕。好讀書，勤於著述，在詩文、史學、小學、金石、地理等方面均有較高造詣。著有《續資治通鑑》、《晉書地理志新補正》、《史籍考》、《釋名疏證》、《經典文字辯證書》、《山海經校注》、《關中勝蹟圖》、《關中金石記》、《中州金石記》、《老子道德經考異》、《靈巖山人詩文集》等，輯校古籍多種，多收入所輯刊《經訓堂叢書》。

此譜編者史善長，字仲文，江蘇吳江人，畢沅門人、幕客，隨從畢沅多年。據譜末善長後記，嘉慶二年夏，譜主命善長編次此譜，甫及半而譜主病卒，至次年乃續成。是譜所記詳於歷官事蹟，學術活動及交遊、家事等則多簡略。譜主對甘肅回民起義、川陝白蓮教起義及湖南苗民起義，有較詳細的記載，可供治史者參考。

弁山畢公年譜

吳江門人史善長仲文撰

雍正八年庚戌一歲。

公於是年秋八月十八日未時生太倉州鎮洋縣西關賣秧橋之榮慶堂邸第。按公四十生朝自述詩云、吾家老宗系、本自新安分。一遷玉峰麓、再遷雙江濬。蓋公高祖國志公、明崇禎間從休甯卜宅崑山縣東南鄉吳淞江之濱、今綠葭浜畢氏先塋在焉。曾祖泰來公諱祖泰始遷太倉。大父見峰公諱禮父素菴公諱鏞前母趙太夫人。母張太夫人諱藻系出中吳浙江常山令淞南先生德純女孫貴州印江令笠亭先



儒藏

生之項女。母顧太恭人，與武林閨秀林以甯、顧姒齊名，時號西泠十子。太夫人幼承母訓，親聞經史大義，及古今忠孝廉節事，皆默識其原委。雍正六年，少宰黃公叔琳奉

命督修海塘，寓居吳下，與淞南先生同年至契，聞見峰公陰行善事，曰：「其後必昌。」由是締姻，實生公。江鄉風俗，常以八月十八日傾城士女至吳淞江干觀潮，公適誕於是日，見峰公因錫名曰潮生。其六十自壽詩所云：「予生恰值潮生日，花滿天香月滿輪者是也。」

九年辛亥，二歲。

十年壬子，三歲。

十一年癸丑、四歲。

弟瀧生。

十二年甲寅、五歲。

祖母汪太夫人卒。

十三年乙卯、六歲。

公天性穎異。素菴公少羸弱、久謝舉業、見公資稟絕人、私語太夫人曰、異日亢吾宗者必此子也。吾多病不能自課、君嫻文事、宜嚴督之。太夫人手授毛詩、離騷、纔一過輒能覆誦、由是母教益勵。

乾隆元年丙辰、七歲。

二年丁巳、八歲。



儒藏

弇山畢公年譜

弟澣生。

三年戊午、九歲。

曾祖母趙太夫人卒。

四年己未、十歲。

始學爲詩。自題慈闈授詩圖序云、沅甫十齡、母氏爲講聲韻之學、閱一二年、稍稍解悟。繼以東坡集示之、日夕復誦、遂銳志學詩。同里張丈冰如爲繪慈闈授詩圖、自題四絕、用誌家學所自。

五年庚申、十一歲。

六年辛酉、十二歲。

太夫人命公出就外傅、從嘉定毛先生商巖受業。爲



儒藏

弇山畢公年譜

制義根柢經術淵雅深醇一洗時下側媚之習。里中尊宿如沈光祿起元、顧行人陳埈並老於文、稱爲後來傑起。

七年壬戌十三歲。

八年癸亥十四歲。

九年甲子十五歲。

公所著靈巖山人詩集四十四卷、存藁始於是年。迄辛未爲硯山怡雲集四卷。時方卒業文選、泛覽秦漢唐宋諸大家、窮其正變。詩取徑眉山、上溯韓杜、出入玉谿、樊川之間。蓋甫入文壇、已獨樹一幟矣。

十年乙丑十六歲。

楊編修繩武雅推重公、每索觀近作、親爲評隲、獎借不容口。集中有卽座賦呈詩。

十一年丙寅十七歲。

齋中芭蕉作花、公賦詩、有序云、紅蕉書館忽放蕉花一朵、狀大如斗、日舒一瓣、現黃金色、殷麗溢目、芬芳襲人。自夏徂冬、榮而不萎、觀者以爲文字之祥、賦詩紀異。浙西范處士西坪善弈、稱國工、常主公家。公隅坐旁觀、偶與對局、范讓公僅可三子、訝爲天授。見峰公以游藝廢學、力禁之。後游輦下、亦竟無抗手者。集中有秋堂對弈歌、追紀其事。

十二年丁卯十八歲。

讀書硯山書堂。

十三年戊辰十九歲。

春二月汪夫人來歸。夏四月素菴公卒。公辟踊號慟不能起。太夫人慮過哀毀命理舊業仍居硯山書堂。於時惠徵君棟博通諸經著書數十種至老彌篤。公叩門請謁問奇析疑徵君輒娓娓不倦由是經學日邃。

十四年己巳二十歲。

十五年庚午二十一歲。

長洲沈文慤公

德潛

以風雅總持東南海內翕然宗之。公從之游每稱公詩有獨往獨來之概南朱北王



儒藏

弁山畢公年譜

不能不讓後賢獨步。嘗同遊香雪海、賦探梅歌、暨梅花七律十首、亟爲歎賞。是歲見峰公卒。公髫齡卽爲大父鍾愛、其四十生朝、自述詩云、寶護比珠玉、愛養如心肝、下筆爲文章、一見便喜歡也。

十六年辛未、二十二歲。

緣葭浜濱臨吳淞江、每春秋展墓、歲必數至、至則盤桓佇戀、賦吳淞櫂歌五十首。太夫人語公以讀書期於有用、朱子謂鄉村坐壞人、曷往遊。京師且省舅氏、當益擴聞見。由是治任北上。

十七年壬申、二十三歲。

春二月、就道。夏抵京師、館族祖給諫誼槐蔭書堂、



著有三山攬勝、白門訪古、渡江、燕臺諸集。嘗賦病馬行、直隸總督方恪敏公觀承、少司空裘文達公日修

一見、有國士之目。秋九月、訪舅氏寶田先生於保陽。時妻東張助教鳳岡先生敘以經術名於海內、主講蓮池書院、與寶田先生爲族兄弟、因是留公肄業、切劘最深。吳下經生首推張惠公、兼聞緒論、引伸觸類、於漢唐諸儒之說、疏證精覈、其學大成。有蓮池吟草上下卷。

十八年癸酉、二十四歲。

秋八月、應順天鄉試、中式舉人。正考官協辦大學士合河孫文定公嘉淦、副考官禮部侍郎滿洲嵩公壽

本房監察御史桐城張公若淮，知貢舉副都御史江都申公甫。

十九年甲戌，二十五歲。

春闈報罷，謁外王父笠亭先生於天雄書院，旋歸里門。有五湖載酒集上下卷。

二十年乙亥，二十六歲。

春夏家居，爲近遊東西洞庭，屐齒都遍。秋七月，長子念曾生。九月，復束裝北上，歲暮抵京師。補授內閣中書，入直軍機處。故庚辰春朝詩中有西垣初直纔臨亥之句。

二十一年丙子，二十七歲。

公儼直

樞庭目攝手披才思敏給。大學士傅文忠公恆汪文端

公由敦

久筦機地識鑒宏遠早以公輔期之有青瑣

吟香集前後凡三卷。

二十二年丁丑二十八歲。

二十三年戊寅二十九歲。

二十四年巳卯三十歲。

公少年風姿英爽值西北用兵公屢欲從軍不果其
後悼亡詩有云書生無命問腰犀可以見其志已秋
八月弟澣應江南鄉試中式舉人冬十月平定回部
大兵凱旋奉



旨從優議敘軍功加一級有

聖武遠揚平定回部西陲永靖大功告成恭紀詩。

二十五年庚辰三十一歲。

春三月以內閣中書應禮部會試中式第二名進士。

總裁大學士常熟蔣文恪公溥刑部尙書金匱秦文

恭公蕙田禮部侍郎滿洲介公福副都御史金匱張

文恪公泰開本房編修平湖錢公大經夏五月對策

太和殿、

上覽經學屯田二篇嘉獎再三拔置一甲一名授翰林院

修撰充

日講官起居注有臚傳紀

恩詩云、敢冀茂才居異等、免嘲名士總虛聲。又、詩書少荷慈闈訓、姓字親叨

御筆題、皆紀實也。著聞風集前後三卷。按吳中舊有潮到維亭出狀元之諺、已卯秋潮適過之、至是果驗。

二十六年辛巳、三十二歲。

散館入直翰林院。時弟雲以庚辰應試留京、一時聲名籍甚、旋南歸。公他日賦詩有愁吟軾轍聯牀句、怕說機雲入洛年之句。

二十七年壬午、三十三歲。

二十八年癸未、三十四歲。

掌院劉文正公

統勳

以公才望夙著、凡院中文章制



儒藏

弇山畢公年譜

詰悉委公手定。

二十九年甲申、三十五歲。

春二月、長女智珠生。公先寓石虎街裘文達公第、冬十月移居宣武門外聽雨樓。樓後二小軒、湯少宰右曾書額曰得石。有聽雨樓存彙四卷。

三十年乙酉、三十六歲。

春二月、陞授詹事府右春坊右中允。

三十一年丙戌、三十七歲。

春三月、充會試同考官、陞授翰林院侍講、

欽命教習庶吉士、兼一統志、方略館纂修官。是歲弟灃以舉人分發江西試用知縣。

三十二年丁亥、三十八歲。

春三月、以講官侍

耕藉。時久旱、

上盼雨綦切、聞林閒布穀聲、有

御製耕藉禮成詩一章、

召公給筆札、卽時和

進稱

旨。夏五月、遷右春坊右庶子、掌坊事、仍兼侍講。

上以公才可大用、非詞臣能盡其所蘊、冬十月、

特旨補授甘肅鞏秦階道。十二月、出京、請假歸省。按四十
生朝自述詩云、丁亥補外初、烏私念明發。一麾六千



藏 儒

里暫假五十日。上堂拜我母。母心大歡悅。有萍心漫草一卷。

三十三年戊子三十九歲。

夏四月抵甘肅。總督吳公達善知公才略。奏留綜理

新疆經費局務。遂駐蘭州。秋九月。兼署按察使事。有隴頭吟一卷。

三十四年己丑四十歲。

有崆峒山房集二卷。夏四月。汪夫人卒於蘭州官舍。夫人名德。字清芬。吳郡人。父禱。嗣黃山。夢神以綠衣女子畀之。是生夫人。年二十來歸。得太夫人歡。與公伉儷綦篤。有悼亡詩數十首。安仁望廬子。荆除服。無

以踰其哀思也。

三十五年庚寅四十一歲。

甘肅連歲旱荒各屬官倉已空方議撥運公於春二月東行安會道中感時述事寄蘭省當事諸公詩有云已絕全生望猶爲半死人又解渴爭泥水充飢盡草根四年三遇旱十室九關門又怪鳥呼魂魄妖狐噉血髓又賣兒償一飯鬻婦索千錢吞聲知淚盡分手尚衣牽又可憐人餓死賑冊尚留名率沈痛不忍卒讀夏六月得大雨賦喜雨詩二十韻奉

旨調補安肅道秋八月奉

命隨總督明公山出關經理屯田自木壘河至吉木薩往



返數萬里。有秋月吟、笳集、杏花亭吟、草各一卷、奇峭雄傑、詩格至是一變。階州惡少糾結黨朋、武斷鄉曲、有書吏舞法、羣起折毀其宅、長吏畏縮莫敢問。公與明公適來、分捕窮鞫得實、列罪爲三等、無漏網者。作哀愚民一篇、以儆官吏。

三十六年辛卯、四十二歲。

春正月奉

旨補授陝西按察使時

大駕巡幸山東趨赴

行在請

訓。詢及甘肅連年苦旱、具奏宿麥未登、新苗待槁狀甚悉。

有

旨飭督臣加意賑撫、並將通省積欠籽種口糧銀四百萬兩全行豁免。夏四月、抵任。廉得奸宄爲閭里蠹者三十餘人、悉寘於法、境內肅然。弟澣沒於江西甯州公寓。公先有夢三弟詩、至是聞訃、有哭延青三弟詩、因罄廉俸爲姪裕曾置產。五月、署理布政使事。冬十月、奉

旨補授布政使。十二月、護理巡撫印務。會兩金川蠢動、京兵及各省綠營兵揀派入蜀、凡所徵調皆公任之。又思金川谷邃礮堅、利用槍礮攻擊、火藥鉛彈、川省所貯未必能足、復撥解西鳳興漢等營及西安清軍廳



藥彈共二十五萬斤、火繩三千斤、送廣元縣存貯備用。旋有

旨飭辦、而公已先十日運送矣。其平生精神周密多如此。著有青門集一卷。

三十七年壬辰、四十三歲。

春正月、奉

旨督理陝西軍臺事務。是月回布政司任。公雖調遣軍務、偶有餘暇、不廢吟詠。上元前一日喜雨詩云、五更斗入清涼夢、萬物平添歡喜心。又花朝復雨詩云、洗兵佇看邊氛靜、上市喧傳米價平。痼瘼民情隱然可見。又二月二十日夜夢中得二十八字醒後能記詩云、

俯仰平生任俠名。崢嶸身世劍縱橫。淵深岳峻空今古。二十年前心已平。公自云詩甚奇。然不解所謂也。是年恭逢

皇太后八旬萬壽。請以本身妻室封典。貤封曾祖泰來公。資政大夫。曾祖母趙氏夫人。於是三世均霑寵誥。時論榮之。夏六月。奉

命護理巡撫印務。按西安使署。靜寄園諸詩。題梅花道人殘竹畫卷。皆署篆時作。時大軍進剿小金川。其地風高氣肅。節候早寒。公請征兵衣履。先於藩庫借領銀兩。分派營員製造。又慮各營率沿邊散布。地僻物稀。西安同州二屬貨既充牣。工匠易集。卽飭設局製備。



於八月望前全數運送軍營。而辦理西路糧餉鄂侍郎寶復有長夫輓運不若騾馱爲便之奏。公謂南路軍營山峻道紆、需糧更急、請將陝西所買騾四千頭解至成都、就近調撥二千赴南路應用、而以二千解送西路、則西南兩路軍儲均可早獲騾運之益。

上覽奏、並深嘉之。秋九月、回布政司任。公以蘇東坡先生曾任鳳翔通判、故於十二月十九日生辰設祀、招賓客賦詩、始於是年。公先成七古一篇、和者十有四人。自此歲以爲常、凡知名之士來幕中者、皆續詠焉。

三十八年癸巳、四十四歲。

春正月、奉



旨護理巡撫。二月，奏請添改棧內驛遞，以節馬力。時撥運部庫銀五百萬兩，又續解軍營火藥，公令以火藥先運寶雞，俟運鞘騾頭倒回，馱送廣元，接替轉運，省費數萬。閏三月，請設長安斗門鎮，朝邑大慶關主簿，部議從之。夏五月，河洛渭水並溢，朝邑之東西境凡二十七村莊衝塌民房八千九百六十六間，被災民口二萬六千三百六十七人。公馳往查勘，分別賑卹，全活甚眾。自四月至十月，籌備南棧運送京兵，並添派陝甘兩省綠營兵三千，又派吉林兵四千，西安駐防兵二千，又添派索倫兵二千，章程預定，毫無紛擾。又接運軍饟銀一千五百萬兩，撥解火藥二十五萬斤。

鳥槍三千桿、腰刀四千把、一一籌應妥速。復親由寶雞以至甯羌往來巡護、途次凡四閱月、耕牧無驚。其各臺安設車馬夫騾、自潼關至咸陽皆已改撥移駐防兵之用、自興平至甯羌州各站俱於大兵過竣後概令撤回歸農。每奏入輒奉

硃批、曰用心可嘉、如所議速行矣。曰諸凡皆妥。曰如此留心籌畫料理、真能不負任使。冬十一月、補授陝西巡撫。著有終南仙館集、前後共三卷。是年、長子念曾娶婦陸氏、誥封朝議大夫陸公寅女、廣西泗城府知府受豐妹。

三十九年甲午、四十五歲。

春二月奉

賜評鑑闡要全部。關輔自去冬至春不雨，省西關舊有太白山神廟，公致齋步禱，遣官於靈湫取水，甘霖立沛。按太白山卽禹貢惇物，在郿縣境，高二百九十里，峰頂積雪，四時不消，有靈湫數處，歷代以來久著靈異。公東坡生日詩云：太白西南作靈雨，公前請封後及予。自注云：郿縣太白山神，東坡先生曾請封公爵，後降。乾隆五年，川陝總督尹公繼善奏請列入祀典。至是具摺奏請封號，有

旨加封昭靈普潤太白山神，並

御書喜雨詩章



儒藏

弁山畢公年譜

賜公。公有恭和詩並跋一首。京察屆期、吏部開列在外

督撫名單進

呈奉

旨、畢沅著交部議敘。夏五月、迎太夫人至署、公弟瀧隨侍。公莅任秦中、屢次迎養太夫人以年老、不欲遠涉、惟作詩箴之云、讀書裕經綸、學古法政治。功業與文章、斯道非有二。汝宦久秦中、游膺封圻寄。仰沐

聖主慈、

寵命九重賁。日夕爲汝祈、冰淵愼惕勵。譬諸構榼材、斲小則恐敝。又如任載車、失誠則懼躓。捫心五夜慚、報答奚所自。我聞經緯才、持重戒輕易。勿以求煩苛、勿以



察猥細。勿膠柱糾纏。勿模稜附麗。端己勵清操。儉德風下位。大法而小廉。積誠以去僞。西土民氣淳。質樸鮮糜費。豐鎬有遺音。人文鬱炳蔚。況逢

郅治隆。鈞陶綜萬類。閭閻守耕鑿。饁畝士依媚。大田歲屢豐。多遺秉滯穗。鼓腹徧康衢。擊缶樂酒饔。民力久普存。愛養在大吏。潤澤因時宜。撙節善調劑。古人樹聲名。根柢性情地。一一踐履真。實心貫實事。曩蹟永不磨。昔賢庶可跂。千秋照汗青。今古合符契。不負生平學。不存溫飽志。卓哉韓范賢。治績前史備。事事規模之。其乃克有濟。上酬

高厚恩。下爲家門庇。我家祖德詒。箕裘罔攸墜。痛汝早失

怙遺教幸勿棄。衰年逼桑榆、垂老筋力瘁。曳杖看飛
雲、日斷泰山翠。睡起日高春、乾鵲噪新霽。披衣覽鏡
匳、霜雪滿鬟髻。惟餘望汝心、任大勤自毖。書此遠寄
汝、汝宜日誦記。勉旃矢弗渝、用作官箴箴。至是就養
官署、一路察訪政聲、聞長安父老俱稱中丞之賢、太
夫人喜、抵署又賦詩云、驂駢乍解路三千、風物秦川
慰眼前。到處聽來人語好、頻年豐樂使君賢。連朝話
舊到更深、不盡婁江望遠心。莫怪老人添白髮、兒童
幾輩換鄉音。周遭竹嶼與花潭、檻外雲光映翠嵐。儘
有瑣窗詩料在、不須回首憶江南。秋八月、監臨文闈。
冬十月、典試武闈。時川省軍營連次克捷、公籌運礮

子箭枝、協撥銀饌、章程如前。又請開采甯羌州銅礦、改留壩廳通判爲同知、改三原縣爲要缺、奏入並報可。

四十年乙未、四十六歲。

公器量閎深、惟以維持風教、激揚士類爲己任、天下翕然歸之。關中舊有書院、爲馮恭定先生講學地、公莅任後、諮訪明師、必取博通今古、品行方正者主之。妙選俊髦、潛心數學、共相觀摩。後與司道按月輪課、親赴書院、詳加甲乙。並飭各府州縣書院、皆實心延訪通人、其姓名籍貫及更換開館日期、具報撫藩衙門察核、兼責成本道訪查、有不稱職者更之、以收實



效勵人材。奏入。

諭各省建立書院處皆倣之。春三月兼署西安將軍印。按是月十六日行經鳳翔同嚴侍讀

長明

宿東湖坡公

祠坐月宛在亭流連竟夕賦七言絕句五首侍讀與

嵇學政

承謙

繼和田太守

錫莘

勒石湖上公命修葺

祠宇開通湖水復還舊觀涇陽龍洞渠卽鄭白渠故道歷唐宋元明代加修理灌溉農田爲利甚溥渠傍仲山之麓鑿石而成流泉百道噴薄如斗俱委輸渠內勢若建瓴惟渠與涇河僅隔一隄涇水泥多每值暴漲倒灌渠中易致淤積歲修動項不敷司事者因循遷就日復一日泥滓充積渠底增高水源旁溢下



流地畝逐漸減少。不及時經理、必致淤塞斷流、使數千年美利遂至湮沒。公親詣仲山洪口、周覽形勢、與司道籌議修濬。至次年工竣奏

聞。夏四月、卸將軍事。五月、修理棧道工竣。六月、清釐八旗馬廠空地、在興平、盩厔、扶風、武功四縣境內、每旗分地一百二十頃、共九百六十頃、牧放馬匹。公署任西安將軍時、以官兵移駐新疆、現存馬三千五百匹、只需四旗廠地、足充牧放、其餘四百八十頃、飭交地方官招募附近居民開墾納租、爲八旗賞卹之用。奏入准行。秋九月、禱澤華山之金天宮、大雨三晝夜、老幼踴躍歡呼。公具奏、

御書岳蓮靈澍四字、縣諸嶽廟、並

御製喜雨詩以

賜。公敬和兼爲跋尾以誌光榮。又著華山祈澤記一卷、勒石廟中。是歲前後運送川營部庫銀一千萬兩、又添派陝兵二千名、撥解火藥十萬斤、箭十萬枝。逮大兵攻克勒烏圍、紅旂奏捷、奉

上諭、大功指日告成、一切善後事宜尙須經費。公從容規畫、輒先期預備、以待凱旋。有聞官兵攻克美諾、連破礪卡、殺賊大勝、誌喜詩。

四十一年丙申、四十七歲。

春二月、大小金川全境蕩平、有平定兩金川大功告

成恭紀饒歌十八章。旋奉

欽頒

御製文一軸。三月、署理陝甘總督印務。夏四月、抵蘭州任。直省學政是科例選拔貢生、公以新疆之鎮西府、迪化州、宜禾、昌吉二縣俱經建學、設有附學生、應與內地各屬一體考試。如有足稱選拔之才者、酌量拔取一二名、以昭鼓勵。奏可。六月、回巡撫任、卽束裝馳詣灤河、

召見

避暑山莊、蒙

恩賞戴花翎。隨奏



藏 儒

弁山畢公年譜

呈所輯關中勝蹟圖誌三十卷。

上覽而嘉之、命儒臣撰錄提要鈔入四庫全書。秋八月、回西安。九月、孫蘭慶生。冬十一月、兼署西安將軍印。是月十九日、合葬大父見峰公、大母汪太夫人、父素菴公、前母趙太夫人於鎮洋縣十九都之新阡、並營張太夫人生塋。蓋公先於六月閒遣弟瀧歸籍卜地、至是始克蠲吉也。十二月、舅氏寶田觀察來西安。是年、姪繼曾由鎮洋縣籍充選拔貢生、公弟瀧子。

四十二年丁酉、四十八歲。

春正月、卸將軍事。夏五月、奏請修岳廟及諸古蹟、其略云、太華山爲西陲靈岳、廟在華陰縣東五里、禋祀

岳帝。自唐虞三代以來，卽爲望秩居歆之所，規模輪奐，靈蹟歸然。年久失修，殿宇牆垣多有朽滲傾圯之處。去秋瞻

覲陳奏，荷蒙

俞允，茲於本年二月興工。再，關中係臨邊重鎮，西接新疆，爲外藩朝覲往還必經之所。沿途古蹟如灞橋、溫泉、崇仁、慈恩兩寺，俱漢唐名勝。近年以來，所有陵墓祠宇雖經臣次第補修，但勝蹟旣多，工費亦鉅。旣未便頻請動項，亦不宜任其荒頽，因與司道等悉心集議，總期節糜費而壯觀瞻，事不勞而工易集也。有

旨，著將陝省應解戶部正項內扣存十二萬兩，是時金川



既已平定、往來差務絡繹。公以地方情形、今昔不同、設官分職、貴乎因地制宜、庶名實相副。至衝途繁劇、尤宜添設佐理。乃奏請更定西安府屬之興平、鳳翔府屬之扶風、岐山、鳳翔四縣、改爲衝繁中缺。西安府屬之鄠縣、盩厔、同州府屬之大荔、朝邑四縣、改爲繁難中缺。又同州府屬之華州、吏目外添設州判一員。西安府屬之涇陽縣丞請移駐冶峪鎮。又請將提標五營馬廠在西安府屬之長安、咸陽、興平、鄠縣、高陵等縣境內者、及後營廠地在邠州屬之三水、淳化二縣境內者、除沙磧、嫌灘、土脈、磽瘠、不堪耕種外、約可墾地一百七十頃六十九畝、招民墾種、以歸實用。公



雖當燕閒、而國計民生無一不熟籌胸次。尤好表章
 前哲、大學士黃公廷桂、尹公繼善、陳公宏謀、總督吳
 公達善在秦時皆有善政、奏請入祀名宦祠。京察
 屆期、吏部開列在外督撫名單進

呈奉

旨、畢沅著交部議敘。秋八月、監臨文闈、有試院中秋翫月
 詩。冬十月、典試武闈。時新疆人士不遠萬餘里、雲集
 觀光、公請嗣後凡嘉峪關以外鎮西、迪化等屬、不論
 鄉會試、均照雲貴之例、每名給驛馬一匹。奏可。

四十三年戊戌、四十九歲。

公在秦、頻祈雨澤、皆獲有秋。春二月、親詣郿縣太白

山神祠報祭並奉

御頒金精靈澤四字殿額。夏五月、復遣官取水靈湫、甘霖三日。

御賜得雨志慰詩。嘗因事經咸陽縣北畢原、展謁

元聖周公墓、諮訪後裔、有姬姓奉祀生一人守墓。公以關閩濂洛諸儒後裔皆有世襲之職、至伯禽少子之食采於東野者爲東野氏、已於康熙年間

聖祖仁皇帝加恩世襲翰林院五經博士。今咸陽爲

元聖祠墓所在、宗支單弱、雖有奉祀生之名、實與齊民無異。請

加恩添設五經博士一員、准將咸陽姬姓嫡派子孫照曲

阜東野氏之例。予以世襲。俾永奉

元聖周公及

文武成康四王陵祀。奏入。部議允行。秋八月。寶田觀察入都。公侍太夫人餞送灞橋河上。有五古一首。次孫芝祥生。

四十四年己亥五十歲。

春三月。巡閱興漢鎮標兵。夏四月。署理陝甘總督印務。赴蘭州任。五月。至西甯日月山。督辦西藏班禪額爾德尼入

覲事。秋七月。回巡撫任。八月。恭屆

萬壽恩科鄉試。監臨文闈。冬十月。典試武闈。奉



儒藏

弇山畢公年譜

賜

御題西域戰功全圖十六幀、

御製久任詩一幅。西安古稱天府四塞、自豐鎬宅京而後、秦漢隋唐咸建都於此、因是掌故甲於他省。公來撫茲土七年、名山大川、以暨故墟廢井、車馬經由過半。於山則終南、惇物、太乙、華山、武功、太白、於水則灃、滻、涇、渭、澧、高、潦、潏、其閒存亡分合、雖孔傳、班書、桑經、酈注、迄無定論、雖指莫由。其他襲故沿譌、更難究詰。古之纂述如關中記、三輔決錄、咸鎬古事、兩京新記、兩京道里記、皆散佚不傳。幸宋敏求長安志、藏書家尙有副本。因屬通人蒐舊羣籍、凡與秦中文獻關涉者、



計得千五百種、發凡舉例、類聚區分、文成數萬、爲門一十有五、分類五十有一、合成一百卷、親加裁削、爲西安府志八十卷。時以太夫人寢疾、久未卽安、憂形於色、故五十自壽詩有掄年只數

君恩重、問寢惟祈母病瘳之句。十二月八日、太夫人卒於西安官舍。先是奏懇解任、未得請、丁憂後續奏、

諭旨著回籍、明年巡幸江浙、在蘇接駕。按公自太夫人來署後、孺慕如孩提。每因公出歸、凡途中所歷、必縷陳山水奇勝處、以博歡笑。故太夫人有聞大兒話華嶽諸奇勝五律三首、其警句云、踏空來日月、穿海出星辰。峰頭難度鳥、樹腹可藏人。又千山藏一寺、削壁貼

孤亭。雨過河流濁、煙收樹色青。又、崖空俱可館、石小亦成巒。皆唐音也。有培遠堂詩集四卷。行世。青浦王少司寇昶爲之序。太夫人二女、長汾、次湄、公女智珠、並能詩、閨門風雅、一時方之劉妹謝女。由太夫人之教也。

四十五年庚子、五十一歲。

春正月、奉太夫人靈輓歸里。三月、

大駕南巡、公出許墅關迎。

蹕、屢蒙

召對

行殿、

慰問甚至。公具陳少日孤貧、賴母教養成立狀、上嘉歎、

御書經訓克家四大字以

賜。公既奉

賜、乃擇靈巖山之陽建

御書樓、旁築祠宇奉太夫人像、六時瞻禮、俾子孫毋忘

國恩家媾。秋七月、祠成、嘉定錢少詹事大昕爲之記、錢唐

梁侍讀同書書石。其略云、弇山畢公早年失怙、奉慈

命讀書山中。感晝荻之勤、勵斷齋之操、用能處寬閒、寂寞之區、具先憂後樂之志。及學成而大魁天下、出



禁闥保障方面、當代推之一以爲燕許、一以爲韓范。而公抑然自下、指讀書故廬、淚涔涔落、謂吾母之訓言猶在耳也。度所以妥先靈者、惟此地爲良、爰築祠堂於斯山中。人皆走相告曰、如中丞公、洵所謂五十而慕者乎。

御書樓記亦少詹撰、並勒石祠內。又有問梅禪院、以太夫人生時虔禮大士故事之、如生云。冬十月、江蘇巡撫傳奉

御旨、陝西巡撫員缺緊要、畢沅前任西安最久、熟悉該處情形。且守制將屆一年、一時不得其人、著前往署理、不必來京請訓。公聞



命卽行十一月抵西安任。中懷銜卹時復情見乎辭。其題
沈雲浦永慕圖云、病心心模黏、飲血血漉漉。蘸血寫
慈顏、斑斑染素幅。又云、展圖見君心、掩圖令我哭。此
卽蓼莪篇、沈痛起振觸。又云、麻衣正廬居、題詩忍卒
讀也。

四十六年辛丑五十二歲。

春三月、華陰岳廟工竣、遵

旨繪圖進

呈。有奉

敕重修華嶽廟落成恭紀七言排律二十韻。甘肅河州循
化廳撒拉爾番回因爭教仇殺知府楊士璣、副將新

柱同往查辦、均被害。公聞、卽令提督馬公彪帶領西
安綠營兵一千名、迅赴河州、而將軍伍公彌泰、副都
統薩公炳阿、亦帶滿營兵一千六百名、星馳協剿。尋
聞賊陷河州、逼蘭州、焚燒關廂、官兵傷折大半。公飛
調延綏鎮兵一千五百名、令從固原、平涼一帶前往。
又調潼興漢鎮兵五百名、令從略陽、鞏秦一帶前往。又調潼
關協將都司等帶兵三百名、赴營接濟。猶恐各路兵
程途遙遠、卽晝夜遄行、亦需時日、而賊勢猖獗已甚、
請發八旂勁旅、

簡派熟悉軍務大臣帶領前來策應、方可立就剿除。是時
文報隔絕已六日、傳聞異辭、公選幹弁赴蘭偵探、始



悉賊前此攻圍甚急、後官兵陸續齊集、加以土兵不下二萬、殺賊甚多。賊初屯城內五泉山、近移西南之龍尾山梁、去城較遠。其地西北兩面俱隔黃河、西南隔洮河、西甯兵由遵化一帶繞出其後、而河州收復小路已經堵禦、大兵會剿、立可殲擒。惟狄道在河蘭之間、東通秦鞏、山勢險窄、公先慮賊竄入、密飭延綏、興漢二鎮兵由安定閒道馳往、截其後路。既入奏、有旨、畢沅在陝西境內、聞甘省逆賊滋事、卽能悉心調度、事妥協、並有先辦而與朕旨相合者、實屬可嘉。著賞給一品頂帶、大小荷包各一對、仍交部從優議敘。公奏謝有云、番回小醜、肆逆稽誅、覆載尙且不容、鄰封

豈宜忽視。明知遠道行師，不無繁費。然繁費之事小，而遲誤之事大。用是不揆禱昧，因事酌籌。實職分所當爲，詎

褒嘉之敢望。奉

硃批，具此識見，然後可任封疆。秋七月，逆回平定。嗣河盜朝邑縣境，城中及東南北三鄉五十三村莊溺斃男女八百三十餘人，衝塌民房二萬二千三百九十六間，被災民口三萬四千六百八十餘人。公奏請給銀修葺埋葬，並分別撫卹，加賑各有差。新校山海經成，一考篇目，二考文字，三考山名水道。自序云：役於官事，校注此書，凡閱五年。自經傳子史，百家傳注，類書



所引無不徵也。其有闕略則古者不著、非力所及矣。既依郭注十八卷、不亂其例、又以考定目錄附於書。其云新校正者、仿宋林億之例、不敢專言箋注、俟後之博物也。公嘗以金石文字之在六朝前者多、足資經典考證、其唐後所載地理、職官及人物、事蹟、亦可補正史傳譌誤。關中舊有田概京兆金石志、而唐史載乾元中京師壞鐘像、私鑄小錢、會昌中李都彥以鐘鐸納巡院充鼓鑄用、宋史載姜遵知永興軍、太后詔營浮圖、毀漢唐碑碣以代磚甃、是關中金石日亡日少。廣爲搜薈、數年間得金十三瓦三、石七百八十有一。公餘稽經誼史、訂誤補亡、撰關中金石記八卷、

盧學士 文弼、錢少詹 大昕序之。公哀慕太夫人不衰。

八月十五夜更鼓四下，寢不成寐，泣然感述，又敬題先太夫人手鈔唐詩選後各一首。所著有終南仙館續集二卷、玉井拳蓮集一卷，皆再撫秦中時作。九月，長子念曾卒。冬十月，盤查同州府屬監糧，尋以失察甘肅冒賑事奉

旨降爲三品頂帶，仍辦理陝西巡撫印務，不准支給養廉。十二月，盤查西鳳邠乾四府四屬監糧。是年，奉

賜

御製古稀說一幀、改教詩墨刻一幅、全韻詩擬白居易新樂府各一部、甘省秋收及得雨情形詩墨刻一卷。

四十七年壬寅五十三歲。

公前後撫陝至是已十年嘗賦上元燈詞十首其首章云綵角星河不夜天春燈人自卜春田兒童編作秧歌唱關內豐登已十年亦自喜也春二月奏以興漢二屬暨終南山一帶地方險要宜改設官屬俾資控制而重稽防請陞興安州爲府改州吏目爲府照磨漢陰縣爲附府安康縣其州縣學正訓導以次遞改漢陰舊治另設撫民通判駐劄州西南二百四十里磚坪歸安康管轄另設分防縣丞又紫陽縣西南一百八十里之二州壩平利縣東南四百八十里之鎮坪與川楚連界二州壩添設主簿卽裁西安府知



事缺改駐於此。鎮坪添設巡檢。漢中府屬西鄉縣南三百里之大池壩添駐分防縣丞。褒城縣南一百三十里之黃官嶺添駐巡檢。而裁汰舊設青橋驛驛丞。缺至終南一山縣互西鳳、漢、興、商約周圍數千餘里。東自咸甯大義峪、由藥王堂舊縣關南至興安北境約七百餘里。應與舊縣關迤西地名孝義川添駐西安府分防同知。山西自長安子午谷、由江口西南至五郎關直抵漢中府北境約亦七百餘里。應將西安府水利通判改爲分防通判移駐五郎關。臣荷

聖恩簡任巡撫先後十年於地方一切因革事宜隨時悉心體察。凡此改設明知有費更張。但今昔情形迥然



大異而山川阨要、形勢阻深、不得不爲未雨綢繆之計、斷不敢因循拘泥、惜有限之費、致異日貽誤地方也。部議允行。又奏修西安城垣及城外灊橋、導

旨勘估、於明春開工。秋八月、盤查延榆綏鄜各府州屬監糧。其月、長女智珠贅婿陳暲、光祿寺卿孝冰子。冬十一月、

上諭大學士、九卿、科道及各直省督撫、凡士習民風、官方吏治、尙有未經整飭者、直抒所見、據實陳奏。公覆奏、大旨以爲國家大計、不過民生吏治二端、而建官之本、在勤民、勤民之要、惟足食。竊謂衣食之源、農田爲上、畜牧次之。因土宜而盡民力、收自然之利、施於西

北等省尤當而易行。關右大川如涇、渭、灊、澧、豐、瀉、漆、潏、河、洛、漆、沮、汧、汭等水，流長源遠，若能就近疏引，築堰開渠，到處可興水利。或勸民自爲疏濬，或酌借公項代爲辦理，則以時蓄洩，自無水旱之虞，而瘠土皆良田矣。又古來雲中、北地、五原、上郡諸處畜牧爲天下饒，至以谷量牛馬。若飭令各屬有司，詢問鄉堡，每邑計其成數，情願畜牧者約有若干人，駝馬羊牛約需若干匹，由府彙報到司，酌籌閒款購買，分給民間，令其試養。俟次年孳生後，除交還官項外，餘卽賞給本人，以爲資本。則邊氓生計，可望漸臻饒裕。終南、太白、汧、渭、沙苑之間，尤係歷代畜牧之場，亦可徐徐籌



辦。果有成效，則新疆各路屯兵民戶俱可做而行之。令其耕作與畜牧相兼，此實邊土無窮之利也。又近日之吏，病在貪酷者日事誅求，而良善難安生業，因循者聽從胥隸，而閭里鮮得甯居。其中稍有才具者，又復以應酬爲能，不以地方爲事。當隨時釐剔而創懲之，並飭各州縣官於本境四鄉，或一歲之內，或一季之內，必輕車減從，周遍巡行，按查保甲，稽察游惰。如有利病所關，應行應革事宜，具稟上官，隨時查辦。奏入，部議以格於成例，不果行。是年奉

賜

御製言志詩墨刻一卷、知過論墨刻一卷、補刻明代端石

蘭亭圖帖一卷。公著樂遊聯唱集。時在幕府者、長洲
吳舍人泰來、江甯嚴侍讀長明、陽湖洪孝廉、今翰林
院編修亮吉、孫文學、今山東兗沂曹道星衍、嘉定錢
明經、今乾州州判站、皆吳會知名士。門人伏羌令楊
芳燦序之。

四十八年癸卯、五十四歲。

春正月、奉

旨復還原品頂帶、仍准支給廉俸。二月、續奉

諭旨、畢沅現已服闋、准實授陝西巡撫。公以去冬關中年

豐人樂、因與吳舍人

泰來

及幕中文士爲消寒之會。

自壬寅十一月十七日始、每九日一集、至癸卯二月



二日止。分題拈韻。成官閣圍爐詩二卷。三月。署理陝甘總督印務。抵蘭州任。次女還珠生。夏四月。回巡撫任。京察屆期。吏部開列在外督撫名單進呈奉

旨。畢沅宣力封疆。克稱厥職。著交部議敘。六月。省城開工。秋八月。奉

命監臨文闈。冬十月。典試武闈。十一月。至榆。綏二屬勘災。並奏明輕重戶口。分撥銀米撫卹。及蠲緩加賑各有差。是年奉

賜勦捕臨清逆匪紀略一函。平定兩金川戰圖十六幀。四十九年甲辰。五十五歲。

春二月奉

賜

御筆玉屏詩畫墨刻二幅。夏四月，甘肅鹽茶廳逆回聚眾攻奪城堡，由靖遠渡河，焚掠靜甯、隆德、莊浪，逼近平涼，勢甚緊急。公聞，卽調西安滿漢兵三千五百名，星速策應。而鳳翔、隴州、汧陽山險徑雜，有通甘小路，一十七處，恐賊乘虛闖入，則搜捕轉難。復選本標及滿營兵前後得二千，屬副都統敷公倫泰帶往鳳翔。又調山西太原鎮兵一千協力防禦。是時，賊屯通渭之石峰堡，分走伏羌、秦安，並靜甯州之底店、雷打灣、驛道梗塞。公先有請發京營勁旅之奏，至是



命大學士公阿公桂尙書男福公康安領侍衛內大臣侯

海公蘭察等統領火器健銳兩營兵二千名赴甘進

剿於六月中過西安公議以底店雷打灣大路賊匪
爲肘腋之患必先廓清而後以全力蹙之則石峰堡
勢孤無援立可摧破又檄興漢鎮總兵三德帶兵二
千由秦州直趨秦安繞截其後賊不能竄用能於決
旬之間面縛凶渠殲絕餘醜至於糧饟軍火驟馬鍋
帳凡京營暨各省兵往來供支萬緒叢萃咄嗟立辦
秋七月大兵凱旋八月兼署西安將軍印九月卸事
冬十二月奏請

陛見按東坡生日設祀詩一帙是年公序而刊之有云覽

乎遺文、嗟不並世、求其宦蹟、近在於茲。蓋公尙友蘇公、見於篇什者非一。其東湖坐月云、論我平生太微幸、宦遊多得近前賢。又重過東湖云、焚香莫怪低頭拜、熟讀公詩已卅年。抑何神往於義眉也。

五十年乙巳五十六歲。

春正月赴京

陛見。奏進華嶽圖志、有云十三門部居州次、期鉅細之無遺、卅二卷類聚區分、庶始終之可貫。二月、

上御乾清宮考試翰詹諸臣、

召公至南書房和詩。既出京、途次保定、奉

命調補河南巡撫。時以豫省河工連年漫溢、衛輝一帶屢

被旱災。公具摺謝。

上硃批云、論恆情則陝要於豫、論目前則豫要於陝。汝自知之、無俟多諭、一切勉之可也。在途屢接

諭旨、籌畫災賑事宜。公由彰德至衛懷、一路詢問僚屬農民冬春所得雨雪是否即可耕種狀。及抵任、奏請截留漕糧二十萬石、以平市價、濟民食、並運貯楚旺五陵、濬、汲等縣水次官倉、以待撥用。

上覽奏、增給三十萬石、

硃批云、所思周到、調汝實得人矣。如此盡心民瘼、或邀天佑、朕爲彼一方民慰幸也。是月、次子嵩珠生。公抵汴日、遣官馳赴太白山靈湫取水。三月十五日水到開封。



設壇大相國寺率文武步禱。越二日得雨二寸餘。有禱雨大相國寺爲充公和尚題朝清涼山圖及喜雨詩。旋奏請開封河南彰德歸德懷慶陳州六府許陝二州等屬四十八州縣所有本年及上年未完錢糧倉穀俱緩至秋後開徵。又請蠲免衛輝府屬及附近災區之武陟修武原武等本年應徵地丁錢糧。又請於前緩徵之祥符陳留蘭陽儀封滎澤內黃六縣積歉旱重請

旨全行豁免其餘分別蠲緩各有差。又請濬賈魯惠濟兩河以資商運。其略云目今雨澤缺少田功未赴小民更多失業。趁此青黃不接之時鳩工開挖將年力可



用者挑赴河干、酌給口糧、以資力作。是此舉不但於民食商販有益、而以工代賑、無業窮黎亦可藉資餬口、實爲一舉兩得。先是有

旨、被淹積歉之區加賑一月、口糧無地極貧下戶加賑兩月。至是更請於汲、淇、新鄉、獲嘉、輝、延津、濬、滑、封、邱、考城、武陟、修武、陽武、原武十四屬、無論極次貧民、再加賑卹兩月。柘城巨盜聚黨三百餘人、劫奪村落、抗拒官兵、公督同司道親往立擒之、悉置於法、民皆悅服。上嘗登澂霽閣、念公勤勞、

御製詩書扇以

賜、並大小荷包三對、仍交部議敘。自五月至六月、先後奏

報各屬得雨、入土一二寸及六七寸不等。秋七月、覆奏引河分溜分數、及睢州大壩情形。其略云、睢州大壩龍門淤成膠泥大灘、雖得挑水壩之力、亦由上淤引河分溜、并迤下新河冲刷極深、是以龍門淤厚、溜勢北趨、誠如

聖諭、實爲極好機會。臣等自當隨時相度籌辦、俾高家寨一帶險工不致著重、以期永慶安瀾。八月、奏報各屬雨澤霑足、秋禾豐稔、並河水減落、堤工穩固各情形。冬十月、同大學士公阿公桂河道總督蘭公第錫會勘高家寨挑水壩各工訖事。十一月、遵

旨親赴桐柏山尋淮水發源處具奏、並估修東瀆大淮神

祠及禹廟工程奉

賜

御製淮原記云、今歲豫旱於春夏、荆歙旱於夏秋、因循淮水弱而清口淤、既而豫得雨於夏末、則更黃水盛而清口有倒灌之患、其間晝夜卜度來往疇咨、蓋不可屈指數矣。因思淮之弱、必其原之微、或有沙石壅塞、以致遏其流乎。其時撫臣畢沅以辦理賑卹事宜、不能分身往、則命布政使江蘭往致禱淮瀆祠、且相其原之形勢。既而江蘭奏、淮瀆故有祠、更有禹廟、並得三大井於禹廟東、引歸正河、遂成巨川。因具圖貼說呈覽。朕觀其圖、谿澗縈繆、山林深秀、所謂三泉者未



必卽眞原也。其時賑卹章程已定，迺命撫臣畢沅親至胎簪山頂，遂得眞淮原，具圖以來。於是導淮自桐柏之言始信。蓋胎簪卽桐柏之中峰，桑欽水經非誤也。酈道元注以爲注，^①澧同原，西流爲澧，東流爲淮，則今之分水嶺實在胎簪峰下，按圖可求。淮澧分流，此又一證也。夫天下之理豈易窮哉。若據江蘭之奏定三井爲淮原，則胎簪之眞原湮矣。然弗湮也，桑欽、酈道元之語固在也。今偶湮之，而後世必有執水經注以笑我君臣之不讀書矣。茲不惟喜瀆原之得眞，更以嘉古人之用心勤而千載之下必有相知之人也。江蘭向在部中，爲能馳馬耐辛苦之能員，是以屢陞



用至今職。而於登峰造極、跋涉以求得真原、乃讓身
軀孱弱、佔畢之儒臣、斯則在立心之堅定與不堅定、
及讀書與不讀書之分耳。既記其巔末、並以嘉畢沅
也、沅其勉之。公奏謝有云、原原本本、闢方言三井之
訛、是是非非、援酈注雙流之證。十二月、閱兵南陽。時
許州壽民張正朔年一百歲、商城縣壽民董以文年
一百一歲、公奏
旌之。

五十一年丙午、五十七歲。

春正月、奉

賜經筵御論一卷。二月、奏請借項修築沁隄、俾固河防、兼

可以工代賑。春雨霑足、薯種足資民食、分撥各屬乘時栽種。三月、趨赴正定。

行在迎

鑾、蒙

恩賞穿黃馬褂、並

賜

御製詩一章。公奏謝、敬和恭進。夏四月、詣登封報謝嵩嶽。見舊有配殿塑泰、華、衡、恆四嶽帝像、公以五嶽秩並尊崇、今四嶽列其配享、於典禮未協、且建在二門外、東西對向、尤爲慢褻。乃於三門外迤南半里得空屋一所、移奉神像、改爲五嶽靈祠。其廟中舊配殿改塑



風雲、雷、雨、四神。按公嵩陽吟館集凡三卷，中有嵩嶽紀游六十首，皆兩時作。豫省連歲游饑，凡有恆產之家，急求鬻產餬口，其價值不及平時十分之二三，甚有以種麥將熟之地，賤價准賣者。山西豪強富戶，聞風赴豫，舉放利債，藉此准折地畝。公與藩司酌議，通飭各屬出示曉諭，凡民間自乾隆四十九年以後賣出田產，如價值過賤者，許其備價呈明地方官取贖，以三年爲限。至近日連麥准賣之地，限半月內呈明，聽令原主收割，除歸原價，仍照典鋪二分取息之例，按月算給。若買者先已收割，卽核計所收麥價，除去本利，其贏餘同地退還。儻有佔據不行放贖，卽依重

利盤剝例從重治罪、使豪強無能兼并、而貧民不致終於失業。奏入、奉

硃批、此奏實可嘉、恐汝地方官力量不及、卽明降旨照汝所請行矣。於是、有私邀中保贖回者、亦有呈明官府斷結者。

上批、公奏云、好。今陞汝爲湖廣總督、俟此事辦完、汝方可赴任。並有

旨、交部議敘。公奏謝有云、維元氣有回期、歲稔必資夫恆產、奈蚩氓無遠慮、計窮早棄其先疇。爰思調劑之宜、使豫省各還其素業。並立勸懲之術、俾晉民無缺於朱提。藉昭處事之均平、實屬應爲之職分。秋七月、挑

濬賈魯河工竣。開歸所屬濱河州縣蝗。嚴飭搜捕。有捕蝗詩一首。河工秋汎安瀾。奉

旨交部議敘。八月奉

命監臨文闈。時湯文正公

斌

子姓式微公訪得其嫡孫有

爲諸生而學臣遺未錄送者。徑取其名註冊入試。是科果領薦。冬十月典試武闈。屬伊陽縣有拒捕戕官之案。奉

旨仍留河南巡撫任。公來河南。至是已二年。目擊旱荒之

苦。故舉政發令。民無不感泣者。新安方上舍

正澍

在

公幕中。爲作河南新樂府六章。一請漕糧。二靖柘城。三開沙河。四錫詩扇。五種蕃芋。六設粥廠。紀公之事



頗詳。

五十二年丁未五十八歲。

春三月閱兵河北。夏四月挑濬陶北河。五月工竣。六月河洛沁驟漲。自三五尺至一丈二三尺不等。睢州下汛十三堡堤工東西漫口各二十餘丈。公督同司道分赴上游險工往來搶護。而下游水深湍猛亟應圈堤築壩。創槽下埽。並於大河分溜處斜築雞觜挑壩逼溜歸河以期迅速合龍。又查明睢州甯陵商邱永城鹿邑柘城六屬被水村莊分別賑卹蠲緩。上命大學士阿公桂臨工會同籌辦。秋八月奏報豫省一百六廳州縣秋禾分數合計約收九分有餘。九月弟



瀧在籍以公命蠲吉。二十三日、奉張太夫人櫬合葬、贈榮祿公新阡。冬十月、奏報合龍日期、奉

旨、畢沅著交部議敘。按公集有塞黃河決口新樂府六章。十一月、奏以下南河同知改駐黑岡、俾便要工。公以河務積勞、邁疾幾殆、至歲暮始稍瘳。故明年有新正病起遣懷、又病起耳聾諸詩。是年、奉

賜皇極殿燈聯詞墨刻、又

賜緯絲蟒袍一件、

御用大荷包一對、小荷包二對。自關中移節、迄今三載、公暇蒐羅金石文字、考其同異、聚而拓之、編爲中州金石記五卷。

五十三年戊申、五十九歲。

春三月、設壇大相國寺、祈求雨澤、並遣官分詣嵩嶽、太白山龍湫取水、公率僚屬虔心步禱。自三月至五月、大河以南陸續得雨深透、麥收仍約十分至七分不等。惟河北各屬節次得雨、不過二三寸、麥收款薄。公親詣輝縣祭告衛原廟、並遵

旨撥運麥穀十萬石、減價平糶。又飭將常漕各倉不拘常例、糶借兼行、民食賴以充裕。復於衛原之百泉、懷慶之丹河九道堰、及附近太行山麓向有泉源者、飭令道府等集夫疏濬、以收灌溉之利。其後甘霖疊沛、轉歉爲豐。有禱雨紀事及喜雨詩。又請將臨河新灘有

地無收之糧銀、改於通省攤徵、及積年帶徵未完錢糧、分年攤完、以紓民力。旋奉

旨寬免。會荊州江水異漲、潰決堤塍、荊州闔境被淹。上以湖廣諸事廢弛、

特授公爲總督、兼署湖北巡撫、不必來行在請訓。又發部庫銀一百萬兩、爲工賑之用。秋八月、馳抵荊州、接印視事、卽會同

欽差大學士阿公桂、戶部侍郎德公成、相度情形、詳悉籌

辦。時荊郡城中積水雖就消涸、而屋舍損壞十九、一切資糧器具漂失無存、居民多於高阜搭蓋席篷、風棲露宿。公至之日、查明貧乏戶口、按月散賑、給資修



葺其餘被水災區、若荆屬之公安、監利、石首、松滋、枝江、宜都、及武昌府屬之江夏、武昌、咸甯、嘉魚、蒲圻、興國、大冶、漢陽府屬之漢陽、漢川、黃陂、沔陽、黃州府屬之黃梅、廣濟、黃岡、羅田、蘄水、蘄州、安陸府屬之潛江、天門、荊門、當陽、德安府屬之雲夢、應城、並宜昌府屬之長陽爲最、飭委道府先行勘明輕重災分、戶口細數、分別撫卹加賑、或借給口糧籽種、卽令於先後涸出地畝補種穀蔬、或布種冬麥。此外窮民無業者、現在城隍各工並舉、自可悉赴工次力作、以工代賑、不致流離。至荊州萬城隄漫決二十餘處、公往來履勘、因見大江自松滋而下折向東北、荊州府城一帶江



面比上下游較窄、中有淤沙一處、漸長漸大、叢生蘆葦、土名窖金洲、江水至此順洲分南北流、至尾始合。蘆根四面盤結、水過處淤積泥沙、洲身日長、日高、障蔽南面、逼溜北趨、水勢梗塞、不得不直注隄根。下游愈壅、則上游湍悍、愈無處宣洩、其冲潰實由於此。公飭官屬將洲上蘆葦悉數剷伐、刨根犁土、永無萌發、使江流不致頂冲。然後乘勢酌挑引河、引溜注入冲刷洲沙、自當日就平坦。設遇江水盛漲、亦可平漫洲頂、無壅遏之患。而北岸迤東一帶、水流漫緩、漸次淤出新灘、則隄塍均足資保護矣。奏入、奉

硃批、所奏頗合機宜。又奏修荊州城工、

關帝廟工、萬城隄土石各工、文武衙署、滿漢各營兵房。又請以水利同知移駐萬城隄、條縷章程、纖悉周備。尤於撫賑一事、恐不肖胥吏冒混剋減、先飭各屬將村莊堡垸名目、災戶姓名口數、輕重災分、極次等第、詳立檔冊、於查實後出示曉諭、使小民咸知應領確數。仍與司道等分路按冊抽查、毋令絲粟得飽慾壑。公謂稍一滋弊、卽不足宣布。

皇仁徧甦民困。其經緯精密如此。按公荊州述事詩十首有云、人鬼黃泉爭路出、蛟龍白日上城遊。涼月千家殘婦哭、清霜萬杵役夫聲。冤埋魚腹彈湘怨、哀譜鴻鳴寫楚吟。昏墊之情蕩析之狀、略可見矣。九月、卸巡

撫事。冬十一月、抵武昌省。是年、奉

賜

御製文二集兩函、

御筆仿李迪雞雛待飼圖墨刻一卷。

五十四年己酉六十歲。

春二月、至荊州。三月、萬城隄土石各工全竣、遵

旨鑄造鐵牛九具安鎮隄壩、添建江神祠。並以水師營守
備兼管江防、設卡巡護。又以隄根坑潭之處甚多、皆
由歷久民間歲修、就近取土所致。若水漲停注、頗礙
隄身、請卽於窖金洲翻犁洲地時挖取蘆根、遍植隄
外、一二年生長茂密、根柢盤固、卽可捍禦奔流、似亦



藏 儒

化無用爲有用之一法。奉

硃批、甚是之舉、一舉兩得也。又請修

文廟、考棚、龍神祠、府城隍廟。京察屆期、吏部開列督

撫名單進

呈奉

旨、交部議敘。續奉

諭旨、此次工程浩大、畢沅能遵照指示機宜、認真辦理、妥速竣工、著交部議敘。夏四月、閱兵宜昌、襄陽、順勘老龍隄工、添築挑溜碎石壩四座。按公自荊州往來宜、襄、凡所經歷、率以詩紀之。如當陽長坂坡、麥城、仲宣樓、峴山亭、習家池、鹿門山、夫人城、三游洞、至喜亭、扇



子峰、絳雪堂等數十首，皆憑高望古，感喟淋漓。其蝦
蟄培、黃牛峽二章，山川奇險，洞心駭目，靡不抉摘呈
露。視少陵入蜀諸作，殆如驂之靳也。秋八月，公六十
初度，賦自壽詩十首，有句云：爲戀

主恩非戀職，只求民隱不求名。私願康甯同物我，最虞衮
影負

君親。大臣心事，真能以民物爲一體者。長孫蘭慶娶婦曹

氏，翰林院侍讀學士廣東學政。仁虎女。九月，勘估常

德府石櫃工程，並巡閱撫提二標及鎮筸、永州鎮各
營官兵。有涉沅十九首、浮湘十首、衡嶽紀游六十首。
姪裕曾應江南鄉試，中式舉人，公弟澧子。冬十一月，

兼署湖南巡撫事。十二月卸事，旋武昌。是年春，
賜

御批通鑑全部、

御製平定臺灣二十功臣像贊序墨刻一卷、生擒林爽文
紀事語墨刻一卷、生擒莊大田紀事語墨刻一卷、編
訂詩經樂譜全書一部、

御題太常仙螭詩並韓幹明皇試馬圖墨刻各一分。
五十五年庚戌六十一歲。

春正月，奏請修復潛江縣仙人隄，其略云：易家拐隄
在澤口西北，正當漢江之冲。上年六、八兩月，江流異
漲，上游宣泄不及，倒漾而西，致江陵、監利、荊門均有



滯淹。今隄已冲刷成潭、不堪補築、若不就舊人所築
廢隄、因勢修復、一經汎水漲發、四屬田廬同受浸灌
之害、則賑費更鉅。且借帑興修、數只三萬餘兩、攤之
四屬、緩以三年、尤屬眾擎易舉。閭閻生計、不致有竭
蹶之虞、而保衛田廬、實多裨益。是時公莅楚已二載、
勤於庶事、凡所興作、皆隨時制宜、因利乘便、羅全局
於胸中、然後口講指畫、秩如就理。其爲政不務察察
之行、而綜覈名實、物無遁情、吏治翕然丕變。楚南北
江湖縣互、往往盜匪出沒、侵掠商旅、公飭有司暨營
汛巡邏搜緝、連獲巨盜二十餘、悉置於法、由是盜風
漸戢。北省民情健訟、甚或借端誣陷、冀以株連洩忿、

一呈內牽至數十餘人。迨控准，則原告隨亦竄匿。多有累年不結者，故諺有只圖准，不圖審之語。訟棍蠹役，因以爲利。州縣積案益多，訐告彌眾。公接閱詞狀，卽將具呈人押交藩臬審辦，或督同親訊，如虛坐誣，並遴派道府分投各屬，就近提訊。若原告規避逾兩月，卽將被告人證勘問明確，照新例詳銷，仍緝獲原告治罪。棍蠹訪拏重懲。二歲中審結大小一千五百餘案，民遂無敢妄訟者。滇銅運船必經由楚境，公酌議章程，條爲五事：一、銅船宜雇募堅固；二、銅斤宜過稱足數；三、險灘宜預爲趨避；四、水摸工價宜酌水勢加增；五、水摸偷竊宜嚴加防範。又勘定各灘，由險改

平者十二、由平改險者六、新增險灘五。夏五月、第三女懷珠生。秋七月、兼署湖北巡撫。九月卸事。冬十月復兼巡撫。十二月卸事。是年恭逢

聖主八旬萬壽

慶典、覃敷曾祖以下三世

晉贈榮祿大夫、妣皆贈一品太夫人。公奏懇祝嘏、

上念地方緊要、

諭止之。至是一再籲祈赴

闕、始得請奉

賜諭語集解義疏一部、



儒藏

弁山畢公年譜

御製入巖口各詩墨刻一卷、

萬壽衢歌樂章全部、集石鼓文、

御題張照墨刻、王穀祥春雛待飼圖墨刻、涇清渭濁圖墨刻各一卷、江夏萬廷模年八十四、通城金逢時妻張氏年八十五、並五世同堂、公奏旌之。

五十六年辛亥六十二歲。

春二月赴京

陛見。恭進宋人布畫山水及李廷珪墨一方。

御製詩二章並墨雲室記、

命公與

內廷諸臣恭和進

呈。

上久倚重公、

獎勵甚至、

恩免繳項銀三萬兩。三月，回武昌任。夏四月，奏改荊門州爲直隸州，管轄當陽、遠安二縣。又請裁江陵縣郝穴鎮、監利縣朱家河巡檢二缺，各改設主簿一員。部議准行。楚省鹽務自公實心釐剔，革陋規，絕私販，歲輒溢銷十餘萬引。時奉

諭旨，以湖南之永順、湖北之宜昌皆與川省相近，何妨改食川鹽，以便民食。著各督撫核議。公議覆以爲永順、



宜昌爲鄰私入楚門戶其出沒處所水則山深峽險陸則鳥道羊腸實遏私之咽喉就兩府民食而論每年額銷不過三千餘引淮商似不必爭此綱地而有不能不爭者全恃此數處險隘以爲蔽私之地耳今若改食川鹽則如居室之毀其牆垣全無捍衛爲利不過兩府而爲害殊繫通綱實有捍格難行之勢應請仍循其舊奏入

上嘉納焉奉

賜

御製四得論四得續論墨刻二卷

御書墨雲室記古墨歌墨刻一分六月第三子鄂珠第四

女琰珠生。秋七月奉

賜瓷盃一件。冬十月，廓爾喀滋擾，後藏、

王師西討。公懇

恩，酌派分理軍需，奉

硃批：可以不必。十一月奉

賜

御刻唐顏真卿書朱巨川告身一卷。

五十七年壬子，六十三歲。

春二月，京察屆期，吏部開列在外各督撫名單進
呈奉

旨，畢沅著交部議敘。夏四月，奉



儒藏

弇山畢公年譜

命馳往湖南審辦巴陵縣鳳凰廳暨道州等案並巡閱撫
提二標永州鎮軍鎮各營官兵有重登岳陽樓及紅
苗竹枝詞二十首六月旋駐荊州次女還珠許字陝
西巡撫秦公承恩子秋七月回武昌九月荊州城工
竣冬十月巡閱宜昌襄陽鎮各標營官兵時大軍克
復後藏廓爾喀畏懼乞降京兵凱旋過境公遵

旨轉飭所屬按例應付一無紛擾姪耀曾應順天鄉試中
式舉人公弟瀧子是年奉

賜

欽定舊五代史一部

御製正陽橋疏渠記墨刻一卷圭瑁說摺圭說墨刻兩軸

及蘇軾超然臺記墨刻一軸、回疆三十韻墨刻一卷。
五十八年癸丑六十四歲。

春三月、奏請添設安陸營把總一員、分管陸路塘汛、並於竹山營裁汰一缺、以均繁簡。夏六月、兼署湖北巡撫事。楚地西通秦蜀、北接汴梁、黃州路達江廣、荊州聯壤湘南、爲滇黔之通衢、漢口、樊城、沙市三大鎮、賈舶如雲、向來市易錢文率多攙雜小錢、屢禁不止、頗爲錢法之害。公以三楚不產銅鉛、並無奸民私鑄、則來源盡由私販、奏請分飭上下游各關隘、嚴密稽查、一面勒限設廠收買。自五十五年以來、先後收買小錢三十萬九千餘斤、發交寶武局鎔出銅鉛、湊供



正鑄、停買滇銅一年。至是復請常用收買、繳局改鑄。以期日久淨盡。並諭商船店鋪、有外來存積小錢、匿不赴官繳首者、一經截獲、卽以私販治罪。其應行應禁錢文、設木版釘錢於上、分別註明、頒給市廛、畫一遵守。仍飭南北各道府、於要隘關口實力督查、以清其源。秋八月、卸巡撫事。九月、復兼巡撫事。冬十月、恩頒唵咭喇國所進嚙吱一端。十二月、卸巡撫事。是年、奉賜

御製十全記墨刻一卷、臺灣戰圖十二幀、

御製喇嘛說墨刻一卷、修德修刑論及書隋文帝改元事墨刻二卷、西藏善後事宜詩並凱旋兵丁各歸本營



紀事墨刻各一分。通城縣民胡楚英年百歲、興國州民劉之印年八十八、廣濟縣民余錫臺年八十二、並五世同堂、公奏

旌之。按公自訂集四十卷、始於甲子、迄於癸丑、故自題集後云新編四十九年詩也。其再題一首自序云、予卅角就傳、得唐六如畫譜一冊、暇輒學爲山水、師亦弗禁。年十五、先太夫人教之學詩、謂其體接風騷、義通經史、非數十年冥心孤詣、憔悴專壹、不能工。因遵慈訓、舍畫專攻詩。今忽忽花甲周矣、頭白目眊、老境漸逼、搜篋中賸稿、編靈巖山人集四十卷。雖不能盡合風雅之旨、而刻楮鏤冰、此中亦頗費苦心、略開面

目。恨吾母不及見是集之成。曷勝痛感。過此以往。精力日衰。思致孱弱。恐不能再有進境。且仔肩艱鉅。時懷鼎占覆餗之戒。不敢復耽吟詠。政閒公退。末由消遣。仍寫倪黃小幅。聊以自娛。此後或偶有小詩。亦不過如香山入洛以後。觸景抒情。託之水流花放。不再刻意求工矣。續編一集。爲繪聲漫稿。系以詩云。且拋風月雕鐫手。聊作煙雲供養身。未必名山容置我。終思文苑列傳人。雖執辭彌謙。而得失寸心。亦足徵其自信之篤也。

五十九年甲寅六十五歲。

春三月、

駕幸天津。公先於歲首專章請
覲既

報可。二月由楚北上。馳詣

紫泉行在。蒙

召見、

垂詢楚南北地方情形。奏對稱
旨、

賜詩一章、

命卽和呈進。時畿輔望雨綦切。公和詩有

披衣五夜勤民意。靈雨宵零理可推之句。是夕果得雨、
上大悅、



儒藏

弁山畢公年譜

賜福橘一盤。公以年老多病，乞補京秩、

上諭云：汝是好總督，汝且去。乃於趙北口送

駕。夏四月，回武昌任。五月，兼署湖北巡撫事。秋八月，奉

命監臨文闈，旋卸巡撫事。會陝西安康縣、四川大甯縣邪

教案起，皆稱傳教係湖北人，展轉牽引，至以百數。公

馳赴襄陽，按獲訊辦。九月，奉

旨摘去花翎，降補山東巡撫。卽卸交總督印務，仍馳往房

縣督緝遞上傳教要犯。先後擒獲一百八十餘人歸

案，定擬覆奏。冬十月，自襄陽啟行。次孫芝祥娶婦汪

氏，候選知府

與

孫女太學生

瑚

女。十一月，抵山東巡

撫任。時河南衛、沁二河秋汛泛溢，淹及東省之臨清、



德州、館陶、冠縣、恩縣、邱縣、夏津、武城、暨臨德二衛。蒙恩加兩倍賞卹。所有本年應納秋糧概行豁免。公至之日。卽親歷災區查放展賑。並請將本年漕米一體全蠲。猶慮加賑以後。去麥秋尙遠。民食旣急。必致糧價日增。復籌款遴委幹員分赴沿河一帶豐收處所。按照市價糴買。由水程運至附近災區等屬。分晰存貯。預備明春平糴之用。又由東昌而至臨清。催趲漕運。挑濬開河。靡不悉心籌畫。依限蒇功。奉

硃批。此番可謂用力矣。有

旨。交部議敘。自十月至十二月。濟南附近五十一州縣連報得雪五六寸。或有積至尺餘者。民間交口稱誦。以

爲非公敷宣

帝澤不足以感召休祥。蓋一二十年僅見之事也。第三女懷珠許字

至聖七十三世孫襲封衍聖公孔慶鎔。是年奉賜

御筆四十二章經墨刻一卷、行楷書墨刻二函、

御製續纂祕殿珠林、石渠寶笈序墨刻一分、

欽頒慎戒思存墨刻。有繪聲漫槩暨海岱驂鸞集共一卷。六十年乙卯六十六歲。

春正月奉

上諭畢沅前因竹谿縣邪教奪犯毆差一案降補山東巡



撫咎在失察。尚非不可原宥之過。著加恩。仍補授湖廣總督。公與學政阮公元商議修纂山左金石志。搜羅廣博。攷證精核。會有湖督之

命。諄屬阮公繼成其事。書成凡若干卷。其義例皆公定也。先是奉

旨。明年卽屆歸政。所有各省民欠銀穀。各督撫查明奏請豁免。公未去任前數日。飭查山東通省節年正耗民欠銀四百八十七萬四千二百一十一兩零。又常社米穀五十萬四千二百石。悉奏除之。旋卸巡撫事。遵

旨卽赴新任。二月。行次襄城。聞貴州銅仁苗民石柳鄧。湖南永綏苗民石三保聚眾滋事。卽兼程由襄荆馳至

常德接奉

諭旨令駐荆、常適中之地、籌辦軍火糧餉、妥速接濟、且爲後路應援。時調任總督福公甯、提督劉公君輔帶兵在鎮、竄進剿、永綏、乾州、鳳凰等三廳、其地並爲賊藪、徵調益多、轉饋彌亟、公

奏於常德設局、就附近辰州之長岳、常澧、及荆州等屬水次各州縣、先儘常社存穀、刻期碾運、常郡寬爲儲備、由辰州軍需總局陸續解赴軍營、惟辰州以上向用苗夫背負、此時自未便再行、且運費浩繁、若以船隻轉運、朗江上游、卽通五谿蠻地、較用夫自爲省便、已飭常德府縣多雇麻陽小船、米到卽兌運至辰州。



除酌留辰郡、以備將來乾州打通接濟兵食外、餘用原船徑運辰谿糧臺存貯。辰谿爲鎮、算咽喉、驛路運道俱由於此、又自巖門砦以至算城四五十里、巖重徑仄、山後卽係苗寨、出沒之處甚多、必須派委文武大員專司輓運、並於辰谿駐兵三百名、用資防護。而巖門砦以上層層設卡、撥兵旣衛軍糧、兼可周防後路。再、逆苗皆藏匿山谷、非火攻不能得利、已飭各該營縣將現存火藥先行解用、並飭武昌、漢陽二府督標中軍、武昌同知等分頭製造、並鉛彈火繩、隨造隨解。又札湖北藩司、別在漢口多多預備硝磺、運至常德、交管配製、一切軍行器械亦俱接續備辦、隨時調

用。又辰郡上游客商有因逆苗驚擾逃避來常者飭府縣酌給口糧妥爲安置。其鄰近苗寨各州縣諭令鄉村鎮市團練壯健協力堵防。並諭苗眾安分力耕毋爲逆黨煽誘自貽後悔。如有奮勇急公擒獻首惡石三保及偵探虛實報聞者立予重賞。至瀘谿係通乾州要隘且爲辰州門戶浦市尤沿江第一大市運道所必經前雖被賊焚掠尋亦奔竄。近聞督臣福甯有三面進兵之議則東路必由瀘谿而入設有阻隔所關非細。瀘城只有兵四百名蘇木谿三百名浦市二百名守禦尙單已札撫臣姜晟於前調北省兵過辰時卽截留一千名在瀘谿浦市防守且備進剿乾



州之用。又北省宜昌之鶴峰州、施南之來鳳縣均與永順接壤。鎮臣張廷彥前將施南等處防兵帶往保靖。該處地方緊要，不便守備空虛，已令於本鎮標兵內抽撥七百名前補施協額兵原數，並添派兵八百名在於鶴峰、來鳳、宣恩等處各隘口設卡嚴防。不特捍禦有資，兼可爲保靖後路援應。節奉

硃批：曰所辦合宜。曰諸凡用心可嘉。曰此次布置有何說好。閏二月，抵辰州，與湖南巡撫姜公晟會籌軍務。復檄調武昌督撫二標兵一千名來辰，飭鎮筵鎮總兵袁敏統轄，留駐瀘谿，搜捕附近零星苗匪。並檄宜昌鎮總兵張廷彥迅速進兵，由保靖、花園汛一路直向

永綏。又於現在撫卹之三廳難民中遴選丁壯練集義勇、支給口糧器械、派令防守城卡、如果得力、照臺灣義民例獎賞。各寨熟苗宣諭招徠、被脅者准令自首、安分者加以撫綏。其有爭先助順、効命前驅、卽分別獎勵、事平後將逆苗田產分給、並酌給籽糧牛具、以廣

皇恩而收邊效。奏入奉

上諭、畢沅著交部議敘、並賞給大荷包一對、小荷包四個。賊寇瀘谿及歐谿、洗谿、公添派守城兵四百名、令總兵袁敏擊退之。又令副將豆霽帶兵四百名出駐草潭、犄角歐洗、兼爲古丈坪一路聲援。三月、軌者寨百



戶石上進等帶同乾州西北六十二寨苗民詣辰投誠。是時大學士公福公康安、四川總督和公琳已攻破松桃、嗅腦、統安、籠松、潘二鎮兵直抵永綏。提督劉公君輔兵亦來會。賊解圍潰走。公飭令於花園、隆圍等處安設臺站，一應糧餉軍火寬爲儲備，轆轤轉運。總兵張廷彥、遊擊馬天奇駐兵接護。其附近各寨落降苗，賞給銀布米糧或牛具籽種，安心力作，以散其黨。奉

上諭：畢沅奏辦糧儲軍火等摺，辦理妥協，諸凡留心可嘉。著加恩賞戴花翎，並賞大荷包一對、小荷包二箇。夏五月，新寨左近龍鼻嘴等三十二寨頭人石兆元詣

辰投誠。又有辰州西界旦武營等二十五寨、板犁坪等四十三寨苗民咸來就撫。六月，保家樓苗寨頭人石大貴帶同永順、保靖及乾州西北八十八寨苗人詣辰投誠。秋七月，大營進駐長營哨，公馳至軍，與兩帥籌商善後之事，並於鎮筸一路查催臺站，復回辰州。八月，乾州、保靖、永綏、永順二百五十七寨苗民詣辰投誠。冬十月，奉

上諭：首逆吳半生業已俘獲，畢沅於辦理糧餉軍火等件均無貽誤，著交部從優議敘。十一月，大營生擒賊渠吳八月。乾州陷賊，良民及乾屬降苗前爲吳八月等焚劫逃竄，乘閒來歸者，公飭令按名入冊，散給衣糧。



賜

搭蓋篷廠。並各路災民按月散賑。卽委各員分路詳查妥辦。毋使失所。十二月。降苗縛獻賊渠石老四。斬之。公綜理儲胥。綢繆軍實。自七月以後。六省之師雲集楚境。供支日不下數萬。而賊氛充斥。動爲運道之害。旣設法疏通。源源相繼。咄嗟立應。又安撫難黎。招納降苗。心力煩紆。鬚鬢爲之頓白。每苗寨頭人入見。公輒便坐。不設兵衛。肫肫懇懇宣示。

朝廷威德。勉以自新。羣苗咸叩頭涕泣而去。相戒勿負公恩。故前後招安各苗五百有七寨。迄無一反側者。是年奉

御製上元燈詞冊識語墨刻一分、平定安南戰圖墨刻一分。

御製福康安奏報大勦逆苗詩、和琳奏報勦捕秀山苗匪詩墨刻各一分、福康安和琳奏攻克黃瓜寨賊巢詩墨刻一分。姪憲曾應順天鄉試中式舉人、弟瀧子。公聞捷喜甚、有得憲曾姪北闈捷報喜而有作一首。復馳書貴州學政門人洪亮吉云、是子詩文俱有根柢、今獲雋、愜吾願矣。是歲有五谿籌筆集一卷。

嘉慶元年丙辰、六十七歲。

春正月、恭逢

太上皇帝紀元周甲之期、

御殿

授寶、

皇帝登極、

授受禮成、謹撰典全一篇以獻奉。

上諭、此次畢沅所進詩冊、措詞典雅、尙爲得體。著賞給蟒袍料一件、大荷包一對、小荷包四箇、以示獎勵。續奉

恩詔、文官在京四品以上、在外三品以上、各廕一子入監讀書。公長子念曾早亡、以長孫蘭慶承廕。湖北枝江賊起、宜都、長陽、長樂各有賊應之、詭稱白蓮教、聚黨數千人、四出焚掠。公聞報、飛章

奏、卽兼程馳至枝江之望佛山、與巡撫惠公齡調兵進



儒藏

弇山畢公年譜

勦。連克蕭家巖、栗子山、長嶺沖、方家大山等寨，擒斬數百人。復進克太和山，山頂草棚布滿，悉縱火焚之，斬二百餘人。蒙

恩賞給玉扳指一箇、黃絛珊瑚豆大荷包一對、小荷包四箇。續

賞大荷包一對、小荷包四箇。公駐軍山梁，餘匪竄入山北之灌灣腦，而宜昌府境宋家觜對馬山，又各有賊數千人分擾遠安、東湖、當陽。公遣兵分往協防，復檄調河南南陽鎮兵一千、白荊門進發，陝西興漢鎮兵一千、白鄖陽進發，兩路合力以蹙之，則賊勢不虞滋蔓。未至，當陽陷，公急馳抵荊州，料簡現兵四百餘名，團



集鄉勇督同荆宜施道高杞署宜昌鎮總兵黃瑞等
由河溶徑趨蘇家河破卡殺賊二百餘人直薄城下。
南陽鎮總兵阿克東阿率兵來會公令三面安營佯
留一面爲可竄之勢而陰於左近隘口部勒兵勇分
路設伏伺其出輒擊斬之凡有間謀無不立擒者是
時北省諸標營兵皆徵赴苗疆十不存二三賊偵知
守備空虛乘閒竊發遠近勾結煽誘荆宜襄鄖施五
郡所在充斥多且數萬少者數千人破保康來鳳竹
山燒呂堰樊城圍襄陽三楚震動公先有請發京營
勁旅分駐襄鄖荆宜之奏至是
特命西安將軍恒公瑞烏魯木齊都統永公保統滿兵二

缺页



上以當陽日久不下、盼捷綦殷。夏六月、公親臨前敵指揮將士、四面如牆而進、以火箭火彈拋射城中。風狂燄發燒、其礮臺並近城席棚房舍數百間。復用計誘斬偽大元帥楊啟元。秋七月、克東門、賊退聚西北。我兵奮擊、殺一千餘人、擒偽帥陳德本、餘黨悉平。因籌當陽善後六事、一、編審民戶、二、分撥營兵、三、裁撤鄉勇、四、賑卹良民、五、旌獎忠節、六、修建城垣。奏皆報可。公躬攬戎機、兼籌全省軍火糧餉、及徵發他省兵馬。半年以來、遠則施南、宜昌、近則襄陽、枝江、諸大營援應供饋、靡弗仰給。攝萬緒於寸心、應百變於一瞬。左宜右有、隨機合節。又置身於桴鼓矢石之間、從容擘畫、

凝然秩然。雖其才力絕人，由是精神亦頗耗矣。旋奉旨卸湖廣總督篆，專查難民撫卹及賑贍荊州府屬之先爲水淹者。八月，仍還總督任。蒙

賞白玉喜字扳指一箇、大荷包一對、小荷包四箇。仍總管撫賑之事，親詣潛江、天門、沔陽、漢川、荊門。鍾祥各州縣履勘災區，疏銷積水，查明戶口，分別撫卹加賑。並奏修沿江堤工。賊竄鍾祥，公飭守令嚴堵溫峽口，而自馳至觀山軍營，與總統永公保、廣州將軍明公亮定議擊破之。賊走黃龍壩，公馳抵襄陽，分飭沿河各卡截獲逸匪三百餘人，並督同巴里坤鎮總兵徐昭
德、襄鄖道胡齊崙率兵邀擊賊於青河口，復殺二百



餘人生擒頭目夥黨一百五十餘人。又刊發簡明告示。如賊中有悔罪投出者。許以更生。量給口糧安置。先後從賊中逃出乞降不下二千人。皆免死。給予口食。安頓鐵佛寺。令地方官密爲稽查。復委員攜帶銀米分赴各村莊安撫難民。卽以解散餘黨。奉

硃批。此計是。正宜如此。蒙

賞白玉扳指一箇。黃辦大荷包一對。小荷包四箇。秋九月。奉

上諭。畢沅前此勦洗當陽賊匪。擒渠俘逆。肅清縣治。著有勞績。不可不加之懋賞。著賞給輕車都尉世職。用昭優獎。時大兵征苗已二載。大學士貝子福公

康安四

川總督伯和公琳先後並薨於軍。

上命廣州將軍明公亮、湖廣提督鄂公輝馳往總統。公以

苗疆略定、

天討用申、宜卽裁撤各苗寨官兵、而於四面要隘之處酌留防守、因條縷其事密疏陳奏。其略云、今乾州已復、首逆吳半生、石三保、吳八月亦以次就擒、僅止石柳鄧未獲、勢力窮竭、無可逞其伎倆。雖此外未剿撫者尚多、然俱零星寨落、散處山谷、其地不納賦稅、其人
不供差徭、而以十萬之兵駐守蠻荒、山巒瘴霧、毒氣
侵人、師旅久勞、未免疲頓、又多疾病傳染。且苗眾以
三廳爲窟穴、以耕種爲生計、今見駐有重兵、廢時失



業口食無資、自謂必無生理、石逆等反得從中煽誘、以遂其糾結抗拒之計。苗人甚眾、誅不勝誅、以臣愚見、轉不若乘其窮蹙、予以自新。卽如臣上年招降永順、保靖及永綏、乾州東北境之五百餘寨、至今並無攜貳、以此類推、苗人亦非敢終於怙惡、不過求延喘偷生耳。仰維

聖主胞與爲懷、凡負氣含生、皆同赤子。伏乞

赦其不共之罪、

敕下明亮等宣示

恩慈。先於四面各路將防兵安派停當、扼其要隘、固我藩籬、再將苗寨兵徐徐撤出、各還各省營汛。庶處處營

伍充實、安堵無虞、關係實爲至鉅。所有苗疆地方、楚省以鎮筸、乾州、永綏爲最要。鎮筸後路之巖門、高村、沅州、乾州後路之浦市、瀘谿、河谿、永綏後路之花園、隆團、永順之古丈坪、及黔省之銅仁、正大營、松桃、嗅腦等處、除本營額兵外、酌量增添。通盤籌算、周圍扼要、不過十二三處、留兵二三萬、分布控制。卽有出外滋事者、就附近各營用前人鵬勦之法、以懲儆之。或其同類仇殺、及尙有梗化之徒、只須於各降苗內、用以苗攻苗之計、不值再加以兵力。臣擬先將湖南、貴州兵儘爲本處防守、或不敷、另議酌添。俟募補新兵足數、再令各歸本營。仍飭鎮協內之驍勇幹練者、酌



留一二員與本省鎮將合力防守。又湖廣提督向駐常德、距苗境幾四百里、辰州爲三廳咽喉、僅以副將在彼、兵亦較少、不足以壯聲威而資彈壓。請將提督改駐辰州、以便就近控制。如此則兵不血刃、民各相安、而苗疆永慶敕甯矣。奏入、

上命下其章於軍中、俾將軍等議之。僉云平隴計日可破、宜姑緩以待石柳鄧之就縛、卽如所議施行。而一時督撫諸公讀其疏者、咸以公老成謀畫、思深而慮遠、雖趙充國之屯金城、賈捐之之棄珠厓、無以踰此也。

冬十月、

上以襄陽賊氛屢竄、

特發京營健銳火器兵二千、山東直隸兵各二千、星馳合
剿。公奏調直隸山東、山西、陝西馬各五百匹、分遣幹
員親赴邊口挑買、復得三千餘匹、解送軍營、爲衝陣
之用。所需鑼鍋帳房、趕造接解、一切軍火糧饟、安設
水陸臺站、添雇夫騾船隻、派員分投源源滾運。親督
鎮道弁兵等於後路堵防。施南旗鼓寨蕩平、太子少
保福公甯率師回赴宜昌、攻賊滋圪榔坪。而太子少
保尙書惠公齡亦盡殲深沖、涼山之賊、奉

命來襄代、永公保爲總統。每向公諮訪、開心見誠、多所贊
益。樊城經兵燹之後、人煙凋弊、井市寥闕。公稽考史
乘、茲地舊有城垣、自晉以來廢興不一、至前明傾圮、



不再修實。襄郡北江屏蔽，奏請復築城垣以還其舊。十二月，將軍明公亮既破平隴，追擊石柳鄧，斬之，生擒其子石老喬，旋吳廷義亦就俘。

上念公前奏、

命卽馳往湖南籌議安撫，分撤各路官兵。公覆奏云：苗疆久駐重兵，地多荒廢，苗民戶口繁多，惟耕種自食其力，三廳歲止一收，情形本甚拮据。今蒙

浩蕩深仁，撤兵俾安耕作，首以清釐民苗地畝，給還掌管。總不出來年二三月以內，卽使一律播種，不致有誤春耕。俟撫臣汪新抵襄接辦，告知一切緊要事件，卽行起程。是年奉

賜

御製宣諭建儲書事墨刻一卷、

欽定石刻十三經一分、四庫全書總目一分。著有采芑集一卷。

二年丁巳、六十八歲。

春正月三日、遵

旨自襄陽啟行、馳往湖南會辦苗疆善後諸事、其湖北軍

務交於巡撫汪公新接辦。弟瀧向病噎、公雖在軍旅、

時時致珍藥、冀克培養。至是聞訃、痛念手足、爲專人

經紀其喪。二月、抵乾州、與將軍伯明公亮、內大臣侯

額公勒登保、內大臣子德公楞泰、巡撫姜公晟、提督



男鄂公輝詳悉籌議撤回湖北滿漢官兵七千二百四十餘員名前赴襄陽、宜昌協剿。並四川、雲、貴官兵亦一體陸續抽撤，分赴達州、南籠各軍營聽候調遣。三廳甫定，公暨姜鄂二公奏請加賑及附近之麻陽、瀘谿、永順、保靖四縣難民，各展至五、六月底停止。又會奏苗疆添設營汛官兵，新設土弁，修築城堡各事宜。其略云：苗境地廣山深，將來留兵全撤，兵額較少，不足以資控制，是築堡添兵實爲目前急務。今於花園汛設立一鎮，以附近之永綏協、保靖營隸之。改乾州營爲協，以辰州副將移駐，隸提督統轄。其湖廣提督兼駐辰州，應將洞庭協移駐常德，而以常德城守

營移駐洞庭。此外如鎮筵屬之巖門汛、廖家橋、得勝營、小鳳凰營、樂豪、乾州屬之鎮谿所、喜鵲營、強虎哨、灣谿、河谿、花園屬之隆團、涼水井、沙子坳、永綏屬之滾牛坡、鴨保寨、辰州屬之瀘谿、烏宿、洗谿、浦市、永順屬之古丈坪，均擬設營駐兵，互相犄角。其中有因原設額兵不敷防禦，擬請增添者；有向無營分，今請添設者；有將原設營分酌量移駐者，皆察看地勢緊要，節節布置，期於控馭得宜。統計苗疆兩鎮兩協各營汛共添兵四千八百七十五名，大小員弁擬添總兵一員、參將一員、遊擊一員、都司五員、守備七員、千總十一員、把總二十二員，外委三十四員，額外四十四



名酌量分駐彼此互相稽察苗寨悉在範圍庶邊防
呼應既靈而藩衛益昭嚴密又鎮筓所屬之四營永
綏所屬之六里地方遼濶羣苗錯處前經和琳奏定
章程擇各路降苗之明白曉事者酌放土守備千把
外委等缺管理苗民除前此明亮額勒登保德楞泰
驗充拔補外臣等隨時驗放前後約四百餘人凡苗
眾爭鬪竊盜等事責成查辦並照四川屯練降番量
給饗銀之例依次遞減仍察看苗人是否始終悅服
分別陞降賞革以示勸懲其保靖所屬六七八三都
亦一體設弁給銀用資約束至乾州鎮筓永綏保靖
各處城垣業經勘估興修其餘官兵安營之處濠溝

壁壘粗有規模、只須補葺加高、毋庸另建。此外零星營卡、卽令該弁兵自行砌築。惟兵房一項、應請一律蓋造、每名給房一間、各就本營汛地鱗次搭蓋、安置兵眷。而辰郡撥駐提標兵一千三百餘名、帶眷遷徙、亦應按照人數添蓋兵房、俾供棲止。奏入、並

勅部如所議行。奉

賜

聖製詩五集一分。三月、教匪回竄應山、武漢戒嚴、公撤出北省、標兵九百餘名、交前任提督劉公君輔帶領、馳駐漢口鎮。復親歷鎮筸、永綏一帶、苗寨周加賞賚、撫諭倍至。苗眾擁道歡迎、伏地感泣。並勘視三廳城堡



各工及衙署兵房。事訖仍回辰州。四月、撤廣東西兵四千名、飭交高州鎮總兵木騰額、新太協副將官保等帶往達州協剿。又撤廣東兵一千七百餘名、飭交潮州鎮總兵托爾歡等分領回粵。五月、撤回雲南兵一千八百九十七名、廣西兵三千名、分赴南籠、西隴調遣。續撤廣東兵三千名回粵。各處城堡、營汛、兵房次第修造、添募新兵足額、留營差操苗疆。外省防兵數萬、至是全撤。方公甫至之初、遠近諸苗向嘗爲逆者、猶芽孽其間、反覆靡定、當事深憂之。公怵以嚴威、結以恩信、身率數騎出入蠻寨之中、推心置腹、如我赤子、見者爭稽顙悅服、奔走偕來。遂乃洗甲韜弓、還

師振旅。境外有長城之固。軍中無刁斗之驚。戎政具修。邊患永弭。跡其從容鎮靜。若無所難。而五月未周。萬里咸輯。南人服諸葛吐蕃拜令公。方諸古人。何慚鼎美矣。苗疆向有神祠。土人稱爲白帝天王。苗民畏服。屢著靈異。奏請

勅封神號。又從前三廳殉難文臣彭鳳堯、武臣明安圖等四十四員、紳士王乙魁等四十餘人、並盡節婦女、查

明請

旨議卹。公自爲諸生時。讀涑水資治通鑑。輒有志續成之。凡宋元以來事蹟之散逸者。網羅搜紹。貫串叢殘。雖久典封圻。而簿領餘閒。編摩弗輟。爲續通鑑二百二



十卷。始自建隆訖於至正。閱四十餘年而後卒業。復爲凡例二卷、序文一首。畢生精力盡於此書。至是乃付剞劂。藝林鴻寶。海內爭欲先覩爲快。公體素豐碩。頻歲久勞勩。時時致疾。猶盡心國事。宵旦不敢自安。是月二十三日。偶失足仆地。侍者掖起之。左手足微不仁。遂病。

上聞、

特賜

御藥房修活絡丹二十九丸。屢

降旨詢問、

諭令安心靜攝。公感激

主恩雖在牀蓐，仍力疾視事。辰州本邊徼，無良醫，藥品尤劣，服餌久不效。至閏六月後，病日亟。次子嵩珠、長孫蘭慶來侍疾，惟屬以讀書上進，勉報。

鴻慈無一語及私。秋七月三日丑刻卒於辰州行館。臨終手草遺疏，流涕望闕，作叩謝狀，情詞悽愴。並請以長孫蘭慶改襲輕車都尉世職，而以次子嵩珠承廕。疏入，奉

上諭：湖廣總督畢沅老成練達，勤幹有爲，宣力封圻二十餘載，前歲剿辦苗匪，經理軍儲，並無貽誤。上年教匪滋事，該督帶兵收復當陽，曾賞給輕車都尉世職。嗣駐劄辰州，辦理湖南苗疆善後及撤兵各事宜，積勞



嬰疾特由驛馳賜丹丸俾資調理。旋據該督奏稱數日以來尙能力疾視事。節次諭令安心靜攝。以冀速痊。茲聞溘逝。殊深軫惜。著加恩晉贈太子太保。所有應得卹典。該部察例具奏。至前賞該督輕車都尉世職。著照所請。令伊嫡長孫畢蘭慶承襲。其應得廕生移給次子畢嵩珠。以示眷念。施恩至意。有五谿籌筆續集一卷。八月。靈輒旋武昌。冬十月。抵里。禮部專疏請

卹奉

旨依議。蘇州府知府任公兆炯親詣讀文致祭。其文曰、
皇帝諭祭病故原任湖廣總督畢沅之靈曰、鞠躬盡瘁、臣

子之芳蹤卹死報勤國家之盛典。爾畢沅性行純良、才能稱職。方冀遐齡、忽聞長逝、朕用悼焉。特頒祭典、以慰幽魂。嗚呼、寵錫重壚、庶慰匪躬之報、名垂信史、聿昭不朽之榮。爾如有知、尙克歆享。嘉慶三年春三月十八日、其孤嵩珠、鄂珠及孫蘭慶等奉櫬卜葬吳縣上沙。舊有陸氏水木明瑟園、公愛其幽曠、購爲別業。至是遂營吉壤。少司寇青浦王公昶表阡、少詹事嘉定錢公大昕誌其墓。信今傳後、百世下庶有徵焉。右年譜一卷、善長於丁巳夏初從事辰州行館、承公命掇拾編次、甫及半而公已病矣。將病前數日、公笑語善長曰、吾屢以此事屬君、君牽於眾務、卒未就。平



生本末咸在聞知比十年尤所親見。心勞力瘁具有萬端庶君能條縷而宣達之。惟冀速成幸毋嫌能事促迫也。嗚呼孰意其將歸道山若有先見耶。公長身偉幹豐頤而廣額疏眉目容止威重望若天人其政務崇

國體卹民艱僚屬推誠不爲苛察人亦無敢售以欺詐。所交皆當代鉅卿初在

樞庭史文靖公居政府每見必稱大才。機鑒精明引薦多成偉器。今大學士諸城劉公四川總督宜公前兩江總督福公雲貴總督富公陝撫秦公雲撫江公貴撫馮公楚撫汪公並其向時屬吏也。尤好延攬英駿

振拔孤寒、士之負笈擔簦走其門者如鶩。片長薄技、罔弗甄錄。海內慕爲登龍。餘姚邵學士二雲經術湛深、陽湖洪編修稚存、孫觀察淵如、文章博瞻、咸得公講授汲引之力。逮沒、士林痛傷之。性恬淡、無他嗜好、獨愛鑒別名人手跡。凡晉魏以來法書名畫、秘文、秘簡、暨金石之文、抉剔蒐羅、天下儲藏家羣推第一。勤學富著述、從少至老、無一日廢書。每鏤布一種、遠近爭求、至爲紙貴。今未刊者尙有靈巖山人文集八卷、史籍攷一百卷、河間書畫錄四卷、三楚金石記三卷、湖廣通志一百卷。嗚呼盛矣。善長向客西徼、早識公。越十年、迺就幕府。又六年而公卒。從其喪由辰州歸。



及茲始克送葬，然知己之感未嘗一日去諸懷也。公嘗夢其前生爲終南山道士，故寫終南招鶴圖以寄意。其沒也，辰郡首邑沅陵喪歸，以八九月與公姓名字並符合，益歎降嶽列星，非偶然者，因併記於末。時嘉慶戊午夏四月，善長謹識。

先祖 宮保公遺有經訓堂叢書、關中勝蹟圖、靈巖山人詩集、年譜。各版片向藏家園，庚申燬於兵燹。長慶大懼 宮保公一生著作泯沒不傳，先將年譜一卷付梓，餘俟陸續重鐫。

同治十一年仲夏上澣，孫長慶謹識。

曾孫 庭森 謹校。
蔭笏

校記

①「注澧」之「注」乃「淮」之誤，見乾隆《御製文集》二集卷一五原文。

病榻夢痕錄

清·汪輝祖 口授

清·汪繼培 記錄

清·汪繼壕 整理

劉琳 校點

郭齊 一審

周斌 二審

清光緒間刻本

《病榻夢痕錄》二卷，清汪輝祖口授，汪繼培、汪繼壕記錄，汪繼坊整理；《夢痕錄餘》一卷，汪輝祖自撰，汪繼坊等補編。清光緒間江蘇書局刻《龍莊遺書》本。

汪輝祖（一七三一—一八〇七），字煥曾，號龍莊，晚號歸廬，紹興府蕭山（今浙江蕭山）人。少讀書，習舉業，父亡家貧，自二十三歲起，為養家糊口，受州縣聘為幕友，協助處理刑獄。曾從同事諸暨駱彪究心刑名之學，成為當時著名的「紹興師爺」。佐治之餘，不忘治學應舉，於乾隆四十年登進士第。此後十年，仍在江浙各地為幕賓。乾隆五十一年授湖南寧遠知縣，在任頗有治績，深得民心。調署道州知州，未上任，以忤上司被劾罷官歸家。嘉慶十二年卒，年七十七。輝祖留心史學，嘗與著名學者邵晉涵、章學誠、錢大昕等交遊。著有《佐治藥言》、《學治臆說》、《二十四史同姓名錄》、《遼金元三史同名錄》、《史姓韻編》、《元史本證》等。

《病榻夢痕錄》乃譜主於嘉慶元年病中口授，命二子繼培、繼壕記錄，再由長子繼坊排比整理而成。紀事起於雍正八年，止於嘉慶元年六月。《夢痕錄餘》則為嘉慶三年夏起由作者手自筆錄，以後隨錄隨刊，起於嘉慶元年七月，止於嘉慶十一年元旦。自此至次年三月譜主去世，中間十五個月事，為其諸子續錄。

此二書既為年譜，又是回憶錄，其記載較一般年譜更為詳盡。雖曰口授，但決非只憑記憶，而是根據大量的原始記錄而成。書中備述了作者一生苦學、佐幕、做官、家居之歷程，及其為人處世、思想感情、家庭生活、社會交遊；記錄了他處理過的重大案件，他為記事抒懷所作的詩歌，師友的言論與書劄。讀過此書，仿佛一個活生生的汪輝祖就站在你面前，可以增進人們對幕客（「師爺」）這一特殊人群之認識。特別值得稱道的是，作者非常關心普通百姓的生活，書中用很多筆墨詳細記載了各時期田地、糧食、棉花的價格，銀與錢的比值，番圓（西洋銀元）與錢的比值，年成的豐歉，災荒與災民的慘況，等等，具有極珍貴的史料價值。因此有學者說此譜不但是汪輝祖個人的傳記，而且可當作一部乾嘉年間的社會經濟小史。



古人晚節末路不忘箴儆。往往自述生平。藉以考鏡得失。亦行百里者半九十意也。余少孤露。承先人遺訓。凜凜懼隕墜。佐治入官。數十年間。境遇夷險。風景變遷。情動於事。過輒忘之。奉職無狀。邀荷

聖恩。不加重譴。歸卧故廬。省謬補過。他山之錯。畏我友朋。多舉既往。以勸將來。去冬。嬰末疾。轉更沈劇。自分必死。恐無以見先人地下。循省舊事。不已於懷。嚮之所忘。今迺歷歷在心目矣。會感夢中案冥事。益信一言一行。如有臨鑒。入春以來。病體稍閒。

口授培、壕兩兒依年撮記。至今夏而止。六月坊兒試禮部還。命其重加排比。析爲一卷。題曰病榻夢痕錄。東坡詩云。事如春夢了無痕。余不敢視事如夢。故不免於痕。雖然。夢虛也。痕實也。實則誠。誠則毋自欺。硜硜之守。實卽在此。書其端以告子孫。俾知涉世之難。保身之不易也。歸廬主人輝祖識。皆嘉慶元年七月一日。

病榻夢痕錄

卷上

雍正八年庚戌十二月十四日寅時。余生於大義邨中。
巷尙友堂之東室。汪氏自大倫公始。由鄞遷蕭山。
傳十六世爲曾大父孚夏公。諱必正。曾大母
沈孺人。生子三。先大父贈文林郎朝宗公。諱之
瀚。季子也。先大母贈孺人卽曾大母姪。生二
子。長爲先考原任河南衛輝府淇縣典史贈文
林郎晉贈奉直大夫南有公。諱楷。輝祖。遯遷蕭祖
爲十九世孫時。奉直公以謁選入都。先嫡母



方太宜人宿疾未瘳、先生母徐太宜人免身四日、卽起治爨汲、因得脾泄病、至老不瘳、爲輝祖終身罔極之痛。同里王宗炎填諱。

九年辛亥二歲。

奉直公畱京都。先是 奉直公與山

陰王坦人先生

宗閔

交最摯、庚戌六月王宜人生、

卽有婚姻之約、及余之生、遂訂姻焉、無媒妁也。

十年壬子三歲。

奉直公選河南衛輝府淇縣典史之

官。

十一年癸丑四歲。

十二年甲寅五歲。就外傳。五月二十九日、先嫡母方



太宜人卒。

徐太宜人嘗語

輝祖

汝生時、吾方年

少、晝勞苦、主母恐吾倦寐、失汝乳哺、夕抱汝寢、汝

啼付吾乳、乳訖復抱去。易襁褓、燥溼必身親、以爲

常。氣垂盡、尚執汝手、屬汝兩姊好好照看。憐汝如

此、汝當時時記念。

輝祖

年四五十、與兩姊言、感母

慈恤、猶相向泣下也。十一月、先大父爲 奉直

公聘繼室 王太宜人。

十三年乙卯、六歲。

王太宜人偕

徐太宜人挈

輝祖

之淇縣、延家靜山師

崇智

至署課學。

乾隆元年丙辰、七歲。

先大父至淇署、命余曰

輝祖。輝

祖之生也。先大父年已五十有九，甫抱孫，甚喜。咳名曰垃圾，取其賤且多，而有資於農也。五歲就傳，更名曰鰲。至是見余能解字義，可讀書，爲定今名。余見酒輒喜飲，一日署中讌客，有火酒盜飲，醉死，浸髮水中，越夕乃甦。自是杯勺不能入口。

二年丁巳，八歲。讀書官署，有兩陶器俱墮地，薄者毀焉。奉直公舉完者而示。輝祖曰：能厚如此，則均完矣。因言做人須厚如綬，可耐幾年過，卽爲紙，亦須爲繭紙，尙可剝幾層，若爲竹紙，則一觸便破矣。

三年戊午，九歲。讀書官署。



四年己未、十歲正月、奉直公以先大父年老家有

弟、例不得終養、引疾去官。三月、發淇縣、取道濟甯。

王太宜人方姪身同徐太宜人坐獨輪蓬車、

甚苦、以貧不能雇大車也。五月、抵家。弟榮祖生七

月殤。先大父寶愛輝祖甚、每觀劇、必令隨侍。歸

則問所演劇姓名賢否、能對則喜。一日、觀演繡襦

記、先大父曰、鄭元和賴得中狀元、可以做人。輝

祖對曰、雖中狀元、畢竟不成人。先大父嘗舉以

告親黨曰、此兒竟識得做人。輝祖至今識之、不敢

忘。一日、有鄰生歲試劣等、眾斥其名、輝祖亦笑之。

先大父怒扑輝祖曰、是秀才纔有等、汝尙無等、

安可輕薄笑人。輝祖跪謝、則又曰、吾望汝他日做

秀才、著藍衫拜吾墓下耳。十月、仲姊歸孫氏、余潛

出登舟觀綵輿、失足墜水、沒入舟底、逾時獲救、

先大父痛撻之。十一月二十日、先大父卒。是歲

仍從靜山師學。

五年庚申、十一歲。元日、效蹴鞠戲、奉直公訶止之。授

陳檢討四六一冊、令每日讀半篇、不得下樓。輝祖

後佐幕、以駢體文受知當事、本於是也。是年、延邑

生鄭又亭師嘉禮主塾、令輝祖受業。初、奉直公



以賈起家、置田百餘畝、援例入官。先叔父里居、爲博徒所蠱、斥賣幾盡。奉直公旣歸、或謂訟必直、田可復也。奉直公不忍臯叔父。至是資用日絀、經理先大父墳墓畢、之廣東謀生。八月十五日、夕、紆道過會稽外家。輝祖從。初放舟、密雨如絲。輝祖枕。奉直公左股卧。行二十餘里、撫輝祖起、推蓬四望、顧謂輝祖曰、兒知吾此行何爲者。輝祖未有以應也。奉直公曰、垂老依人、非吾願也。幸老親尙健、不及此時圖生理、兒將無以爲活。輝祖泣、奉直公亦泣、瀏漓不自勝。强爲輝祖收淚、雜舉

經書令輝祖背誦。因問曰：兒以讀書何所求？輝祖對曰：求做官。奉直公曰：兒誤矣。此亦讀書中一事。非可求者。求做官未必能做人。求做人卽不做官。不失爲好人。逢運氣當做官。必且做好官。必不受百姓詬罵。不貽毒子孫。兒識之後。又雜舉論語學而孝弟數章講說之。夜分乃寢。至會稽。又手授綱鑑正史約一冊。曰：日後長成當熟此。遣輝祖歸家。遂行。蓋自此不復奉庭訓矣。

六年辛酉十二歲。從鄭又亭師學。奉直公於前一年十二月十五日卒於南海旅邸。四月喪歸。兩太



宜人勵節食貧紡績餘功兼餽楮鏹自給晝夜不
 少休息常泣而訓輝祖曰兒不學必無以爲人汝
 父無後吾二人生不如死督輝祖愈嚴。

七年壬戌十三歲從鄭又亭師學時門緒中衰近族多
 不自立諸博徒復誘之皆疑兩母從宦有私蓄
 日夜慫恿叔父向兩母索錢不得錢則撻輝祖

兩母百方貸錢應之甚至從徐太宜人手簞
輝祖去多有勸徙居以避者兩母以宗祊在堅
 不聽往往炊煙不繼至衣單禦冬奉先大母及
 育輝祖則衣食無少缺也。

八年癸亥十四歲。從鄭又亭師學。同學四人。遇輝祖獨

嚴。每作一藝。必令三四易稿。自晝達昏。不使頃刻

暇。輝祖甚苦。私屬姊壻孫惠疇世采問之。師曰。此

子必可成就。惜不肖潛心。吾鞭辟近裏。或可望其

向學。縱之則終身誤矣。輝祖一生感師言入肺腑

也。以兩太宜人。力不能具脩脯。歲終師他就館。

九年甲子十五歲。族叔奐若先生家。延上虞徐冠周師

冕主塾。輝祖附學焉。朝暮往來。徐太宜人親翼

護之。師年將七十。子幼。視輝祖則念己子。故教輝

祖極摯。爲制字曰煥曾。嘗勸輝祖曰。若不勉學。不



能成立、若母無出頭日矣。蓋知輝祖之有家難也。
輝祖家與塾隔河、每出塾、師必目送。輝祖過橋、乃
入、至今念之、猶常泣然。鄭師閱文最嚴、師以鼓勵
爲事、獎許甚至、故是年行文調暢。蓋非鄭師無以
立學之基、非師無以長學之趣。二師之教如此、所
謂相得益彰者乎。是歲外舅王坦人先生官淮安
山陽縣典史、或傳余從叔父博塞無行、有獻諛者
謂無嫌、可悔、家人幾惑其說矣。王宜人聞之日
夜泣、母氏以告、外舅憐之。時余方學爲詩、卽事云
事有難平處、心無不用時。題牡丹圖云、圖成莫訝

開不早。開時便得稱花王。長短句云。腸似黃河迴九折。一折一番愁。河流無盡頭。愁到幾時休。里人傳至山陽。外舅見曰。此子能處憂患。雖辛苦。終當有成。浮言漸息。

十年乙丑十六歲。徐師以疾去。輝祖力不能更從他師。依兩母起卧小樓。兩母督之學。不敢跬步出門外也。檢先人遺篋。得太上感應篇註。覺讀之凜凜。自此晨起必虔誦一過。終身不敢放縱。實得力於此。

十一年丙寅十七歲。依兩母學。縣試童子。輝祖請往。



兩母謂輝祖學未成且家貧未之許也。固請、

兩母曰、若自揣可進學乎。輝祖自謂其技輒應曰、

可。兩母曰、既可進學、豈有不令汝去者。六月、至

縣、見試人多著紗單衫、心羨之、或贈錢許製衣、輒

代作文。比案發、族中十八人皆招覆、輝祖獨不與。

兩母不悅、既知輝祖受錢、則大怒曰、兒無志氣、

爲利不惜名。予扑而遣歸錢。輝祖痛自悔、晝夜學。

八月府試、十八人者皆不招、輝祖終試。九月、督學

江甯陳秋崖師其試第六名入縣學。首題盡徹

題三里之城兩節。從山陰茅再鹿師詒孫論文。

十二年丁卯十八歲。王氏母舅延課諸子。凡七人。館脩
十二緡。以三緡餽山陰張百斯師。嗣益從論文焉。
應鄉試。第一場有同號生呼求換卷。提調鹽驛道
趙公。侗數見其七藝俱完。而卷前後各書一好字。
如杯大。問之生曰。某卷完熟睡。夢人伸手入簾曰。
汝今科必中。令於手心手背各書一好字。不料俱
在卷上也。趙公曰。好字於文爲女子。汝自問平日
有臯過否。生再三哀籲。換卷另書。貌若甚恐。場中
有鬼神。可不懼歟。浙江額中舉人一百四名。是科
始減十名。榜發不售。



十三年戊辰十九歲。二月外舅以輝祖不能專學招至

官中從山陽孝廉許虛舟師廷秀游。至十一月歸。

有邀觀社劇者。余謝不往。徐太宜人曰。今日戲

場喧嚷。吾都無所恐。往時汝去。吾聞嘈雜聲。卽膽

碎。慮汝挨擠也。余聞之。悚然汗下。從此不敢入戲

場。是歲叔父挈眷他徙。大母欲偕行。兩母泣

畱而止。

十四年己巳二十歲。仍館王氏舅家。從張蕢斯誦論文。

十一月王宜人來歸。

十五年庚午二十一歲。山陰馮思詠師館安昌沈氏。輝

祖從游焉。五月朔嚮晦、發頭眩病仆、跌後園池步、腰以下皆沒水。黃昏、館僮覓獲救起、尚未甦也。甦而病遂歸。八月、應試不售。

十六年辛未、二十二歲。族伯表山先生鐸延課子弟。是

歲訂交。先生子堉、山陰徐頤亭。夢齡。頤亭上舍生、篤學、工醫術、後

以醫歿。作應舉文寄山陰楊魯蕃師際昌誨定。於塞外。

十七年壬申、二十三歲。二月、應

恩科鄉試不售。是科三場策問小學、余素未究心。仁和

嚴古緣果淹雅貫通、爲余厯厯言之、始得完卷。自

此訂交、并交其弟鐵橋。誠。古緣爲人慤信、有學行、屢過其家、慶雲橋、孝友。



雖和數十年如一日。鐵橋尤工藝。外舅署松江金
 事。中乙酉舉人。古緣中庚寅舉人。外舅署松江金
 山令。三月十五日赴金山。自此入幕矣。然余頗不
 欲以幕爲業。掌書記外。讀書如故。月脩三金而已。
 十八年癸酉。二十四歲。館金山。三月。長女生。五月。外舅
 署常州武進令。偕之武進。七月歸。應鄉試。大母
 已病。闈後輝祖疾作。外舅以館事招。不得不行。又
 不忍別。大母行。大母聞之。呼輝祖曰。兒行幾
 時。還對曰。得中。約九月二十三日可還。不中。當
 至臘底。大母曰。兒必中。然尙早。我不及待。兒亦
 不及待我。兒行。毋念我。王太宜人泣曰。兒今且

病奈何。大母曰母慮兒有後福多壽多兒孫。先是徐太宜人不得於叔母因漸失。大母歡心。輝祖又不肖往往爲。徐太宜人累比。大母篤老叔母棄去不顧。徐太宜人奉事惟謹。竝教。輝祖出體。大母意。大母安焉。至是呼。徐太宜人至榻前曰若善事我願若子孫皆如。輝祖子孫娶婦皆如若也。余遂行。十月初二日。大母卒。時。輝祖未歸耐身耐梓皆。兩母主之後。輝祖十五年舉於鄉。又七年成進士。今年六十餘。回思大母言若前知者。



十九年甲戌二十五歲。四月、外舅丁內艱、在武進候代、
薦余揚州鹽商程氏主管文翰、歲可得脩一百六
十金、余欣然應之。旣聞商人倨甚、每坐榻牀、倚炕
桌南面、客皆侍坐白事。余度不能耐、告外舅辭之。
不二月、常州知府海陽胡偶韓先生文伯招掌書
記、以外舅故、屬吏無關聘、歲脩二十四金、余就之。
聞者俱以爲怪、余曰、脩雖少、太守當賓禮我也。外
舅頗以余爲傲、然甚韙余言。

二十年乙亥二十六歲。二月、館常州。公事暇、從同事諸
暨駱炳文先生彪究心刑名之學。九月、胡公陞江

蘇督糧道予辭焉。公曰：吾遂不能久屈于乎。畱益堅許，每月增脩八金，蓋一歲不啻倍蓰矣。遂同之常熟。胡公端人也，禮余在諸賓之上。每遇大事，必招與議，所持論多見採納。嘗語諸子曰：汪君必不久於人下。異日國家有用材也，兒輩當師事之。公嘗言能思則事成。思之爲字，田在心上，田中一十字，四面俱到，缺一面則心有未至。故公慮事最密，時號三世佛，謂過去現在未來無所不用其思也。待余極瑣碎，語人曰：汪君明爽，吾欲以細緻成之耳。余佐幕數十年，得免粗疎之咎，皆公之教也。



凡代譔文字、類用駢體。一日譔陝藩唐莪邨先生
綏祖祭章序、其巡撫湖北時被劾起用、胡公弗慊
也。踰月、陽湖楊編修述曾自揚州還、言祭章八十
餘、無過常熟者。公以語余、喜見顏色、後有所作、無
不稱指。嗟乎、士當未遇、豈不重賴先輩齒牙餘論
哉。時禁私鑄小錢、舊傳寬永通寶、撫軍行查年號
來厯。會有贈胡公曝書亭集者、余鐙下偶檢閱、其
跋吾妻鏡云、吾妻鏡亦名東鑑、前有慶長十年序、
後有寬永三年國人林道春後序。東鑑爲日本國
書、寬永三年者、明天啟四年也。遂白公据申。開卷

之有益如此。自此幕務稍閒，卽從公假書記誦，不敢自暇逸矣。是年歸第四妹於山陰沈有高仁垓。紹興秋收大歉，次年春夏之交，米價斗三百錢，勾殍載道。

二十一年丙子，二十七歲。胡公督運臨清，余以病不能遠行，就無錫縣魏公廷夔館副秦君治刑名。秦君專法家，熟律令。縣民浦四童養妻王氏與四叔經私事發，秦依服制擬軍。余曰：童養也可以凡論，秦不可。魏公屬余主橐，余以凡上。常州府引服制駁，余議曰：服制由夫而推，王氏童養未婚，夫婦之名



未定、不能旁推夫叔也。臬司以王氏呼浦四之父
爲翁、翁之弟是爲叔翁、又駁。余議曰、翁者對婦之
稱。王氏尙未爲婦、則浦四之父亦未爲翁。其呼以
翁者、沿鄉例、分尊年長之通稱、乃翁媼之翁、非翁
姑之翁也。撫軍因王氏爲四妻、而童養於浦、如以
凡論、則於四無所聯屬。議曰、童養之妻、虛名也。王
習呼四爲兄、四呼爲妹、稱以兄妹、則不得科以夫
婦。四不得爲夫、則四叔不得爲叔翁。撫軍以名分
有關、又駁。議曰、禮未廟見之婦而死、歸葬於女氏
之黨、以未成婦也。今王未廟見、婦尙未成。且記曰

附從輕言附人之臯以輕爲比。書云臯疑惟輕婦而童養疑於近婦。如以王已入浦門與凡有閒比凡稍重則可。科以服制與從輕之義未符。況設有重於姦者亦與成婚等論則出入大矣。請從重枷號三箇月。王歸母族而令經爲四別娶似非輕縱。遂蒙批允。余名頗爲撫軍所知。撫軍者番禺莊滋圃先生有恭也。五月魏公丁內艱。余歸應鄉試。是科舉人廣額十名。九月下第。胡公復以柬招之。常熟仍司書記。十一月胡公同錢穀友朱君赴淮安謁總漕余偕行。舟次胡公與朱持論多齟齬。將至



淮安余詢其故。因江淮衛漕船多滿十年。糧道已發價改造。其閒有停運三次二次者。戶部以未滿十運駁取擅動庫項職名。朱援例頂詳。總漕不准。是以主賓迂。朱檢例案付余披覽。曰。吾遵例。夫何尤。余曰。君援十年之例。而部以十運爲計。創也。非破其十運不可。胡公大喜曰。是說今始聞之。朱曰。吾力竭。請以累子。余辭不獲。遂爲之議曰。截畱漕船。以裕民食。破格之。

恩前所希有。是以向來止計十年。而不扣足十運。但船隻一項。利於行駛。不利停泊。蓋一經停運。久泊河

千上之日曬雨淋、猶有苦蓋銀兩、時爲檢點。至船底版片泥膠苔結、日漸朽損。若因船身無恙、勉強起運、重載米石、遠涉江黃、設有疎虞、所關匪細。故不敢因慎重錢糧、致誤

天庾正供。既滿十年、不得不造。朱覽之曰、吾實念不到此。胡公遂錄稟呈總漕蘊公著大爲許可、令速歸、請撫軍會行、萬一部駁、可奏免也。後呈稟撫軍莊滋圃先生曰、理足詞達、必可不致部駁。又曰、此稟另一手筆、得毋易友乎。胡公以余名對。先生曰、前在無錫辦浦姓案、甚有膽識、將來條議、當令此君

爲之。余自此更爲胡公契重。遂畱常熟。兼司條議事。次年。

聖駕南巡。胡公派理船隻并前營差務。十月。余同赴清江浦。余自出游。歲終必歸省。是歲卽於途次度歲。王事靡盬。不遑將母。佐幕者義分亦然。

二十二年丁丑。二十八歲。畱胡公幕。四月。差竣。偕至江甯。辦報銷。寓秦淮河房。得以略游金陵名勝。七月。回常熟。又同胡公赴海州督捕蝗蝻。兩旬餘。又至安東。回署。十二月初。同至常州查漕。蘇州白糧幫千總姚起濬忤胡公意。立欲劾參。余以口過不可。



議相左、初五日辭歸。

二十三年戊寅二十九歲。正月初八日、胡公遣戚持札到家、代爲謝臯、再三堅請復同至常熟。常熟有虞山、虞仲言子之墓在焉、虞墓上言墓下。虞之子姓爲仲氏、每展墓必經言之墓道。言以爲越界、歲必競由縣而府而司、而巡撫訟十餘年未結。撫軍委胡公查議。仲以言墓在虞墓禁地之內、謂言氏占其墓道。言氏之譜牒則界起於漢時、各不相下。道左十餘丈有荆榛僻徑、言欲仲另闢行路、而仲不願也。故斷斯獄者卒無成議。余以爲非可例定也。



乃爲之議曰、墓前禁地之說起於後世、仲說不足
 爲憑。言譜墓道起於漢時、亦荒遠無稽。虞先言後、
 相距數百年。虞以讓國而逃、必不愛此區區之地。
 言爲道南文學、禮讓爲先、必不忍與先賢爭路。兩
 姓互持、皆非祖宗本意。若舍正途而另闢荆榛、不
 惟不便、亦屬非禮。應令仲氏每年展祭、俱由言氏
 墓道而上、墓道之外、不得樵採、庶奠幽魄而杜囂
 風案遂定。胡公欲畱余度歲、至十二月二十六日
 猶未許歸。余題詩於壁、如歸豈復歎他鄉、爆竹聲中歲欲央。入口自憐窮骨
肉、一年幾得好時光。殷勤醴酒開東閣、寂寞殘羹侵
衣負北堂。記得臨分曾有約、椒盤鞠脰捧霞觴。侵

曉胡公見之曰吾過矣。卽具快船飛送於除夕到家。是年聞靜山師卒於京師。屬族兄鳳琳綬歸其喪。歸第三妹於同邑陳景聲之柔。初自號曰龍莊。以家居鎮龍莊也。

二十四年己卯三十歲。正月以媵婢楊氏爲妾。赴胡公幕。三月昌邑孫景溪師爾周自山東至署。胡公屬

余錄文字就正。余錄窗課三十篇面呈。閱一月師不置一詞。心疑之而不敢請也。以告胡公。次早余未起。師衣冠來謝曰。子文久閱矣。頗不慊於心。子才可以入彀。而文不合格。妄爲譽則不安。直言之。



又恐見臯、當俟別時奉繳、故不動筆。昨胡公謂我
懶、且言子兩節母苦教、志在科名。月來見子執禮
甚恭、虛心可敬、當以吾意爲子評之、毋訝也。是日
卽將文一一評改、有從破題抹起者、有逐句抹者、
有隔句抹者、三十篇中、得連圈者三句耳。余讀之、
汗流浹背、多不能解、則執卷求教師、一一申言其
故、眞聞所未聞。遂執弟子禮、每日官事畢、卽赴師
請題、次早呈卷。如此者兩月餘、漸爲師許可。七月、
余歸應鄉試、師亦返山左。同至蘇州、過余舟握手
言曰、子技成矣、然得失不可知。吾此行服闋謁選、

萬一南來子尙佐幕當虛席以待。余謹對曰：二母多病不能遠離。若吾師官在千里左右必當應命。各揮淚而別。是科二場刪表判以第一場經文四篇改入二場增論一篇二場增五言八韻排律一首。八月初八日入闈後大雨水溢及坐版闈中狼狽幾不完卷甚負吾師教誨。十二日二場卽病不能飲食勉完三場恩恩還里遂病甚不能興轉側需人日惟啖生栗數枚垂絕者屢矣。明器已具醫師莫名其病自信不起。九月初八日夜王太宜人夢中堂有南面坐者數人東西侍者甚衆。吾祖



吾父皆右隅侍。南面者語嘈嘈不可辨。惟東面立者頤而癯、煖帽微鬚、向上揖曰：「該畱垃圾。」有數人哭而出。吾祖吾父向上拜跪。若有喜色。晨起，吾母爲余言之曰：「此有先人呵護，當無害也。」是日亭午，徐頤亭來省，爲余診脈，告吾母曰：「舅無他病，因閹中水氣直達上焦，所以飲食不通，體溼故不能運動。用人茯苓附重劑治之，一飲即睡。醒下水數升，即能轉身。」又一劑即能起坐，不數日而瘳。十月初一日赴館。先是，曾大父以下同堂伯叔三人從昆弟九人，多強壯。余最孱弱，善病。兩母常憂

無年。自十月至次年二月，伯叔昆弟先後殂謝，惟存叔父一家客游，而余則自此康強，不復再病。殆兩母節孝之苦，足以蔭庇後人，所謂該畱垝圯者，實邀先靈之呵護矣。素有積負，重以危疾，稱貸勢不能支。胡公久交，又不可以計脩。歲終遂堅辭。胡公受長洲鄭君毓賢聘，與山陰婁上舍培安基分治刑名。是年，交同邑於體乾。士宏。體乾篤行力學，以孝友著聞。後中丙午科舉人。

二十五年庚辰三十一歲。館長洲縣婦周張氏富家也。年十九而孀，遺腹子繼，即十八歲，將以八月授室。



七月病殤。族以繼郎未娶，欲爲張之夫繼子，而張欲爲繼郎立嗣。輾轉評訟，前令皆批房族公議。歷十八年未結。二月，鄭君受詞，張氏謂繼郎物故後，苦百倍於撫孤，未亾人數瀕於死，死何足惜，但繼事未定，死不瞑目。今年已望六，死期日近，恐旦夕死，而夫與子鬼餒，其語甚哀。余弔查全卷，厚逾數尺，族繼張詞，張繼族控，批歸房族，官無成見。乾隆十九年，張指一人可以立孫，而房族謂其甫離襁褓，未必成人。後又另議，終至宕延。余因擬批，張撫遺腹繼郎，至於垂婚而死，其傷心追痛，必倍尋常。

如不爲立嗣，則繼郎終絕。十八年撫育苦衷，竟歸烏有。欲爲立嗣，實近人情。族謂繼郎未娶，嗣子無母，天下無無母之兒。此語未見經典。爲殤後者，以其服服之，禮有明文。殤果無繼，誰爲之後？律所未備，可通於禮。與其絕殤而傷慈母之心，何如繼殤以全貞婦之志？乾隆十九年，張氏欲繼之孫現在，則年已十六，昭穆相當，即可定議。何必彼此互爭，紛繁案牘？同事諸友皆以爲事關富室，舍律引禮，事近好奇。況以累批房族之案，官獨臆斷，必滋物議。鄭君見批大詫，再三屬改。余曰：批房族不難也。



爲民父母、而令節婦抱憾以終、不可。余爲主人代筆、令主人造孽、心不安。吾不願其爲富爲貧、論事理耳、批不可易、請易友。遂辭鄭君、鄭君勉用余批、不慊也。張所欲繼者、果已成立、因立繼書、遵依完案。後有不肖族人反覆翻告、皆不准理。至五月初五日午、譙撫軍手朱單、飭縣封送、是案全卷、座客震動。余曰、吾無私、天可見、況上官乎。閱四日、鄭君謁撫軍歸、述撫軍言、盛贊此批得體、始知有生員上控、批發蘇州府親提、重責註劣。鄭君以上官許其能、大悅。撫軍桂林陳榕門先生宏謀事皆親辦、

凡上控之案皆不批查先以朱單弔卷或有未愜則戒官而兼訓幕故一時吏治無不肅然此其一也。時有嘉興李髯者盡余以利并導余以納賂之術余懼臯不敢應。至七月余歸應鄉試代余者劉某誤爲所惑比余九月至館甫三日而事敗奉撫軍訪究二人倉皇竄逸。余私自幸益勵安貧之志。竊盜計贓每米一石例照部價作銀一兩。時米價日增撫軍意在懲賊飭照時價估贓竊米七八十石俱入滿貫。余以治賊不嫌過嚴而計贓終須課實。事主類多惡賊不免浮開斛隻旣大小難齊米



色復高下不一。憑一紙贓單、遽擬緩首、恐日久弊生、不無冤抑。爲鄭君通稟、請仍照部價估報撫軍。行臬司議准通行。後數年、余館平湖、援例具稟、奉浙江臬司批駁。是以江浙連疆、而竊米定臬輕重懸殊、不知近日作何辦法也。十月、胡公署臬司篆、招余相佐。適崇明有盜、右手廢而以左手開棺、縣讞依律議軍收贖。余意左手既能爲盜、自未便照廢疾減臬。第廢疾收贖、法外之仁、又不忍遽以私意創改成例。且安知非以此人律得收贖、因而坐以爲首。遂托故告辭。後果奉部駁、不准收贖。余雖

見及之、而不敢毅然請也。十月十七日、西席江都諸生吳山濤桂過齋夜話、嫌筆不中用、余適有兼毫、次晨持以贈吳、因畱閱館課。少閒、余所居齋屋傾頽、牀几皆爲齧粉。友人環視、謂余被壓、而余方自吳館回、交相慶也。先是四月、孫師簡發浙江、過吳門、約余相佐。鄉試荷同考官李師成渠閱薦、未售、至是遂并辭長洲歸里。是年楊氏生次女。

二十六年辛巳、三十二歲。孫師補浙江秀水縣、余遂入幕。二月初三日到館。縣民許天若正月初五日黃昏醉歸、過鄰婦蔣虞氏家、手拍鈔袋、口稱有錢、可



以沽飲、虞氏詈罵而散。次日、虞氏控准未審。至二月初一日、虞氏赴縣呈催、歸途與天若相值。天若詬其無恥、還家後復相口角。初二夜、虞氏投繯自盡。孫師受篆、卽赴相驗。時松江張圮逢與余分里辦事、虞居張友所分里內、張以案須內結、令將天若收禁通報。余以爲死非羞忿、可以外結。張大以爲不然。孫師屬余代辦、余擬杖枷通詳、撫軍飭將天若收禁、并先查例議詳。余爲之議曰、但經調戲、本婦羞忿自盡、例應擬絞。本無調姦之心、不過出語褻狎、本婦一聞穢語、卽便輕生、例應擬流。夫羞

忿之心、歷時漸解、故曰但經曰卽便是捐軀之時、卽在調戲褻語之日也。今虞氏捐生、距天若聲稱、沾飲已閱二十八日、果係羞忿、不應延隔許時。且自正月初六日以至二月初一日、比鄰相安、幾忘前語。其致死之因、則以虞氏催審、天若又向辱罵、是死於氣憤、非死於羞忿也。擬以杖枷、似非輕縱。府司照轉、撫軍又駁、因照流臬例減一等、杖一百、徒三年。此事至丙辰正月、病中夢虞氏指名告理冥司、謂余不差。是知許天若雖非應抵、而虞氏不得請旌、正氣未消、在冥中亦似懸爲疑案也。治刑



名者柰何不愼。四月、孫師保舉堪勝知府、赴部引見、畱余家居相待。九月初三日、孫師回任、余亦至館、獲交師子西林。含中。西林、癸酉舉人、是歲會試中式。殿試館選。爲人無疾言遽色、公明正直、體用兼該。歷官浙江布政使、卒於位。是年十二月、大寒、官河皆凍、小河冰堅、至十餘日始解、舟中人有凍斃者。紹興亦然。有廣文某俸滿求保舉、余曰、此君太熱、恐難信其終身。孫師曰、人材止可節取、必事事過慮、大憲何以保我耶。真藹然長者之言。

二十七年壬午、三十三歲。館秀水。三月十七日、先生母徐太宜人卒。先是、余每省試、吾母謂家世素無

科目、且旣以游幕爲養、學而荒幕則造孽、佐幕復學則精力不繼。己卯大病後、復再三諄屬、戒勿應試。至是十四日、急足至館、歸家、吾母已病劇。十七日早、忽曰、萬一不能至九月、則誤汝試事。乃知吾母望捷甚殷、向者特慈之至耳。始立志作舉業、文字不敢懈。初、曾大父有公園在舍北、兩伯祖、伯祖母皆殯焉。先考、先妣亦殯於其右。余年十五歲時、從伯叔鬻於同族。余懼先人不安、故別租芒園殯。徐太宜人而禱於兩伯祖曰、俟考妣合窆、當求地以葬伯祖諸匱。四月十九日、長子繼坊



生。縣有貢生陶世侃以巨富聞。其父惠先以長房
獨子出繼叔父。生世侃兄弟五人而長子故絕例
得以次子之子璋爲後。世侃行第三。謀以己子後
其伯兄。乘父故。僞托遺命。令璋父歸嗣本生。祖次
房者謂以孫禰祖例難歸繼。祖三房者謂本生有
子而無後。於情不順。歸繼之說未爲不可。訟至司
院。錢文端公陳羣諸宮詹錦及搢紳先生聚議此
事。紛紛不決。時孫師已陞河南開封府同知。撫軍
莊公以案關富室。飭縣定議後卸事。余亦無能折
衷。長夜求索。忽憶禮經殤與無後者祔食於祖之

文爰佐孫師持議謂禰祖之說必不可行。陶惠先出繼叔後斷難以己之次子歸繼本宗。有子而絕情有難安請以其主耐食於伊父愛泉支下聽惠先子孫奉祀遺命之真偽可無置議。大爲莊公所賞詢知余名曰此君余在江南久知之真有學識招余相見。一時虛譽頓起錢塘嘉興海鹽平湖爭致關聘聞劉君國煊賢遂就平湖。八月孫師解任卽至平湖。十月乍浦巡司獲徐姓等九人在家拜佛起經卷一篋稟爲拏獲邪教。余檢其篋內有無爲教經一帙蠹蝕零碎後有萬曆十七年厯城并



妻王氏字、斷續不完。餘皆金剛、楞嚴、觀音、阿彌陀、心經之類。余曰、雖無爲係邪教名、然經已歷久、殘蝕、徐姓等恐非教黨。劉君親赴各家檢搜、竝無違禁器物。余曰、聞歸教者皆長齋、以猪羊肉試之、果教、當不肯啖。當堂給食、無不啖者。訊經由來、則并諸經皆鬻自乞食游僧之手。遂照私家拜斗例、分別責處、焚無爲經、而金剛經等發德藏寺供奉。後族子在心商於乍浦、歸語余曰、彼有民家於園內、書屋中奉叔生像、謂當日誤犯巨案、賴叔保全、所以報也。余不知何事、或者其卽此案中人乎。是年

新例命案初報咨部起限幕友辦理。初詳每多草率、覆審承招往往棘手。余爲劉君稟撫、臬二憲、凡初報時卽摘敘供情、擬定臬名、加稟附申。奉批准通行、大有匡正。然幕友不以爲便也。後例停稟亦漸止。如永爲成規、於獄情幕學必多裨益矣。

二十八年癸未三十四歲。館平湖。先是孝豐縣民蔣氏行舟被劫、通詳緝捕。封篆後、余旋里度歲。有回籍逃軍曰盛大者、以糾匪搶奪被獲、訊爲劫案正盜。劉君迓余至館、檢閱草供、凡起意糾夥、上盜傷主、劫贓、俵分各條無不畢具、居然盜也。且已起有藍



布綿被、經事主認確矣。當晚屬劉君覆勘，余從堂後聽之。一一輪供，無懼色。顧供出犯口熟滑如背誦書，且首夥八人，無一語參差者。竊疑之。次晚復屬劉君故爲增減案情，隔別研鞫，則或認或不認。八人者，各各歧異，至有號呼慙枉者。遂止不訊，而令縣書依事主所認布被顏色新舊，借購二十餘條，余私爲記別，雜以事主原認之被。劉君當堂再給覆認，竟懵無辨識。於是各犯僉不招承。細詰其故，蓋盛大到官之初，自意逃軍犯搶，更無生理，故訊及劫案，信口誣服，而其徒皆附和之。實則被爲

己物、裁製者有人、卽其本案、臯亦不至於死也、遂脫之。越二年、劉君保舉知府、引

見、而此案正盜由元和發覺、傳主認賊、劉君回任、赴蘇會審定案。初、余欲脫盛大時、闔署譁然、謂余枉法曲縱。余聞之、辭劉君、劉君弗聽。余曰、必余畱止者、非脫盛大不可。且失贓甚多、而以一疑似之被駢戮數人、非惟吾不忍、以子孫易一館、爲君計、亦恐有他日累也。然短余者、猶竊竊然私議不止。幸劉君不爲動。至獲正犯、劉君謂余曰、曩力脫盛大、君何神耶。余曰、君不當抵臯、吾不當絕嗣耳。余自此



益不敢以草供爲信、犯應徒梟以上、無不親聽鞠問。又民婦俞張氏縱女犯姦、壻覺毆其妻、張氏赴勸、被壻毆折一齒、案律應徒。余以爲婦人犯姦、梟應離異、母縱女姦、卽與壻義絕、應同凡論。奉司府再駁、擬杖一百、枷號一月完結。是年爲 兩母具呈請 旌雙節、十二月、奉巡撫彙題。

二十九年甲申、三十五歲。館平湖。是年十二月、奉禮部具題 兩母 旌表雙節、奉

旨依議。

三十年乙酉、三十六歲。正月、奉禮部咨、旌 兩母雙

節、建坊如例。錄事實，乞言藝林。二月，館平湖。嘉興知府金匱鄒公

應元

雅重余，嘗語劉君、君幕汪某

所辦案，必爲犯人畱餘地，議論純正，當有後祿。時幕中人無不排擠余者，余復不能和通，勢孤立。幸劉君信任獨深，得鄒公言，人情稍定。五月，鄒公巡視乍浦，至署下交。六月，乍浦同知陳

虞盛

會同乍

浦營參將湯

雲龍

獲漁匪楊極，輾轉株連，獲盜三

十餘人，以寄贓買贓諸名牽致者，又不下四十人。錄盜供上申，仍檄劉君勘詳。庭鞫，則各犯皆受掠掠，遍身血痂，墳起，膝踝潰爛。鞫反覆，惟閩人林好



曾搶奪人財物、其十六人或竊魚、或竊網、餘人皆畏刑誣服、非劫且非竊也。劉君不敢附會陳丞、止報搶奪一人、竊賊十六人、繫獄待覆勘、而盡釋餘人。余削牘竟、晉省鄉試。比試竣、至館、則參將以調考謁總督於福建、侈張其事。總督下檄詰劉君、劉君持初說甚力、大與丞等忤、或以故出讒余。余辭劉君、劉君不可。未幾、參將病疽死、丞丁父憂去。先是撫軍熊公學鵬欲據丞申入

告臬司李公治運謂丞不足信、應如縣申勘結。至是、總督楊公廷璋竟具丞、參將獲洋匪狀上

聞奉

旨命浙江江蘇兩巡撫會讞臬司提囚至杭州屬鄒公親鞫囚供如縣申。惟慈谿沈氏一案與事主報辭異鄒公疑爲劫劉君力言未允。余爲鄒公言內河寬五六丈者纜數船東岸遇風纜斷而飄西岸則數船必不能連檣如東岸無尺寸後先。況黃盤爲外洋無津涯。今事主之辭以爲三船同漁一處被風飄至黃盤又同泊爲三盜船同時強劫當無是理。鄒公爽然改容詰事主則兄弟三人始雖同漁既遇風飄失各不相顧。林好等十五人各竊各船。



初非同謀、亦非同行。案遂定。顧兩撫軍謂洋匪宜重創、雖搶奪亦當援強盜律治之。幕中賓皆托故去。兩撫軍專令鄒公承辦。鄒公聽余定爰書、盡四晝夜、草凡十數易。擬林好絞、餘十六人及續獲七人流、徒杖笞各有差、牽致者一無與焉。

命下部議報可。是役也、自縣稟至兩撫軍會奏、皆余持議創稟。鄒公初不知余、過蒙相賞、殆爲是案作緣也。微鄒公、吾其能行吾志哉。是年、桐鄉沈青齋震館西席、訂交焉。青齋爲人豁達、通徹事理、重交游、氣誼、庚辰舉人、後由己丑科中書官山東運河道、署總河、引疾歸。十月、妾楊氏生次男繼壻。

三十一年丙戌三十七歲。館平湖。平湖多富室，爭繼之訟日繁。房族不免左右袒，官吏因之上下手。余素薄之，遇有控爭之案，與劉君約，置訟者勿論，而飭房族公查，無子之人是否必須應繼，同父有無昭穆相當，繪圖稟核。其人如在，或有妻，則聽其自主，夫婦俱亡，則援無後祔食於祖之禮，令祔產以祭，不准立繼。行之數年，囂風稍息。有父球者，狡人也，瞞其總服叔鳳于死而無子，自言序當承繼。據房族詞，鳳乎之兄有子一人，例難出繼。鳳于生時與兄竝未分產，故後妻亡女嫁，約其餘貲有田二百



七十畝當爲之後。余批以遺產一百畝分給嫁女。以二十畝營葬。一百五十畝爲祭產。祔父承祭。不必球爲過問。球控府。鄒公以鳳于既有遺產。自應置後。球果應繼。卽非妄告。如因其首先控爭。卽予擯斥。而女撥多貲。魂惟祔食。殊非繼絕之道。矯枉過正。未昭平允。飭令查繹例義。定繼擬詳。余爲之議曰。例載無子者。許同宗昭穆相當之姪承繼。先儘同父周親。次及大功小功。總麻如俱無。方許擇立遠房。夫曰許令承繼。許之云者。未嘗勒令必繼也。又云繼子不得於所後之親。聽其告官別立。其

擇立賢能及所親愛者。若於昭穆倫序不失、不許宗族指以次序告爭。夫曰聽其別立、聽其擇立、聽之云者、惟其自主也。細繹例義、或繼或否、皆由無子者主之。若本人未經立繼、固無容旁人干預。夫承繼以承祧爲重、非承產也。生奉養、死服喪、謂之承祧、必繼子與所後之親恩義相維。今受鳳于夫婦生前、竝未立繼、而於物故之後、以爭繼者繼之、死者不知繼子之爲何人、繼子惟貪死者之有遺產、恩旣無與、義不相關、是非承祧而承產也。天屬之親莫過父子、謂他人父、本非幸事、特爲所後之



親擇立及爲房族序推以義制恩情非得已。故爲人後者必有其所生父命之。傳曰：已孤則不爲人後。蓋所生已歿，無所受命也。今及球父故多年，旣非鳳于之所擇，又非房族之所推，復無本生父之命。忍舍生我之恩，求爲他人作後，忘本貪財，已爲不孝。不能孝於所生之親，安望孝於所後之親。天道有知，不福不孝之子。異時祀產罄盡，勢必非稻難供。且鳳于與其兄久屬同居，是其在生之日，專依兄子以生。今欲爲之議繼，必先爲之分家。以不知誰何之人，忽攘其兄子之貲產，恐鳳于死而有

知亦傷心於在生之友愛矣。通盤籌畫，球無出繼之理，竝非敢矯枉而過正也。人生鞠育之愛，不鍾於子，則鍾於女。鳳于名下，約有產二百七十畝，以一百畝酌給嫁女，所以誌遺恩於地下。以二十畝爲鳳于夫婦營葬，飾其終也。以一百五十畝，援無子耐食之例，立受鳳于祭戶，耐伊父名下，令其兄子永遠奉祀，則其父之烝嘗勿替，卽鳳于之胙饗長延不繼，而自不絕。較之准繼受球，似爲長策。云云。越兩月餘，方奉批准。後鄒公語劉君云：汪友之議創而確，吾細察之，甚敬其爲端人。倘萬一有是



識有是筆、心術不正、不可倚矣。未幾、有援是案欺寡者。寡婦黃俞氏年三十餘、無子、撫二女、孀居四年矣。族長請照耐食之例、以其夫遺田四十二畝、盡付宗祠爲祭產、聽房長稽查租息、以防售賣。余大訝、擬批謂耐食之說、所以杜不肖爭繼之習、而非開房族攘產之風。不得妄引父案、覬覦干咎。四月、劉君保舉知府、引

見、畱余在家相待。九月回任、余亦至館。黃俞氏籲懇族

長於署、令劉君

聞燾

任內呈請耐產於祠、劉君批

准產立黃祠祭戶、由族長收租、歲給俞氏租米三

十石餘歸祠管取。黃氏不得私賣。遵依。并各佃戶不得私向俞氏繳租。遵結。余曰。婦人夫亡無子。守志者。例承夫分戶絕財產。果無同宗應繼之人。例得親女承受。今俞氏孀居四年。夫所遺田。竝未斥賣。其能操家可知。二女孤幼。撫養。錄嫁。爲日尙長。其事甚夥。種種貲費。須俞經理。且疾病醫藥之需。親戚應酬之用。皆事所必有。豈三十石租息所能預爲節限。以例承夫產之孀婦。應受絕產之親女。置之局外。而轉以無干之族長爲之掣其肘。而攘其財。不惟孀婦含冤。竝使幽魂飲泣。無此政體。亦



無此風俗。所有俞產四十二畝，以五畝立黃祠祭戶。俟俞氏女嫁身故，歸祠收息，爲伊夫婦耐祭。其三十七畝，聽俞經管，磨養嫁葬，或存或廢，總不必房族過問，以斷葛藤。將署任所立祠戶，改正歸俞，并飭各佃戶向俞輸租，原送遵依塗銷完案。十二月，劉君陞九江府同知。鄒公先調繁杭州府，至是調福建臺灣府，以歲脩一千六百兩聘余同往。請命吾母，吾母不以爲然，遂不果行。鄒公號寶松，辛未進士。先在紹興府爲政廉慈，誠慤禮士。嘗謂余必不以幕終，余既不起臺灣，屬劉君致意，欲余執弟子禮。余感其知己，諾之。至臺灣後，頻以書來，情誼真摯。俸滿進京，於途次告病，後十餘年卒。兄方鐸，號半谷，壬午

舉人。工古文歌詩。書入晉人之室。辱訂忘年交。戊申卒。贈余書文皆刻大雅堂集。受仁和

李君學李之聘。是年館西席者。歸安孫丹林宸論

交甚契。丹林信果誠篤。學行竝醇。庚辰舉人。後改名辰東。號遲舟。中壬辰會元。第一甲第二

名進士及第。授編修。庚子順天鄉試同考官。卒於闈。今其長子憲緒。乙卯成進士。官刑部主事。

三十二年丁亥。三十八歲正月。仍赴平湖。二月。劉君卸

事。余至仁和。十月。李君以戶書匿名訐告去官。受

烏程蔣君志鐸聘。遂之烏程。到館。知前友以辦沈

二命案未協辭去。檢案則大愕。沈二者。沈洲之堂

弟也。沈洲與蔣四共船漁。六月中泊而修之。泊處

有屋兩間。爲張氏所居。沈二一夕懸屍船上。蔣君



初驗沈二繩痕周匝、疑爲勒死、無可究詰。刑求張氏、張氏供初與沈二有姦、後與沈洲姦通。沈洲妬姦謀勒蔣四從而加功。張氏聞聲出視、畏威閉戶而寢。如何懸屍、則未之見也。照謀命問擬沈洲、蔣四解府、供大翻異、故特延余接理。余曰、沈二姦在先、沈洲姦在後。據沈洲供、因張氏待沈二情厚、是以生妒起謀。夫張氏以情好方密之人、目擊其因己而致死、倉猝之中、情不可遏、何致默無一言、閉戶寢息。且妒姦者沈洲、與蔣四無涉。蔣四何以遽肯加功。況勒死在地、何難棄屍遠處、而懸掛自己。

舟邊揆之情理均無一是。蔣君不能答，因尋求其故，則前友主之。蔣君成見若不可破。余曰：必爾獲咎甚大，遂辭蔣君。蔣君固畱，乃層層推駁，屬蔣君覆勘。沈二斃命之日，沈洲等竝未相見，亦竝未在家。查傳張氏母舟邊歇宿。張氏歸甯數日，竝未在家。查傳張氏母族竝沈二等鄰右，俱與現供相符。原審皆屬子虛。余屬蔣君乞本府發回原招，作覆審改正，詳請委員會勘。歸家度歲。是年交餘姚邵二雲。晉涵。二雲經術淹通，於書無所不讀，爲人孝友誠和。乙酉舉人，辛卯會元。壬辰開四庫館，徵召，欽賜編修，終侍講士。



三十三年戊子二十九歲。館烏程。四月爲兩母建雙節坊於大義里聚奎橋北岸。初買坊基時，王太宜人曰：「養殮無寸地，且省此數百金爲朝夕計。」輝祖祖謹對曰：「此大人千古事也，所費不過十畝田貲。兒不肖，不足以給一生幸叨兩大人庇，卽無田亦可以活。坊旣成，輝祖奉太宜人謝社廟神。太宜人稽顙百數方起，額爲紅腫。輝祖問故，太宜人曰：「我與若母薄命，孀居分也。兒積誠請旌，又竭力建坊，吾願足矣。今日拜神，將汝素行及所以事吾二人者告求神鑒，使汝一第，則吾死瞑。」

目。輝祖泣、太宜人亦泣、累數時始罷。余赴館、

太宜人曰、兒勉之、好好讀書下場也。沈二案先奉

委歸安縣會訊、與覆審同、詳請另緝正兇。奉撫軍

委杭州府覆檢、實屬勒死。因蔣君與撫軍幕友有

隙、謂雖未成招、幾成冤獄。五月劾參革職。蔣君尙

未卸事。秀水韓君本晉已專使來聘。會署烏程者

爲戰君效曾初任也。藩司諸城劉霽菴先生純煒

語之曰、烏程劇邑難治。蔣令非延汪幕則擬辟矣。

友不易得、當速聘之。戰君述以語余、余感劉公之

言、遂却韓聘、仍館烏程。七月至省鄉試。首題吾何

執、執御平



執射乎。次題日省月試。三題由堯舜至於湯三節。詩題桂林一枝得丹字。五策經解史傳總集浙江興地兼水試竣聞胡公由廣東藩司調任江蘇與利吏治。孫師偕遂之胡公署謁孫師。孫師見余闡藝許爲必魁。九月初八日回烏程見題名錄知中式第三名舉人。至杭州謁本房象山縣知縣湘陰曾潤莊師光先言八月十六日漏下二十刻余卷已閱訖置几右。曉甫交忽有瓦墜於几斜壓余卷厚不盈一指而苔痕斑剝急取卷覆校藏於篋方就寢又聞几上有聲則余卷出篋陳几而瓦失所在。次早呈薦兩座主爲擊節已定元十日陸耳山師欲傳

衣鉢、改置第三。問余有何陰騭，得致此祥。余曰：當是，先人廕耳。嗣晤榜首德清許春巖，祖京，遂同謁兩主考國子監司業，後陞奉天府府尹、滿洲博虛宥師。卿額，內閣中書，後陞左副都御史，陞耳山師。錫熊，知第二場詩，第三場總集，吏治二策，進呈御覽。俱述飛瓦事，交相詫異。內簾深夜，戶牖皆閉，瓦之來去，真不可解。傳其事者，咸謂二母苦節之報云。是科，吾越中式二十三人，約日會讌。余揖諸同年曰：不須另會。十二月二十日，爲吾母生辰，擬稱一觴，乞枉駕爲吾母光寵。屆期，集者十有七。



人賓散、太宜人曰三十年來惟今日畧一舒眉、
吾庶幾可以對汝父矣。自阻汝臺灣之行、每慮厚
脩不可多得、使汝去、今年安得中、知諸事有前定
也。余自丁卯省試、至今九度適在太宜人禱神
之後、天高聽卑、不信然乎。是歲叔父獨身歸來、知
叔母及諸弟皆前死、叔父仍出游。六月、杭城大火。
七月、德清民間有妖言、羣相驚惑、以剪髮辮爲鎮。
傳至烏程、屬戰君查禁。後德清令阮君芝生坐是
掛誤。

三十四年己丑、四十歲。正月、赴禮部會試。交瑞金羅臺

山有高、會稽章實齋學誠。臺山博學能文章、兼通內典、性情純一、友誼篤摯。

乙酉舉人、後屢試不遇、卒於家。閩其子之明能世其業。實齋古貌古心、文筆樸茂、能自申所見。戊

子順天副貢生丁酉四月下第、即南歸、五月到家。戊戌聯捷、遨遊不仕。

受錢塘芮亨齋先生泰元聘、六月至館。九月初一

日、芮君侍撫軍熊公吳山行香畢、熊公受義烏諸

生王學吾辭、授芮君訊供、芮君付余。閱其辭、訟田

土也、而後有粘單、則訐被控人家藏軍器、語多不

經。余思熊公辦事認真、見此單斷不發縣、發縣未

必見單。芮君未言、亦未必見。辭近雜亂、似有痰迷

證、若併單發訊、恐預存成見、有意張皇、因畱其單、



屬芮君專訊辭內情節。果係痰迷、稟請遞義烏訊結。知此事者、惟甥孫志三。繼英。後二十年、繼英館義烏生應歲試、考前列、固安分青衿也。向使見單時稍鹵莽、必成大獄、造孽不小矣。治獄之不可不慎如此。

三十五年庚寅、四十一歲正月、芮君赴天津辦差、署事者爲胡君。嘉栗仍余接理。三月二十日、戰君署歸安、有要案、招余商辦。四月十四日、家人至、知王宜人病亟。十五日到家、已惟堂兩日矣。宜人於初八日得病、病作之前、爲余製汗衫、余因作題衫詩四

首、衫成在。曠黃疾作。自夜午。卽今衫儼然。製衫人何所。寬窄恰稱身。裁量想手拊。痛經寄衫詞。思義憑記取。不著違婦心。屢著恐易腐。一年著一回。庶幾歷終古。我生衫在笥。我死衫入土。衫灰心不灰。同繪圖記事。錢塘潘中書德園庭筠作穴魂相語。

王宜人傳并寫寄衫圖見贈。同人題二圖詞甚夥。喪畢仍館錢塘。五月芮君回任。湖州府招解烏程。遣犯吳青華到縣寄獄。爲之慨然太息。青華年二十。一中壬午舉人。負才不自愛。歲丁亥余館烏程。主人屢言青華喫漕飯不可容。當懲以法。喫漕飯者官徵漕或浮額黠者輒持短長倡言上愬。官懼則令司漕吏餌以金自數十至數百稱黠之力。若



輩歲需專取給於漕故謂之喫漕飯云。青華爲衆
黠首推故必欲以他事去之。余詢其他無劣行不
可而止。己丑漕將開徵吏爲策醉青華道至妓門
誘以入。甫入妓呼強姦吏黨冒鄰佑趨捕詣縣令
素懷且有成見乘青華醉不省事錄供繫獄。次早
覆訊青華不承令白太守。太守尤酷烈立提親勘
以妓與鄰佑爲證批其頰威以三木。青華遂自誣
從重外遣。在青華恃符貪玩法應嚴治而以文致
坐之轉非信讞。臬司提鞠未嘗不哀籲呼冤而獄
已成無益也。後令捐陞知府去一子天絕悒悒而卒。守以他故被議捐復原官發四川

候補犯事枷號。二人造孽不止此事。此其曩余佐
顯著者。天道好還。捷如桴鼓。豈不信哉。

胡公督理蘇松糧道時。綱紀肅清。徵漕之縣無不
兢兢奉法。斛面浮一指半指。卽干譴咎。其時漕船
過淮。總漕楊勤恪公

錫紱

秉公盤量米色。小不乾

潔。卽責運丁。運弁。丁弁止較米色。不敢向州縣別
求津貼。督運之員皆無雜費。是以徵漕者無可借
名浮收。比幕浙江。風猶未改。甲申乙酉以後。運丁
詭稱沿途費用。勒索州縣米色錢。逐歲加增。州縣
因以爲利。恣意浮收。甚有七折八折。內加外加之
名。愿者重累。視輸漕爲畏途。黠者生波。盼徵漕爲



六六九

縉塋。

交會稽陶午莊

廷珍

及其弟南園。

廷珍。

午

爽、敦本行、工各體詩、文賦尤獨絕。

乙酉拔貢生、辛卯舉人、終甘肅肅州州同。

書名處約而能養志。己亥舉人、辛丑進士、今貴州清平縣知縣。

三十六年辛卯四十二歲正月赴禮部會試與同邑來

江臯

起嶠

同舟遂訂交焉。

江臯內行修謹與人交

舉人王辰進士戶部主事。乞假歸養養事畢未補官卒。

榜發本房翰林院編

修今山西布政使南康謝蘊山師

啟昆

閱薦未售。

五月旋里受海甯劉君仙圃

雁題

聘以故人戰君

官嘉善辭不獲因却海甯至嘉善七月戰君調富

陽余偕行八月戰君調入闡余歸里九月葬先



考、先妣、先生妣於山陰縣秀山之麓。遂買航塢山麓葬兩伯祖伯祖母。從伯母遺櫬而歲祀焉。十月孫西林先生爲甯紹台兵備道。從戰君假余贊理。曩徐太宜人言外家居鄞城門臨石橋。屬友人訪求不得。至是親履廂坊。凡四日。有橋之處。無不周歷。閒遇徐姓人。舉舅氏名問之。絕無知者。泣然而返。歲暮以會試辭。是歲叔父來歸。不復遠游。

三十七年壬辰四十三歲。正月赴禮部會試。與江臯同行。同寓。四月揭曉。江臯中式。余下第。俟吏部揀選。

五月初四日出京，六月初三日到家。海甯劉仙圃已於五月送聘里門，望日迓余到館。余素不解書法，見中式諸君寫殿試策有規則，館中方定臨帖日課。是年，三女生，歸長女於同邑貢生陳六彝。

周次子景曾。

三十八年癸巳，四十四歲。館海甯。新例禁延本省幕賓，余辭館。會撫軍以杭嘉湖公事繁劇，有熟諳地方情形者，飭府縣暫行畱止，另延安友更換。劉君遂稟請畱余。時孫西林先生由河庫道調任上海巡道，孫師專使關聘。余欲行，劉君稟辭。是年，四女生。



三十九年甲午四十五歲。館海甯。二月二女殤。女字同

年山陰王渭占兆嘉子。七月先叔父卒。葬航塢山。

八月海甯陞爲州仙圃調平湖署西防同知。余歸

里。壬辰會試前。同年許春巖見余課藝。謂骨節生

疏。後果下第。歸卽銳志揣摩。是歲閏日必作一藝。

時來江皐授徒里門。孫遲舟主東陽書院講席。一

藝成。必分書兩篇寄二君評閱。或不愜。遂改作。至

有三四易稿者。撰策拾十卷。手錄至除夕昏定。方

畢。交餘姚張潛亭。義年。潛亭乙酉拔貢生。於潛

友誼。後欽賜國子監助教銜。充四庫館纂修官。丁酉中順天鄉試舉人。戊戌特賜殿試。未

及試而卒。

四十年乙未四十六歲。正月赴禮部會試。三月初二日抵京師。春巖來閱課藝。謂火候已到。可必中。初五日疾作。勢難入闈。春巖來診視。曰。傷寒尙輕。不可不試。萬一不進場。見闈題必悔。病且加劇。陶午莊亦規勸甚力。邀余同寓。初八日。力疾入闈。三場。惟啖生梨。不能粥飯也。試畢漸愈。欽命四書題首句日新三句次仲叔圉治賓客三句三敢問何謂浩然之氣一節詩題鎗右觀書得風字。四月初九日揭曉。中式第四十六名。大總裁爲兵部尙書後陞大學士無錫嵇文恭師黃。刑部左侍郎今大學士



韓城王惺園師杰都察院右副都御史滿洲阿雨
齋師肅本房翰林院編修宜興湯辛齋師先甲是
日午門謝

恩謁辛齋師知闕卷爲兩齋師拔取。本中第三文恭師
以詩句用重腫嫌史記不專指虞舜不便進呈
移改今名。嚮者己丑下第歸輪將發虔禱前門
關帝問此生得成進士否。籤曰新來換得好規模
何用隨他步與趨。只聽耳邊消息到崎嶇。歷盡見
亨衢。意謂必遭蹭蹬方可僥倖。至是公車四上途
次偃蹇多端至京卽疾作可當崎嶇二字。復禱於

帝籤曰、憶昔蘭房分半釵、而今忽把信音乖。癡心祇望成連理、到底誰知事不諧。自分必失矣。闌中見題紙、苟日新三句、意新來則規模當換、妄希弋獲、力疾終場。果受知于雨齋師、耳邊消息亦復奇驗。鄉試第三會試名次如之、豈非連理爲詩所累、續籤實已預示。因憶往歲戊辰、負笈山陽、與同學洙陽胡茂才江表傳過城隍廟、拜問科名、末二句云、雲程萬里君須到、得路先憑博陸侯。每遇省試、主考簾官從無霍姓、久亦置之。戊子鄉榜後、謁兩主考、聞同年相語、多稱博陸二師、始悟神籤之



巧。今會試得售，蓋所謂雲程須到也。十四字中隱該鄉會兩試遇合，一科一第，數之前定如此，他可知已。二十一日，殿試，二十五日臚唱第二甲二十八名。

賜進士出身。二十六日午門

賜表裏

輝祖

領得寶藍花緞一疋，月白潞綢一疋。二十

七日，禮部

賜恩榮宴。五月初二日，國子監釋褐。初八日，朝考。十四日引

見奉

旨歸班選用。十六日得家書。王太宜人于三月二十
六日棄養。遂呈報丁憂。書嬴券。次日南還鄉。會座
師及同年俱以吾母節孝素著。京邸理當成服
受弔。因畱數日。於鄉祠治喪。撰考妣行述。乞周
海山先生煌作墓表。邵二雲先生作墓誌銘。先是
欽命大臣覆閱朝考卷。輝禮取第四名。翰林院傳驗。
派武英殿辦理黃籤。以憂不赴。六月初七日出
都。取道泰安。二十五日。至王家營。渡河雇舟。星夜
飛行。七月初二日到家。九月初一日。受署慈谿黃
君元煒聘。至館。聞臺山游四明。寓鄞縣邵吏部雙



橋洪家齋手鈔雙節贈言稟赴鄞求正臺山慨諾、
卽將所撰先人行述三篇潤飾字句并講古文之
法大有會心。旣回慈谿臺山以陸續所改文字寄
還。九月二十七日辭館又赴鄞別臺山將贈言諄
求覆校。十月初四日歸家。初七日受海甯州戰君
聘卽夕赴館。十一月歸爲吾母舉殯合葬于秀
山之際仍赴海甯。至歲終平湖劉仙圃申前約遂
辭戰君。是年七月十四日第四男繼培生。
四十一年丙申四十七歲館平湖挈兒子繼坊課學。四
月十一日晝夜大雨聞家堰西江塘決江水侵入

內河近塘廬舍頃刻水深丈餘幸人口無傷漂沒
厝匱無算北海塘亦決水由決口入海勢漸消余
家水三尺餘是年介邵二雲乞江西新城魯君絜
非仕驥撰雙節文字。

四十二年丁酉四十八歲館平湖四月孫西林先生來
爲浙江布政使專使相招念仙圃舊誼不敢就時
惺園師方督學浙江孫公屬王師轉致誠悃必欲
相佐余以義不當辭卑就尊且孫公與大吏臨汾
公若冰炭孫公剛正以剛佐之必折如勸其委蛇
又非輔人之道惺園師甚善余言是年交歙縣鮑



儒藏

病榻夢痕錄 卷上

以文。

廷博。以文諸生博通典籍爲人醇雅有氣誼世所稱知不足齋主人者也。

魯絜

非撰汪氏世德傳寄惠并道締交之意余未敢許。

既而書屢來陳義甚篤聞其內行修謹并讀所寄

稟如義莊儲穀諸事仁心實行具可師法遂齒序

焉。余生平神交絜非一人而已手書最多規戒之

言。

絜非辛卯進士以親老告養後改名九臯官山西夏縣知縣卒於任。

四十三年戊戌四十九歲館平湖五女生四月縣尊談

公

官誥

詳請執業田產按號領給清單遇有賣買

同契送驗換單始准開除撫軍批藩司議詳余適

謁西林先生先生訪余利弊余曰不可行也民間

賣買向憑戶冊、有冊而復給單、是贅設也。開收例禁驗契、以杜需索守候、今併驗單、是違例也。夫民不急不鬻產、官不暇不驗單、民不必乘官之暇、官不能應民之急、設遠鄉僻壤、嫠婦孤兒、割畝謀餐、易田供斂、均難稍緩須臾。契單在官、斷不能立時驗給、計窮勢迫、必至別釀事端。且一號之田、多或數畝、析授歸併、朝分暮合、舍業繳單、已極紛擾。不幸水火盜賊、籲請補給、例應查訊、不免稽遲。吏胥從而抑勒、訟獄必致滋繁。如慮號畝舛錯、易於影射、果審係價買、勘明現管、四至與契載相符、即可



據以定讞。其從前失除誤收者，祇准改正完糧，不得藉端奪產，亦因而勿擾之一法。先生首肯，詳院檄縣停止。而領單之戶業已不少，數年以來，邑多空號飛糧之訟，實肇於此。設所請得行，其弊且雜出，何有既極。利不百不興，宋李沆所以不輕徇陳奏也。六月，西林先生卒於官，送之蘇州。九月，得濰縣韓理堂先生夢周書，知景溪師卒，為位祭之。是年，交餘姚翁鳳西。元圻。鳳西恬粹有識度，學問通雅。甲午解元，辛丑進士，今為雲南廣南府知府。

四十四年己亥，五十歲。館平湖。二月初一日，第五男繼

培生。今名繼塲。仙圃陞杭州府東海防同知。余歸里。余

幕游所主與仙圃交最厚。

仙圃光山人。庚辰進士。爲人誠篤。治慈明。能知

大體。上官之不賢者。不以禮遇。亦處之泰然也。今爲貴州銅仁府知府。

五月受署烏

程興君

德

聘。縣有馮氏。因本宗無可序繼。自撫姑

孫爲後。比卒。同姓不宗之。馮氏出而爭繼。太守衛

公批准。余持議。據宋儒陳氏北溪字義系重同宗。

同姓不宗。卽與異姓無殊之說。絕其爭端。是年。鐫

雙節堂贈言集錄二十八卷成。附錄一卷。王宜人

傳誌也。自丙申。推兩母遺志。徵紹興節孝事實。至

是得山陰、會稽、蕭山、諸暨、餘姚、嵊縣凡三百五人。

呈藩司國公柱轉飭各縣備案扁表。

四十五年庚子五十一歲館烏程。四月前烏程徐君朝

亮回任聘余接理。六月徐君丁憂去官余歸里第

六女生與君補金華縣訂同事。九月龍游王晴川士所到浙爲惺園師族子與君出王元亭先生猷

門下晴川叔父也。會惺園師復督浙學屬與君讓
余佐晴川。十月至龍游。是年具蕭山縣節孝貞烈
事實呈惺園師請給扁旌立于節孝祠廡耐主以
祀。纂越女表微錄五卷鏤版分贈節孝後人仍續
採上虞新昌二縣。



四十六年辛丑五十二歲。館龍游。四月，兒子繼坊入紹興府學，娶同邑貢生朱斐亭鑣次女。海鹽令張顧堂力行，湘潭人，介仙園以禮幣來，奉先人行誼文字，屬余校定。蓋張氏世多隱德，顧堂曾大母馬以節旌。大父岷亭先生祖緒，邑人稱張孝子，故藝林投贈之詞甚多。余爲分類編次，其詳紀世系墳墓、祭田及誌表銘贊曰：追遠錄三卷。紀節婦者曰：表節錄三卷。紀孝子者曰：闡孝錄二卷。而附以顧堂母氏壽言二卷，曰壽萱錄。通名之曰垂範集。凡六閱月，序而歸之。是年正月，晴川赴杭州。縣民盧標



於十三日戲鎧與鄰人余某爭道互毆。盧被余某踢傷小腹不能言語。當晚昇至余某家。稟典史驗傷痕。取保辜。延外科調治。至二十八日傷痊送歸。二月初二日文昌神會。盧赴飲醉歸。越夕身熱。屬其弟延內科汪姓診治。至初九日病故。報驗鄰邑湯溪何君代驗。小腹傷痕與典史原報傷分寸顏色相符。止敘迎鎧爭踢一節。錄供通詳。而汪姓醫病未曾詰實。晴川歸縣覆審。余以爲小腹致命。係必死之傷。當速死之處。例不得過三日。今盧標之死距踢傷二十七日。在保辜正限之外。自余至盧

路隔里許。二十八日即能步行歸家。則原傷久痊可知。初三患病。不延外科而延內科。則是病非傷可知。晴川傳汪醫細鞫。追出藥方醫案。盧病起傷寒屬實。余又念受傷痕迹日遠。日消。受傷顏色日遠。日減。盧死已閱二十七日。而屍身之傷與生前之傷毫無消滅。恐驗亦未確。因屬晴川詳請會同原驗官覆審。至十月會鞫。何君堅持初詳。晴川遂專詳。請委賢員開檢。屍腹腐爛。牙根頂骨竝無紅色。委員蘭谿梁君不敢填格。十二月晴川攜骨赴杭州。而何君已於大計案內參才力不及矣。第六

男繼壇生。

四十七年壬寅五十三歲。至杭州臬司李公封與何君有舊、欲遷就初詳、晴川不可。復委處州府楊太守、衢州府王太守覆檢、盧標牙根頂心無故。李公親檢、以方骨黑色爲小腹廕傷、令將余某擬抵。余以洗冤錄開載、竝無小腹受傷、須驗方骨之說。且傷痊則歸期可證、病死則醫藥有憑。反覆稟辯、臬司俱不批閱、惟云王君倔强。總督兼撫軍陳公輝祖頗韙晴川之論、而杭城之官與幕皆謂盧標死于限外十日之內、余某擬絞、亦須奏請、罪可減流、議



余膠執。余曰：居停吏也，吾以律例佐吏，知奉法耳。法止於答，而欲入之於絞，分不敢安。晴川信余甚篤，雖上官同寅不計也。然其勢不能與臬司抗。五月初一日，余托故辭館。當是時，盧案其稱方骨案，有新城縣婦孫葉氏自縊，稱逼嫁案。省城籍籍，無日不論此兩案。逼嫁案者，葉氏年三十有四，初嫁於黃，十七年而寡，再醮孫姓。未幾夫死，前妻有子四歲，遺產二十餘畝，惟一短雇工人秦某相依度日。總麻姪孫樂嘉以瓜李之嫌，屬葉辭秦另雇。葉諾之，而遲久未覆。樂嘉詰秦，則以負債值爲詞。久



酉如故。族長孫某與樂嘉商，以人言可畏，勸其改適。葉以娶主難得安人，請俟稍緩。會近邨周姓斷絃，族長商之樂嘉，欲爲葉作伐。秦某聞之，告葉。葉令秦作抱呈，告樂嘉等逼嫁。比縣批查，族長等覓秦理講，秦逸去。因斥葉不應妄告。葉誘秦主謀，卽於是夜乘閒投繯。縣以樂嘉爲首，照威逼小功尊長律，問擬杖徒。府駁葉雖醮婦，旣不願嫁，未便強勒。應照威逼孀婦自盡例充發。及詳院，陳公以族長等商同嫁賣，必係意在圖財，委錢塘縣覆審。將族長擬絞，樂嘉擬流。撫軍以罪名屢易，改委湖州。

府同知唐公

若瀛

審理。唐公曾署蕭山，素知余，出

詳冊見示。余見歷次供情俱近支離，惟原驗情節甚明。葉屍面抹脂粉，上著紅衣襯色衣，下著綠裙，紅小衣、花膝褲、紅繡鞋。臥樓一間，內係葉室，中間版隔無門，外卽秦牀。因語唐公曰：「歷訊皆舍其本也。不惟不應絞，不應軍，且不應徒也。」杖枷完結之案耳。唐公曰：「何故？」余曰：「葉之死距孫死不及一年，面傅脂粉，服皆豔妝，此豈守寡情形？」舍十七年結髮之恩，守十一月後夫之義，天下斷無是情。所謂守者，殆不忍舍秦耳。秦以貧傭工，斷無無工價



而長傭之理。樂嘉勸嫁之說。葉未嚴拒。周姓議姻之語。孫未面言。訟起於秦。事發在逃。樂嘉等根問秦某下落。竝非威逼可比。是葉之輕生。由於秦去。惟秦是究。自得實情。唐公然余言。而謂余盧案者。兼謂余是案。杭城之官。與幕譁然如一口。唐公勒捕秦某到官。鞫實通姦。竝無逼嫁情事。遂科秦姦罪。樂嘉等照不應律。分別杖枷。詳結得行。余志而盧案。以臬司成見。委員竟以方骨爲證。擬余某以絞。自余初習幕。及佐幕二十餘年。凡爲幕者。率依律。閭義辨是非於一定。不敢絲毫假借。爲吏爲上。

官者據義斟酌。惟律是遵。雖顯預如臨汾中丞剛復。若如臬觀察。事關人命。猶不敢徑行己見。一二年閒。風氣頓易。律例幾不可憑。而幕之風氣日下矣。是時吏治亦極難問。蓋以總督兼巡撫。權統於一。牧令初詳未協。皆可乞恩抽換。撫軍樂屬吏在省。各府常駐行館。縣亦常有三四十員稽留省寓。或請回任。撫軍輒不悅。故不敢不畱。日一謁上官。外無所事事。則相聚飲博。甚至盲女彈詞。流娼侑酒。毫無顧忌。較臨汾時殆尤過之。余欲赴江蘇就館。會臬司陞湖北藩司。晴川調繁歸安。惺園師爲



晴川畱止。余不可。師曰：龍游堅守。子說甘心忤上官者數月。子去。渠不另延幕友。案完卽欲告病。以身有官累。不能遽行其意。今臬司已去。復不必再反龍游。與衢太守相離。子柰何不輔之。余因偕至歸安。是年。因龍游案。久寓省城。適惺園師試竣在省。時時謁見。或數日不謁。卽使召。終日侍坐。暢論古今。備聞立身行己之大端。書紳自凜。師亦以祖可與言也。教誨不倦。於守身之義。大有裨益。

四十八年癸卯。五十四歲。館歸安。歸安舊習。頑嚚相仍。喜上控而不求審理。故善良之累。余知之甚悉。與

晴川約凡上官批准之事牘畱內署先密提原告與應審人等刻日質訊多屬子虛卽治以誣告之辜。又俗喜以賄以姦以侵佔水利以朋充牙行憑空訐告而吏胥藉以生財余皆屬晴川禁止大爲吏胥所忌。有丁姓者首賭牽累縣不准理改名控府被告諸人皆與縣辭無異先提原告到案晴川訊無賄具卽擬誣詳結其黨郭姓復改換情節控府行縣正提犯閱會余以他事歸里忽另役至宅門面言丁案同賭多富人賄余故脫郭姓親見孫姓過付閹者轉稟晴川晴川曰此誣也催提郭姓



而余至館知之。促晴川訊。則孫姓過錢有據。密遣幹役提孫姓隔別研訊。竝無其事。質之郭姓。供由丁姓所屬。暫將郭姓收禁。提質丁姓。則其說出自縣役。訊役則得自傳聞。余曰。此事瞭然矣。役樂於誣賭。而余不辨。是絕其生路也。舍誣賭而言賄。訊賄則被誣之人終須到案。至審虛而役已飽橐矣。今旣出於役。究役即可止。將役與丁郭分別杖枷完結。案旣定。余辭晴川。晴川曰。事已白。與君無與也。何辭爲。余曰。設余避嫌。將惟役之是徇。否則終受其累。且是說豈惟役哉。正恐聞人亦與謀也。晴

川固畱。越數日，語余曰：君其神乎。聞人王節，吾舊人也。然是說實彼主之日來役與郭姓欲首若，賂以金方止。因遣王節而信余愈至。是年繼坊食餽。

四十九年甲辰五十五歲。館歸安。二月，痘兒痘殤。

五十年乙巳五十六歲。館歸安。二月，繼傭娶山陰國子

生妻升之堂長女。四月，奉部行湖南巡撫陸公

燿奏請現任官親老獨子循例終養。晴川母七十

有一無兄弟，遂詳請終養。八月解任，余歸里。自壬

申佐幕，至是三十四年，游江蘇九年，浙江二十五
年，擇主而就，凡十六人，俱有賢聲。余性迂拙，不解



通方公事齟齬。卽引不合則去之義。幸主人敬愛。無不始終共事。畱別同事詩。有一事畱將同輩述。卅年到處主人賢之句。殆天之不忍飢寒我也。幕途甚雜。不自愛者無論。亢者自尊。卑者徇物。故同館雖多。投分絕少。甲申乙酉數年。頗受排擠。無非玉我於成。生平所師事者一人。諸暨駱炳文先生。至友事。則山陰婁培安_基。無錫華西峙_岳。久作古人。今惟山陰蔣松谷_{五封}而已。余初幕時。歲修之數。治刑名。不過二百六十金。錢穀不過二百二十金。已爲極豐。松江董君非三百金不就。號稱董三。

百。壬午以後漸次加增。至甲辰乙巳。有至八百金者。其實幕學。幕品均非昔比矣。吏之爲道。必周知所治人情風俗。方能措之各當。吏或不解此義。舉一切政事。盡委諸幕友。幕友與主人無葭莩之戚。無肺腑之知。儼然爲上賓。受厚脩。則所以効于主人者。宜以公事爲己事。畱心地方。關切百姓。使邑人皆曰。主人賢。庶幾無愧賓師之任。不此之務。而斤斤焉就事辦事。僅顧主人考成。錢穀刑名。分門別戶。已爲中等。甚至昧心自墨。已爲利藪。主人專任其咎。彼何人哉。彼何人哉。二十年來。余所見以



不義之財烜赫一時、不數年而或老病、或夭死、或
嗣子殞絕、或家室仳離者、回首孽緣、電光泡影、天
網不漏、可爲寒心。時乙未進士奉部截取已二年、
因請咨謁選。是 續探上虞、新昌及山陰、蕭山縣
節孝、具七十四人事實呈督學寶公 光緒 行各縣
扁表、竝纂續表微錄一卷、附前錄後。今新修紹興
府志、所載婦女俱採入矣。至杭州、劉仙圃方陞南
甯府知府、畱余信宿。謂余曰、吾初與君交、闔署上
下無一愛君者、皆畏君矜嚴、不可犯。吾獨重君、能
得君益。君遇知交、終日談無倦容、非愜意人對坐

無一語此可幕不可官也。官與幕異徑直不可行。須相機婉轉。庶幾上下協和相愛相規。眞藥石之言。撰佐治藥言二卷。鮑以文刻入知不足齋叢書第十二集。

五十一年丙午五十七歲正月王晴川書來將歸義州

訂舟行同赴張灣。人日同人公餞贈詩寵行作詩

八首寄謝。

折柳河橋氣味親。陽關歌罷又陽春。詩裁背面都如話。語出知心自見眞。到處

合求完本分。歸來應可質同人。鹿鳴篇裏周行義。

書偏顧係別後紳。手九熊膽望何如。說到焚黃

報已虛。死悔成名遲。二紀生慙學古負。三餘爲人

論定當官後。行事好須立意初。不是良朋眞愛我。

誰臚先德勵翹車。

表節恩兼賜第

恩戴天無計報高闈。

可容更戀黃綢被。幸不能

誰臚先德勵翹車。

表節恩兼賜第

恩戴天無計報高闈。

可容更戀黃綢被。幸不能



勝緣蟻尊。政譜敢希花滿縣。家風曾記萊餘根。故人鄭重勞相副。一寸靈臺曉夜捫。文章許國記初心。捧檄躊躇思不任。名士由來嗤畫餅。道人相約鍊黃金。稚應鮑啖姑臧韭。未擬閒調單父琴。好夢長憑時鳥喚。鷓鴣啼罷費沈吟。卅年代斲手無傷。倖博虛聲拙許藏。佐治私憐今令長。求全愛說古龔黃。隨身竿木從人看。風味鹹酸到口嘗。怕是病根醫不得。平生誤坐次公狂。官最難居父母名。人歌人詛自分明。因曾閱世粗諳事。算到親民易寢聲。才拙預籌勤補綴。時澄會過俗和平。談經讀法書生分。莫計三年考課程。秋中譔吉又春闕。愛看閨雲勝愛官。人說畫蛾新樣好。我愁騎虎下時難。未能分料先辭鶴。苦要畱香得藝蘭。贏得千金宵一刻。鏡前吟字課兒安。什襲行裝絕妙辭。贈言遠過百朋貽。焚身象笑生多齒。畫足蛇憐飲失卮。作劇難殊觀劇日。還山計定出山時。不知宦海收帆後。展先墓作七絕四首示兒輩。不可有入吟餞別詩。遷除不計財。書生官是偶然來。吾今老大何奢望。只盼承家汝輩才。依人懷抱帝天臨。劬體甘貧

直到今。俸得全家資祿食。敢因從宦負初心。名
最難居。父母官。拊循不易。況摧殘。忍收百斛蒼生
淚。灑向孫枝。未許乾。徵書到手。幾徘徊。自信頭
方非吏才。臨別一言。吾不食。焚黃事了。便歸來。
晴川約三月十八日首途。孫甥蘭啟。繼蕃同行。屆
期。俶裝至杭州。聞

欽使到浙。盤查虧空。遂至湖州。會晴川覆檢。交代冊逗
畱五日。迂道烏鎮。別鮑以文。同至吳門。舟中讀天
水冰山錄。爲嚴嵩籍沒入官貲產簿。題跋歸之。以
文又出示楊忠愍公手書冊子。凡十八葉。通十種。
蓋公在錦衣獄。感提牢應養虛調護之義。書此以
贈。後有王鳳洲。王治哀輓詩文。敬跋數行於後。以



文以鈔藏祕本沈斐春秋比事二十卷吳澄春秋纂言十二卷總例二卷贈別而去訪金匱鄒孝廉半谷先生方錫諸布衣類谷先生洛至常州泊舟毘陵駟駟隸武進縣憶乾隆十八年外舅令武進余爲贅壻外舅丁憂解官常州太守胡公延余入幕十九年二月子身襆被由杭州附塘板船房艙初八日晚出泔墅關順風揚帆三更至此大雨如注舟人促上岸無可駐足借宿駟舍駟子以余寒寒不過問獨坐皇華亭五更燭滅愁慘長吟雨聲與吟聲相答邏者訝之告以故假燭半枝至黎明

謁太守。旅行苦逆風，不謂順風轉足爲累。三十餘
年客游，惟此宵最爲悽寂。故余一生幕脩所入，不
敢妄費一錢。回首前塵，久成陳跡。念贅居時情事，
如在目前。而前婦亦登鬼錄，十有七年。方余困院
時，前婦有言：夫子必貴，恐我不及冠帔耳。今何如
耶？不禁淚潛潛下，作感舊詩八十韻。古驢南陵道，
征夫浙水龍。

詔華春欲暮，麗景日當天。振爾懷時昔，塵蹤蹤蹕蹕。
連歲難干紀，癸建兔月初。悲晴笑滄子，賢翁調單
父絃。循聲推協贊，赤縣慶超遷。我亦攜家累，因之
藝硯田。仲華齡廿四，曼倩牘三千。甥館餐愁素，衙
齋幕試奉。傳書殊草草，坦腹乃便便。何幸黔婁裏，
能逢德曜賢。應官初事了，入室得人憐。起價驚雞
唱，妝慵鬪錦妍。畫眉深淺恰，佐讀墨朱研。瑱闥鶯
簧度，雕樅燕剪穿。玉臺奩乍掩，銀蒜戶高褰。竝蒂



花頻刺、同心結。屢續。量腰裁白氎。指袞拭青氍。愛
問鴛鴦字、耽吟芳篇。筆牀安碧慮。繡榻卧烏圓。
嬌女剛啼。啼宜男。更製蟬。職修獻。履敬望。慰倚閭。
懸賴。是忘行。脚微。開喚。比肩。有時。勞藥。裏輒。自典。
花鉏。小食。錫絲。結嘉。肴縮。項編。手營。都脆。潔鄉。味。
務芳。鮮。躋。額。躬祈。代。怡。容。命。許。延。感。茲。恩。義。篤。誓。
欲死。生。聯。每。昂。眉。霄。上。毋。甘。矮。屋。卷。槐。黃。勤。夏。課。
蟻戰。慕。羊。羶。盼。頌。吹。笙。宴。慙。同。廖。鏡。甄。醉。惟。隨。託。
軒。誤。竟。斥。烏。馬。短。盡。英。雄。氣。參。來。默。照。禪。杜。羔。羞。
寂寞。初。迷。待。騰。驚。疑。歸。機。先。下。攤。書。燭。與。然。不。辭。
依鮑。鹿。曾。未。貸。戎。錢。冰。鏡。光。俄。蝕。皋。魚。痛。莫。捐。誰。
爲東。道。主。習。穩。北。窗。眠。酒。之。尋。常。債。裝。輕。九。萬。箋。
牛衣。崇。密。緒。盡。篋。理。殘。編。尸。藻。襄。時。祭。攀。蘿。葺。故。
塵。加。還。篋。弋。雁。滿。豈。足。蝸。涎。價。忝。虛。聲。竊。文。叨。儼。
體傳。通。才。求。記。室。虛。左。啟。賓。筵。樂。職。須。工。賦。徵。書。
忽至。前。誰。圖。交。落。落。還。貢。帛。菱。菱。太守。常。州。貴。清。
名伯。武。宣。饑。充。名。士。鮮。招。用。庶。人。旃。遽。使。期。方。急。
湘湖。道。遂。適。者。回。行。踽。踽。相。對。涕。漣。漣。母。老。資。扶。
振。瓶。空。倚。弼。簠。浮。雲。蒼。狗。紅。踏。迹。磨。牛。旋。穎。士。原。
無僕。揚。雄。祗。有。鉛。此。身。真。似。寄。到。處。合。從。權。路。出。

重關遠、帆爭過、爲勵。李膺舟可共、庠詰病纔痊。詎
謂封姨力、醴增羈旅瘼。邛籤鳴乙夜、客觴泊東阡。
睡美甜鄉熟、登呼彼岸先。魂飛驚露鶴、神恍勸歸
鵲。進退籌維谷、生疎計結道。恥逾牛後辱、貌愧馬
曹虔。敗兒蘆簾畔、腥聞三楮邊。形孤鏡燼暗、漏盡
析音闕。醒久衾如鐵、更長夕。拭年淚、兼信雨滴夢
還。海濤顛。悔教來成錯、違云謫。是仙薰香怪石葉、
寫悶屬陳元。擬水將趨壑、非襲那情竅。鯨平生多獲
落、憶此最拘攣。丁運傷荒薄、含情寄渺縣。途窮堅
樹立、境換念陶甄。遲久債千佛、垂衰就四銓。亨屯
思歷歷、親故誼拳拳。墨綬王程近、黃壚宿草芊。
所悲榮五義、不及報重泉。遺挂彌珍重、歡悰曷補
填。便容膺。敕贈可、易慰幽悁。契永題衫。時江南
什、癡畱隔世絲。浩歌添腹痛、擲管扣紅舷。

水複過吳門卽見

上諭膳黃因災加賑。抵無錫見官設粥廠。詢市米價一
石四千三百錢。丹陽米價更昂。每石四千八百。流



勾載道。泊揚州見城內大家多粘四十九年五十年舊訃帖及新訃婦人皆綴夫銜名出訃或用叔或用弟死者之子及承重孫轉附後。妾則稱某公淑配下以杖服子著名亦有稱降服子降服孫者殊非禮意。自揚以北尤覺蕭條疫大行。泊淮安訪許虛舟師卒已三十年世兄重履未見。清江惠濟閘頭二三三壩壩外老黃河堙塞出新開河。河甚淺窄僅容糧艘惟輕船可旁行。向來洪澤湖水至壩口與黃河水相會湖水入江河水入海。湖自乙巳淺涸水不能至壩口故河水挾沙而下致塞舊

河。新河自甲辰始開。今河水亦小。舟行頗不便利。
楊家莊新設小壩口。甚窄。止容一艘。故自楊家莊
至白洋河。遷延五日。洋河鎮隸宿遷縣。米至制錢
十千二百文。一石。豆價與米價等。豆腐一斤錢十
六文。麪一斤錢七十六文。屍橫道路。未至鎮。有一

老勾塾師也。戚然哀之。作詩以記。

馬年。建龍月。謁

山東道。凶歲。人世倚。遵陸多恐懼。眠食託高師。誰
謂蘇常閑。愁苦踰浙西。渡江歷揚淮。所見彌淒其。
道如尸陀林。往往從流澌。將至洋河鎮。水淺數日。
稽。款步。忠問俗。里舍半伏屍。畧辨男與女。身無寸
裳衣。邂逅。近。偃。僂。交。枯。痠。存。繫。皮。爲。我。陳。近。事。欲。語。
先。涕。洟。少。小。粗。識。字。授。徒。博。一。瓠。都。都。平。丈。我。甘。
受。俗。子。欺。去。年。夏。奇。旱。失。館。百。事。非。張。中。萬。黔。首。
耘。耔。苦。失。時。丁。壯。力。轉。徙。老。羸。乞。漿。糜。富。人。豈。不。



仁、自抹亦已。初猶稍稍可，後惟顯而噫。百呼無
 一應。活命樹上枝。漸漸及土草，未易逢。臆茨。臘盡
 慘嚴寒。春月雨雪霏。僵死十四五，懸喘爭早遲。豈
 惟困凍餓，疫氣連路遠。不見道旁屋，毀壞無幾遺。
 卽今夢在眼，入口尚無期。斗米錢千餘，蔬菜如靈
 芝。育兒適異縣，生死久不知。有女年十五，無家安
 所歸。六口斷漿水，氣息在依稀。女死我甯活，穀賤
 究何裨。所痛委溝壑，合眼飽鳶鷂。君看市上俎，強
 半死人齷。語罷更嗚咽，聲色交酸悽。皇仁天
 廣大，振貸百萬貲。諄諄戒長吏，詳慎察創夷。人
 賤若此，得毋吏職虧。掠荒無良策，自古重嗟咨。淮
 徐連克青，踵接皆病黎。我昔佐吏幕，禱祀祈豐綏。
 矧今行就銓，父母爲有司。私望玉燭調，祥和周四
 陲。骨內常相保，人壽其庶幾。傾聽歌鼓腹，敬成樂
 職詩。土人謂二麥大佳，然兩岸田多未種，蓋人皆逃
 亡或死，屋上所蓋葦稭亦俱毀去。又行三十里，爲
 亨濟閘。見八九歲女子，多有父母引至客船覓主。

願收養者聽覆之則涕泣而去。夫婦二人年俱二十許，沿河呼號，夫欲賣婦自活。蘇州衛前幫舵工以四千錢受之。一老人挈女子一年十七，男孩一年五歲，女子得錢二千，男孩無人過問也。余作詩二首傷之。

驚婦行云：枯樹猶有皮，小草自有根。結空枯樹皮亦盡，願為共命鳥。鵲腹相依同，日殞郎身。妾妾憐郎一生兩生，一亡兩亡，天實為之。命不

身尚可資，郎食相嚮，淚浪浪，沿街索主，無歸鄉。青

缺多少，曾不長，誰能增益一日糧。我大艣長隄

織與郎，不于求，所適一步徘徊，一週看，從此難望

同井邑。金閨運丁，受婢娟，有貲在橐，米在船。可憐

二十，操家女，換得卅百青銅錢。良人收錢還，願婦

運丁，鞭叱下，船走糧船，歲歲隄上過，郎能再近船

邊否。

鬻孤獨云：四十衰嫗人，誰憐十六七女錢



五千。女年漸少，錢漸減，猶能乞與往來船。獨有男
孩，人不惜，啼嬰往往委道邊。垢面老人，年七十，挈
五歲兒，語連連。首如崩角，淚雨下，謂此兒繫祧五
傳。悲哉！兒母吾子婦，子亡婦亦歸九泉。吾老何由
勾兒食？兒命知無旦夕延。長隄稽首辰過午，莫之
顧者，頻呼天。鄰船蒼頭心惻惻，飼以胡餅，裹以糲。
許爲養子，攜以北。約畧酬之三百錢。小兒雀躍趨
僕，抱老人，嗚嗚夕未旋。誓不敢受賜，兒直惟願撫
兒得長年。黃昏淚痕航，篙欲發，老人再拜聲悽然。主
人勸慰，起掩淚，眼光遙注北去舫。嗚呼！小兒喜得
所，誰念老人情？望墳方信生男不如女，女直差。舟
可供粥餽。我哀老人，心蘊結，剪鐙爲作鬻孤篇。舟
次阜河登岸，有婦數人掘野草一種，狀如辣蓼，長
寸許，葉有微毛，土名蒜梨子，可屑粉爲麪。一種葉
如菊，土名灰菜，可炒食。一種如蔥，中空而叢生，土
名寶蔥，亦可煮食。婦曰：此閒食野草者，數月食之，

面發腫脹、不旬日而死者所在多有。死無棺、埋於土、輒被人刨發、刮肉而啖。余不信。一婦引至河岸、有土穴四處、俱刨開、骨尙狼籍、并有剝下屍遺破衣在地、爲之慘然。是年江西剝船用爲長剝、俗呼小糧船。大王開小糧船淺阻、迨至臺兒莊、已四月二十日矣。越二日、晴川舟至、遂別晴川、舍舟遵陸。昭常熟邵君竹泉及其從弟雲翹赴直隸總督幕、雇車偕行。抵滕縣界河、食新大麥麪、大麥尙未甚熟、人已不及待也。東阿舊縣道中、見小車攜老挈幼由北而來、幾三四千輛、問之、皆景州德州人赴



濟甯拾麥資生。五月初一日，至甜水舖，車軸忽折。邵君先行。次日德州過河，聞邵君薄暮至州，所乘車役捉當官，另換小車而去。尚有數客無車可雇，徬徨道上。乃知折軸免捉，亦天幸也。作捉車行詩。

捉車何喧喧，夜打旅舍門。云是星輶使，火急催南轅。主人色慘阻，語客聲酸楚。客若速發吾，受甚銀鑄鎖。項李何許我，聞別北使者。去未還，相公治河駐維安。上家營車八十輛，置之河干虛以閑。捉車捉車安所用，坐使無益悲滯壅。青蚨十貫入胷囊，瘦馬曳輪連夜送。車堅車敝不容擇，往往中途傷逼人。值轅濡軌時，復聞歌行路難誰與恤。問階此厲者伊誰，指揮問是司牧兒。司牧兒，曠若斯，嗚呼堂堂司牧，由雄縣而北，漸有豐年之象，民氣和樂，知不知。

矣。五月初九日，至京師，主徐端揆。銓。端揆故人頤

亭第四子也。雖給事吏部而門無雜客。寓王文簡公古藤書屋。寬敞無暑氣。甚樂之。彙錄北行日記一卷。謁各座師及同年并知交之在京者。高郵貢

生陳小南

肇麟

介端揆執贄問學。

是科中式順天鄉試。

六月

吏部投供。王惺園師命校天下郡國利病書。從會

稽茹三樵先生

敦和

商惟吏治。左都御史今兵部

尚書河間紀曉嵐先生

昉

余乞雙節言久矣。往反

未見。先生見越女表微欽甚契。屬邵二雲約日來候。余因走謁。蒙賜五言古詩一首。相賞篤至。余嚮讀先生闡藝鄉會二試實有淵源。因修弟子禮。七

月、原選容城知縣年老、改教、余與董君書擬備。二
十八日出京、閏七月初六日至熱河、初七日引
見奉

旨用董書。八月、籤掣湖南永州府甯遠縣知縣。九月初
三日、王大臣驗放。十八日、吏部給憑、呈吏部告假
回籍省墓、呈戶部借領養廉銀四百兩。端揆屬捐
加二級、備公過抵銷、非余意也。得浙江鄉試題名
錄、兒子繼坊中式第六十九名舉人。嵇文恭師附
書撫軍浦公、馮編修鷺庭集梧附書長沙太守裴
公、聞皆爲余說項、謝辭之、惺園師聞、深爲歎賞。擇



吉出京。是月同選者同年鄧鈞臺為網元城高念

齋學濂洵陽余介軒心暢太湖謝曲江文濤臨淄

徐春田志鼎南溪適徐編修鐵崖立綱新授安徽

學政詞館閣部諸同年在浙紹鄉祠公餞作詩四

首畱別都門前輩。百里頭銜試服官台星回首望

知大令難。曾是佐人心。欲碎翻因慙。事膽尤寒耳。

邊詛視分明在。可易民將父母看。乞得鴻文徧

指紳馬馱吟卷出。層闔牽連都及遺孤事。擔荷彌

慙不肖身。忍負熊丸垂訓日。怕羞金筆贈言人。捧

盈執玉尋常語。愁結名場未了因。算難藉手貢

葵衷。臣職差能續諭蒙。耕鑿從渠忘帝力雨陽

好與說天工。敢云政拙勤堪補。盼是人和歲屢豐

致遠合籌甯靜術。官箴凜凜邑名中。瀟江曲曲

抱湘流。說到零陵更換舟。作吏許尋山水約。攜家

同入畫圖游。傳聞縣僻風猶古。料得身閒興自幽。



歸槩他年應不儉。諸公有次韻者、有自作古今體
九疑嵐翠望中收。者有誤序者、贈言甚夥。仁和余編修秋室先生集
作瀟湘山水小幅、常熟黃上舍韻山泰取余詩中
作吏攜家一聯圖寫其意、山陰王湘洲元勳爲余
白描望衡圖小影。所贈詩文類述母節以勉吏職、
頌母儀以儆官邪。任禮部芝田先生大椿書後詳
言居官之節、謂自治愈嚴、閱境彌苦、困阨備嘗而
人不知、疑忌交深而志莫白、節至此窮矣。窮而思
通、終不可通。求不失其守、則法二母之節、二母之
守焉、斯可矣。江西魯絜非寄言、懼余自衒幕學、謂

君子不以己所能者愧人、不以人所不能者病人。而以老氏上善若水、水利萬物而不爭、勸余自全。

二文俱全刻雙節堂贈言續集。

邵二雲贈序、序曰、法家以輔禮制、

律者法也。審察於禮與法之相貫通、而後能明律、而後能養人。余讀唐律疏傳議、予比于仁慈、而參合必以唐六典爲依據、猶見禮教之遺焉。明律改用重典、峻文苛法、欲以齊民、惡觀所謂禮以養人者乎。後之治律者、能銓度於世、輕世重、以劑于平、仁者之用心也。刻者爲之、則傷恩而薄厚、昧者則坐視人之死生疾痛而不自省。州縣之長、盛服坐



堂皇吏抱文書、伍伯環立、哆口叱訶、問以律、則懵然莫能知、惘然以爲不足知、其援律以定讞者、則爲幕賓、鉤覈案牘、以上下其手者、則爲吏胥、居其閑、頤指而氣使者、則爲奴僕。甚至奴僕、吏胥與幕賓、連合爲一心、鉅文破律、戕虐民生、流弊靡究。嗚呼、是曷望其知律以養人乎哉。吾友汪君煥曾、嫻習經訓、以家貧謀養、治法家言、議論依于仁慈、佐州縣治、引三禮以斷疑獄、遠近稱平允。性廉介、嚴於取予、異乎俗所云幕賓者。今以進士謁銓、得湖南之甯遠縣。夫以煥曾之明律而通於禮、本之以

仁持之以廉。吾見煥曾之道得行，而豫爲甯遠之人賀也。雖然，煥曾佐治有年矣，於律文信能通其意而劑于平矣。自恃其能以事上官，必傲以待同列，必驕其御下，必愎。傲也，驕也，愎也。吾未見其道之得行也。書曰：欽哉，欽哉，惟刑之謐哉。欽以言乎敬也，謐以言乎靜也。能敬以靜，則不敢自恃而可免于傲與驕與愎。養民之道，庶有濟乎。余與煥曾交，屢以文字相切磋。茲行也，同學之士多爲歌詩以送之。余槩括爲序，以贈其行。何以處我煥曾，獨無意哉。語尤切摯，古義肫然。彙裝四冊，春田題曰：



日下蘭言。作五言古詩一章。敬書後葉。一官義從

自主。念此身有來。忍為官所苦。官重身乃輕。身官

兩無補。我生良獨難。十一歲無父。二母鞠我身。教

之守規矩。偶小尺寸跡。欲撻涕零雨。為養讀律游

詩。切誦白樹。謂身三世傳。廈顛待撐柱。凜凜慈母

訓。民止嚴布武。貞節天所矜。一第幸承祐。病今奉

官符。風樹摧肝膈。豈惟養不逮。慈訓誰觀續。萬一

違素心。玷。初豈在鉅。編乞天下文。卷帙浮尺許。母

儀賴以章。兼為官箴輔。感誦贈別詞。不襲寵行語。

推本揚前徽。美意足含咀。相望修厥身。惟恐當官

迂。我聞甯遠縣。為昔春陵士。曾哦次山詩。感歎色

慘沮。行且身親為。得毋忘咻噢。官未一日休。身須

百方努。昔賢畏友朋。此義互終古。丁甯仁者言。百

朋實。余在京師半載。同年故舊外。日過從者。俞編

片楮。修柱峯。延榆。茹修撰古香。蔡。魯吏部南畹。蘭枝。邵

吏部雙橋。洪。吳進士殷六。尊盤。徐孝廉春宇。文博。

吏部雙橋。洪。吳進士殷六。尊盤。徐孝廉春宇。文博。

吏部雙橋。洪。吳進士殷六。尊盤。徐孝廉春宇。文博。

吏部雙橋。洪。吳進士殷六。尊盤。徐孝廉春宇。文博。

吏部雙橋。洪。吳進士殷六。尊盤。徐孝廉春宇。文博。

李孝廉立山廷輝、丁孝廉秋水溶、胡孝廉海嶼如

瀛、錢孝廉裴山楷、戴孝廉東珊殿泗、王孝廉蔡園

煦、蔡貢生蒿牀環、湯明府稻邨元芑、馮孝廉穉

雲歲、胡孝廉蘭川鐘、章孝廉逢之宗源、朱孝廉春

泉鉦、陳上舍研香淦源、孫進士秋坪樹本、邵孝廉

芾亭四柑、黃上舍韻山秦、戊子副車同年癸卯孝

廉周耕崖廣業、相見論文、真得友朋之樂。今南晚

雙橋為知府、殷六、春宇、海嶼、蘭川、秋坪、春泉、研香

俱為知縣、稻邨為知州、裴山為戶部員外郎、東珊

為庶吉士、韻山亦中舉人、立山為桐鄉知縣、蹤跡

最近、然不及相見。芾亭於福建知縣任內作古、蒿

牀司訓仙居亦已謝世。已丑初至京師、詞館諸公

聚散之閱、能無感歎。



從容茶話、論藝手談、羸馬敝車、風裁高雅。自壬辰四庫館開、奔忙日甚、規模亦復奢麗。聞遲舟言、諸城劉文正公嘗至翰林院、云本衙門向耐清苦、今因館務熱鬧、將來館停、諸君恐難爲繼。今撤館已久、而既奢不能復儉、惜文正公未及見也。公車慶弔、公分向止銀三錢五錢、最厚不過二金、今則五錢僅見、二金亦爲常事。選官類多寒士、候選時率授徒自給、可以立身。其絢爛者、戲樓酒館、稱貸應酬、得缺平常、往往束手無策。至典質文憑、竭蹶萬狀。遇美缺、頃刻閒忘其本來、事事官樣、招長隨、

覓債主、六折七折之銀、三分四分之利、如飢食烏喙、不顧其後。及出都門、所負已多、到官之初、勢必假手吏胥、設法張羅、左詘右支、自貽後患。故余謂欲作賢吏、正本澄源、必自謁選始。國家體卹寒畯、例借養廉銀兩、果能刻苦、又何必身爲債累耶。在京謹約、同人無不見諒、故不薦長隨、不收別敬、餞席殷勤、至今抱愧。惟各座師處、畧申杯水寸芹之敬、少存禮意。及畱別敬二十四金、爲同年公費而已。十月初一日、惺園師招飲、畱談竟夕、誨勉居官之義甚篤。初二日、與春田、秋坪結伴南還。秋坪



同選新津縣亦同告假者出彰義門作新嫁娘一

首。新嫁娘知得否。昔日女今日婦。婦不易為。味調

疎。娣姒周旋法誰某。小郎衣履小姑繡管攝不周

或叢咎。淡雜米鹽。勉井日殷勤結禱三致辭。願

兒賢聲榮阿母。涿州道中見驅騾者戚然有感激

春田同作驅騾行。琉璃河外塵影高。騾馱騾載如

養夕復朝。爾虎有窟。飢有溝。匪需爾力。胡爾焚力

料。何不稱頌。爾虎有窟。飢有溝。匪需爾力。胡爾焚力

勞人勞。上公卿下。簿領曹。量能給廩。誰嬉遊。騾乎

騾乎。安所遭。主至腰站得觀馬二首。奧人惜馬力

人。勞粟非濫。明。至腰站得觀馬二首。奧人惜馬力

廿里一飲水。廿里笏之計。程行百里卸鞍必以

時。行步常偶。蹶揚鞭不忍施。馬漸解人意。緩急無

參差。如何為民牧。民隱了不知。我觀當轅馬全

車任獨負。羣馬多自如。轅下空驤首。行止逐馬羣

駕先卸每後。羣力少不齊。覆車誰歸咎。傾壓到本腹。蹶憂患獨身受。百里專城官。此義當念否。

雇車至王家營。抵滕縣臨城。駟同雲密布。改道臺

兒莊。甫下舟。雪大作。是秋南河口決。安東沈沒。渡

河以南。汪洋無涯。高郵寶應。河與湖連。舟行甚

險。幸晴霽無患。淮安得詩一首。兩岸淮隄高過屋。隄下人家水中宿。

隄東平鋪萬頃波。隄西稍稍見原陸。中流大舸連作橋。競渡下夫隊。脊搗水多土少可奈何。欲堙洪

流先葦束。一鍾土饒一握金。官符星急無夜夙。隄上老人泣且言。皇仁白廣天心酷。月記孟秋

日甲辰。清黃並漲。交撞觸。七方口岸決同時。安東城市埋魚腹。泛濫高寶連。維揚三百餘里。罹慘毒。

河湖一氣接。混茫奔走長。官盡蒿日。民命上繫。聖主慈治。河使者相隨。屬五里澤洞。十里渠。分

之使殺河身復。窪田久已成巨洪。田畧高亦水。蓄爲魚爲鼈。知幾多存者三旬活。九粥。昨年苦爲

蓄爲魚爲鼈。知幾多存者三旬活。九粥。昨年苦爲



旱魃災疫鬼。春深侮焚獨。道殣從橫無一收。往往
 犬豕出殘積。何圖延喘百日餘。微命又遭河伯蹙。
 骨肉彫亡生亦徙。聲將淚迸仰天哭。嗟余素未習
 圖經。安知河勢起與伏。與河爭地。河日高。揚子江
 頭合四瀆。危絕淮安百萬家。釜底藏身逼水族。我
 皇仁聖格天吳。其來雖暴去幸速。善後誰紓
 讓三策。挑鎗讀。白清河至寶應。得一律。百里隄西
 頃逢。漚洋知屋脊。薺露認林梢。慶是誰家。二十四
 畝分從幾處消。出眠無達識。掛網蕩漁船。
 日夜舟行丹陽道中夢 徐太宜人病容有戚操
 作如平時。已而手植一樹於庭。作五色花。鮮妍耀
 日。少頃秉燭上藏書樓。握五寸許竹籌數十付。輝
 祖曰。幾散失。好好收藏。隨下梯。倚竹牀立。忽形容
 豐碩。若三四十歲人。置燭於几。倚輝祖右肩曰。近

來常有人拜我。汝須答之。僕指姓名凡十餘人。輝

祖曰、可以不答。兒見友人父母固無不拜者。母

曰、雖然、我何敢當、必須答也。輝祖敬諾。仰見母

容甚喜、因問曰、娘今飯食大加耶。母曰、也只照

常、卻無心事耳。輝祖曰、娘何必有心事。願娘長健、

兒亦別無心事。母曰、大難大難。乃泣下。輝祖亦

泣、旋執手大慟。會鄰舟相觸、遂寤、淚溢兩眶、流瀉

被池、悶悲夫。輝祖屢夢考妣、然卒無語、即語亦不

甚了然、未有楚楚若是者。豈惟母健不可復得、

即夢中承歡、又豈易易哉。悲夫。因急起披衣、書以



誌之。十一月初三日還家。第六女殤。展先墓料理。繼坊會試。典產豫到官資斧。課座右箴一則。屬陶南園莊書。攜以自警。箴曰。毋肆汝口。輕率悔乘。毋任汝質。疎野謗異。過剛必激。好勝必矜。汝矜而激。人將汝懲。古詩垂戒。畏及友朋。官幕異勢。毋恃汝能。躁急易誤。碎瑣誰勝。惟勤惟儉。以漸以恆。上下協一。庶無怨憎。好人是訓。遺命服膺。贈言盈篋。雙節竝稱。汝不自愛。先業曷承。素絲染緇。白圭玷蠅。敬奉遺體。夙夜兢兢。

病榻夢痕錄卷上終

病榻夢痕錄

卷下

五十一年丁未五十八歲正月繼坊赴京師應禮部試。

二月初一日挈眷屬曉發由義橋雇江山船至常山縣陸行一日爲玉山縣另雇官版船至蘆溪縣

陸行四十里爲萍鄉縣雇杞杆船三月初七日至

湖南醴陵縣晤署縣常熟趙韓軒

貴覽今乾州同知。

備言

湖南風尙吏治初八日至湘潭縣晤方君

維祺才

人也論亦切到知撫軍有赴常德修隄工之信卽

夕聞眷屬暫泊湘潭買小舟赴省初九日至長沙



謁見撫軍嘉善浦公霖、藩司漢軍郭公世勳、臬司

滿州恩公長。時衡永郴桂道滿州世公甯方署岳

常澧道、永州府知府太倉王蓬心先生宸兼署道

篆亦在省謁見并謁長沙府知府錢塘陳公嘉謨。

撫軍問余年歲余對履歷年五十一、實年五十八。

撫軍云曾作幕否。余曰曾習過。撫軍云署事官未

必認真卽見兩司速到任辦事。余應諾出嚮在浙

幕時臨汾祁陽爲撫軍新選官到省一二旬始得

見見亦不令赴任又不敢稟辭故余甚憂吏之難

爲。惺園師由督學陞左都御史余往送行師約謁

選時相見。余敬對曰：「某恐不善爲吏，不敢謁選。」師曰：「君子行其素位，應選則選。天欲成子，必有好上司，可勿過慮。」是日，念吾師言，深自幸慰。次日上院，蓬心先生語余曰：「頃見大憲甚賞君誠實。」且曰：「甯遠疲悍，君曾習幕，可望整理。」陳太守言：「君三十年名幕，謙言習也。」且述君幕蹟品行甚詳。大憲曰：「此人旣誠實，又不自衒，大有學識。」君進見，當以實告。次日，同官稟謁撫軍，畱余專見長沙縣傅君。廣聰鹿邑舉人語余曰：「大憲精細，應對須簡明。」及見撫軍，歷問游幕及主人姓名，因道甯遠積疲難治，舉



著名訟師天罡地煞綽號諭令捕治。蓋前令趙君爲撫軍同年，以邑民控提督衙門去官，故撫軍於甯遠纖悉具知。遂面辭赴各衙門辭行。是日同見臬司者十一縣，皆言檢骨事。恩公因語余曰：「此間民俗刁健，一涉人命，雖嫡屬無異言，其同族外姻猶以屍親告訐。向來訊明，僅予杖枷。吾皆令開檢坐誣，以示重懲。子受此種詞，非詳檢不可。」余起對曰：「敬奉憲命，但某尙欲曲求恩鑒。」恩公曰：「子有說乎？試言之。」余曰：「檢骨極慘，有冤可雪，死者所甘。萬一以妄告，故骨遭拆洗，蒸檢無辜人，證橫被株累。」

而誣告例止充軍、似覺法輕情重。且有父母兄弟妻子、則他人均非至親、例不得插身滋事。應請先示諭禁、以杜訟源。若因疑妄告、果能到案供明、杖枷發落、似足蔽辜。恩公顧謂同官曰、此言甚有理。復語余曰、甯遠現有鄧姓案、委零陵會檢、子去細心推勘、吾卽以此觀治術矣。出、同官爲余慶曰、恩公明察、屬吏無敢輕進一言。君初來、遂發莊論、君言果用、福庇多矣。此風開自長沙裴太守、憲詞批府、太守不耐勞勩、幕友設策、草草一訊、便詳開檢、可以轉發各府審辦、人多議其造孽。八九月前太



守暴卒、幕友亦不良死。聞恩公近頗追悔，故君言易入。然微君，誰能回憲意者？後恩公頒示嚴禁混冒屍親之習，余審鄧案得詳允免檢。會陳太守鞠獄勤慎，非萬不得已，從無請檢者矣。過衡州，謁督學昆明錢南園先生，禮亦言甯遠士習亟宜懲創。晤衡陽許君，疑道安陽人，辛巳進士，年七十餘，老成端重，後陞都察院經歷。笑曰：吾素不款客，今爲君特設一飯，將有以告君也。席閒詳言永州吏治之敝，甯遠爲最。往時惟陳丹心宰是邑，正己愛民，不愧父母。劉文正門下士固應爾爾。此後二十年未見一

人。今見君誠慤，陳君有嗣響矣。余敬誌之。因念惺園師門牆亦不可玷也。晤清泉縣倪君爲賢，崇明

拔貢生，褻辱贈雙節堂詩，握手如故交。畱余晚餐，言大憲俱易事，惟臬司才大心細，事之不可不慎。遂由衡州遵陸，二十五日抵甯遠界首鋪，巡檢李

峻謙典史王謙來。禮房吏請次日齋宿城隍廟。余曰：

不必虛應故事也。不可質神者，吾斷不敢爲耳。二十六日曉行二十里，觀者駢集，吏役夾道迎跪，諾聲雷動，儀從甚都。自念佐幕三十餘年，齒逼衰殘，蒙



聖恩高厚、畀以民社重任、感極涕零。又痛 兩母如在、

年祇七十餘、尚可迎養、而馬鬣久封、烏私莫遂、於

邑久之懼負 朝廷負百姓負 母慈謹身勤民

之志、由此益堅、輿中得七律二首。驚朽何緣答 聖明郊圻百

里荷專城。長憂官折兒孫福、難副人稱父母名。翹首爭看新令尹、捫心自愧老書生。貪天惟有豐年

頌、歲歲平安到宦成。慈幃冰雪兩艱辛、成就孤兒憂患身。百里傭書江上客、卅年讀律幕中賓。題

名晚悔慵稽古、竊祿遲悲不逮親。今至縣門、即見日做官、逢運氣、敢忘遺訓、安為人。

有以繩拴數惡少、如欲控愬者、既拜篆升堂、僉押

卽諭傳進門。老役跪稟曰、吉禮尙多、請俟來日。余

曰、官之吉有重於理民事乎。卽訊則縣民王勝字

爲惡勾所毆羣起而拴送也。勾四人咸予大杖重枷。卽聞堂下歡呼好官。老役復跪稟曰。此輩藉稱鄰邑。因上年歉收竄入甯境。不下六七百人。擾累各鄉。甚有孤僻邨民遷避去者。余諭選役捕逐。少頃典史來謁。問之信。余曰。何以不究。曰。勾多役少。恐激事耳。余計無所出。二十八日。吏送冊點催賦差。忽有所得。急刊二寸小單。於點名時按役給發。令催賦所至。遇流勾立會。鄰保協捕。俾各處有催糧之役。卽各處皆捕勾之人。勾之尤者曰老猴。廣西人。綽號飛天蜈蚣。妻號飛天夜叉。年僅五十。有



拳勇寄居縣境巖穴中十六七年。黨翼六七十人，分路強乞，輪日供膳。老猴夫婦食有餘貲，貧民轉向借貸。或忤其黨，則挺身行兇，莫敢誰何。余訪得之，與駐防姚君約，令里民設法同捕。伺其醉歸，掩擊縛之。嚴刑拷訊，盡得匪黨姓名。羈老猴於獄，分頭緝捕。其妻聞風夜遁，黨各星散。不半月，邑中無勾。百姓感余去害之速，踴躍輸將，欠賦舊習不懲而革。時已初夏，飭吏示期勸農。吏請儀注，老役稟曰：「自陳本官後，將三十年，未嘗再行，故無知者。」陳本官卽許君所稱丹心者也。徵許君言信。老役名

李成、陳君遴點頭役，每新官到點卯值堂，或一月或兩月，輒告病假，懼有累也。終余之任，日日承應無誤，亦見陳君之知人矣。四月初七日，縣民蔣良貴喊稟，弟婦田氏爲胡開開爭佃毆斃，鞫之則稱承佃李維翰田三世矣。爲胡開開謀佃，被毆致死。詰其兇器爲犁木棍，毆傷顙門，當場奪得於中途棄擲。案多疑竇，且詞色甚餒，遂繫之署中。人以其爲繫屍親也，大愕。比核傳驗稟，閭人密稟李維翰爲南鄉首富，余因抹去維翰名。時所延幕友王君尙未至，件作因公在省，關借鄰邑新田，亦無件作。遂



令刑書隨往、驗田氏屍身、合仆田中、髮際一傷、斜長皮破血出、確非棍傷。至良貴家、見其犁無棍、卽攜犁迂道行過良貴初供棄棍處、檢得棍合之、原物也。因究出兇具別有竹片、乃伊弟良榮所毆。田氏因竊維翰租穀、維翰退佃另召。立時鞫得真情、諭繳原具定案、不累開開、不傳維翰、邑中遂有虛譽。甯俗一矜以上皆把持衙門、不與地方官相見。余以矜士爲襄治之人、不見則不能周知風俗、屬學師諄切傳諭。士稍稍來、以禮接之、有呈文字者、教正之。凡見必問其所居之里、種植所宜、有無盜

賊訟師地棍有則考其名姓年貌一一籍記升堂必檢閱一過以備稽察。於通衢榜訟師姓名白丁則詳著其綽號。矜士則約舉其里居。諭知已往不究再犯必懲令洗濯自新。訟多以矜士爲鄰證亦先爲榜示點名後概不問供。生員給紙筆在堂右席地作文。鄰證必有白丁。審係左袒生員卽與白丁同舉請教官當堂朴責。非左袒者生員亦不取供。季終將文彙送督學。職員監生先責後詳。一日有黃丹山具辭察其年貌與籍記南鄉訟師綽號智多星名黃天桂者合。詰實先命杖繫之堂柱檢



其訟案分別示審。閱日審竣。訟一事則命杖二十。繫柱如故。不半月。憊不可支。未審各案。其母求被。告人籲息。又繫十日。以累母不孝。復予重杖。涕泣悔。臯取結釋。逐其弟黃天榮。綽號霹靂火。皆挈眷。竄居道州矣。先是丙午歲。穀價騰貴。每石制錢四千文有奇。示諭民欠倉穀。暫緩催徵。以俟秋稔。當是時。奏銷期迫。庫貯未充。雖完賦者。較前踴躍。而民力未免拮据。諭告各鄉。謂歉收之後。大概力絀。大戶亦未必從容。但較小戶。尚可那展。應勿拘。四月完半之例。努力全完。以免催提。小戶。卽於急。

公之中、可見睦鄰之義。令下車伊始、未遑撫字、先事催科、殊非親民之道。然誤。奏吏議地方官辦理不善、分難辭咎、而累及上官、心有不安云云。解事者爭相誦述、謂撫字二字、目未經見、官有此心、共當曲體。一月之中、完數倍溢。甯俗最重、朱示以朱筆、非他手可假。余之諭示多在堂上、朱書故紳民尤易感動。常平倉額穀八千石、社倉之在縣者二千石、余受代止現穀一千九百石有奇。其二千石已給兵餉、餘皆累年民欠。社穀則歷任折價移交。五月、民艱食、詳請平糶。儘現穀糴米、分設男婦

兩廡。糴者以門牌爲據、吏胥包戶之弊一概杜絕。
季考生童、課崇正書院、酌定規條、作論文絕句十
二首示之。

言孔孟言大是難、

御製
幸貢院詩煌煌

天語訓儒冠。買珠莫便輕畱櫝、龍領探來子細看。 枵

腹難雄抵掌談、心花意蕊古今含。試看四月抽絲

繭、都是三春食葉蠶。 學得飛昇鍊骨仙、精神到

處細筋聯。開枰一著關全局、勝算須操下子先。

堂堂正正陣雲排、微倖奇兵萬一乖。底事蠶叢尋

別徑、杏花春色在天街。 浮煙漲墨總無情、依樣



葫蘆作麼生。聞說傳神歸阿堵。休教眉眼不分明。
不律陰持造化權。何當苦調譜哀絃。雒陽痛哭
才伊管。梁傅傷生尙少年。第一難醫是俗塵。陶
鎔六籍出鮮新。撫將成語供塗抹。班馬韓歐也誤
人。侏離鉤棘轉喉妨。語到科名要吉祥。省識虞
廷颺拜體。書生羔雁是文章。毫端生氣斡靈機。
落紙煙雲字欲飛。赤腳十年行且嫁。丹青虛寫五
銖衣。黃河九折勢奔騰。路入千巖逸興增。若使
岡平流直瀉。教人畱眼阿誰能。力窮穿縞笑羸
兵。善始謀終氣自盈。解悟秋波臨去轉。歌闌應有



繞梁聲。骨勁神清藻采妍。朱衣能使命無權。米
顛贊石傳三字。乞取論文得妙詮。黻則致不直。透
則義不粗。瘦則
詞不膚。兼此三長。六月。撫軍命臬司札調赴省辦
庶幾有目共賞。公事。余具稟辭。其畧曰。受事未久。卽蒙調晉省垣。
可以面承訓誨。上進有階。逾格栽培。實非意想所
及。但甯遠偏隅。疲頑習久。諸事廢弛。未敢縷陳。庫
項倉儲。多有民欠。查非捏飾。照例接收。然設法彌
補。勢難猝辦。自維謏劣。深懼曠官。接篆以來。夙夜
焦急。檢查歷年訟檔。自大憲以至本府。共四百餘
案。二八收辭。日不下二百餘紙。計惟竭誠殫力。將

新辭舊牘依次釐清。日在公堂與紳民相見諭以皇仁憲德。上下相孚。庶可不藉追呼。輸將踴躍。若此時赴轅。須開徵還縣。舊欠未完。新徵又督。官民未洽。掣肘必多。仰祈恩免。俾得從容。犬馬之力猶存。馳驅之報可待。儻敢飾詞委卸。怠惰偷安。咎由自取。難逃遐觀俯聽之中。云云。王友以爲不可。巡檢典史俱來勸止。以爲撫調可違。臬調斷不可違。余曰。不過才力不及。或以避事去耳。臬上撫軍謂臬司曰。甯遠地瘠民刁。汪某竟肯任事。速止之。臬司察實。不惟不以爲忤。且逢人獎勸也。其時已檄署道。



州因此撤委。王友訝余無志進取，辭去。余遂不復他延。平糶時，鄉民多無門牌，不得糶者，乃力行保甲法。八月初一日，集三十六里地保人，予空白簿一、墨一、筆二，令將所管邨莊填註管內四至接壤及山多田多塘堰若干、橋梁若干、大路通某處、小路通某處、某土著住己屋業何事、某流寓主何人、有無恆業，一一注入簿內，限三月繳案。秋大有，開徵諭知各鄉，官民本屬一體，緩急義須相關。聽訟之任，責專在官，完賦之分，責分於民。官不勤職，咎有難辭，民不奉公，法所不恕。甯俗錢糧素多延欠，

今舊習已更深爲嘉尚。再與紳民約月三旬旬十日、以七日聽訟、以二日校賦、以一日手辦詳稟。校賦之日、亦兼聽訟、官固不敢怠也。爾等若遵期完課、則少費校賦之精力、卽多畱聽訟之工夫。至穀旣豐收、價已大減、四月閒完一石者、今可二石有餘。此則具有天良、不待長民者之催督矣。後傳誦至長沙、大荷撫軍激賞。九月、奉府委勘新田縣爭山案歸、下痢甚劇、幾斷飲食、屢易醫不效。鄉民完賦、繳穀者多至宅門問病、或以白菜乾爲獻。土產無白菜、故民間寶貴之。十一月、地保繳戶口冊、便



道至鄉抽查、有舛漏者責之、別給簿補造。并諭各里有遺漏者、領簿另編。夜聞雁聲、縣在衡州南五百餘里、是雁未始不過迴雁峯也。筠廊偶筆言、迴雁峯因峯勢取名、信然。稗官之說當不足據。縣俗人命牽連最重、遇無名路斃浮屍、地保及無賴子擇里中殷而愿者、恫喝取錢、不遂則報官。蠹役翼之、必飽其欲、乃攔驗。或地僻路遠、官憚於行、則譌詐尤甚。故一月閒、以人命報驗者八九案、至十餘案不等。俗謂之油火命案。蓋薪欲火而加之以油、薪比匪類、油比官也。余蒞任後、凡受報辭卽訊訊

畢卽赴驗。有續到之人沿路訊供。夜隨便假宿。雖雞棲豬欄不避穢。訊誣於屍場痛懲惡習漸改。十二月初一日九疑支山諺稱拚命嶺者地保報劉某家門有縊屍。余立時命駕地保稟阻嶺離城九十餘里山徑險仄官不能去。余詫曰汝可來我獨不可去。是權在汝矣。遂行。次早近山二十里重巖複澗易筍輿行榛莽中。又五六里筍輿亦不可行。乃步。又三四里仄徑一條下臨深澗。已隆冬水猶潺潺不絕。足不可容。乃令土人前挽後推攀林木背澗蟹行。達於屍場則卧斃之屍。地保與匪類數



人移詐劉某以詐不遂報官意官必不去而詐可終遂也。鞠實各予滿杖仍繫回縣門枷號而劉家一無所累。比出山則汗浹重絛輿中得詩二首有曰層厓紛虎跡密樹亂猿聲俗敝機謀險官勞性命輕其境可想。然自此油火之風盡息矣。縣民匡學義本陳氏子爲匡誠乞養誠生子學禮授學義田八畝歸宗後學禮病不起贈學義田五畝屬以家事學禮遺田二百畝妻李氏能儉勤厯十七年增置田百餘畝歲息日阜甚得學義力一日田主贖產會學義他出李氏令子勝時檢契則載學義

與李氏同買各契皆然。詢之學義，堅稱產實公置，租亦公分，詳記租籍。李氏愬前令不直，愬府發零陵，亦以產契租籍爲憑。愬本道發道州，逾年未結。李氏求發余審。余思學義爲李氏治家，田皆學義交易，李氏執契而不識字，契載自不可憑。但舍契以斷，不足以關學義之口。且分租有籍，李氏不能以口舌爭，因亦照契斷爲同買。李氏再三哀剖，至於號哭，余麾之去，而獎學義善經理。學義忘余爲鞠事矣，問其家產，曰共田十三畝。問其息，曰歲入穀三十一石，得米十六石。問其家口，曰一妻二子。



三女。問其生業。曰某代李氏當家。唯長子年十八。方能力田。余曰。據汝言。完餉所餘。不過十四五石。米以膳六口。食尙不給。況有蔬薪日用。力何能支。曰。妻子度日甚苦。余曰。人皆言汝有錢。何耶。曰。自苦自知耳。余拍案大怒曰。然則汝同李氏買田之貲。必由盜竊來矣。命吏檢歷年報竊檔案。佯爲究鞫。學義大窘。叩首曰。某良民。未嘗爲盜。價皆李氏契。特僞書同買。欲俟李氏物故。與勝時爭產。故歷年租入。竝無欺隱。蓋租籍亦由學義僞爲也。余乃呼李氏慰諭之。契塗學義名。毀僞籍。產歸李氏。李

氏求究學義累訟。余曰：學義誠可惡，然吾念汝夫知人，設所託不當，原產且廢，安能續置？免其罰而勒令歸宗。縣自國初兵燹，城皆圯，無雉堞，郭門亦久廢。祀典所載祠廟，惟文廟曾經紳士捐修，規模粗具。龍神廟因丙午大旱修築。武帝、火神、城隍各廟皆上雨旁風，觀瞻不稱。城西南俱如村落，惟東北二門畧有雜肆，歇家。弘誦寥寥，久無游庠者。衙署傾頽，無庫藏。歲徵賦則貯於內宅。余蒞任，先捐建庫三間，設庫書、庫丁，謹其筭鑰，賦不入內，防挪用也。詳借養廉，修理衙署，勸富紳修火神廟，城



隍廟。至是次第竣工。初四日、奉委兼署新田縣、至次年四月初八日卸事。是年、繼坊書來、生長孫甯兒。今名鐘。寄俸歸建秀山墓祠、鐫魯絜非前謨祠記。五十三年戊申、五十九歲。正月、公堂行鄉飲酒禮。縣久未舉行、觀者如堵牆。初九日、赴新田相驗北鄉路斃女屍、年約七十餘、有跌傷數處、死由凍餓。余驗實、飭地保斂埋。居民以前數日羣勾負此婦行乞、恐有屍親擾累。余曰、親屬棄屍、彼自有辜、必不敢冒名嫁禍也。有附近居民口稟、舍側空室有受傷人、僵臥垂斃。余往視、其人佯死、令伴作解衣、始發

聲。訊爲廣西全州人。子身行乞。被人毆傷。故借宿於此。驗其左臂左腿俱有棍痕。曰。是必與匪類行竊。被事主追毆。同類掖之來。爲譌詐地耳。不必給與飲食。任其去死。卽埋。吾已驗。無容更報也。退密諭屋主。宜稍給食遣去。余遂行五六里。過一邨。見流丐男婦三十餘人。諭其去。則環乞盤費。余曰。流丐官當逐。違卽究。無給費之理。若輩曾到甯遠否。曰。不曾去。曰。汝知甯遠汪知縣乎。曰。知。知其治老猴乎。曰。知。識汪知縣乎。曰。不識。余曰。余卽是也。今兼治此邑。汝不去。枷且死。丐皆叩首願去。不數日。



新田境內無一惡勾、佯死之勾亦去。屋主至縣叩謝各鄉民隨而來者百餘人、歡聲載道、且云自柴青天後、無爲民除暴者、何幸今日復見好官。余讀書數十年、忝爲民長、一無善政、而兩縣得民俱由去、良可自笑。所云柴青天者、名楨、令新田三年、陞同知、去已二十餘年。時爲福建興化府知府、訪之閩人、政聲甚美。迨壬子夏、余歸里、柴公方爲浙江鹽道、有賢名。後爲兩淮鹽運司、以官浙虧空論死。蓋棺論定、古人所爲重晚節也。縣東北下隊鄉離城七十里、民貧俗悍、以私宰耕牛爲業。民無事

不入城官亦近百年不到遂至抗糧成習。四月余抽查保甲便道至彼先期令居民齊集聽宣。

聖諭屆期具公服帶講生前往宣講環而觀聽者合里老幼婦女俱集詫謂見所未見余遂委曲面諭守分奉公之義戒私宰勸輸課欣欣有喜色自是民入城必躋堂叩安囂風漸革百姓之易感如此地最高燥意欲開井疏泉而上多沙石竟不能行歉然也五月初一日給發各鄉門牌有未給者咸來求補境內陋習夫家或貧或夫妻反目輒嫁賣娶主先付半價畱半價以防訐告婦人不以守節爲



重不幸而贅媒者踵接雖紳士大家不以爲異。其母家愈有聲望娶主愈樂增其直。室女恥爲繼室。中年喪偶不得不續娶孀婦。妻妾之分。懵然不講。家族之所以稱妾及妾之所以稱家族者皆與妻同。女子年十二三歲遇姻鄰女子同庚者兩意相諧結爲姊妹如匹偶然他人不得復參也往來甚暱至嫁乃已。嫁之前夕姻婭鄰族女子年十四歲以上者畢集主人設長凳於堂之左右雜坐女賓設長几於上羅列杯盤酒茗諸女子面南而坐名曰歌堂出嫁之女哭於戶內則堂中諸女和歌以

答之。姻戚兄弟皆哭。哭畢，繼以鼓吹。鼓吹畢，嫁女復哭。和歌助歌及鼓吹皆如之。女子哭時，絮絮有詞，專指贈簪女子，必將所贈人事一一敘出。贈簪女子答歌，則各敘不忍離別之情。自此達曉，歌哭喧呶，出嫁之女聲愈啞愈佳。故女子生年八九歲，卽以學歌爲事。新壻至婦家，婦女隨之灑水，以能避爲巧。皆闢風俗之大者。一一示禁，有未解者，復愷切諭之。屬紳士採訪幽隱，節婦貞女，覆覈確實，給扁獎勵，輿情忭悅。是歲預行己酉正科鄉試。七月初一日行賓興禮，亦創舉也。縣入 國朝，惟雍



正壬子、乾隆甲子中式二人、諸生絕意科名。又距省遠、每科應試者三四人、四五人不等。士氣日頹、甚乃以刀筆餬口。余錄其可造者、收之書院。月四五課、親董勸之。應賓興而貧者、酌給卷資。竝稟督學、寬取遺才、以示鼓勵。故赴省之士、由科舉者二十三人、應錄遺者十四人、爲數十年未有之盛。奉聘入闈、過新田、士民迎送相望於道。八月初一日、院考簾官、取第一名。四書題可以爲師矣。詩題披沙揀金得文字。初二日、藩司柬送科場條例。是科始令舉子三場試藝、皆開寫添註塗改字數、每場不得過百字、硃墨卷

皆點句鉤股。二場默寫頭場試藝。經題專用詩。次年會試用書。下科鄉試用易。以後鄉會試輪用春秋禮記。分用訖。合用五經。初六日入內簾。主考翰林院檢討仁和蔡毅堂先生。共武刑部山西司主事吳縣潘畏堂先生。奕藻畏堂先生余都門舊交。然每呈薦。頗不相得。蓋先生所取尚才氣風華。而余薦卷則取沈實。先生笑語余。何以必欲得老門生。余曰。某中式時已近四十。設爾時本房師專取少年。則某且不得爲房官矣。先生曰。君言良是。第掄才大典。所取之士。他日當爲朝廷出力。若是



遲暮何所用之事後深思有味乎其言之也。誤藍

毫雜記一卷。試院述懷詩六首。暫解銅章意灑然。

來參玉尺掄才地。坐對金風洗露天。文價早輸鸞

掖貴名場。尚結鹿鳴綠。連宵湘岸殷雷動。幾許潛

雙待躍淵。秋闈九上四春官。席帽麻衣力就殫。

從此出頭真不易。即今經手忍相謾。虛叨憲府殷

殷聘。怕素公庖日日餐。文字久拋塵。廣外微才欲

竭夢難安。楚客辭華自昔聞。三閤餘韻尚畱芬。

程材細準新。裁格迷眼愁。辜舊論文。曾是揣摩行

我法。了無恩怨與人分。心聲第一懲鈞棘。會有濂

溪獨冠羣。清毫染。龍幾俄延。過眼安能信。了然。

不是承恩先。第一多應逐。隊試三篇。尋常魯

衛難兄弟。銖兩王盧別後前。爲問無雙誰國士。好

從萬選覓青錢。又聽喧喧報鼓吹。文場塵戰已

竣期。欣逢片玉初商價。愛看飛鴻欲漸遶。甲乙我

愁持鑑誤。推敲人訝扶。九遲輪腸不盡。憐才意除

是朱衣。或未知。參斗芒寒夜氣深。短檠搖影更

披尋也。知遇合關渠。命未敢倉皇負我心。青鬢能

消秋幾度、驪珠肯使海終沈。區區。九月初一日揭報。國文章分、桃李他年何處陰。

曉本房中卷五名、石門梅。侯登元、湘潭江起鳳。

龍先法、甯鄉劉宜肅。副榜一名、華容程廷舉。廷舉。

前副榜也。甯遠中式一人、樂之新。生與王定元、李

承膺、余所稱書院三俊者也。出闈後、臬司欲畱余

在省勘獄、會南園先生清理徭籍、縣多徭產、告撫

軍命余兼程速歸。稟辭後、謁南園先生、論體國治

民之道甚悉。贈余楹帖曰、修身欲到顏曾地、奉國

唯從官禮書。命從者抱幼子出見、曰、吾在京師、同

年交好、惟有一二雲、其他皆不相往還。若君者、雖隔



省不可不敘。蓋先生辛卯進士、而鄉舉則戊子也。遂行。二十日回任。秋有年、集三十六里紳士股戶議修城垣、僉曰惟命。乃周閱四門、估工價銀三千四百兩有奇。分三十六段、令各里分任。里之產少者、以產多之里助之。各段設董事二人、應捐若干、聽其自議、歸成數於官。官董其工、各匠應領工料價值、官覈領狀無浮、則給印單、令赴董事處支領。銀不入署、以杜吏胥之剋扣、并免染指之謗。議既定、刻日購料、定於次年二月初一日興工。常平倉向無應祀之神、內有伯公祠、設像三、土人稱三伯。

公相傳皆捕虎有功之人。秋成後，各里報賽甚盛。余從民志，捐俸錢新之，卽奉爲倉神，加敬禮焉。縣民黃名世，訟師也。前令趙君任內，與人訟，上控撫院。長沙太守已審誣矣，復翻控，逸不到案。余以他事獲之，檢得院役史坤攬訟筆據，稟院發審。浦公見稟，立將史坤革役，遞解下縣。同官詫爲異數云。零陵縣民謝子純，弟亡六月，婦劉氏生遺腹子，三歲矣。劉有傭婦董，與無賴子蔣甲有連，會董以毗睚去，子純覬劉產，啖蔣以利，指劉子爲其子。董爲劉乞養，欲以其子歸原，而董證之。控縣，控府，逾四



年滴血亦介游移。適余以公事謁府，府提此案，犯證俱齊，委余代鞫。劉之證佐皆生子時喜筵親友，不能塞董口。余細檢原卷，證者不一，曾無一語及穩婆。惟劉雇乳媪，在生子四月之後，董據爲乞養蔣子之驗。因屏去吏役，一一研訊。劉稱穩婆錢氏尚在，并產時服役有別媪，鄰居現存。產後自乳，以患乳癰，始雇乳媪，亦有治癰醫師。詢其居里，離城七里。密諭劉不得漏洩一字，託故出城，赴劉居查訊穩婆、乳媪，并侍產鄰婦及醫師，各供皆與劉符。歸詰蔣、董，得子純唆訟狀，分別臈之。未終日而案

定。縣南下灌里，李氏聚族焉。傳爲唐狀元李邵後。里左有山曰祖墓，爲李家地。鬻自藍山縣民蕭氏。蕭舊有冢，李削平之，上立始祖啟祥墓碑，稱爲邵父。蕭屢愬前縣，皆以李碑有據，蕭墓無憑，不直也。聞余勘山詳審，復呈圖求勘。余詣山，兩族迎者各數十人，從而觀者不下千人。案蕭氏圖繪玉冢在李墓後小峯之上，平原茂草，無墓狀。蕭力言下有屍棺，具結求開掘。掘至五尺餘，尙無蹟。余欲輟工，蕭再三哀籲，余疑之，召觀勘之。臨武縣耆老問鄉俗葬法，僉曰：深者或至八尺。令再掘約七尺，見堊



灰色潤而味淡、入手粉碎。耆老曰、此灰色性入土約二百餘年矣。更掘一尺、則兩脛骨在焉。蕭族羣仆李碑、余曰、曲誠在李、碑必仆、然不待官斷、是玩法也。仆且得臯。命李族侍立、余後蕭皆斂手聽命。乃督役助蕭埋骨訖、余下山、命李族前導、慰諭蕭族安塋。次日詣縣、余爲之讞曰、李山原受於蕭、舊葬諸墳皆在蕭之下。山名祖墓、當因蕭氏而起。蕭族微居遠、致先墓漸爲李侵。今旣驗有墓據、李自不得復佔。查李家譜、載始祖邵墓在木塘、去下灌二里、並不載啟祥墓所。且稱邵係唐太和元年狀

元授河南府參軍、讓第劉蕡、忤中官、出知賀州。案兩唐書劉蕡傳俱云、李邵河南府參軍、應賢良方正被選、以蕡下第、疏諫不納、後歷賀州刺史、非由入選而後授參軍也。唐惟進士第一人稱狀元、他科首選無此號。遙遙華胄、李邵之名之稱與宦蹟先後已俱未確、何況其父。且始祖之稱以上世更無可考也。邵尙有父、卽不得爲始祖。今李譜祖始邵、墓祖又始啟祥、以矛刺盾、不攻自破。是啟祥墓碑顯屬李氏僞造、但建立已久、沿譌承謬、莫究所始。追祀之禮、有興無廢、應將原碑移置小峯之下、



李墓之上。其自峯而上。地盡歸蕭。李再侵損。執此呈究可也。郴州宜章縣寡婦鄭宋氏無子。欲繼親姪鄭觀。族人謂觀無兄弟。且父死。不宜後他人。宋愬縣及州。越四年。愬本道。發余關訊。余先關卷覈之。曰。觀宜嗣宋無疑。孀婦立繼。聽其自擇。昭穆相當。獨子勿禁。傳曰。已孤。不爲人後。謂不受命於所生父也。今例得出繼。

天子之命矣。又何訊焉。因止。宜章不傳兩造。徑援例議詳。世公批允。而語同。官曰。若此一批。可結。何至延案累民。律例未明。便不能斷制。諸君可竟委幕友。

平。續功

從里中來知

方太宜人。家舅氏皆故絕。

令家人買湖汀地爲外祖外祖母安葬。歲祀如禮。

五十四年己酉六十歲正月行鄉飲酒禮。二月初一日

興工修城垣。選幹役八人分督四門查察工匠。余

稍暇卽親詣各段巡閱。無敢偷料惰工者。各董事

照分段董理。相較爭勝。期速工堅。三月二十日告

成。公堂議各董事酬其勞。巡行郊野見曠土甚多。

憶丁未春杪初入縣境春蕎夏麥彌望皆是。今種

者絕少。始知往日廣種。因丙午歉收而起。詢土人

如處處種植可資三四月口糧。乃諭農民宜種蕎。



種一麥。境內倉廩儲穀多在居室之外，不設典守，盜竊頗多，因勸諭富家以慢藏爲戒。四月，聞錢南園先生丁艱回籍，追致賻焉。縣民劉開揚與成大鵬爭山控大鵬毆斃其弟劉開祿，而大鵬愬未在场，不知毆者主名。庭訊，開揚辭色屢變，因竝繫詣城隍廟。余先焚香叩禱，命大鵬、開揚叩首階下，開揚獨惴惴戰栗。相驗時，開揚瑟縮不前，甚疑之。丙夜復禱於神，專鞫開揚，猶未得實也。忽有醉者譁於門，闖然入門者，不能禁，訊名劉閏喜，爲開揚之子。余心動，令引開揚去，婉導閏喜，則言開祿爲開

揚從弟病垂死、開揚屬從子劉長洪等負之上山、使閏喜擊而斃之。長洪等皆開揚詞證、隔別研訊、昭合、開揚亦無異詞。覆鞫閏喜投縣之故、則垂泣對曰、昨欲竄匿廣西、正飲酒、與妻訣、有款扉者呼曰、速避去、縣役至矣。啟扉出一頤而黑者導以前。迨至縣門、若向後推擁者、是以譁。夫閏喜下手正兇也、牘無名、而其父開揚方爲屍親、脫俟長洪等供吐攝問、已越境颺去、安能卽成信讞。款扉之呼、神其相某矣。余念開祿氣已將盡、不毆亦死、以開揚父子抵之、情稍可憫、因將下手之閏喜照故殺



擬抵、不究餘犯。比解省，臬司委員審出主使緣由，頗關出入。是年，恭逢

恩科七月，行賓興禮。後奉調至省。時恩公署藩司，謁署

臬司姚公

學瑛

甚蒙原卹。撫軍浦公詳問此事，曰：

汝何至失出，恐是故出。但頃兩司言汝數年來委審衡、永多案，諸事認真出力，且府道嘗言數年甯遠無一上控之事。此事雖誤謬，自當將功補過。吾豈以此令汝獲咎，果不迴護，可速自審正也。遂集犯鞠實，改依謀殺擬詳。八月初一日，院考簾官取第一名。四書題、何用不臧子路終身。初二日，藩司誦之。詩題、披沙揀金，得求字。

束送科場續例。是科同考官閱卷應加切實評語。
初六日入內簾主考翰林院檢討漢軍徐鏡秋先
生鑑檢討普安鄧蘭溪先生再馨至二十七日填

草榜本房遺卷皆補加小批。鏡秋先生受業孫遲

舟編修曾見余詩文定榜後縷陳舊款相得甚歡。

誤藍毫再記一卷書懷詩六律。簪花又傍玉堂仙
稽拜承恩列

座偏白髮今年添幾許藍毫有約待重研。芷蘭得
氣秋風遠鷗鷺盤雲勁翻聯。是處楚材供採掇知

誰飛步冠羣賢。棘院沈沈月影寒商量文律坐
更闌人多舊侶纏綿話篋檢生書反覆看。大府例

容寬禮數科條新與戒欺謾名銜莫訝如蠅細永
叔曾呼小試官。壽考培植材典禮殊連番科

第闢皇途文章有價王言大評隲無私
士論孚敢以微瑕輕白璧却愁依樣畫葫蘆此中



趣味嘗曾徧十五年。前策蹇儒。場屋虛聲告。漂
 叨廿年落拓。霜毫何園。垂老銅章。吏。嬾。衡文。
 玉尺舊。翰墨前。綠榮。齒錄。風塵。俗。狀。懷。形。勞。機。邊。
 舊樣模糊甚。乞取新花。式。俊。髦。幾。回。把。卷。獨。微。
 吟。秋。露。新。涼。入。夜。袞。陡。覺。精。神。輸。往。昔。勉。支。筋。力。
 到。而。今。衡。量。怕。負。掄。才。分。鑑。火。私。憐。下。第。心。願。畧。
 官。題。珍。重。意。長。期。妙。揀。出。沙。金。匝。歲。秋。光。彈。指。
 中。九。人。幸。得。六。人。同。重。來。誰。預。三。年。約。此。去。多。憑。
 尺。素。運。衰。未。敢。情。猶。戀。職。病。如。催。老。欲。成。內。簾。十。
 翁。賞。奇。更。與。燒。殘。燭。萬。一。能。酬。稽。古。功。詠。十。首。入。簾。云。委。佩。義。冠。鶴。雁。齊。至。公。堂。下。即。雲。
 詠。十。首。入。簾。云。委。佩。義。冠。鶴。雁。齊。至。公。堂。下。即。雲。
 李。周。防。門。下。錦。蟲。魚。互。訂。壁。分。藥。從。容。獨。有。金。陀。
 客。冷。眼。看。人。五。色。迷。分。房。云。久。次。新。除。各。就。鈴。
 籤。題。曾。不。繫。官。驛。籠。鐙。忽。換。東。西。舍。坐。席。遙。分。上。
 下。筵。鉸。芥。若。投。應。得。地。燕。鴻。相。避。總。隨。天。憐。余。短。
 視。范。范。甚。恰。傍。前。榮。獨。炯。然。掣。卷。云。暗。中。結。契。
 是。文。章。豈。有。不。休。待。付。量。多。士。唱。名。纔。給。卷。九。人。
 同。考。已。分。房。鵠。搏。一。任。摩。空。漢。蝶。浪。誰。容。過。短。牆。
 此。際。投。胎。關。福。命。恩。無。可。感。怨。應。忘。命。題。云。冰。

壺清映雨心同造化全歸數字中。百步懸侯藏穀
力萬花樣待春工。案頭條例長箋錄。紙額關防
小印紅。捧出層門爭引領。桂枝香裏散秋風。關
卷云。赤蜀丹文射雨暎。澄心先自滌輕浮。還珠
許。仍頭續索。劍何當。僅刻丹。慙意詩。憐排雕。齒
牙。宇欲作。繩頭。香卅載。南豐祝。三楚風。豎白。古
復。前。許試。量才尺。暗裏還分障。眼紗。便。有。望。尤。賒。
堂。掩。終。鞋。針。兩。信。無。差。從。教。近。墨。增。聲。價。都。是。春。
不。挑。李。花。落。卷。云。千。古。文。心。如。面。然。春。華。秋。實。
陪。能。全。風。落。影。馳。彌。迅。蜀。道。難。叢。徑。易。偏。無。可
那。能。全。風。落。影。馳。彌。迅。蜀。道。難。叢。徑。易。偏。無。可
奈。何。終。一。抹。誰。能。堪。此。又。三。年。飲。名。多。少。荆。南。客。
枉。費。君。平。卜。肆。錢。萬。一。看。朱。曾。誤。碧。尋。常。畫。雪。可。兼。
几。重。權。念。寂。寥。萬。一。看。朱。曾。誤。碧。尋。常。畫。雪。可。兼。
焦。病。髭。科。第。思。方。遊。撒。手。因。緣。氣。忍。驕。添。得。
幾。行。評。語。在。鴛。鍼。欲。度。轉。無。聊。草。樹。云。甄。別。連。
朝。水。鏡。如。欣。從。碧。海。擊。鯨。魚。里。居。未。識。青。衿。籍。次。
第。先。憑。紅。號。書。得。人。勢。中。差。不。負。懸。知。名。下。定。無。
虛。翻。愁。前。更。成。均。士。氣。三。湘。正。蔚。興。甲。乙。姓。名。曉。云。



字券風雲際會鬼神憑。初昏預促譙樓鼓報捷先
籠驛路登。淡墨晴霞相映射歡聲到處頌

恆九月初一日揭曉本房中卷六名武陵姚定益升

長沙曹有健常德唐虞樂攸縣鄧德麟湘鄉王步

雲安鄉樊恭清曹生撥歸醴陵樊柏林寅捷副榜

一名零陵劉方璿方璿己酉拔貢生先是填草榜

時余以戊申取中副榜由副貢生再中稟商兩主

考如拆副榜彌封本係副貢生請以備卷易之是

日主考言之監臨浦公浦公以為然比拆副榜第

二名果副貢生遂易以備卷至方璿拔貢生主考

欲援副貢例浦公曰永州無正榜當令副榜有名

因不易。科名有數，不其然乎。出闈，臬司畱委勘獄。凡委審者，皆先探臬司指，然後提犯訊供。余懼有先入之言，不敢請示。犯供未定，則告病假。或一日，或二日，得有確供，方稟見。往往不愜臬司意，而案無游移，卒邀俯允。故逗畱兩旬，臬司卽令回任。二十日稟辭，謁督學張訥齋先生。姚成乙未同年也。甚稱余治蹟，遜謝不敢當。先生曰：浦中丞言，錢公在楚五年，於州縣絕少許可，獨譽君不啻口出，謂非今人可及。察之皆信，故亦不以常吏待君。中丞馭屬嚴厲，不多言，獨於余每事許盡所言，虛衷聽



從余於中丞甚感知己。不知錢公齒牙獎借。實爲先容。大君子曲成人材。不使受者知。真可感也。十月初一日。回縣。秋有年。勸富紳修武帝廟。輿情踴躍。輸貲至四百餘兩。董事儘數籌辦。規模宏大。築臺樹旂於門外。觀美爲城南各廟之最。營中馬神廟。不知始自何時。奉韋馱爲神。廟久圯。馬常倒斃。余因移韋馱於佛寺。捐俸修葺。中奉馬神之位。詣各鄉申勸農民播種二麥。

五十五年庚戌六十一歲正月。恭逢

恩詔請

封祖父母父母。行鄉飲酒禮。是時王蓬心先

生俸滿入

觀永綏同知張公

健

來署府篆。四月

欽命內閣學士兼禮部侍郎滿洲傅公

森

祭告舜陵本

道世公陪祭。舜陵在甯遠南鄉九疑山距縣城九
十里。十三日傅公由道州來將入縣境天未明有
以輒裹辭擲入輿中傅公祕之宿行館向世公問
余政聲世公言勤民治匪爲湖南第一好官祭畢
傅公問余曰君爲政何先余謹對曰治害民之訟
師地棍盜賊不敢不嚴餘無他能傅公曰君亦知
若輩之不欲君久此乎余曰不知傅公出辭授余



則具呈人趙司空訐余不理民事、不禁盜賊、縱惡殃民、浮收錢糧等十款。余悚然起立。傅公笑曰：君毋訝，此必仇君者陷君耳。余沿途體問，人人說君官好，與辭相反。吾將辭交世君，必稟巡撫，刁民固當治。然到省審理，君亦不免往還之費。聞世君言，君廉勤不虧空，吾何忍累君？君自察治之可也。余敬謝之。覈其筆蹟，卽余丁未究逐之訟師黃天桂所書。偵知傅公以原辭畀余，又由道州竄入廣西。訟棍之伎倆，一至於此，各前任之不敢究懲，非無所見，抑不能化以德而第治以法，適招之怨耶。

然余治訟棍止黃天桂一人。矜士則自榜示之後，皆改前非，竝無以身試法者。乃知化士究易於化民也。余初蒞甯遠，舊俗尙未盡善，嘗次第諮詢，示禁。至是彙爲善俗書一卷，鏤版頒行，士民稱便。適舊纂史姓韻編六十四卷，槩初成，梓訖，卽梓九史同姓名畧。自修城之後，城內列肆增多。石氏子入郡庠，堪輿家以爲城完氣聚，理或然歟。各鄉二麥豐收，耆老有至公堂謝者。當是時，兩淮鹽引壅滯，撫軍札飭召募水販，制府嚴行緝捕私鹽。甯遠之東南鄰縣藍山，臨武例食粵鹽，每鹽一斤價錢二



十二三文計價八斤方食淮鹽一斤故民間多食粵私督撫兩院差弁改裝易服至境查緝本府各弁藉以行私地匪更爲之輔縣無官鹽店他肆中列售鹽斤輒被按詐至以水入鹽每錢一文得鹽水一杯人情惶擾余約兼食粵鹽之江華新田東安道州會銜通稟同官不允遂專銜稟兩院鹽巡二道其畧曰甯遠僻處萬山之內自永州至縣雖有溪河可通舟楫然皆溯流逆上水長之時已屬溜淺灘高於嵯岬亂石之中力爭一線船路艱險可慮若遇水小則由道州青口而上卽不能通舟

極小之船亦不過勉強拖挽至泥灣而止。離縣城尙遠三十餘里。是以淮商從不到境。乾隆二年清查引地。前督憲史

諱貽直

奏准淮鹽不能接濟得

以兼食粵鹽。數在十斤以內者許民零星買食。寬免緝捕。迄今五十餘年。遵循辦理。某乾隆五十二年三月到任之初。見有肩挑背負鹽斤。卽經嚴查禁止。嗣因詳覈檔案。事屬便民。隨聽仍沿舊例。上年正月接奉憲行。飭令嚴禁私販。疏通淮引。某遵會同營員認真查緝。據紳耆人等僉稱。自有知識以來。從未見過淮鹽。復經反覆勸其勉爲水販。赴



漢口運買淮鹽、可以稍獲微利、公私兩便。無如縣境既無著名殷戶、俗又不諳經紀。某數年以來、代籌生計、勸令貿易、若輩尙視爲畏途、況持挾重資、遠涉江漢、更無怪其呼而不應矣。民間嚮食粵鹽、不過制錢二十二三文一斤。自上年禁鹽之後、五月間增至每斤三十六文。入冬以來、禁愈嚴而鹽愈少、鹽愈少而價愈增、近已每斤需錢五十文。內外鄉里、蚩氓不嫻法律、居然於公堂之上、愬稱食鹽太貴、懇平市價。某隨時申明例禁、爲之顯切戒諭。目下稽察嚴密、竝無擔鹽入境、肩挑背負之

徒益得藉以居奇。境惟東北二門伙鋪稍多，俗稱爲伙鋪。比歲各鋪戶畏有鹽累，俱不敢停歇帶鹽之人。近聞委員到處改裝訪查，人人意中時有一改裝試買之官，雖零鹽亦不敢列賣。甚將鹽斤攪入水中，居民皆買鹽水而食。過往旅客至無零鹽可買。某恐傳聞未確，慎選親信丁友分路扮作行商，隨處試買，實與所聞無異。當民物恬熙之候，似不宜有此驚惶蕭寂之形。某身任地方，深懼不成政體。自維庸淺，無以孚信於民，以致水販裹足，招募久虛。私販萬不敢縱，而食淡實屬可虞。輾轉籌算，



慙無良策。因思政在利民。術須裕課。甯遠每年額銷淮鹽一千三百一十四引。向來雖有此數。歷無水程到縣。亦竝無銷引報文。是淮鹽僅繫空名。而粵私久資實用。與其民食無引之鹽。不若官辦有引之課。查縣境東距城三十里。地名藕塘鋪。與藍山接壤。藍邑例食粵鹽。價貴之時。每斤不過二十文。甯遠小販肩挑油麻等物。至彼貨賣。順帶鹽斤。勢甚利便。貪賤食私。乘閒攜帶。查察有所難周。況零星粵鹽。例聽兼食。亦不便瑣瑣苛求。致滋紛擾。可否仰邀憲恩。俯念民食攸關。循照郴桂二屬之

例將甯遠應行一千三百一十四引改爲粵鹽引額減淮課以增粵課庶幾課不虛虧事歸有濟。伏讀前督憲史原奏內開如淮鹽一時不能接濟許買食粵省零鹽等語夫曰一時不能接濟計其時淮鹽尙有到境者故濟以粵零爲權宜辦法。今則淮鹽絕蹟無可望其接濟而水販難招更無肯爲淮商接力之人。淮鹽不到禁盡粵私其勢不至民間食淡不止。夫以數百年相沿之習而革以一時以十數萬人待用之需而憂其不給。某分須奉法義屬親民斷不敢以粉飾稽查爲故事虛誑憲



聰復不能以顆粒盡禁爲職司、重違民隱。是以不得不通盤籌畫、求其變通用、敢委晰稟陳、伏乞恩賜察核示遵。儻蒙鑒允、飭查兼食粵鹽之道江、永新四州縣、是否與甯遠情形相等、會同議詳妥辦、德施無旣矣。稟後示諭巡役地保、十斤以下零鹽不得混捕。營弁揭示稟總鎮、總鎮劉公君輔以奉檄緝私、毋許顆粒走漏、而甯遠免捕十斤以下、與憲行不符、轉稟制府請示。余復錄示具稟、畧曰、營弁與某奉法雖均、處境稍異。蓋營弁恪守功令、功令苟能稟遵、卽爲辦公無誤。某責任地方、地方必

須甯謚方可供職相安。甯遠僻處山陬境內戶口十有餘萬如三日之內私鹽盡禁淮鹽不到百姓向某求鹽勢將束手無策。故由藍山臨武兩縣入境可通粵私者有路四條某禁止其三姑畱一條以濟百姓食鹽之用。待淮鹽到境不難立時杜絕。因緝私而滋擾恐釀事端出示曉諭委非得已云云。各稟雖未蒙批發而委員盡撤。制府嚴諭營弁密緝大夥梟販十斤以下不必概禁。後晤同年章實齋學誠向在制府畢公幕言畢公見稟令幕友傳觀有莽知縣之稱不可謂下情之不上達矣。節



孝祠未協典禮。捐俸錢改建。甯俗舊不以貞節爲重。無過祠而問者。至是落成。余躬率儒學祭告。觀者皆爲感動。作碑文記之。記曰。於戲。此敕建甯遠縣節孝祠也。往史所載旌門之婦。尤者專祠。非有奇行者。表宅里而已。

世宗憲皇帝御極之元年。

詔直省州縣各建節孝祠。有司春秋致祭。蓋專祠節婦。而貞女烈婦類及焉。所以勵壺範。肅陰教。典至鉅也。甯遠節孝祠在學宮左。春秋之祀。舊以學官主之。余蒞甯遠。謁祠瞻禮。堂分三間。虛其中。不設位。左

立總位一方書唐宋以來忠臣義士孝子姓名而書節婦總位一方奉於堂右。蓋創祠之初以節屬婦而屬孝於士因兼忠義之士而竝祀之烏虜戾矣。夫守貞之婦律已素嚴非懿戚不得相見。旣完節克終奉

旌入祠矣而轉與不知誰何之男子雜坐一堂魂而有知必不能安也。彼忠臣義士孝子皆明禮達義者又豈忍入

敕建祀婦女之祠覬覦俎豆哉。然則甯遠之節孝祠自建立至今六十餘年殆虛無人鬼焉享此祀也。且

其門垣湫隘棟宇頽圯不稱

朝廷褒異勸揚之義。今年三月鳩工修葺與學官謝君、張君酌議撤嚮所設忠臣義士孝子之位遷附鄉賢祠而清祠之基址固祠之牆垣傾者植之罅者補之丹雘塗堊一改舊觀於是奉

詔旌節婦於中堂按名設位以崇體制其未嘗請於朝而自地方大府以逮有司官給扁褰表者題曰憲旌亦附位於堂之左右夫祔祀非禮也獨念我朝重熙累洽化理覃敷禮部歲旌直省節婦無慮百數十人而邑志所載僅雍正十二年



旌表馬頭鄭氏一人。近年奉

旌三人。二禮士灣李氏、一東門樊氏皆現存。遵功

令。則中堂特一位耳。其他志載故明節婦楊文試妻孫氏、萬厯二十八年奉旨建坊、給銀三十兩。此詔旌也。又趙英妻張氏、傳云宏治八年永州通判任良才署邑事、遵恩例具申當道以聞、建坊與否、無可考證。我

朝貞節十二人皆未邀

旌典。是十三人者竝列於

詔旌節婦之數。則分有未安。軼之復義有不可分。附



左右庶幾禮以義起亦善善從長之道歟。且余蒞甯遠三年矣。揆甄貞節非不殫力竭誠。僅於聽訟時訪得一人。邑人士公舉四人。此外闕無聞焉。蓋甯遠之俗。孀婦不以再適爲恥。閒有守節之婦。罕知敬而禮之。往往湮沒不彰。此而不急予表章。又孰知茹苦壹志之難能而可貴哉。祔祀之舉。非惟褒往者。亦勵來許耳。是役也。余經營其始。節孝後裔泊尙義紳儒相與出資成之。夫以

敕建之祠。名不辨。分不正。余忝司斯土。不能早爲釐定。而濡遲至於三年之久。是余之辜也夫。旣竣事。爰

潔治酒肴、依禮致祭、用妥貞魂、而著迎神送神之
詞、勒於麗牲之碑。其詞曰、廟貌新兮肅觀名分正
兮神安樂。具奏兮森列樽盤、嘉婦行兮白璧完。貞
風扇兮芳名不刊、靈之來兮露潔霜寒。淚九疑
兮竹斑、澄瀟水兮煙鬟。

皇旌憲旌兮志行允、班席長筵兮無忤顏。媿鬢眉兮起
懦頑、靈之去兮天朗風閒。六月、奉惺園師書、書云、
四月望後回京、接手書、猥蒙關念、竝悉近況一切、
且慰且感。年兄蒞甯遠三年、儉約持躬、誠信親民、
此平日之所深信者。至力辭繁劇、常懷斂抑、尤爲



卓見。國家取士，畀以百里重寄，原藉以愛養斯民，非爲居官者一身一家計也。此理不明，遂至百計圖維，如程子所謂日志於尊榮者，其弊何可勝言。年兄以此自待，以此訓子，以此化導朋友，其積德更無涯涘。愚碌碌如常，毫無裨補，每念

聖恩高厚，愈切慙惶。今春復邀

恩命，襄事禮闈，幸免大咎。賤體亦平適，尚可支撐。精力自覺不能，亦斷不敢戀棧也。專此佈覆，并候近好。不宣。本道世公委赴桂陽州勘陽山尼菴被焚一案。由甯遠行三日，始望見陽山，計程四日。層崖曲

澗有筍輿所不能行、須步者、險惡不可狀。烈日中汗雨驚心、意萬一中暍、不免烏鳶蠅蚋之侵。素無宦情、自此乞休之志愈決。勘訖、由桂陽至衡州謁世公、繳委、將精力不能供職、苦衷面稟、欲告病解任。世公許、到省轉陳。八月、叩祝。

萬壽後、正擬引疾、九月初五日、道州知州王君觀伯卒、

太守委余兼理、即日詣州受篆。至十三日、奉藩司札、委兼署清查倉庫錢糧。十月初一日、蕭君國璋

署甯遠、余卸甯遠事、專署道州。將查造三十六里戶口門牌底冊、移交甯遠新任。蓋自有此冊、民間



辭訟無敢冒充鄰佑、恐不肖書吏或有弊匿耳。初六日、奉臬司詳委、赴桂陽縣檢辦何劉氏命案。先是、余赴桂陽晤知州常公、明。今貴州按察使。語辦案之難、因言頃在省、聞桂陽縣報何劉氏四命一案、云係虎傷。然傳聞四屍無虎齒痕迹、衣服亦未傷損。或云因姦致死、疑不能明。已委員審辦、亦未確鑿。余心識之。今適以委余、疑竇種種、不敢不加詳慎。檢骨例須訪傳諳練件作、永州府屬向無其人、卽分關、郴、桂各處名件、期悉心檢驗、以雪此獄。道州敝俗、額賦向多抗欠。乾隆四十年閒、知州汪君燦家

素封、恐誤。奏銷、干考成、出私財墊完、民以爲例。王故牧交冊有民欠三千一百餘兩、積十數年之久、王牧旣故、余勢難詳辦、不得不接、而糧戶任呼不應、推求其故、自脩生以至職員、皆於實徵冊內註明衿戶。余卽諭示禁革、闔州大詫、而營陽上中下三鄉毆差拒官、習爲常事。近年糧役不敢往催、積欠尤甚。查營陽欠戶共一百二十有三、自四十五年以來、積銀一千五百餘兩。令戶書以衿戶爲綱、欠數爲目、彙造一冊、繕欠戶榜之、懸掛三鄉公所。十一月十五日、以抽查社倉爲名、先期飭役傳



齊衿戶在公所、屆期相候。是日、輕輿簡從、抵營陽、則衿戶無一到者。遂止宿營陽、責役催傳。次早、原任長沙訓導何延壽來謁、年七十餘、言民力不及、請寬限。余曰、欠十餘年矣、尙有限可寬耶。叱去之。陸續來者二十餘人、教其跪拜予之坐、諭以國課早完之故、詳述乾隆丁酉浙江嵯縣吳家山王姓抗糧拒捕、駢誅遣戍之案、一一指陳、聞者漸漸色動。乃提欠戶之白丁、量責數人、而諭已到衿戶於冊內親註限日、令傳諭未到各家趕緊完納。其時環侍而觀者不下千人、肅然俯聽。因繫抗欠最

多之矜戶、監生、生員、僉生各一人回州。出境時、衿民跪送者、項背相望、皆以好語慰之。不二旬、營陽完欠八百餘兩、其餘各鄉亦陸續輸將。十二月初四日、江華縣典史詳請代驗楊古晚仔命案。由道州至屍場二百餘里、雨雪連綿、山徑欹仄。初七日、驗後正欲升輿、失跌山坡、傷左足。星夜昇回、負病勉將命案審明通報。後足創轉劇。繼坊由里至署、知繼壩生子、以余同生庚戌、命之曰小同。今名伯姊卒。伯姊歸同邑陳雙玉。

五十六年辛亥、六十二歲正月、奉到



救命二軸、先大父貤贈文林郎、先大母貤贈孺人、
 先考贈文林郎、嫡妣、繼妣、生妣並贈孺
 人。二十日、以足傷未痊、稟府委員代理。會得長沙
 府信、知 奏調善化縣。余自維迂拙、屢荷上憲拂
 拭、力圖報稱、急於醫療、敷藥受寒、下痢旬餘、偃臥
 難起。不得已、二十九日通詳解任調理。二月初二
 日、道州州判王醉莢鈞由省城奉臬司專委來州、
 促赴桂陽、實驗病也。王君見余委頓、以實稟。十五
 日、署甯遠蕭君國璋由省來、奉本府委驗病、具結
 詳覆。府委代理。十八日、余卸州篆。當余之跌傷昇

歸時、因通稟沿途瑞雪、竝及失跌情形、頗忤臬司。

至是本道世公、長沙太守潘公成棟、長沙張君博、

湘潭趙君貴覽、華容趙君宗文、聯翩札致、述臬司

傳諭、屬余力疾赴檢、而左膝痛縮、不能步履、加以

治腿傷寒、疲困益甚、不得不奉身求退。臬司以爲

規避、約藩司王公懿德、會劾王公不可、臬司遂專

劾。是時浦公調撫福建、繼之者馮公光熊、持劾不

下、曰、且俟委員驗病不實、查辦未遲。迨蕭君驗報

跌傷屬實、藩司委褚君爲章、接署。臬司再以劾上、

馮公以原辦官署桂陽縣陳玉垣、尙未參革、先參



委員與例不協。王公則昌言於庭曰：牧令平日虧帑病民，分當速去。已病猶稱未病，不可不查。汪某平日官聲尙好，方調首邑，今以失跌求去。湖南雖乏人，何必斤斤畱跛吏，因其跛而舉之，更何以服人？既告病，吾知辨告病官例耳。蓋藩司專錢穀，以余清查積欠爲功，臬司專刑名，以余不速檢辦爲臬。兩姑之閃難爲婦，信夫。比桂陽案別委衡州府，郴州會檢，訊有毆死者，有縊死者，確非虎傷。而馮公有調任山西之

命。臬司又劾余規避。五月初一日，馮公特參陳玉垣革

職提審、附奏汪某是否藉病遷延、有無規避情事、俟本案審明、另行查處。時余方在道州交代、六月初三日、臬司委員至道州守提、過永州、蓬心先生畱之、而致余書曰、臬司委提震君耳、故不令到州、君緩緩來可也。會道州交代已結、卽日治任、假道甯遠、士民款畱、止居兩日。適九史同姓名畧七十二卷梓成、檢閱訖、命兒子覆校、余遂行。守備彭君善越、把總馬君世武皆數載同官、相得、送至十里亭、揮淚而別。邑人送者絡繹、至界首鋪、多叩首流涕、余亦爲之黯然。過永州、蓬心先生贈余方竹杖。



一枝零陵典史吳竹泉英玉恐余觸熱雇柁杆船相送。十七日至長沙。臬司稟知撫軍姜公晟委員看守。姜公曰：何必爾。臬司疑余僞傷，必欲嚴辦。然撫藩俱諒長沙府，不令委官到寓。長沙府因爲余備述撫藩、臬三憲節次齟齬及附參之故。初，馮公去任，王公實護撫篆，部議准調善化。咨到，王公以余二月告病在先，例應另行調補，專摺具奏。奉有汪輝祖委檢桂陽何劉氏一案，是否規避，交姜某查訊之。

旨。七月十六日，姜公傳余至院，司道俱在座。姜公細問

顛末。余以實對。姜公曰：交代有冊籍，何須印官清查積欠。余對曰：王故牧任所資財業已查封，實貯與冊籍不符，非清查不可。姜公曰：畢竟不成事體。余又曰：永州無檢骨件作，分關榔桂未到，不得不緩。姜公曰：兩月關不到件作，成何政紀，皆不敢入告。余又曰：十月閒有承審本州蔣坤榮命案，亦不能遠出。姜公曰：此尙易辦，何致久稽遲延，自不可諉。余又曰：十月初六日奉委，至十二月初五日公出代驗、扣算承審，分限未逾，且件作未到，例准寬展。姜公曰：關件作曾詳臬司否。余對曰：十一月閒臬司



催檢曾據實具詳。姜公曰：催而後詳，遲矣。況初七日失跌，已逾兩月，如何避遲延之咎？陳玉垣是浙江人，必因迴護同鄉，所以規避。余對曰：四命重案，必不能因輝祖不檢，可以縣宕。輝祖告病，卽委衡府、郴州會檢，可見非輝祖所敢迴護。姜公曰：汝必因臬司劾參，所以告病，安得不承規避？余對曰：臬司委王州判到州催檢，輝祖已先三日通詳告病，未知有劾參之事。姜公曰：汝必規避檢驗，是以捏病。余對曰：輝祖在江華屍場跌傷，眾目共見，求提司監江華兇犯楊古晚仔竝江華原差查問，卽見

眞僞。姜公曰：今腿傷愈否？余對曰：左膝筋攣，未能伸舒，求親驗。姜公諭曰：且退，另日須具親供來。八月初二日，姜公傳余至官廳，長沙府帶醫學驗看，左膝實係受傷筋攣，年老血衰，驟難醫痊，具結送院。初四日，長沙衡州二府傳余，命寫親供。語余曰：昨臬司怒不可解，必欲擬發新疆。余二人長跼乞恩，尙未邀允。余念奉委分限未滿兩月，可無處分。且古者告病例爲民革職分也。今二太守恐余惟新疆重譴，至不憚屈體以請，如此體卹屬員，實爲難得。因具親供，以諳練件作例，應關傳旣經失跌。



實難赴驗。奉文未及兩月、並非規避。嗣又以奉文
 後、須查故牧交代、并清理民欠、承審蔣坤榮命案、
 不能遠出。檢骨例以仵作到案起限、仵作未到、短
 視難以率檢。皆拂臬司意、再上再不行、乃敘親供、
 四命重案、因仵作不到、畏難遷延、卽與規避無異。
 臬司核轉。十月、何劉氏正案、奏擬陳玉垣軍臺、
 余附參革職。音 徐太宜人病亟、輝祖泣請命、微
 聞太宜人喉間作聲曰、煩難、須臾棄養。輝祖嘗
 栗栗自誠、蓋輝祖畢生身名、慈訓兩言、該之矣。十
 一月、潘公邀閱童子試文、自游幕後、常州、無錫、長

洲秀水、平湖、歸安、烏程、仁和、錢塘、龍游及仕甯遠、校童試者十有七度。至是又結文字之緣，幸也。案發，頗孚士論。諸童謁潘公，潘公歸功於余。多至寓，執弟子禮。過從論文，踵趾相錯，倚杖見之。大破旅寂。湖北撫軍福公甯屬候補知府張公方理聘余佐理，以疾辭。余在道州，革衿戶，追積欠，甚非州士之意。聞余告病，欣欣然欲復舊名。因作後春陵行以詒來者。序曰：昔唐元漫叟爲道州刺史，地經賊創，不忍徵求賦稅，春陵行所由作也。我

國家太平休養百五十年，州之民雖未盡殷阜，而有



力者輒託一衿自庇。號稱衿戶。率以逋賦爲能。余奉符權知州事。丁甯告誡。褻如充耳。且有議爲苛碎者。勢不至大懲不止。盡然傷之。因作後春陵行云。我讀春陵行。字字生惻楚。可憐有司心。誰不懷嫗煦。民困當急甦。士驕彼何取。

皇治熙熙如。率俾達寰宇。道州楚南隅。去天亦尺五。九則貢有經。要會上金部。爾獨非王民。舊章敢撓沮。俗學簪紳稀。科第罕接武。宮牆幸注籍。榮途綰華組。名隸太學中。居然軒蓋侶。揚揚飾頭銜。貲耶儼蟻聚。不屑編氓齊。哆口號衿戶。名器旋旋干。冒濫

缺页



社鼠用期誘循循推誠入肺腑。或點頑石頭弗煩
千鈞弩。微款未及申引疾去茲土。過慮士風囂行
或罹臯咎。三復漫叟詩。今事異於古。覩縷爲此歌。
採風冀小補。先是州有訟師曰陳禹錫。老而黠。以
攬訟爲業。余怒批其頰。禹錫恨次骨。知余忤臬司。
改名陳君寶。糾州生營陽何竹筠及生監佾生二
十餘人。訐余加徵浮收。撫軍批司確查。余因將鈔
存營陽積欠抗糧底冊稟呈。屬委幹員提鞫。浮加
無據。抗欠有憑。各委員以事關歷任墊完。上司均
有失察之咎。礙難實辦。欲擬竹筠等杖枷外結。余

謂道州矜民刁頑成習告官不究後益難治。且五十四年奏銷王故牧已參遲延至五十六年正月余始解足專辦是年可無瞻顧。各委員猶議余過執余曰余事已白計日去湖南不治若輩於余何損。但爲道州吏治起見則若輩目無官長將來必有大獄耳。堅請督審之。長沙府潘公澧州方公維祺轉稟撫軍姜公臧余言因曰汪某以署牧清追十餘年民欠不得遠赴桂陽致掛彈章。今被欠戶誣告又不究治何以服汪某之心。且如汪某言刁風益長亦傷政體。乃擬何竹筠等流徒有差咨



部完案。自余謁選至赴任、在京在里諸知交或規余毋伉直、或規余勿恃才急於効用、皆切中病源、奉爲韋絃之佩。不幸而有幕名、至湖南卽爲上官所知。余幕游三十年、稔知仕途要人不可爲、上官私人更不可爲、不敢稍有偏倚。蒞甯遠不延幕賓、不任長隨、事無巨細罔弗身親。縣在山鄉、土宜粟米、苴麻之外、惟產榛桐松杉、日用百需皆資外來。境雖褊小、商賈頗多。余日升堂、邑人及外商環伺而觀者常三四百人、寒暑晴雨無閒。余欲通民隱、不令呵禁、謬致虛聲傳播近遠。初到時、遇戶婚事、

率傳堂下耆老體問風俗、然後酌判、不輕撻人、欲撻必諭以應撻之由、使心折乃撻。或是日訟簡進堂、下人問所疾苦、曉以務本守分之利、訟則終凶之害、故民見余不甚懼。有狡黠者、與言家常生理、輒得其情。訟費若干、民亦告余、無所避忌。吏役不敢爲厲。嘗諭兩造曰：「官之問事、如隔壁看影戲、萬難的確、但不敢徇私得錢、總無成心。剖斷失平、官之咎、非民之辱。再愬當覆審、慎勿上愬。若輩稱官爲父母名耳、我家自有子孫。我偶忝長民、子孫之爲民者正多。我欺民虐民、我子孫必受人欺、受人



害。以我故致民犯鬪爭。我子孫亦犯鬪爭。民釀人命。我子孫亦釀人命。在堂自己至酉。或至戌亥。疲不可支。將退食。有兩造到案求訊。亦勉應之。俾免守候。硜硜之性。爲民所諒。折獄不必皆中。或曰我們官今日錯了。旁觀者曲爲余解。曰。我們官那得有錯。必汝不知自省。或勸上懇。曰。我們官尙如此。他懇何益。稱我們者。甯俗親官之詞也。余聞之。必反覆體訪。果有屈抑。必示期再鞫。不憚平反。故民益信余拙誠。閒有臨審時。原告稽顙。悔臯求免。訊者眾供相符。卽予省釋。余亦喜民之易治。凡舊牘

有上官批發他處及他處訟牘久愬上官未結者多乞上官發余訊。上官曲徇其請，余不敢不爲速辦。而本道所屬衡、永、郴、桂有事累蒙發審，極繁苦，幸可藉手盡分。且湖南解鉛、解餉、辦銅諸差，例委簡僻之令，余獨以勘訟得免，心亦樂之。至庚戌春，夏向晦，理事對兩造言，氣往往不續，又不敢倦怠，草率正欲乞休。有道州之役，受州篆，心意煩亂。王故牧任內旣多虧帑，復多積欠，民俗骯敝，非病軀可治。據實稟撫藩，本道願辭甯道兩篆，求委別差會。



欽命吉公王公查理湘陰倉儲本道見稟將撫藩兩稟截畱致余書曰來字愷切具見實心兄向來謹飭自不肯蹈虛行事但目下省垣現有差務大憲見此轉致棘手且王牧已故不得不藉後人擘畫以兄宏才自有條理不可鹵莽也世公素知己且揆之時事亦不能脫然自潔因盡晝夜之力經營整飭衰憊彌甚覺心緒無一刻自甯卒以告病獲咎然使不失跌必不能告病不告病力疾爲善化必不可久薰以香自焚樗以不材老其天年余殆一身兼之甚矣吏之難爲也自維迂拘戇直萬萬不

能爲吏而數年奉職、居然志可徑行、能獲乎上、見親於民、皆初念所不到。匿名之詞、小人何足深責、然嫉惡太甚、有以召之。甯道等耳、甯遠循序而治、得以和平見效、道州權篆追欠之事、其勢不能受之以需、求治太急、以致與人乖忤。孟子曰、爲政不難、不得皐於巨室。子產曰、眾怒難犯。余深自愧矣。我

朝綱紀肅清、上官無能作惡、得荷

聖天子豢育之恩、仰承神靈之庇、浦公之逾格優待、則錢南園先生之延譽也。姜公之竭力矜全、則藩巡



首府之公論也。傳公素昧平生，而能受辭博訪，體
 卹周至，實出意外。此甯遠官民一體之效也。履險
 而亨，幸莫大焉。余在長沙養疾，讀史記以下諸史，
 日有恆課，摘二十四史同姓名錄。甯遠士民至長
 沙，必到寓問病，固求相見。見余頽廢，有淚下者。或
 以薏苡三四升相贈，謂可去溼治風也。意甚厚，受
 之惻然甚歉。先是歸途過甯遠時，曾誤畱別士者
 詩六首。春來腰腳漸成頑，乞得前休生放還。去燕
 何心經故壘，歸鴻覓路出重關。手栽桃李垂垂實，日送雲霞旋旋閒。未忍輕拋緣底事，講堂
 風月郭門山。憶昨星沙問俗時，懷輒舊習劇堪嗤。秋風捲簾愁非分，古井無波愜所期。政拙幾曾
 等注考，形勞幸不廢吟詩。誤人翻是與人誦，虛譽

難酬國士知。眠欲先人起後人、新裁柳、懣伴吟
身。從知天、斷清閑、福敢張、生逢骨相屯。對影已同
孤鶴、痠寫真、都作老松、皴。方書、稠疊、勞相憶、強試
梨花、幾、殘春。琴鶴、風清、愧不如、經營、鉛槧、去徐
徐。他時、恐受明珠、謫、此日、欣看、兼兩儲、姓氏、編從
鈔、史、後、烏焉、校、自、退、公、餘、行、人、苦、問、郎、官、富、佳、話
新、添、說、數、書。雙鬢、何、嫌、綬、曉、霜、來、時、卅、角、盡、願
長、全、家、龍、哭、官、廚、飯、垂、老、歸、尋、餌、服、方、豈、有、甘、棠
懷、召、伯、翻、期、朱、邑、祀、桐、鄉、庸、人、傲、幸、饒、庸、福、雨、渥
東、時、歲、歲、懷。聽、報、郵、籤、第、一、程、風、吹、五、兩、別、山
城、鴻、泥、過、處、虛、留、爪、魚、素、憑、誰、遠、寄、聲、地、爲、經、心
頻、入、夢、人、曾、識、面、總、關、情、猶、餘、文、字、因、緣、在、待、與
貽、彤、更。至是多索、橐、者、梓、以、贈、之、并、分、致、邑、中、紳
士。又、謨、春、陵、表、貞、錄、一、卷、紀、甯、遠、道、州、兩、任、扁、表
幽、隱、節、孝、婦、女、鐫、成、卽、寄、甯、道、以、備、修、志、時、採、入。

五十七年壬子六十三歲正月奉



旨革職。二月初，將稟憲回籍，適清查倉庫，潘公謂余曰：君在甯道，倉庫充實，通省皆知，然接手者萬一以君去，諉藉轉貽口實，不若俟覆到再行。又言：姜公欲款畱入幕，余因稱病重，鍵戶不會賓客，靜候甯道消息。三月望，閱兩處先後稟詳，並無虧空。王蓬心先生寫九疑山圖、瀟湘送別圖寄贈。甯遠紳士樊在廷等寄到柏梁體聯句紀事送行詩并序，序曰：我侯自道州移病，取道甯遠，晉省作畱別詩六章，惓惓於舊治士民，時候方調善化，上官未允賦閒，廷等不敢爲送行之章。今聞侯得遂初衣，雖爲

吾楚南人，悵不得不爲我侯慰也。方廷等祖道魯

川時，侯卽席示長歌一首，謹錄侯詩起句作倡，各

占一韻，寄申微悃。敝邑素不善韻語，奉侯訓迪，粗

知體裁。下里皇琴，終慙樸鄙，詞皆徵實，知不以不

文棄也。時乾隆壬子穀旦，治晚生樊在廷謹序。宰

山水縣，俄四春。敬錄侯詩首句。德洋恩溥，難具陳。樊在廷

初來兮，鬢未斑。樂師頭今雪白，精神完。樂大先勞

弗暇，終晨餐。歐紹慈惠第一鋤，奸頑。王萬豪猾斂

迹，荏苒遜。叶樊禺中升堂退，定昏。王萬手披口答

聰，徧聞。盧學心聽容盡，無情言。楊上慎刑曾弗輕

聖

瓊



答鞭

鄭采

治蔣劉獄民無冤

李維翰

觀者堵牆頌明

神

劉永

畏威懷德咸振新

樊日新

巡部時時平觸蠻

駱孔

屏除呵導乘輕篋

蔣漢鼎

往往露宿宵弗飧

爽積勞致疾心力殫

李承綱

實覈丁籍躬以親

歐人傑

籌利去弊詳咨詢

田逢源

一夫不獲痛在身

李承紀

飲

射讀法何彬彬

王國才

相土宜培衣食源

李芹

厲士氣

尤廣陶甄

樂之祁

側聞退食手簡編

李大年

條示學規

崇雅馴

李際可

談經絳帳琴堂縣

王定元

上謁不嫌吐

握頻

鄭文衡

凡奉教誨知希賢

歐陽光善

述所自來太夫

人

楊登

贈公清節流淇泉

楊際春

庭訓至老肝腑鐫

歐輝 閨行竝叨錫類仁。黃岐章明風化彝倫先。李

經 誤善俗書比戶頌。石光米鹽井竈瑣屑全。楊永

亮哉樂只父母官。柏際治邑奚啻治家然。柏永屹

屹高壙峙南天。楊鳴衛民甯損旬支錢。鄭文勞心

不藉賓友分。歐建謂事必親治乃勤。陳經謂任必

久政乃純。李承卅載佐吏更事繁。鄧永牽絲志不

期除還。歐以前年 詔沛 貶封恩。柏富計

捧黃紙焚墓門。李承移節道州封域聯。鄭攀我人

日望侯來還。石光喧傳下堂傷厥跟。李承飛牋上

達祈歸田。黃正憲府否否多榮牽。歐陽越夏秋冬



許投閒

陽

歸帆行指蕭然山

李卓如嬰離母望眼

穿

劉廷

惠政在日與碑傳

李崇光

有斐君子終弗諉

李光裕

作歌萬一揚清芬

劉紹良

何以報侯心縣延

鳳

願侯世世長子孫

張之

鳳毛煜耀鵬高搏

楊之

花開五桂香氤氲

楊華

山陰巖壑湘湖尊

楊之

柴桑

松菊北海樽

楊登訓

興來覓句酬芳辰

楊融

搢頤閒

看思洛雲

鄭芝

優游眠食安大年

歐洪

洛社耆英

今散仙

鄭興

侯兮侯兮念我民

張興

句皆有注不

具錄錄其詩用誌紳士姓名會姜公奉

命貴州公事余遂赴護撫王公及各衙門稟知回籍諷

吉四月初二日起程。三月二十七日、督學張謇齋先生飲餞。二十八日、潘公張謇大集賓僚。酒半、潘公奉觴而揖曰、君歸矣、當有言教我。余再三謝不敢。潘公固請、余起揖。潘公曰、有一言、未知可否。官無大小、皆奉

朝命而來、分足以臨民者、體尊於部民也。今巡檢與史被部民上控、遂勒令解任。晉省質審嚴不肖吏、固愛民之道、然往往審誣、才告者僅予杖枷。巡檢與史仍回本任。南與部民憲庭對簿、而復南面以臨之、體統褻矣。且褻則玩生、其勢必至無賴之民。



得以挾持官長、不遂則拚一枷責、而先使解任庭
 質。惡自愛者不能爲、而爲之者將不自愛。執事謁
 大憲時、愷切陳之、儻亦整飭吏治之一端乎。潘公
 唯唯、爲余勉飲數杯、極歡而散。次日、潘公至寓送
 行、甚善余言、未知今竟何如。四月初一日、長沙黃
 君允洙爲余買舟、與署善化李君其豐會餞。因初
 二初三日在省同官候補縣張文山博、酃縣趙漢
 章宗文、原綬甯葉存齋世經、湘鄉樊柏林寅捷、新
 善化馮方山城、永明林醅叔崑瓊、原零陵吳菊田
 哲哲、畱餞止二日。至初四日啟行。是日大雨、眷屬先

下船。署祁陽李東川

樹穀

移樽到寓、會長沙門人

毛慶善、善化門人孫

鴻

湘潭門人秦

松

龍先法

先

後惠詩贈行、卽畱飲暢談。

慶善

字積安、才九齡、端

重好學、可望有成。其送行七律四首、士論傳推品

誼高、欣承咳唾、識清標。鬱林船去、惟裝石、玉局詩

成、止和陶。著錄裏、貞心自苦、圍鑪題扇興、彌豪。方

書聞說、慵頻檢、跣腳看山、不厭勞。

屢陪杖履、稔

家常、絕勝彭宣到後堂。白鶴雙童鋤藥地、烏頭百

尺表貞坊。雨肥春水魚鰕足、字校秋鐙簡墨香。忍

爲一官拋擲盡、朝衫約束老奔忙。

了了曾聞笑



小時鈍根。況復慣兒嬉。慙叨齒錄。逾曹耦。待檢牙籤。補闕遺。八卦久輸蘇。晉論一囊虛。羨杜陵詩。服膺絳帳殷勤訓。三復芄蘭警佩觴。惆悵黃頭報曉程。春風吹席去江城。壓裝書是來時篋。送別人多門下生。幾處關山勞遠望。他年狂簡記載成。平安爲頌東橋竹。曾見徵書禮五更。句亦清婉東川甚。爲擊節浮數大白。卽席賦詩四章。余次韻答之。第四首云。此去居應依木石。他年累不到兒孫。猶餘一事真徼幸。手捧鸞章拜墓門。東川讀至不累兒孫句。泣然曰。惟君敢作此語。吾本無累。今

已累不可解、奈何。東川河南夏邑人、辛卯舉人。博學多才、文酒跌蕩、兼工書畫。治事明爽、而理財非其所長、故不免於累。初官華容、不相識、余罷官甫來、訂交、誠款甚密。時已薄暮、冒雨送至河干、灑淚而別。余數日猶爲鬱鬱。後二年得其來書、被議去官、流寓長沙、今不審作何狀矣。是日解維、行一里許、卽泊。次日過湘潭、趙君貴覽畱飲、贈贐、誼甚惓惓。至蘆溪、過塘行、有八十餘老人見而詫曰、此非數年前偕眷赴甯遠者耶。吾六十年來見攜眷赴任者多矣、歸復攜眷者絕少、是可羨也。余因味其



言官之以他事去者不論至遷擢者眷亦不必偕行。近爲交代累往往將離任則遣屬先歸宜老人言之太息也。過貴溪縣太和典問訊魯絜非始知已選山西夏縣知縣。閏四月初六日大風雨泊蘭谿縣。初七日曉發未暮抵義橋。過塘易小舟。初八日歸蕭山。先是以丁口漸增大義里尙友堂老屋不敷居住於縣城南汪家街購新屋一所額題樹滋堂遂移家焉。余二十歲貧惟壁立然妄冀他日能闢舍奉母當以樹滋名堂凡手鈔書籍皆署是名。四十餘年而始償素願念兩母皆棄養不及

享一椽之安、不禁泣下沾襟也。繼坊就職直隸州

州同、援例加二級請

封典。七月閏邸抄、知四月十六日道州士民欲復實徵

冊內衿戶舊名、知州劉君國永不允、刁民聚眾抗

官。道府督捕全獲、首犯李長春梟示、其餘斬絞、新

疆數十人。制府畢公奏內查敘原案、起於余之革

衿戶、追積欠。幸曩時姜公俯採芻言、覈實咨部、萬

一顛預外結、則余轉有牽連之累。痛定思痛、爲舌

橋髮指也。得良醫治、腿傷漸癒、步履如平常。十月、

繼壕

援例補國子生。行焚黃禮、爲祖考、祖妣、



先考、先妣題主。汾州張顧堂太守專致山西

撫軍蔣公

兆奎

聘訂入幕、以疾辭。繼圻娶王氏同

邑庠生王日京

景祚

次女。繼培

娶陳氏、長興縣訓

導會稽陳芑洲

士鎬

次女。歸三女於同邑貢生周

豹文子

蘭生

治壽木、題前和曰汪龍莊歸室、并作

詩以識之。

平生願力志全歸、六十二年幸庶幾得。到藏身須蘭室、居然無縫是天衣。材從

楚產緣非偶、制比桐棺魄可依。蓋是年食米一斗、

後何時真論定、硜硜素履任褒譏。

制錢二百八九十至三百十餘文不等。憶十餘歲

時、米價斗九十或一百文、閏至一百二十文、即其

訝其貴。乾隆十三年價至一百六十文、草根樹皮

俱盡地中產土如粉人掘以資生名曰觀音粉有食之至死者十餘年來此爲常價或斗二百錢則以爲賤矣。木棉花一斤制錢八十餘文。嚮不過三四十文一斤自五十六年歉收價至百文時已少殺不知何日得復舊也。辛巳以前庫平紋銀一兩易錢不過七百八九十文至丙午猶不及一千至是可得一千三百文。番銀一圓舊易錢六百三四十文此時亦幾及一千矣。私錢充斥法禁不能止。民間田產交易開除過戶例每畝制錢十文。吾邑舊規畝一百文除七收三勒有碑記。三十年前蕭



公超羣來署縣事、加至三百文一畝。後至談公官誥任內、日漸遞增。甲辰、乙巳閒、畝至五六百文。數年來、鄉民愿而閭者須千文以外、卽紳士亦非五六百文不可。嚮例條銀輸櫃糧米上倉、近年花戶不堪吏之刁掊、銀必須銀匠代折、凡銀一錢折制錢一百八九十文至二百餘文。米亦不能不向倉房折色、升四十餘文、或至五六十文。民未嘗不控愬而於事無濟、弊其胡底耶。錢塘江素號平穩、西興岸有五廟、路約四里餘。江甚窄、自北岸沙漲、有時須套礫行、輒以爲不便。近年北沙愈漲、西興岸

時復圯卸、五廟俱入波中、常虞覆溺。憶幼聞先大父言、欲渡錢塘江、必祀神而行。自余客游、幾不知風濤之險、今渡江者又栗栗有懼色。蓋余赴楚後、不過六年、而風景之變遷如此。

五十八年癸丑六十四歲正月奉到

誥命二軸、先考晉贈奉直大夫、嫡妣、繼妣、生

妣竝晉贈宜人、輝祖封奉直大夫、妻王氏贈宜人、

曹氏封宜人。繼坊赴禮部試。二月、授家事於五男。

余不幸少孤、先人遺田十數畝、典質至再、幸得歸原。佐幕數十年、增田七十畝、以四十餘畝爲累世



祭產五男所受數畝而已。四年爲吏祿羨無多，不足置產。酌分兒輩聽其治生。惟培、壕穉弱業儒，不得不賴余經理。多男多累，不能爲向平五嶽游矣。客從湖南來，知永州守王公衡、永道世公先後告病去。六月，繼坊下第歸，奉惺園師書，書云：去冬張年兄差竣回京，接手書極承關注。令郎到，又接來書，備悉年兄罷官之由，而其詳已得之張年兄口述矣。以年兄之才之守，僅爲邑令，方以未得大究其用爲惜。君子立身自有本末，區區銜名何足輕重。至於嚴譴之說，果有其事，是真無天道矣。甘心

罷職而不肯爲私人。此等見識尤爲堅卓。年兄氣
誼學問。愚每爲知好者稱道之。無不謂當於古人
中求之者。世譽之不足慕。益可知矣。近審疾已就
愈。深爲忻慰。來書又云。息足杜門。安貧自守。益徵
定見不搖。貧無不可對人者。惟不貧足患耳。幕游
之說。斷斷不可。本省上游尤非所宜。俟長中丞有
信。書院一席當爲致意。長公到處。士民感戴。近去
山西時。攀轅臥轍。男女遮道。馬不能行。聞之喜不
自勝。惜不得身親見之。寄來家刻四種。皆有用之
書。必然可傳。已將佐治藥言及續編重刻裝訂。俟



同人出仕者來見時、人授一編、以廣年兄之惠。愚近況一切如前、惟庸拙日甚、衰病日增。自問一無裨補、而虛糜廩祿、日夜悚惕、不能自釋。前歲患脾胃病、幾成大證。去年服熟地、佐歸湯、漸覺飲食如舊。然以七十之年、又何所望、而必爲之療治者、亦姑從家人之意耳。專此布覆、順候近好。不宣。初壬子夏、西江塘、張神殿、荷花塘等處塘工、頂衝蟄陷、太守李公亨特借款搶修。於是山陰、會稽、蕭山紳士具呈、蕭山獨捐銀二萬兩、山會協捐銀二萬兩、紹所鹽商捐銀一萬兩、以爲修塘還款之需。正月、

縣尊謝公最清奉撫軍覺羅長公麟符傳紳士面

議余以疾辭。長公臨塘履勘，估工銀二萬四千兩，

以一萬三千兩歸李公借款，以一萬三千兩生息，

具摺入奏。工由民辦，寬免報部核銷。而牟利者

攘臂攬工，風聲四達。長公檄署縣蔣公重耀慎選

董事，以余名暨王穀塍宗炎名上。穀塍亦辭。五月，

餘杭縣張公鳳鸞來署，紹興府同知奉長公命過

訪余，以在官未能辦公，里居不宜干預堅辭。已而

郡尊高公三畏招紳士會議，余語穀塍曰：吾無去

理，恐君難終避。萬一議不安，而君承其後，必累。宜



應召。穀塋去、因與山會紳士忤。蓋其時鹽道改設鹽運使、隸鹽院、恐撫軍不得專政、欲以商捐歸蕭山、且欲并派桃源長山鄉田以盈其額。穀塋不可。六月十四日、長公由台州公回入縣境、知余未出、手柬屬署縣于公。肅臣代拜。十五日、于公來、述長公語、謂鄉先生宜任一鄉之事、西江塘公事也不宜諉。卽不然、與余同年、以年誼相託、亦不宜卻。如堅執成見、當另委賢員專請。余因與穀塋約、憲詞直、違之不義、遂同答拜。張公于公謂、攬工者多、因價浮耳、價浮則承辦獲利、獲利則攻訐叢生。旣曰

民捐民辦、無報銷雜費、應覈實減價。穀塍亦謂估工之外、應修者尙多、可減原估之價、增修未估之工、以符二萬四千兩之數。于公不以爲然、余遂退。已而張公又固請再議、復與穀塍約、蕭山工程多以訟終、以辦工之人卽收捐之人、賬目易淆、指摘易起。今擬紳士司局收捐、殷戶分段辦工、捐難侵蝕、工有稽查。旣曰民辦、應照民價、比部價酌減、仍寬二三分、以備辦工者倩親託友之需。邀集親友、公議俱孚、而商捐之項、長公已行知如數。蕭山得如原議、捐銀二萬兩。照時價、每銀一兩收錢一千



二百文、應收錢二萬四千千。計得利田二十三萬畝、應收錢一百五文、尚需四千兩、則取給於協捐之內。議既定、余徑稟長公、請減價增工。長公許可、命張公同紳士另估。閱余足疾未瘳、令張公于公枉駕商榷、不煩奔走。適孝廉何葭汀其葵下第歸里、卽偕張公詣塘另估。原估條塊石工一百七十三丈、錢二萬八千九百餘千、照民價覈實減估、止錢一萬八千一百十四千九十五文。增工二百二十餘丈、尚節省錢六千三百八十七千、奉給董事薪水、概不分支、畱爲一切紙張、飯食、舟輿、應酬

雜費。工價則憑委員票給。局中日用則每日由局中開單付余。余換單支發。規條畫一。長公深以爲然。專委張公監督。飭令工竣。董事將報銷冊親齎送院。由院發各衙門備案。不必各衙門稽查。或致吏役滋擾。憲心曲體親友和衷。會長公陞任兩廣總督。恐大局紛更。頗爲惶惑。幸新撫軍覺羅吉公慶蒞省。按工巡閱。悉照舊章。八月初一日。開局收捐。十月初一日。給價興工。天色晴霽。至十二月二十外。暫停工作。雨雪連綿。於工無礙。司局者余與王穀膝、鄭緒肩飛鳴、吳棻菴斐、何葭汀其炎、韓仙



霞城蔡雲白英丁昂若仲舉來充宇起浩徐念茲

藉陳惠霑培其實任事者止王丁二君余則虛受

其名耳時李太守已調任杭州與嘉興李太守坦

遣丁齋吉公名刺關聘延佐幕務以辦工辭得甯

遠王定元書知王子中式湖南舉人余所稱書院

三俊已中其二矣是歲雙節堂贈言墨蹟十冊石

刻成闕舍後竹園建謨美堂三間周以迴廊上奉

神堂下嵌石四壁謨學治臆說三卷刊行繼坊生

次子甘兒今名世銘還先人遺願赴雲棲建水陸道

場余素憎內典讀蓮池大師雲棲法彙竹窗隨筆

事事從根本著力。乃知天下無不忠不孝神仙。成佛作祖皆非倫外之人。實與吾儒道理異室同堂。空虛寂滅。特釋氏流弊。亦如吾儒以文字爲學。與聖道無關也。十二月。奉惺園師書。書云。王年兄到京。接手書。得悉年兄近履。增和足疾。業已全愈。快慰之至。西江塘工義關桑梓。且屢承中丞之敦懇。亦不可以過卻。況爲之畫策而已。無利焉。尤覺青天白日。何所顧忌。惟是盛名之下。干謁必多。其端斷不可開。官場中嗜好醎酸各異。此一是非。彼一是非。既無所利。而徒招物議。安知不更爲身累耶。



竣事後卽杜門息足、決意安貧、此則年兄識見堅
定、尤愚所素佩服者也。家居課子、亦人生樂事、愚
謂書院一席、若距家不遠、似尙可就。以薦主爲去
畱、年兄就之、當不至是。卽至是、亦無甚關係耳。愚
近境一切尙叨平適、惟老病日增、支持不易、而感
荷

聖恩優渥、刻骨銘心、午夜懸懸、未知息肩何日。寄來墨
刻均已收到、高門至行、自足千古。愚之俚句拙書、
何足增重、未免益滋慙愧。祈年兄以後勿以示人、
徒令士林中閒生評論、更覺無謂也。羽便布覆竝

候邇祺不具。

五十九年甲寅六十五歲正月繼培生子名曰美成以

謨美堂落成也。今名世銘。繼培府試第一名。吉公勘工

命添築新舊兩塘中縫增塘後陂陀加塘外塊石、
補舊塘頽缺、培三都土、備塘建鎮水庵石倉。四月
初十日全塘告竣。凡增修各工及一切委員役食、
董事薪水、并修理公所、添雇書役等費、皆於節省
項下支銷。統計視原估工價尙贏錢三百七十八
千有奇。撤局籍數、并未收捐項、造冊送縣。五月、同
穀塍赴省謁吉公、送工程報銷冊。吉公面致悃忱、



欲招余入幕以目昏鐙下不能辨字固辭。六月吉

公列輝祖名覆

奏工竣。是役也交張公

鳳鸞公號東

厓山西荷氏人己亥舉人。性質實清儉自持。令餘

杭有賢聲署紹興同知擢海甯州知州引

見

歸途告七月

繼培

院試撥入府學第一名彙錄雙

節堂贈言續集二十二卷梓成蓋自乙酉乞言以

來面求者無論四方仁人君子聞名而不相識者

多懇二三知交輾轉徵乞稟啟稠疊至再至三或

至八九不得止垂三十年不啻萬有餘函羣公

答劄及鈎存墨蹟并未上石者裝成五十三冊九

軸什襲珍藏以諭後人作記事詩絕句六首

憶從鄉國

達京師名士名公不我遺。初念何曾能到此先靈呵護乞言時。二母心誰筆墨傳烏私非此若爲憐。錦囊卷帙。快天涯共坐詠行哦三十年。千金一字寫松筠。共勵孤兒善守身。老病於今惟欠死。蓋棺忍玷贈言人。解識親尊身自尊。此身可易受人恩。公卿何處無東閣。不爲徵詞不到門。百牘千函往復還。封題稽拜淚痕斑。他年攜向泉臺讀。萬一雙親許解顏。重重籤軸護銀鈎。冰雪精神文字留。莫笑傳家無長物。官箴人樣是貽謀。八月挈繼培鄉試赴省與

浙西故交聚會頗足樂也。十月改建西江塘石工。碑記豎笠山廟北。復與穀塋赴省謁吉公。送碑模。穀塋庚子進士。少騰文譽。好學不倦。乙未同赴會試。訂交年才二十。工局共事。益知其爲人老成愼密。能審緩急。有裁制命。繼培受業焉。梓雙節堂庸



訓六卷、分授五男。

繼塲

娶來氏、同邑貢生來端植

作楷

第四女。

繼塲

生次子、以余生日初見、名曰生

兒。

今名世銑。

是年庫平紋銀一兩易制錢一千四百四

五十文、番銀亦增價。夏間米一斗錢三百三四十
文。往時米價至一百五六十文、卽有餓殍。今米常
貴、而人尙樂生。蓋往年專貴在米、今則魚鰕蔬果
無一不貴、故小販邨農俱可餬口。

六十年乙卯、六十六歲正月。

繼坊

赴禮部試、自丁未至

是五次矣。藩司安陽田公

鳳儀

戊子同年也。印佐

治藥言、學治臆說各一百五十本、分給所屬官幕。

聞佐治藥言，惺園師於京中重刻刷印千本。芻蕘末論，過蒙大人先生賞識至此，眞爲萬幸。二月十七日，鄭又亭師卒，年八十。師視輝祖猶子也。見呼名，拜不答，言必講學，道家事則纖悉周到，宛然骨肉。輝祖赴楚，師命之曰：利不如名，須做好官爲要。

楚還，師甚喜，一日語輝祖曰：阿孟不知禮，謂吾宜

乎子字。吾以子事吾，謹不肯薄待子，故他弟子皆

稱字。子獨呼名，阿孟何足知之。阿孟，師子。王賓小

名也。輝祖對曰：呼名，分也。且輝祖不逮事父，父在

時，延師訓誨，見師如見父。黃髮先生，白頭弟子，得



有此光景是

輝祖

大幸也。師大悅，閒攜杖過舍，終

日侍談，師無小倦容。今年元旦，賀師新歲，師畱小

食，講忠恕違道不遠一節，是以人治人之證，援引

史事反覆周詳。二十九日，再謁師，午睡未起，不謂

竟成千古。感逝悲生，呼號欲絕。敬制輓聯曰：父命

從游，成就孤兒心獨苦；師門再到，拜瞻遺像泪長

懸。蓋記實也。四月，

繼坊

下第，畱館京師。山陰四十

一都一圖黃盛，臨生壙成，題墓前石曰：歸廬。因易

歸廬爲號，用陶亮亭先生

元藻

生輓詩韻落之。

彭古齊致，七尺誰永存。堂封親締造，休旺都莫論。敢煩鉅公表，手書題墓門。憶昨事奔走，卜宅虛東屯。

江南更江北。風轉秋蓬根。歸歟此千古。敬謝黃埃
昏。庶幾保膚髮。未幸鞠育恩。譬若潮已退。沙際畱
餘痕。過客任憑弔。雲來薦清樽。羣山儼供揖。萬象
供咀吞。及今筋力健。飛蘿時一捫。他年灑然去。底
用歌。葬前室王宜人於左穴。作紀事詩六首。西小
陟彼岵。經營藹室閭。榛墟髮膚到。此方全我手。足
他年待啟子。氣怡乘生除。五患身還愼。疾選三
歸歟。一覺游仙夢。不更人閒餽。萬慮。路徧晴巒
復雨霽。芒屨到處萬峯攢。行從烏道穿雲上。脈認
蛛絲倚杖看。豈有鄰壑爭尺寸。懸知歲奠得平安。
半生胸次耽高曠。羅拜人來布席寬。松杉鬱鬱
草芊芊。溪湖縈紆赴大川。敢信岡巒巒城郭。似
封樹子孫賢。枕山雅愜尋幽性。近水偏宜上豕船。
料理陳人先台寢。憑棺從此了前緣。地鑑山經
互短長。不須兒輩費商量。一邱幸自生前定。七尺
從渠化後藏。漫飾頭銜畱俗眼。聊憑手筆記年光。
幾人出宿歸無日。生許頻游樂未央。鸞膠續後
世緣深。借老曾期幸到今。可易嫁婚祖得了。醢
衰病兩相侵。灌園圖踐天涯諾。同穴盟遲地下尋。



待覓肩輿秋竝上、臨風先和白頭吟。生小身宮
值澁河、桑榆誰乞魯陽戈。殘基幾著枰將徹、百歲
三分二已過。臨穴何須殉老子、易名只合喚五月
蘇何還愁他日煩親故、費唱山頭蒿里歌。繼塲
之京師。陳氏妹卒。余姊二妹二。陳氏妹、王
太宜人出、幼同憂患者。遭變戚然、無能自己。聞長
沙守潘公陞辰沅道、未幾卒於位。六月、繼坊寄到
惺園師書、書云、閏月初、令郎至京、接手書、備悉年
兄前止經理塘工始末、及履祉綏佳慰甚。慰甚。比
維家居課讀、益覺優游自樂、漸與當事跡疏、可徵
信道日篤矣。書院一席非不可就、視其來意之敦
誠與否、以定去就可耳。所刻臆說、庸訓二書、出處

胥資閱之深爲忻賞。來札云：天下無不可効用之地。儒者無不可致用之方。此實見道之言，非反身修德者不能及此。四令郎亦得入學，可喜之至。所云教之讀有用書，益可以知家學也。予嘗謂子孫不以能文得官爲賢，惟願以知廉恥、明道義爲賢。窮通知有命在，讀書不爲利祿，則出處俱可自信。年兄與愚真可謂同志者。愚近景尙幸平適，第衰病日增，不堪勞頓，夙夜趨直，勉強支持而已。報稱無聞，馬齒徒增。去冬賤辰，仰蒙

恩眷，錫賚駢蕃，彌深慙悚。年兄惟當規其不及，俾免叢



愆乃亦爲過情之譽益切汗顏專此布謝順候邇

祺不備吾師門下士滿天下輝祖何足比數而師

遇輝祖獨逾常格凡有稟啟必手書作答皆言律

己之道惟恐輝祖失檢望輝祖爲完人輝祖益用

自勉古人所謂得一知己可以不憾者故詳錄吾

師各書以誌稟承有自云八月挈繼培至杭鄉試

初七日忽奉督學懸牌繼培改歸蕭山縣學督學

李公漢重默經凡科試入學未默經者皆以是年

七月至省覆試又每邑另招未入學之備卷數名

與覆試者同考名曰考奪有補進者無可歸因黜

縣學生之已進者、虛其名次、以府學生撥歸縣學

而以新進者補府學之額。繼培入府學年餘、又改

縣學、職是之故。十一月、製附身衣、得七律一首。量

要領放寬裁、舊典朝衫待贖回。至竟終隨黃土化、

當初祇是赤身來。裹非馬革生何幸、兆得牛眠死

莫哀聞說王孫曾裸。閱邸鈔、知福建巡撫浦公獲

葬、未能免俗亦堪哈。罪。公在湖南時、政紀嚴明、無聲色玩好之娛、事皆

手自治辦、藩臬兩司不能旁分其柄。屬吏到省、無

朝暮必見、見必詳詢地方情形。公事畢、即諭回任、

出省城、守門弁兵有日報、或逗畱一二日、未出必

立傳面誡。與屬吏言、不假辭色。然論公事極和恕。



余性麤獷、遇委辦事、必求申所見、甚或絮絮詳辨、皆荷優容。嘗偕同官謁見、公語同官曰、親民官以勤爲本、甯遠只是耐勤、故事事踏實。有見解、卽未必皆合吾意、吾樂竟其說。卽如稟晴雨、各處多不畱意、惟甯遠一語無泛、吾訪之皆確。若等惟幕友是倚、安得不誤事。又曰、湖南幕風日下、與主人休戚無關。吾知甯遠佐幕時、必不若是。余慙然敬謝、實愧且感、益兢兢奮勵。丁未

大計、兩司填、余考語、居官謹慎、辦事勤勉、公特改謹慎爲整肅、勤勉爲安詳。同官有擬調繁者、公曰、昨考

簾官某文甚草率，字亦越格，豈能認真做官。其察吏如此。丁未、戊申閒，繁缺出，公卽屬司道詳調，余力求道府額免。公曰：甯遠儘可勝任，如何無志上進，豈欲爲自了漢耶？本道世公語余，余謹對曰：某自分衰茶，甚懼不能了此官，儻容自了，恩幸大矣。他日世公以余言告公，因曰：甯遠甚感憲恩，只是拘謹太過。公曰：拘謹卻是好處，肯久耐苦缺，眞自愛之士。從此遂不復言調。至庚戌，資格已深，循例調善化，署長沙。張君^博致余書曰：大憲命某寄聲，善化雖衝要，將來不以應酬相累，可竟行君志，毋



慮也。其愛惜人才又如此。何調閩後忽喪所守。豈橘化爲枳。遷地弗良。抑官怠垂成。天奪其魄歟。公以名進士起家。敷歷中外。卓有聲望。年已六十有六。末路改絃。殃及嗣子。傳曰。非無賄之患。而無令名之難。每讀一過。輒爲公喟悼也。二十日二十四。史同姓名錄彙成。編家藏書目。至十二月初三日。錄訖。爲之序。序曰。積書貽子孫。子孫未必能讀。人多信之。故蓄書者尠。然獨不聞積財貽子孫。子孫未必能守乎。何求田問舍之惟恐不廣也。余少孤露。先世手澤。僅坊刻古文。階鳳陳檢討四六二書。

綱鑑正史約一部假諸舅氏未幾歸焉。年十四五見五經類編如得瑯嬛祕簡。既補博士弟子家奇貧衣食出兩母十手指力不能具一卷書。閒從友人借讀經史古文選本率意鈔撮不終卷輒索去已而讀律餬口寄蹟官中主人有插架書稍稍繙閱官事不易了未能卒讀讀亦無所得也。忝賦鹿鳴年已三十有九游京師側聞大人先生緒論甚愧嚮學之晚亟走琉璃廠西門市得漢書歸寓讀之南還佐幕以館脩益市正史晝夜讀其後稍市他書之涉史事者旁及諸子而於羣經勢尙不

遑及。成進士。益慙枵餒。脩入較豐。先人遺事。以次告竣。館茗雪閒。與書賈習者七八年。聚書數十百種。謁選都門。增所欲備。約載一車。請急過里。彙錄書目。都爲二本。一隨行篋。一皮書樓手。自編局。攜鑰以行。罷官歸來。啟鑰見書。幸無蝨蝨。會移居城南。卽於宅後隙地。築樓三楹。中奉神主。藏書左右。重加整比。畧涉違礙。細意汰毀。因區門類。恭列御製。

欽定於首。餘遵四庫總目編次收貯。四庫之例。縷分子目。余書本無多。不復析編。惟於史部立備史。



一門紀掌故者入之、子部立雜考一門、記瑣事者入之、以便檢閱。榆陰衰促、家無餘資、不能再聚書矣。雖所聚之書類塾本、恆見絕無枕秘、然畢生心力盡此區區、得之不易、則思守之不失。世世子孫不得贈人、不得假人。卽遇密交、懿戚、貴人、達官、不得違吾此訓、私爲贈假。度仁人孝子、固有瑕疵、別具經史副本、畱傳家塾。非能考訂著述、不必登樓啟視、致有損失。坊、培、壕、三房同守此規、墉、埽不得過問。培兒尙知慕學、赴歸收管。培如他出、聽其交託、但不得付不知學問之人經手。曩讀平泉花木



記竊笑李衛公之未達。今亦不免過計。行自笑也。余薄宦未久。又不善治家人生業。惟望兒輩他日收稽古之益。古人以書爲良田。穫且無算。達可以經世濟物。窮亦不失爲學人。如其不材。卽與以田宅。其能長裕乎。癸丑析產以來。培塿遇余所嗜書。輒以受分市產之資。時時增益之。四年中續置不少。此卽培塿之田宅矣。兩兒嗜好已不盡同。培喜收經集、塿喜收類書及說部。各得其性之所近。余亦不復強之使一。聽其別立書目。附庋樓西。隨時檢閱。各從其便。不必援公書之例。兩兒當奮志於

學毋自舍其田。余有厚望焉。序成時已丙夜。歸寢
鼾睡。逾時右手麻木。漸及右足。遂不能起立。越四
五日。方省人事。自問必死。制輓聯二。一曰。賸有餘
慙。名過實。差無遺憾。死如歸。一曰。讀聖賢書。曰懷
刑。曰守身。歷種種風波。此日髮膚還父母。爲衣食
計。也求田。也問舍。成區區基業。他年顏面任兒孫。
屬穀塋代書書目序。屬吾婦檢衣篋分培塿各數
種。兩兒以余衣爲衣。余病未免應酬。故授之。余年
十七。羨單紗衫。受人錢代作試文。蒙兩母泣誠。
知服之美惡。不關身之榮辱。漸解緼袍不恥之義。



年二十二客游攜一竹筥。冬夏兼儲。是冬嚴寒。外舅以裘衣。余謝卻之。後入胡公幕。止服高麗布袍。褂。高麗布絲爲經。木棉爲緯。簇簇有皺紋。如蠶殼然。今久不見矣。時幕風樸素。重裘尙少。卽衣表亦未嘗有紅青色也。己卯庚辰閒。或衣反裘馬褂。羣耳目之。己卯。胡公贈余灰鼠褂。辛巳。孫師贈余羊皮袍。余始得重裘。然皆盛服。非敢常服也。戊子。叨鄉薦。製山羊皮袍褂。爲公車之飾。其餘絛夾衣。無紅青褂。都門以元青爲素色。見大人先生。則假紅青褂於沈青齋。青齋亦無他製。良友易衣而出。至今感同袍雅誼。所見孝廉反裘。

者十不得一二。迨乙未則無不反裘者。宦途服飾之華亦始於戊子己丑至是益麗。吾鄉素號簡質二十年來亦俱絢爛。今則賓朋讌集冬皆反裘夏皆紗羅以羊皮山羊皮爲不足齒數葛不經見甚至婦人女子十有六七亦衣裘衣羽毛緞矣。

嘉慶元年丙辰六十七歲正月初一日右體略能動移。

初七日口授

培塿

作家書寄

繼坊

勉其力學自樹

立遇合有命慎毋躁進爲識者所鄙。初八初九日大風雨雪奇寒擁重絛不溫者三日。自十二月二十四日夜夢人邀余同行至曠野有宮殿金碧巍



我闔中屏闕東西二門。余朝珠補褂入。有頤而髯者亦朝珠補褂衣蟒袍先在東門語余曰何不衣蟒。余亦衣蟒從西門入。兩廡外大樹甚多有繫於樹者。至階階甚峻。一人下階持帨拭余面余不自知面目何等。視髯者則猙獰改觀而詣東階。余自西階上一紅緯帽青袍如吏人狀導余入中堂面南坐者鬚眉皆白紗帽銳兩翅上綴明珠無數光彩照人衣紅繡蟒吏贊余揖面南者出位答揖謂余曰積案煩君清理遂令僉坐西北隅與面南者同几吏奉冊設余前卽有數鬼卒引四向余跪余

依冊鞠問頃刻便了數事。每交睫復往案事故睡時多醒時少。凡十餘日。正案事閒。一婦捧帛向面南者跪。帛有朱書數行。稱告汪輝祖。余悚然起立。婦自言爲秀水虞氏。因許某調戲捐軀。余不爲抵。余一一剖辨。面南者顧余曰。君不差。婦又言。奪辨他人事。是私也。余又辨。面南者復曰。君不差。遂舉筆書數字還婦。婦稽顙去。凡所案事。開睫輒忘。獨此事醒猶了了。蓋辛巳年在秀水。辦許天若案也。殆余切己事。神故牖其衷以示戒歟。先是十月閒。史邨有念佛媼。夢余與數官人同坐。一少婦指名



告余、議余於婦人有枉。疑卽此事、不知何以遲至。正月方入余夢。又數日、案事畢、面南者起語余曰、君速歸、不再煩矣。送余出堂。余行至階、則風雨驟作、天墨色。欲再入、堂吏不可、促余下階。出門、外吏入、紅日當天。又一人伴余行數里、風波震蕩、帆檣錯雜。其人推余下舟、余卽醒、自此醒多睡少矣。蓋正月十四日也。案事時、旁止一吏、他無侍從。面南者體極尊貴、不置一詞、余亦未嘗刑鞫若人世秋。謝然。二月初一日、請西席於鞏垣。保延代筆作家書、又口授鞏垣書遺屬寄。維坊萬一不諱、本日斂。

三日舉喪不得虛文飾觀聽。他年祭掃婦女不得上冢。初五日足能伸縮右臂亦漸可舒展。當余病劇候病者多慮不起及是方來相慶也。然輾側眠起飲食淅溺抑搔皆非人不可。培、壕兩兒數月奉

事甚謹余習而安焉。因於公書中酌賞以犒其勞。

培兒

喜讀經考古給通志堂經解全部通典通志

通考各一部。

壕兒

喜雜覽給說郛一部令各自收

藏檢閱不入公書數內。屬穀塋錄附書目序後。聞

督學試甯波乃命

繼培

治舉業專責

繼壕

侍病。往

歲乙亥余館常州從駱炳文先生讀律。先生年七



十三子年纔十一、從余問學。余以先生得子晚、先生曰、此真吾兒也。吾年二十有室、使一二年閒得子、今已五十餘、人事牽涉、豈復能在吾膝下、吾卽病且死、亦無繫輕重。此兒尙不及二十、必戀我、哭必哀、故曰此真吾兒。余以先生言過激、今閱事久、乃知確有所見也。四月、繼坊之京師、壯者散而之四方矣。得繼坊書、知試後卽歸、甚慰。命繼壕編二十四史同姓名錄總目十卷、成分編一百六十卷。得姓名一萬四千五百有奇、同姓名者四萬三千有奇。存疑四卷、遼金元三史同名錄八卷。培壕兩

兒分纂逸姓同名錄一卷、字同名錄一卷、名字相同錄一卷。倩友人繕彙。後人如能付雕，卽以目存。公書酬之。是時扶杖能舉步，右足麻軟如故，右臂甚痛。醫師重用黃耆，令以薏苡爲小食。嚮寓長沙甯遠人來問疾，率以薏米相贈，積至二石餘。余以民情可念，捆載而歸，不常服。至是日服數次，益感甯遠人之待余厚也。來茂才渭濱磻言御史錢南園先生卒於位。余去湖南不四五年，而曩所知契之上官無一存者，良可慨也。長夏無事，培塿檢故篋，得舊作詩文雜彙，請余編定。余學殖荒落，詩文



無師法。詩自庚午至庚辰曾編紀年草六卷、刻獨吟草一卷。庚寅有題衫集三卷、辛卯至辛丑有辛草四卷、丙午有岫雲初稟二卷、辛巳至庚寅壬寅至乙巳俱零散失編。丁未至辛亥楚中雜詠亦未編定。壬子歸田更寥寥矣。詩餘則詒愁符詞草二卷、皆丙寅至己巳少作、不能協律、後不復爲綺語。文則龍莊四六稟二卷、皆代人應酬之作、自爲亦復無多。乙未以後始學爲散古文、未合作者法度。所專攻者八股文、而揣摩場屋不免勦襲雷同、所存者不過數十篇。策拾十卷、多拾前人唾餘、絕

少心得。選錄者有駢體鈔存八卷、詞律選鈔四卷、
二十一二歲手錄、皆免園冊耳。所錄正史總目、閒
有校訂、編史姓時爲之。其已刻者、史姓韻編諸書、
分錄歷年之後。余意文以載道、無關懲勸、偶然適
性陶情、贈答紀事、皆可不錄、無庸爲棗梨禍也。丁
丑、偕胡公辦理船差、作舟見錄一卷、自第一號沙
飛至小划船共七十餘種、詳記名目、制度可資考
訂。不知何人攫去、念之悵然。余舊僻處東鄉、足跡
不入城市、所知契者、惟族兄茂才克標、銓上舍佐
荆士澗、族子處士昌年、永祚、介甫、永祺、上舍星旋



辰今克標兄與昌年介甫星旋相繼歸道山佐荆
 兄亦衰老歲不過三四聚首而已。邑中鄭世兄貢
 生觀瞻王賓外素罕交游。自省試始交於體乾上
 公車先後交來江臯王穀塋今卜居城南過從漸
 夥。如蒙貢生雲白英孝友誠篤胸無城府何孝廉
 葭汀其葵工賦多才通達事理丁茂才昂若仲舉
 尺步繩趨精心勁氣徐中翰古梅國楠明通爽直
 議論端純湯解元敦山金釗斂才篤志內朗外凝
 皆盛年豪俊他時樹立未可限量病中垂問氣誼
 肫然惟恐其去。樂莫樂兮新相知其數君之謂乎。

讀邸鈔京師每小錢五文直制錢一文蓋於行使之閒寓禁止之權。浙省尙未通行官非不禁而民間小錢愈熾。每番銀一圓直制錢一千七八九十文市肆交易竟有作錢一千一百三四十至七八十者杭州尤甚。銀價因之日減蓋錢肆易錢價無一定。自驚眼以至制錢凡數等。雜小錢者曰時錢其稍淨者曰鄉貨錢。純制錢者曰典錢。以銀易錢相錢議價錢既參錯用者不便乃計所易之錢折受番銀故番銀之價昂於庫銀。余年四十歲以前尙無番銀之名有商人自閩粵攜回者號稱洋錢。



市中不甚行也。唯聘婚者取其飾觀酌用無多。價畧與市銀相等。今錢法不能畫一而使番銀之用廣於庫銀。小錢之利數倍制錢。不知其流安極。番銀又稱洋銀。名亦不一。曰雙柱。曰倭婆。曰三工。曰四工。曰小潔。曰小花。曰大戳。曰爛版。曰蘇版。價亦大有低昂。作偽滋起。甚至物所罕見。輒以洋名。陶之銅胎者爲洋蠶。髹之填金者爲洋漆。松之鍼小本矮者爲洋松。菊之瓣大色黑者爲洋菊。以及洋罽。洋錦。洋綺。洋布。洋銅。洋米之類。不可僂指。其價皆視直省土產較昂。毋亦鄭聲亂雅之弊歟。作昔

有詩二章示

培塿

兩兒

昔有兩閒屋，晨昕西夕照。長夏苦炎威，炊煙雜茶竈。

我依二母居，一經課後效。牀前書几陳，蚊蚋常繚繞。

計較卽今擴，新居高爽向南曜。雖殊廣廈觀，幸免

偪仄誚。是處可延伫，堂詔隨所到。誰云熱難避，廢

書日坐嘯。古賢容膝安，努力事讐校。昔有一束

書，無多手澤在。雖誦功易殫，文章溯流派。一瓚偶

借人，何處得津逮。勤勤剋期鈔，腕脫敢云憊。一隅

以三反，周行問向背。揣摩且精，倖邀葑菲采。卽

今萬牙籤，經史頗萃薈。餘力羅百家，編輯及細碎。

愛博情轉疏，讀多不求解。譬如寶山回，空手徒自

慨。古賢惜分陰，六月酷暑。余畏熱煩悶，家人言誤

青春可能再。

美堂靜涼可憩，余曰：此堂上奉先靈，藏書籍，下嵌

石刻，度書版。余有約，毋許子孫爲書塾，爲客寢，非

祭祀不得輕到，余何敢自開其端，貽後人口實。誤



亾友於體乾墓誌銘。倪孝廉南崗名皋求曾祖伯

與公家傳。謚二年。屬橐寄之。鳧亭先生去夏以全

浙詩話屬序。既病。再四敦迫。爲謨書後一篇。山陰

朱節婦贊。節婦孫甥繼英姑也。應其請爲之。桐鄉

施上舍憲祖乞節母詩。作五言古。屬鮑以文轉致。

填望海潮一闋。題丁昂若觀潮圖小照。皆口授。壕

兒代繕。文逋俱償。不復更事應酬矣。二十一日。繼

坊自京師還里。酌定。曾大父以來城鄉祭規。命

繼坊手錄。其序則令孫甥繼英代繕。寄壩坊京寓。

余少羸多病。生三歲始能行。年十五。行不二三。百

步腹輒下墜、足腫、筋凸於膚、骨見衣表。每飯不過一盂、不能食肉、日恃藥以生。兼丁家變、撲捉是懼、兩母愛護、如燭當風、惴惴恐不育。旁人皆以爲必難成立。旣娶婦、外舅嘗謂汪郎恐不及三十。惟鄭又亭師爲吾母慰解曰：「此子作事有恆、且知惜福、必能永年、無慮。」比游幕爲養、歲必病、或二三次、四五次不等。年三十、病大劇、幾無生理。是時家四壁立、膝下止一女、無可爲生、亦無可爲嗣。屬吾婦爲女擇人、童養事終。兩母天年、黃泉相見。吾母夢先人有畱垝坂之語、垂絕得甦、飯可二盂、精神



漸覺強固、終年不病、步履亦康、可行四五里。然九月至四月夜寢、兩膝尙不能舒也。至年四十六、十月閒寢、覺膝灣微汗、伸縮自然、從此日健、能耐勞。勤我汪氏始祖遷蕭以來、傳世二十、厯六百餘年、未有科第。余以膚學開先、衰齡入仕、獲免大戾、歸田數載、課子讀書、婚娶皆完、孫男林立、芋羹豆飯、夏葛冬裘、差免飢寒、不勞奔走。回念孤寒陳迹、過分多多。薄植粗材、所向如意、先人積慶、鍾於一身。去臘患風頗重、復得從容調治、迄於今茲、可不謂重微天幸歟。先是正月、恭逢

恩詔、飭府州縣衛舉孝廉方正。三月、邑人士具余名公
舉、兩學師海甯俞公漱園超、蘭谿諸葛公筠堂謬
核報縣尊、桐城方公春池于泗、兩顧敝廬、道款致
書、辭曰、日前屢枉旌旆、未克摠迎。小兒傳述面諭、
將以輝祖充薦舉之數、聞命惶恐、背汗交流。伏念
輝祖早歲曰孤、寄身賓幕、垂衰筮仕、終掛彈章。草
土餘生、幸延喘息、授徒自給、等於蒙師。此古人所
謂德不修而行不著於時、道不充而材不適於用
者、未知執事何所取之。且聖人有譽、必有所試。輝
祖受治未久、親炙未深、無寸長自見於左右、未知

執事何所信之。

熙朝盛典、斷不當以無可取錄、不足徵信之人濫膺
薦擯。況舉主重任也、與受舉者相爲終始。輝祖儻
不自揣、忝荷齒芬、將來不肖之身、設有瑕玷、則所
以負執事知人之明者甚鉅、自累累人辱莫大焉。
故菲材冒濫、輝祖分不敢居、在貢舉非人、執事義
宜自重。知己之言、感深肺腑、過情之譽、愧恍夢魂。
用敢倚枕口授命、小兒莊書、齎送臺端、敬辭台命。
已而縣尊具結核詳、府尊、邾縣高公枕山、三畏加
結看轉。至是督學儀徵阮芸臺先生元誤示兩



母雙節五言古詩。由本學師轉頒。詩中牽綴輝祖薦舉事云、

龍飛在丙辰、興廉復舉孝。我爲風化司、咨詢徧學校。旣無左雄試、恐致別居誚。安得盡如君、舉以答

明詔。恧然無似、卽具稟致謝、仍由學師轉呈。撫軍吉公批准縣詳、行藩司結報。六月二十八日、呈縣詳辭、呈曰、爲曠典不敢濫邀、乞賜詳銷事。伏查乾隆五十五年、輝祖於署道州任內、十月初六日、奉臬憲委赴桂陽縣檢驗何劉氏母子四命一案、關查鄰境、諳練仵作未到。十二月初五日、公出代驗、



江華楊古晚仔命案初七日在屍場失足跌傷左腿醫治不痊。至五十六年正月二十九日詳請解任調理。因失跌之前未赴桂陽檢驗。十月間附參革職。五十七年閏四月回籍。長男舉人繼坊援例就職直隸州州同。加級請封從五品職銜。近年足疾漸瘳。授徒自給。前邑中紳士謬採虛聲。具呈公舉。過蒙俯允。當卽辭謝。今聞郡憲又賜結薦。仰奉撫憲行司結報。譽起不虞。慙無可釋。伏念輝祖髫齡失怙。恃母以生。壯歲依人。傭書爲活。學無根柢。行乏方聞。居家則爲子。未能竊祿。則服官無狀。加

以曠聾瘖及衰病相尋。自賦閒居。惟課功於佔畢。比嬰末疾。難徵效於耆苓。榮鄉里以封銜。衣冠忝列。冀階梯於進用。才識慚虛。聞薦牘之聯翩。撫私衷而歉仄。欣逢

盛典。敢希褒異之名。伏處衡廬。自樂涵濡之化。用敢瀝誠上瀆。據悃叩辭。伏乞鑒詳。轉請銷案。庶名器不假羣材。欽相士之公。而獎勵有真。特詔收得人之效矣。

病榻夢痕錄卷下終

[General Information]

书名=儒藏 史部 儒林年谱 40

丛书名=

作者=吴洪泽，尹波，舒大刚主编

出版社=

出版日期=2007.04

形态项= 898

页数=898

原书定价= 35000.00 全套

读秀号=000007507311

SS号=12365607

ISBN= 978-7-5614-3656-1 / B222.9

分类号=0204030207&sw=81.901475E-3075B2D8+AB7B2BF+82.636783E-30851D642.638914E-307A

主题词=

参考文献格式=吴洪泽，尹波，舒大刚主编.儒藏 史部 儒林年谱 40.成都市：四川大学出版社,2007.04.

简介=